

LVIII-C-53

EZECHIELIS SPANHEMII

# DISSERTATIONES

DE

PRAESENTANTIA

ET USU

# NUMISMATUM ANTIQUORUM.

45

EDITIO SECUNDA,

Priori longe auctior, & variorum Numismatum  
iconibus illustrata.



AMSTELODAMI,

Apud DANIELEM ELSEVIRIUM

CLC LXXI.







EZECHIEL SPANHEMIUS SERENISSIMO ELECTORI PALATINO  
A CONSILIIS STATUS ET P.T. IN TRACTU INFERIORIS RHENI RESIDENS.

*Viva pollicitus sub imagine reddere pictor  
Quod prisca Veneris Roma, quod Athis habet:  
Promissam nec dextra fulcra miranda fefellit.  
Hic qui Sy-ahemium cernis, utramque vides.*

*Nicholas Alenxius Bux. del.*





COSMO III

ETRURIÆ

MAGNO DUCI

OPTIMO PRINCIPI

LITTERARUM PATRONO

EZECHIEL SPÄNHEMIUS.

**C**ogitanti mihi jam olim, quæ divinitus data sint, ad perpolienda interiorum litterarum studia, duo continuo occurrebant, quorum alterum voluntatis, alterum fortunæ videbatur. Primum equidem, ut peracri ingenio & studio flagranti homines, ad revocandam oblitteratam aut prope evanescentem, injuria temporum an posterorum incuria, antiquitatis memoriam, parem animi pro-pensionem ac diligentiam conferrent. Alterum, ut iidem in statores ac patronos optimarum artium incide-

a

cide-

## D E D I C A T I O.

ciderent, qui non modo Reipubl., sed doctrinarum in super ac litterarum procuratione feliciter suscepta, idoneis adminiculis instructos, in tanti boni possessionem mitterent. Etenim quum obviis non solum, sed abditis præterea è fontibus haurienda sit omnis illa sapientiæ veterum ubertas ac præstantia, nequidquam sane aderit egregia & incensa studio etiam incredibili voluntas, ni simul ad fontes ipsos, unde illæ manant, adeundi copia & facultas subsequatur. Adeo ut dum vel desunt frequenter litteris ingenia, aut ingeniis patroni, minus mirum videatur, cursum illum, quo ferri eadem studia videbantur, subinde retardatum; aut multa etiamnum superesse, unde ille aliquando incitari propius ad metam possit. Quamquam nec dissimulare liceat, quanta vel nostra memoria in omni disciplinarum genere accessio facta sit; sive eam reputemus, quæ salutî corporis ac integritati consulit; seu quæ structuram ejusdem ac artificium rimatur; aut quæ oculorum aciem, intentam illam nec caligantem, ad sidera convertit; aut quam non adeo Deæ Telluris, quam Veritatis canonem, & initiandi occultis quibusque mysteriis ducem ac magistram dixeris; aut denique quæ tota in perscrutandis penitus naturæ arcanis, earumque causis & rationibus versatur; dum ad sunt etiamnum, bono litterarum ac scientiarum facto, qui commoda præbeant, juvent opibus, exemplo.

## D E D I C A T I O.

plo excitent; qui nullum deesse vel præsidium vel ornamentum patiuntur. Quo in genere ornandarum artium, ea quæ ex variis artibus ac disciplinis collecta, vulgo uno eruditionis nomine appellatur; qua omnis antiquitatis memoria, omnis jucunditas studiorum ac elegantia continentur, vel præcipuam in se curam & cogitationem haud immerito convertit. Nam quum pœne infinita sit copia & varietas subsidiorum, ex quibus illa comprehensio tot rerum abstrusarum ac simul scitu dignissimarum paratur, quis non videt rem haud immensi solum laboris, ac inexhaustæ diligentia, sed singularis præterea felicitatis suscipere, qui hujus nominis mensuram implere prodignitate cogitat? Unde mihi quidem nulli satis eruditi videntur, quibus non jam nostra, juxta Tullium, sed antiqua illa ignota sunt; seu ea jam felix aliorum solertia detexerit; seu nondum è superiorum temporum caligine ac tenebris emerferint. Adeo ut qui artioribus finibus eruditionis nomen circumscribunt; qui illam tam amplam & late patentem doctrinæ ac elegantia veterum suppellectilem, velut in medio positam, ac jam totam è priscis rudibus ac monumentis erutam putant, nihil hic aliud quam suam inopiam ac inscitiam prodant. Longe cautius itaque ac sapienter meo judicio faciunt; qui in viam illam semel ingressi, quæ ad arcem doctrinæ ac eruditionis tendit, omnia quibus prodita in hoc gene-

# D E D I C A T I O.

re veterum industria, præsidia ac adjumenta studiose conquirunt; ac modo ad Lapidés & Saxa, sed ut viæ indices, non vero ut ad scopulos adhærescunt; modo vetusti Æris, Argenti, Auri defossas etiamnum opes, velut ad Metalla, sed quam cupide ac jucunde damnati, perscrutantur; modo jam congestos multorum annorum spatio ac sumptu, sed adhuc reconditos id genus Thesauros; ad illustrandas ornandasque litteras, large liberaliterque conferunt. In quo equidem proposito, arduo juxta & laudabili, ne continuo deficiant, facit omnino eximia & plane singularis eorum beneficentia, qui fovendis ingeniis & locupletandis bonis artibus nati, se viæ duces, etsi multis obstructæ difficultatibus præbent; ac non modo plausu eos & cohortatione excitant, sed insuper gratia, opibus, & patrocinio, ad optatam metam alacres & incolumes perducunt. Cujus vero gentis hæc laus potior, quam Tuæ, PRINCEPS OPTIME (patieris enim, ut eodem titulo Te compellem, quo maximum fortunatissimumque Cæsarem sua ac postera ætas, & ea, quam hoc opere celebramus, memoria coluit) quæ licet decoribus aliis ac ornamentis largiter sane adfluens, tamen hanc laudem, quæ à restitutis vel ornatis litteris petitur, ut peculium suum, ut lautissimum idemque maxime dilectum patrimonium, suo quodam jure sibi vindicat. Quis enim adeo in intima barbaria conse-

nuir,

# DEDICATIO.

nuit, ut nesciat hanc unam esse gentem MEDICEAM, quæ Majorum nostrorum memoria, profugas & e-gentes Musas, domum feliciter deduxit; neque ut ho-spites solum recto decoro non minus quam splendi-do, sed velut ab antiquo familiarès, in intimum contubernium & curarum levamentum continuo accepit, immo imperii in parte eaque non infima, neque vero id dementer aut improvide, collocavit. Errabant scilicet miseræ ac nudæ virgines, patriis la-ribus pulsæ ab inimica gente & barbara, multisque inde jactatæ littoribus, donec Italiam & in ea Etru-riam jussæ divinitus capeßere, ad Arni Tui ripam secundo cursu appellerent; ubi sedem fortunarum suarum, ubi tabernaculum vitæ constituerent; ubi tandem CUSTODES AC NUTRITORES DEOS nactæ, non lucem modo ac alimenta, sed decus in posterum & splendorem omnem recuperarent. Quod admirandum beneficium quoties animo re-puto, toties occurrit auctor divini hujus consilii, gentilis Tuus, immo astrum illud Tuæ gentis splen-didissimum, LAURENTIUS MEDICES, nullis tacendum sæculis, quod omnia sæcula immortali-bus meritis sibi devinxit, nomen. Cum quo viro vel Heroë (quid enim illi ad Heroïs fortunam aut virtutem defuit?) quem ex antiquis conferam, qui vel in Reipubl. procuratione omnes implevit nume-ros optimi regendæ civitatis ducis; aut in doctrina-

# DEDICATIO.

rum ac optimarum artium studiis , auctoritate ac patrocinio magis eluxerit , haud equidem reperio. Si enim Conditores & Conservatores urbium , aut Artium inventores ac patronos , ut dignos sempiterna hominum memoria , divinis honoribus colendos sibi antiquitas credidit ; quis illo Heroë , si utramque laudem spectes , immortalis gloria , & ÆTERNA sæculorum MEMORIA , sæpe hoc ære expressa , dignior ? Ut mittam patriam eo moderante constitutam sapienter , & temperatam præclaris legibus ac institutis ; aut pacatam ejus consiliis & auctoritate Italiam ; nonne ejus auspiciis deducta illa nova Græcorum Colonia , quæ Resurgentes in Italia Athenas condidit ? quæ propagatis mox trans Alpes finibus , humanitatem omnem studiorum & ingenii cultum , depulsis ignorantia ac inscitia tenebris , in Orbem quasi postliminio reduxit ? Quis alius proinde ( ut hoc mihi rursus ex hac prisca æris usura mutuari liceat ) non solum URBIS SUÆ , aut vero ITALIÆ , sed etiam Græciæ seu ACHAIÆ , meliori quam Hadrianus aut Maxentius titulo , RESTITUTOR vel CONSERVATOR audiet ? quis juxta Severum , sed quam Severo humanior ! FUNDATOR non PACIS duntaxat , sed artium ac disciplinarum , quibus Pacis commoda efflorescunt ? quis cum Pio , AMPLIATOR non modo CIVIUM , sed omnium passim liberalium ingeniorum ? quis deni-

# D E D I C A T I O.

denique, quod Honorio tribuit eadem memoria, TRIUMFATOR GENTIUM, seu rectius, mentium BARBARARUM dici meruit? Quando vel major aut jucundior illuxit, post longam tot sæculorum noctem, post sævas etiam tempestates, post illuviem ac sordes superiorum ætatum, FELICITAS & LÆTITIA TEMPORUM; BEATA TRANQUILLITAS; NOVUM SÆCULUM, immo GLORIA ET REPARATIO TEMPORUM? & quam justius ejus imaginem ornaret illa publici gaudii significatio, PRINCIPIS PROVIDENTISSIMI SAPIENTIA; aut unius nominis commutatione, GLORIA SÆCULI VIRTUS LAURENTII? Quamquam quis uberio-rem fructum divinæ illius beneficentiæ ac virtutis tulit, liberis ac gentilibus, vel summo rerum imperio potiris; vel ditionum amplitudine, opibus, potentia, adfinitatibus, honoribus, auctoritate, prudentiæ, summam inter homines gloriam & felicitatem consequutis? Quotam proinde partem laudis, quam & vivus obtinuit, & post funera à grata posteritate meruit, Etruscus ille Augusti familiaris vel adeptus est jam olim, vel commeruit? Sed contineo me in celebrandis ejus laudibus, quas præclara illa, quæ in gloriam temporum ac litterarum decus, fovit & aluit quondam ingenia, æternitati scriptorum suorum dudum consecrarunt. In ea solum conquiescam, quæ hujus loci quodammodo pro-



## D E D I C A T I O.

propria, & qua factum, ut eodem illo studio incensus, quo in restituendis litteris ac reparanda vetustatis memoria, flagrabat incredibili, suam in conquirendis per Orbem Terrarum antiquis Nummis, celebratam jam in hoc ipso opere, & adsertam luculenter à domesticis juxta ac peregrinis testibus, industriam ac liberalitatem convertit. Ille ille Princeps fuit, qui se vindicem neglectæ hujus aut ignotæ vetustatis tulit; qui se prisca illius *MONETÆ*, neque vero unius gentis aut memoriæ, ad instar maximorum quondam Cæsarum, *RESTITUTOREM* professus, inhiare reconditis opibus, præclarum, nec in vulgari laude positum censuit. Hinc ut optimorum & antiquissimorum codicum, sic Auri, Argenti, Æris veterum signati immensa vis & copia ab eo cupide collecta; & deinceps ejus exemplo excitati, vel auctoritate commoti, viri suarum quique civitatum vel nationum principes, aut elegantiae fama conspicui, qui geminam suppellectilem, prout tempora aut facultates ferebant, delectatione vel reverentia antiquitatis, aut ad decus & ornamenta suorum temporum, studiose compararent. Adeo ut ex qua olim provincia, ornamenta dignitatis & insignia summi honoris ac imperii, urbs gentium domina mutuata primum legitur; ex eadem rursus, monumenta prisca Romanorum splendoris & gloriæ, ab interitu ac oblivione tandem aliquando vindicata.



# D E D I C A T I O.

dicata reperias. Quum autem non adeo Tuorum popularium, quam propria sit & peculiaris hæc laus Tuæ gentis, & quasi per manus tradita à majoribus hæreditas, cuinam alii quam Tibi inscribi debuit hic liber, qui illius æris commendatione defungitur? Quamquam & alia sunt adhuc propiora, neque magis in rem præsentem, quæ me ad publicam hujus officii & gratæ mentis significationem, mira quadam consensione impellebant. Ac præ cæteris quidem possem memorare, natam mihi quodammodo primam ponendæ in hoc argumento opere fiduciam, ex quo versare licuit Gazam Tuam, omni hoc antiquæ supellectilis genere ad miraculum locupletem; dum ante annos aliquot agerem in illa verè florentissima ditionum Tuarum Metropoli. Quam uberem enim & copiosam notationum segetem mihi affatim supeditare videbantur, tot abstrusæ, quæ mihi tunc patebant, opes; tot incisæ à sæculis pœne innumerabilibus antiquitates ac memoriæ? Quanta me proinde voluptate perfusum putas? quum ad studium, quo flagrabam sane haud mediocri, cognoscendæ percipiendæque vetustatis, tantam mihi repente oblatam facultatem, tam insperatum gaudium, vix jam illius compos agnoscerem. Cujus rei equidem ac felicitatis meæ, vel abunde, ut arbitror, nostris hominibus, ac forte etiam posteris, fidem faciet hic liber, passim Gazæ illius Tuæ opibus locupletatus, neque aliunde

# D E D I C A T I O.

fane uberioribus aut præstantioribus præfidiis instructus; ut vel eo nomine, quocunque oculos circumferrem, haud alii quam Tibi deberetur. Quid jam referam non proprias modo hujus libri, aut argumenti, in quo versatur, sed alias insuper, easque graves variasque rationes meas; quarum mihi esse non potest nonnisi perjucunda & perhonorifica recordatio? Neque enim ita sum omni ambitione vacuus, ut non mirifice recreer memoria illius temporis, quo me in Domus Tuæ clientelam, præter communem mihi cum Musarum alumniis & cultoribus sortem, summa Parentis Tui (quod nomen omnes honorum titulos complectitur,) summa Patruī, summa etiam Tua benignitas coram non semel contestata tradidit. Ac Parentis quidem Tui nuper admodum è numero hominum exempti, sapientiam incredibilem; justitiam summam; divinam rerum ac personarum memoriam; prudentiam, quanta in Rectorem cadere potest, mira insuper urbanitate, facilitate, humanitate conditam; omnium denique, quibus Reipub. utilitas ac felicitas paratur augeturque, providam & peritam mentem, gratulabatur sibi nuper juxta Italiani reliquam, immo juxta Europam universam Etruriæ. Cujus proinde interitu, acerbo sibi & luctuoso, angeretur mirum in modum, neque lugendi finem reperiret; ni omnem illam molestiam jucundus Tui adspectus continuo abstergeret; ni moderandi ac regendi

# DEDICATIO.

gendi sui traditas Tibi habenas, ac ideo eadem bona, quorum possessione beata nuper & felix audiebat, facta sibi testaque intelligeret. Singularis enim hæc Tuæ familiæ ac simul populorum Tuorum felicitas, ut in sublatorum è vivis Heroum locum ac fortunam, Heroës filii ac nepotes continuo succederent; atque ita in sinum Tuum & complexum, orba Parente publico Respubl. opportune confugeret; omnes curas doloresque in Tui incolumitate deponeret; ac

**FORTUNAM OBSEQUENTEM**, nova gaudia, non divinatione, ceu ex veteri haruspicum suorum disciplin, aut futuri præsentiens, sed velut jam eorum conscia & compos sibi polliceretur. Quæ enim alia à Te poterat expectare, aut præsidia salutis, aut ornamenta dignitatis; quem à prima ætate tantam ad res optimas propensionem voluntatis adferentem; ita saluberrimis, neque iis pervulgatis regnandi artibus imbutum; ita omnibus doctrinis ac disciplinis excultum, quæ regendæ Reipubl. scientissimos decent, aut efficiunt; ita mirifica quadam virtutis indole, ab ineptiis omnibus, aut illecebris, quibus illa vel ætas, vel fortuna capitur, alienum, omnesque adeo voluptatum aditus sibi studiose intercludentem; ita denique per Majorum suorum vestigia, non citato solum gressu, sed expedito cursu decurrentem, ut sane quocunque Te converteres, haud alius Princeps juventutis, fortunæ juxta ac animi bonis paratior

## D E D I C A T I O.

inveniretur. Memini equidem, quum primum ex-orientis illius Tuæ lucis fama ac splendore inductus, Tui conspectu & colloctione cupidissime fruerer; tam lætam ac efflorescentem laudum segetem; tot ornamenta virtutis & gloriæ, populis primum ac ditionibus Tuis, dein bonis artibus ac earum cultoribus continuo gratulatum; & hujus etiam mei vel gaudii, vel judicii conscios ac testes, clarissimos & amplissimos viros habuisse, ad quos illius sensus propius quodammodo pertingebat. Dicam ingenue, neque ad Tuarum voluptatem aurium, quæ hoc acroama refugiunt: neque ad æmulationem exempli; quam dispar enim semper aut inferior remanebit! sed dicam ad gloriam hujus ætatis sempiternam. Mirabar scilicet tam excellentis naturæ præstantiam, quæ inter tot delectationum aucupia, & fortunæ splendidissimæ indulgentissimæque, undique Te quiescentem etiam ac dormientem ambientis amplexus, Te ad vigilias & sudores revocabat; ad verum decus; ad omnes illas curas & cogitationes, in quibus demum magnus, immo major fortuna sua animus acquiescit. Nihil molle proinde ac muliebre in cultu; nihil in moribus diffuens; nihil in laboribus remissum; in contentione otiosum; in otio languidum: omnia graviter; verecunde; industrie; attente; fortiter: sicut partim accipiebam à viris gravissimis, pueritiæ Tuæ paullo ante moderatoribus; par-

tim

# D E D I C A T I O.

tim ipse coram intuebar. Dicam quod majus est;  
 juvat enim meminisse: non jam stupebam vulgata  
 quondam, sed annosis fabulis, utinam historiis &  
 annalibus nostrorum temporum, obturatas scilicet  
 aures ad Sirenium cantus; oculos ad Circes haud unius  
 præstigias clausos; animum ad questus amantis, aut  
 si quid adhuc dulcius, inconcussus: aut alioquin  
 pectus ad vitium ætatis, mollitiem cœli, insidias  
 Aularum, licentiam denique Floralium inaccessum:  
 Non hæc, inquam, stupebam amplius; quamquam  
 non protrita certe, non in alia horridioris etiam cœ-  
 li, aut cujuscunque tandem ordinis juventute facile  
 hodie conspicua. Verum enim vero stupebam totus,  
 quum viderem rursus idem pectus (illis enim inter-  
 eram **HILARITATIBUS** Tuorum **TEMPORUM**) concessis etiam cœlitus gaudiis; optata, sed  
 quæ vota superaret, felicitate; influentibus in sinum  
 quovis auro pretiosioribus bonis; quæ alias & tempe-  
 rantes commovent, & fortes emolliunt, & curren-  
 tes remorantur; sic tamen incalescens, sic adfectum,  
 sic iis indulgens, ut nihil simul de gravitate propo-  
 siti, de cursu laudis, de contentione laboris; de amore,  
 consuetudine, patrocínio veterum & avitarum ne-  
 cessitudinum, castissimarum scilicet virginum, re-  
 mittendum sibi aut detrahendum putaret. O **FI-**  
**DEM** & **CONSTANTIAM**, ita jam tum repu-  
 tabam, non **AUGUSTAM** solum, sed invictam!

# D E D I C A T I O.

Ô SAPIENTIAM PRINCIPIS, hodie pro-  
 pemodum exclamem, plusquam Medicam! immo  
 Ô TEMPORA, sed quam FELICIA! Ô Mo-  
 res, sed quam laudabiles! quam vere digni prædica-  
 tione omnium gentium & linguarum! Et hæc ta-  
 men, etsi tam præclara ac inusitata, laterent adhuc  
 forte intra Apennini Tui ambitum, aut eos demum  
 adficerent, qui ejusdem mecum felicitatis compotes  
 evassent: quamquam quid de ORIENTE vel  
 AUGUSTO, vel certe Augustis proximo, & in  
 hoc altissimo gradu posito, non ubique gentium dif-  
 fusum, non expositum oculis longe etiam dissi-  
 torum? At postquam Te nuper ad perlustrandas re-  
 giones externas, heroïcus quidam animi motus impu-  
 lit; postquam instar clarissimorum Cæsarum, quam  
 sæpe memorant hæc monumenta, PROFECTIO-  
 NEM trans Alpium juga, & ad disjunctas multis  
 marium ac terrarum spatiis gentes, cupide simul ac  
 animose suscepisti; cui non nota jam & explorata illa  
 Tua, immo Etruriæ Tuæ bona, illum divinum ani-  
 mum Tuum reddidisti? Quid vero tam præter con-  
 suetudinem nostrorum aut superiorum etiam tem-  
 porum? quid tam inusitatum in Tui ordinis ac na-  
 tionis Principe? quam tantos cursus conficere; tot  
 adire pericula; quam testes advocare omnes oras  
 atque omnes externas, cultiores certe ac humaniores  
 gentes, maria omnia, Tuæ illius aviditatis immen-  
 sa,

# DEDICATIO.

ſæ, Tuæ celebrandæ omnium ſæculorum memoriâ,  
 voluntatis ac indiſtriæ. Excivir enim Te novo &  
 ſingulari exemplo, non alterius cœli clementia; ubi  
 enim major cœli temperies, quam in Tua Italia? non  
 alibi ſpectanda locorum amœnitas & elegantia; quæ-  
 nam enim cum Floræ Tuæ venuſtate ac ſplendore, aut  
 cum villarum Tuarum magnificentia conferenda?  
 non omnium rerum, quas vitæ cultus paratuſque  
 flagitat, ubertas; quid enim in ea re eximium, quid  
 appetendum delicatiſſimi etiam ſaſtidii hominibus,  
 quod iſta Tua Regia affatim & large non ſuppedita-  
 ret? non quietis deſiderium; ubi enim locus quietis  
 & tranquillitatis plenior eo, in cujus ſinu & gremio  
 adoleviſti? non ut in majori quadam hominum aut  
 locorum celebritate verſareris; ubi enim major ac il-  
 luſtrior, quam in Italiæ Tuæ luce, quam in illa fre-  
 quentia popularium Tuorum ac advenarum floren-  
 ti, occurrebat? non ut Te externis moribus obline-  
 res; quid enim jam Tuis cultius aut emendatius?  
 non ſcientiæ denique, ex qua regendæ Reipubl. peri-  
 tia paratur, adipiſcendæ cupiditas; ubi enim uberior,  
 quam in Tuos Penates, quam in Majorum Tuorum  
 Imagines, quam in Parentis Tui vitam & facta in-  
 tuenti, copia illius & uſura ſuppeteſſet? Una Te ex-  
 civit, COSME SAPIENTISSIME, (neſcio  
 enim quam lubentius in Tè cognomina virtutis ac  
 indiſtriæ, quam fortunæ ac potentiæ venerer,) di-  
 vini



# D E D I C A T I O.

vini consilii vis quædam incredibilis; ut non adeo  
 per gentes exteras novus hospes, quam per animos  
 hominum scrutator intimus peragres; ut ad Rem-  
 publ. capeffendam, non scientiam magis domi par-  
 tam, aut alienis præceptis in otio ac umbra discipli-  
 næ imbutam mentem, quam usum per Te foris  
 quæsitum, immo Tuis maximis periculis ac labori-  
 bus collectum conferres; ut non adeo per pressa Ma-  
 jorum Tuorum vestigia, obvio jam & facili, ut re-  
 baris, gressu procederes, quam ipse novam viam &  
 laudis & honoris & virtutis, quæ Tua esset tota &  
 propria, in cujus societatem nemo se offerret, conten-  
 to illo studio & cursu conficeres. Dicamne adeo, ut  
 non tam externos ritus, cærimonias, ac consuetudi-  
 nes locorum (quamquam neque hoc supervaca-  
 neum) curiose circumspiceres; quam ut de inclina-  
 tionibus rerum ac imperiorum; de vario cultu habi-  
 tuque ingeniorum; de finibus utilis ac honesti, quos  
 sibi præscribunt populi multiplices variosque, &  
 universo genere virtutum ac officiorum, unde pen-  
 det omnis bene beateque vivendi disciplina, scienter  
 judicares; ut proinde non Tuorum solum familia-  
 rium, aut cæteroquin qui in Tua fide acquiescunt,  
 sed indiscriminatim omnium ætatum, ordinum, na-  
 tionumque mentes sensumque pertractares. Ita ni-  
 hil in procuratione civitatis egregium; nihil consi-  
 lio & sapientia excellens; nihil præclarum in arte,  
aut



# D E D I C A T I O.

aut scientiæ & virtutis opinione eximium, aut elegantia conspicuum; nihil in investigandis rerum caussis & rationibus occultum, quo non oculos illos Tuos vere lynceos oblectare; non animum insatiabilem pascere; non percontando, indagando, perscrutando, intime & enucleate nosse volueris. Et hæc quidem tanti videbantur, ut Te à Tuis penatibus, focus, caritatibus, suavitatibus omnibus distraheres; ut non jam Apennini Tui pruinas ac nives perferre, sed altissimorum montium juga æterno gelu obsessa, aut nivibus impervia superare; adire modo ad asperas & incultas terras, inhospitales oras; algere; æstuarere; turbines ac tempestates, quasi obsecundare Tux laudi & gloriæ cogerentur, subire; Oceanum, quo nihil longius, nihil ultra, nihil magis clausum populares olim Tui noverant, prope ut angustum, certe ut pervium Tibi ac apertum navigare; omnes denique molestias longæ ac difficilis peregrinationis suscipere, ludus Tibi & jucunditas fuerit. Quæ in re utique Hadriani, doctissimi providentissimique Principis, videris mihi haud valde dissimilis; cujus cum in omnium artium ac minutissimarum etiam rerum cognitione exquisitam quandam sedulitatem ac industriam prædicant historiæ; tum studium in peragrando Orbe Terrarum, quo omnes retro Principes vicit, abunde etiamnum contestantur tot regionum, quas adiit,

# D E D I C A T I O.

ADVENTUS, huic memoriæ opportune consignati. Neque de Tuis sane ulla ætas aut memoria conticescet. Manent fixa ubique eorum vestigia; neque adeo ære, columnis, tabulis, aliisque publicis & magnificis operibus, quam monumentis litterarum sempiternis, posteritati propagata. Neque Tu proinde expectas, aut ego tantum mihi adsumo, ut tanquam unus præ cæteris delectus LÆTITIÆ PUBLICÆ tot populorum interpres, plausus hic & acclamationes referam, quibus Te tantum ac tam insperatum hospitem; tot Heroum (nec vana fides) progeniem & expressam simul imaginem; spem ac lumen Italiæ, immo amplissimarum PROVINCIARUM SALUTEM, subsidium, columnen; tot adfluentem fortunæ bonis; tot cumulatam animi dotibus excepit studiis forte & consiliis divisa, sed Tui amore & cultu, & referendæ gratiæ cupiditate conjunctissima Europa. Non dicam proinde, quod jam Fastis ac Annalibus omnium pœne gentium traditum; qua frequentia hominum; quo concursu omnium ordinum; qua festivitate locorum; quo apparatu (ubi scilicet vetare Tibi non licuit) Magistratuum; quo maximorum etiam Regum splendore, Tuum ADVENTUM eundemque FELICISSIMUM, Transalpinæ nationes certatim sibi celebrandum duxerint. Reputarem forte lubentius eruditorum ac præstantium passim ingeniorum ora atque

# DEDICATIO.

que oculos in Te conversos, immo inusitata gaudia & admirationem summam; dum missis aliis, quæ Te circumfluunt decoribus, clarissimum in Te MEDICÆ gentis sidus, Musarum proinde delicias ac præsidium, PATRIUM ac propitium litterarum DEUM; cumque modo in Academiæ spatiis, modo in circulis suis & umbraculis, Muscis, Bibliothecis, in colloquiis & congressibus litterariis, præsentem ubique & manifestum, alacritate ac pietate pari intuebantur. Videbas concurrentes undique, aut quasi duci suo ac imperatori obviam procedentes laureatos milites, qui currum Tuum faustis ominibus, & vocibus, non contumeliosis illis aut indicibus militaris licentiæ, sed plenius gaudii & amoris, sed totidem Tuæ laudis & gloriæ, Tui illius cursus ac itineris præconibus, incredibili studio & contentione prosequerentur. Immo egressas vidisti passim delubris suis mansuetiores Deas, non tam ut clientes patronum debito pridem cultu, quam ut familiares jucundis aliquando officiis necessarium suum complecterentur; neque eas adeo commotas ad Tui conspectum, antiquæ necessitudinis & grati animi fidei memoria, quam spe & expectatione erectas, amplioribus per Te commodis, in summa tranquillitate & otio perfruendi. Ita Te tot maximis gratulationibus, nec minoribus periculis perfunctum; tot spo-

## D E D I C A T I O.

liis onustum, non quidem devictarum gentium,  
 quod commune Tibi cum Alexandris & Pompeiis  
 cognomen adfereret, at vero scientiæ rerum no-  
 bilissimarum; patientiæ laborum invictæ; constan-  
 tiæ; veræ fortitudinis; quæ non jam MAGNOS,  
 sed MAXIMOS præstant: non opibus etiam aut  
 potentia, quæ bonajam in Te superfluebant, glo-  
 ria tamen & celebritate auctum, REDUCEM excep-  
 pit patria, cujus mox salutis & incolumitati provi-  
 deres; cujus imminentem orbitatem Tui conspe-  
 ctus, Tua TUTELA solaretur; in cujus decus &  
 splendorem conferres lumen illud animi, virtutis,  
 consilii que; adeo insignem regendæ Reipubl. par-  
 tam domi & foris auctam, ac jam tantis tamque or-  
 natis politioris Orbis judiciis testatam comproba-  
 tamque facultatem. Cujus equidem felicitatis co-  
 gitatione non possum non vehementer adfeci,  
 quam Tibi undique potentissimi Reges Cæsaresque,  
 quos proxima necessitudine adtingis, congratu-  
 lantur; qua Provinciæ Tuæ se efferunt & exultant,  
 ac illa in primis fortunatissima pulcherrimaque Tua-  
 rum Provinciarum Metropolis. Delectat enim me  
 incredibiliter REDUX, seu verius constans & MA-  
 NENS urbis illius FORTUNA, in qua bono ac sin-  
 gulari meo fato, sedem mihi aliquamdiu locare li-  
 cuit; & quam non ut eloquentiæ solum in Italia  
 principem, procreatricem, ac populari gloria du-  
 dum

## D E D I C A T I O.

dum inclytam; sed vel maxime ut domum humanitatis; urbanitatis sedem; Museum Italiæ; officinam prudentiæ; exemplar bene moratæ & bene constitutæ civitatîs; ut Florem denique omnis venustatis ac elegantîæ, & absens suspiciebam pridem, & coram facile intellexi. Tangit me tot excellentium ingeniorum, quibus eadem abundare consuevit, tot clarissimorum civium, qui eam jugiter illustrent, perennis quædam ac jucunda recordatio; in quorum ego consuetudine plena officii, elegantîæ, suavitatum, vel præcipuum peragratæ nuper Italiæ fructum collocare semper soleo. Sed adficit me vel inprimis ac recreat Patruî Tui, LEOPOLDI Cardinalis; intuitus; Tibi, sat scio, non minus cognatione sanguinis, quam consiliorum societate ac fide conjuncti. Quanta enim sunt, (quæ nec aliena ducis à Tua laude) quæ illum circumdant ornamenta gloriæ? quanta sapientiæ, gravitatis, temperantiæ, prudentiæ, decorum denique omnium, quæ tantæ amplitudini conveniunt, immo quam pæne incredibilis ubertas ac adfluentia? Quis in tanto splendore generis ac fortunæ, vel graviora onera rerum publicarum leviori pondere sustinet? vel qualecunque otium honestioribus oblectamentis transigit? vel dignitati & gloriæ, tracto ab omni alia cogitatione animo, liberalius ac fidelius servit? Quis in eo potissimum, quod mirabili qua-

# D E D I C A T I O.

dam contentione suscepit, litterarum patrociniò,  
ac Medicea de interioribus doctrinarum studiis &  
laboriosis doctorum hominum vigiliis bene me-  
rendi consuetudine, majorem vel diligentiam, vel  
auctoritatem, vel beneficentiam præstat? Cujus  
etiam & perpetuæ quidem voluntatis obsides toti-  
dem, nemo, ut opinor, infitiabitur, ejusdem au-  
spiciis in lucem è tenebris, è situ certe ac tincis edu-  
cta, præclara veterum aut recentium ingeniorum  
monumenta. Quo in numero vel primas tenent  
ea, quorum divulgata nuper notitia, industrio ac  
felici calamo familiaris Tui, Laurentii Magalottii,  
præter summam elegantiam, ornati plurimis & ex-  
quisitis artibus, non modo præclara & ignota an-  
tea naturæ arcana; nova & pulcherrima inventa; sed  
viam etiam non contritam & materiam uberem, ad  
occultissimarum rerum cognitionem perveniendi;  
studiosis hominibus patefecit. Adeo hoc unum  
superesse videbatur contestandæ inusitatæ popula-  
rium Tuorum industriæ, ut unde adscenderant  
nostra ætate novi perscrutatores orbium cœle-  
stium, qui velut jam SIDERIBUS RECEPTI, mo-  
tus eorundem & naturam propius indagarent, nu-  
merum inirent accuratius; neque jam ficto specta-  
culo (quamquam & in hac Nummorum memoria  
obvio) unum aliquod Julium sidus, sed plures Stel-  
las MEDICEAS, nube, quæ illas per tot sæcula ob-  
te-

# DEDICATIO.

texerat, discussa, toti Orbi manifesto conspiciendas darent; ex ea, inquam, urbe prodirent hodie, qui elementorum ac rerum infra illos cœli vertex & globos defixarum vim, adfectiones & mutationes varias ac mirabiles, sublata, qua involutæ fuerant hæctenus, caligine, Etrusci illius GENII & AUSPICIS ductu, in aperta ac manifesta luce collocarent. Quam incitatum præterea ejus & flagrans, quod hic sine piaculo præterire non licet, in vetustatis reliquiis colligendis ac reparandis studium? quanta in priscis Marmoribus, Signis, Statuis; quanta potissimum in antiquis Numismatibus congerendis, quibus jam Gazam instruxit pari copia ac delectu nobilem, cupiditas ac solertia! Immo quam liberalis eorundem custodia! quanta in iisdem non delectationis solum causa, aut ad Musei ornamentum & admirationem antiquitatis, in quo tamen acquiescit multorum & maxime beatorum hominum industria, sed ad quæstum Musarum uberimum, seu ad usum & elegantiam studiorum conferendis, alacritas & beneficentia? Quid enim, ne aliunde arcessam ejus rei probationem, ab eo prætermisum, quo transmissis veterum, eorumque haud vulgarium Nummorum ectypis, ornatior hic liber in hominum manus denuo perveniret? aut cæteroquin, quod humanitatis ac benevolentiae genus (dicam verecunde, quia ad laudem meam facit insigni-



# D E D I C A T I O.

signiter) derelictum; immo non ultro & frequen-  
 ter, non blande simul occupatum, quo me aut or-  
 naret præsentem, aut absenti qua litteris, qua litte-  
 rariis etiam muneribus, summam studii ac beneficia  
 voluntatis propensionem declararet? Vel quam fa-  
 miliaris illa, neque hic reticenda salutatio, qua me  
 nuper ex Urbe Æterna, per Ludovicum Strozam,  
 omni laude abunde cumulatam, quæ vel virum in-  
 genio, judicio, ac rerum usu cum paucis præstan-  
 tem, vel cæteroquin res maximi Regis in Aula Tua  
 procurantem decent, mihi autem perenni quadam  
 officiorum necessitudine conjunctum, impertiri  
 voluit; ac simul certiolem reddi, sc in ea Urbis ha-  
 bitatione, non dimissurum è manibus oblatam  
 continuo facultatem, Museum suum nova selectis-  
 simorum Numismatum accessione subinde locu-  
 pletandi. O non jam Gazam, sed mentem auream!  
 O splendorem etiam insolitum! quippe non jam  
 quæsitum vel haustum è concha Tyria, aut Tiaris  
 (etsi utrumque hæc penus quoque suppeditat) gen-  
 tilibus, aut aliis etiam conspicuis, quæ illum unde-  
 quaque ambiunt, & laudis & honoris insignibus,  
 sed ex Gazis immensis, immò ex luce omnium retro  
 gentium ac ætatum. Adeo ut vel hoc uno auspice  
 ac auctore, non metuendum amplius videatur, ut  
 ea studia, quæ morbum alii ac insaniam vocant,  
 quam vere ac sapienter ipsi viderint; ille vero tum  
præ-



# DEDICATIO.

præsidium litterarum, tum remissionem animi omnium honestissimam ac liberalissimam statuit, debita laude ac sperato fructu deinceps careant. Quis enim audeat impune sugillare, aut refarcientem sollicitè tam pretiosas haud unius naufragii, quo tot antiquitatis Thesauri perierunt, Tabulas, non jam VICTRICIBUS sed victis quasi FATIS ereptas; aut colligentem cupide hæc sola RELIQUA VETERA, tot incendiis, ruinis, casibus nondum ABOLITA; aut consulentem diligenter, non jam Etruscæ seu popularis quondam disciplinæ, futuri scilicet divinatricis, Oracula; sed artem seu MEMORIAM verius præteriti temporis LUCIFERAM; sed APOLLINEM MONETALEM; sed FIDEM antea actarum rerum MAXIMAM; FELICEM denique ac PERPETUAM RESTITUTÆ vetustatis, ceu tot personarum, tot actorum, tot operum CUSTODEM, REPARATIONEM, SALUTEM. Ita quocunque me vel animo vel cogitatione convertō, non suadent modo singula, sed compellunt, ut non alteri, quam MEDICÆ genti dicaretur hic liber, illeque in Tuo nomine, MAGNO, seu verius MAXIMO ejusdem gentis simul & imperii STATORE apparet; quo incolumi liberalibus disciplinis, antiquitatis studiis, honestis artibus perfugium, asylum, domicilium; immo splendorem, decus, æternitatem, non spondere jam sed gratulari licet. Ita vigeas

# DEDICATIO.

ac floreas, PRINCEPS OPTIME, jucunda Nepotum Tui similia, hoc est, qui per Tuum illum cursum consilii gloriæque gradiantur (quid autem vel ad fortunam majus, vel ad naturam melius, vel ad utramque optatius precari iisdem licet!) multitudine circumfusus; & quæ in auspicatissimis hisce principatus Tui exordiis, miro omnium ordinum consensu, SUSCEPTA sunt VOTA, ea DECENNALIBUS, seu quod passim prisco ære haud minus signatum nosti, VICENNALIBUS AC TRICENNALIBUS MULTIPLICATA grata SOLVAT posteritas. Pr. Id. Decemb. cIo Io CLXX.



# LECTORI.

**Q**UUM Roma essem ante sexennium, natus ac editus simul in ea luce primus partus hujus libri. Vix domum ex Italia reducem rogavit continuo, qui tum apud nos agebat, typographus, ut eundem hic loci quoque divulgandi copia sibi fieret. Neque enim delatum in has oras quidquid hujus factus in Urbe Aeterna prodierat; cujus videndi desiderio multi tamen è nostratibus aliisque transalpinis hominibus tenerentur, quibus vellet hac in parte satisfactum. Annui facile, ut eadem opera meliorem illum, saltem auctum novis incrementis darem. Id enim à me efflagitare videbantur, partim judicia doctorum hominum, quae jam publice exstabant de eo quamquam immaturo partu, ornata illa valde ac benevola; partim privati amicorum hortatus, ut quod in me jam ante receperam, dependerem; partim studium vel ita juvandi bonarum artium disciplinas incredibile. Ita factum, ut vix elapsis aliquot à reditu meo mensibus, jam pars operis haud contemnenda typis describeretur; ut sperarem brevi integrum, qualecunque illud erat, in novam lucem emittendum. Sed aliter res cecidit. Dum enim ea tempora repente apud nos exorta, quae me totum aliis curis distraherent, typographus vero de sedis mutatione ac alio vita genere instituendo cogitat, jacuit liber aliquamdiu, donec occasione itineris herili mandato ad Bredanos de Pace Conventus, & inde in Bataviam ante triennium, & quod excurrit suscepti, Elscvirius noster eum elegantibus suis formis totum denuo transcribendi provinciam opportune in se reciperet. Sed neque ita omnis hac res tam cito, ut ego equidem speraveram, ac spem simul aliis feceram; confecta; dum aut rursus alia mihi suscipienda itinera; aut domum reditionem excepit longi & molesti morbi pertinacia; aut libri ipsius ratio, vel propter calaturam nummorum eidem inferendorum aliasque difficultates, cursum operarum & simul expectationem meam in longum protraheret. Qua ideo praefanda hoc loco censui, ut omnibus ratio con-

P R Æ F A T I O.

staret longioris mora, & facerem iis satis, qui aut editionem urgebant quotidianis ferme convitiis; aut fidem datam subinde interpellabant; aut omne illud tempus aliis curis transactum, in ejusmodi opere limando politius, male consumptum possent arbitrari. Ita enim hodie vivitur. Ubi ultro ac sponte tuam ad aliquam materiam illustrandam locasti industriam, continuo quasi ad condictum vocaris, neque ullum comperendinatum indulgent morosi creditores, quin velut nexum sibi & vadatum sissi è vestigio jubeant. Adeo quidem, ut per eos non liceat tibi amplius, non dicam otari, sed aut alia agere haud paullo graviora, certe, quæ tui muneris cursus & ratio postulat; aut etiam valetudini tuæ consulere; aut vero lucubrationes tuas, non dicam in decimum, sed ne quidem in unum aut alterum annum perpolire. Aliter quidem illi veteres, qui sibi aliisque gnavi ac industrii homines videbantur, præclare utique de suis ac posterorum temporibus meriti, si per plures Olympiadas gestarent ejusmodi factus, quos intra decimum diem miræ hujus sæculi fecunditas parturiret. Sed nolo hic tecum ex postulare, mi LECTOR, cujus gratiam mihi haud uno nomine ambiendam novi. Quid saltem boni ex ea mora, huic secunde futuræ interposita, contigerit, disces. Factum scilicet opportune, ut dum medio illo tempore, bina in Galliam obita legationes facultatem mihi largiuntur videndi quidquid in eo genere eximium ac selectum recondit in splendidißima illa Galliæ metropoli vere regia & admirabilis maximi Regis GAZA, aut aliorum etiam Musea, quorum nomina plena dignitatis ac industriæ alibi enarramus, haud levis vel parvissima accessio huic operi contigerit. Ut nihil dicam de subministratis subinde ex Italia à viris summa amplitudinis nec minoris humanitatis aut elegantia veterum Nummorum eclypsis, quæ ornarent hunc librum, ego ea vicissim mea explanatione illustrarem. Non deprædicabo hic singulorum beneficentiam, suis locis à me haud obscure quidem vel parce celebratam, sed tamen longe infra tam propensam ac perpetuam in me aut in hæc studia voluntatem. Adeo ut hanc moram, quæ alioquin ingrata mihi

# PRÆFATIO.

hi ac forte itidem tibi contigerat, non sine sanore, aut etiam antocismo compensatam scias. Neque tamen hoc agam operose, ut vel industriam meam tibi gloriose predicem; vel de instituto hujus libri multis te pramuniam, quod vel ex proximi brevii intuitu constare tibi poterit; vel ea etiam sollicitè diluam, qua mihi aut gratiam tuam, aut patrocinium forte possent obstruere. Equidem non vereor, quicunque tandem aliter sentiant, ne has antiquitates nimis magnificè extulisse videar, haud dissimilis illorum mundanorum circumforaneorum, qui expellendis morbis omnibus unum pharmacum venditant; aut cateroquin non infrequentium id genus hominum, qui dum artem aliquam sibi ornandam suscipiunt, hoc unum agunt, ut eam non solum omnibus aliis anteponant, sed ex eâ ceteras omnes, etiam alienissimas profluere, multâ contentione ac studio adfirment. Ut jam inproscenium non adducam sacros illos oratores, quos, (lepida quippe capita,) ego actu non semel risimus; qui Divi alicujus ceu Herois laudationem adgressi, reliquos omnes suo loco ac gradu motos, velut vilem turbam, in ordinem cogunt. Nè ego hujus culpæ adfinis deprehenderer, videbar mihi bellè toto hoc opere cavisse; immo quam sejuncta hic ab iis, quos modò enumeravi, omnis mea ratio fuerit, statim sub initium libri, plenè satis ac dilucidè declarasse. Neque verò illos moror, qui cum sua tantum circumspiciant; in iis se jactent, quæ se scire aut docere profitentur, alia omnia, quæ ignorant, nullâ contentione animi, nulla saltem valde laboriosâ animadversione digna arbitrantur. Fruantur sane illi suis delitiis, suis amoribus; neque nos habebunt repugnantes, aut vero insitiantes valde præclara esse & laudabilia, in quibus eorum se exercet industria. Sapiant etiam soli, si velint, modò nos sinant insanire cum viris hujus aut superioris memoria longè clarissimis & gravissimis; neque nostra nobis otia, nostra oblectamenta ad unum nutum suum & arbitrium præscribere aut recoquere cogitent. An inania sint, an infructuosa, annon laboriosis multorum vigiliis, an verius somniis anteponenda; an omni non jucunditate solum, quam forte largien-

# P R Æ F A T I O.

tur, sed utilitate quadam pæne incredibili, quam omnino denegabunt, vacua, hoc libro conati sumus demonstrare. Verum de eorum judicium haud valde nos decet laborare; utpote omnium eorum opinione, quibus cara est elegantia studiorum ac litterarum salus, abolitis pridem ac damnatis. Quam justius angor ea cura, ne iis fecerim satis, qui forte nonnisi exquisita & mirabilia de hoc opere sibi pollicebantur; quippe jam gnari aut facile intelligentes, quam multa contineat hæc memoria in carimoniis veterum occulta; in historia nobilissimarum gentium mutila; in litteris interioribus ignota; in omni antiquitate recondita. Quam multa inde educi possint, si non ad principia scientiæ naturalis ac civilis haurienda, ad morum tamen ac regendæ Reipubl. normam & leges, ad historiam quoque plantarum aut animalium illustrandam spectantia; ad notitiam præterea temporum, Romanorum fastos, aras variarum gentium; ad urbium ac regionum appellationes, origines, prærogativas, sacra, ludos, fœdera, conventus, magistratus; ad ortus & imagines tantæ ac tam antiquæ nobilitatis, & clarissimorum omnis memoria civium, opportuna valde ac unice quidem comparata: quam multa denique modo expressa & fixa, modo pressa leviter vestigia eadem industria suppeditet, unde ulterius in eo litterarum cursu procedere, aut digitos ad veros fontes intendere continuo liceat. Quorum omnium specimina quedam, haud vulgaria illa vel contrita, hoc opere exhibere contendimus. Videbam quippe apertum & patentem campum, novam laudis ac industria semitam, per quam progredi continuo liceret ad notitiam multarum rerum adhuc abstrusarum, certe quæ nondum pro earum pretio ac litterarum dignitate fuerunt hætenus pertractata. Quotusquisque enim est ex eorum numero, si duos tresve ad summum excipias, qui vel nostra vel patrum memoria, in congerendis aut exponendis his antiquitatibus laborarunt, quem (dicam libere, quia de mortuis loquor) liberalior quidam genius adflaverit; qui eximium aliquid ac singulare præstiterit, quod diligentia non solum haud vulgaris & multi usus harum rerum, quorum utrumque plures suo jure sibi vindic-

# PRÆFATIO.

vindicant, sed præterea eruditionis paullo reconditioris, ac ingenii interioribus litteris non tincti solum sed imbuti laudem possit apud posteros obtinere? Versantur quidem in omnium manibus soli ferme, qui hæcenus studiosos antiquitatis his mysteriis initiant, Antonii Augustini Dialogi, viri, si quisquam alius sua ætate, Romana & antiquitatis & jurisprudentiæ studiis exculti egregie & perpoliti, judicii autem, quod pluris adhuc facio, exacti valde ac limati. Verum, quamquam culti sint illi valde ac luculenti, annon tamen sitim potius horum studiorum excitant, quam explent? annon toti ferme in Romanis, iisque, qui hodie pro vulgaribus habentur, aut veropatriis nummis enarrandis versantur, infinitam autem illorum syllavam, seu eos non viderit, (etsi jam tum Roma, ubi diu floruit, ac alibi in Italia magna extaret eorum copia) seu plures demum postea reperti, qui Græcas, Asiaticas, Africanas antiquitates ac memorias recondunt, non attingunt iidem, ne dum exponunt aut illustrent? Neque verò tantum ego mihi tribuo, ut me hic exquisitum aliquid præ cæteris & suis omnibus numeris absolutum perfecisse mihi videar. Nescirem ipse primas hujus industriae leges, & quomodo comparatum sit omne hoc studiorum genus, varietate quadam & comprehensione infinitum, si tale quid animo insedisset meo. Viam tantum sum ingressus, quæ paullo longius tendit, in quam plures semitæ confluunt, & quæ plures etiam comites secum trahit, sed per quam alii procedent post me felicius, quibus cum eadem quæ mihi, aut major etiam opportunitas, tum uberior instructus eruditionis, aut in immortalibus illis litterarum ac doctrinarum studiis consenscendi largius otium ac perpetua quedam felicitas contigit. Amorem in bonas artes mirificum; diligentiam præterea, quanta per alias curas aut invaletudinem licuit, præstitisse me non negabo, ne plane tuam expectationem frustraretur hic liber; & cujus etiam rei testes proferre possem tot veneranda antiquitatis monumenta, & superiorum temporum caligine, in qua adhuc delitescabant, eruta hic tandem & enarrata. Modestiam certe & aequitatem nemo æquus, ut opinor, desiderabit, dum à viris magnis, aut cateroquin  
 harum



# P R Æ F A T I O.

harum deliciarum ante nos promis condis, dissentimus; sed procul ab omni pruritu obtreclationis, invidia, amulationis, aut cujuscunque tandem gloriola inde captande studio, ducente nos eò rerum tractandarum serie; idque ut frequenter, sic dissimulatis ferme nominibus, aut iisdem debitâ laude & prädicatione ornatis. Neque illa fateor de summis Christiana fidei capitibus, de justitiâ aut injustitiâ, de summo bono, aliisque idgenus gravissimis rebus disputationes, è quibus salus hominum ac fortuna pendeant, de iis tamen, qua ad omnem litterarum ac eruditionis ubertatem & elegantiam pertinent, & in quibus, ut proclive à scopo aberrare, ita paratior venia locus, nec internecina odia metuenda continuò veniunt. Neque verò ab eo proposito me detertere debuit clarissimorum nominum splendor; in quorum quippe vestigia, etiam ubi à verâ semitâ deflectunt, pedem solent illico ponere iisdem studiis dediti, qui ideo in rectam viam veniunt comiter deducendi. In quo ita versati sumus hætenus, ac versabimur in posterum, quamdiu mens sana nobis supererit, ut omni aliâ industria ac eruditionis laude carere libenti animo cogitemus, modò illa humanitatis ac pudoris nobis conslet; & mihi cum à naturâ ingenita, tum ab optimo parente indita, tum perpetuo quòdam meo studio culta, singularis nempe erga litterarum ac scientiarum principes, voluntatis & observantia. Neque egrè ferrent, qui ex iis ad plures abière, quod ea qua procul ab eorum oculis fuere submota, meliore ea in refato usi, patefecerimus; in qua si ante nos incidissent, Deus bone! quantum inde luminis, quantum adjumenti, ad omne litterarum genus illustrandum adtulissent. Nobis uberem quendam operæ fructum tulisse videbimur, si nostro qualicunque labore, aliorum exacerimus industriam, quò paullo diligentius incumbant in eadem studia; ac inde non mirificam solum voluptatem ob imagines tot illustrium omnis memoria hominum, aut exquisitam artificum elegantiam, capiant; sed præterea penum suam doctrina ac eruditionis insigniter locupletandam norint. Quid cateroquin novâ istâ hujus libri editione à nobis præstitum, qua accessione eadem aucta, hand opus, ut arbitror, hic pluribus



# P R Æ F A T I O.

ribus commemorare. Pro una Dissertatione, quia ita nimis longa videri potuisset, novem exhibemus, servata nihilominus eadem ordinis & materiarum serie, sed simul novis singula & luculentis, prout equidem speramus; certe ut voluimus ac laboravimus, observationibus testata comprobataque. Multa proinde aut plenius pertractata, quæ leviter antea adtigeram; aut emendata interdum, quæ, prout homines sumus, sæcus forte ac properanter notaveram; aut primum neque parce hic inserta, quæ omnino in prioribus omiseram. Addita etiam passim varia Nummorum veterum icones, ita rogante typographo, qui primus secunda hujus factura in lucem edenda onus in se receperat; etsi ego ab iis abstinere omnino constitueram. Aberant enim à Romana editione, & diversa hic nobis consilii ratio ab iis, qui dum aut antiqua id genus numismata in oculis suis habent recondita, aut provinciam sortiti ea de alieno Museo divulgandi, optimo horum studiorum fato & cum æterna sua laude, eadem proferunt in publicos & communes usus singulorum, qui his antiquitatibus delectantur. Nobis neque hæcenus licuit esse tam beatis; neque tale quidpiam ab initio operis propositum. Unus hic scopus, ut quid de toto hoc studiorum genere esset statuendum; quantum præter dignitatem aut jucunditatem quandam incredibilem, per omnem doctrinarum ac litterarum varietatem, utilitatis haberet reconditum; quam plus contineret in recessu, quam vulgo hæcenus creditum; quam immerito proinde neglectum jaceret passim aut ignoratum, non verbis tantum, sed documentis omni exceptione majoribus declararem; idque iis maxime, quæ inspecti nobiliores in hoc genere Theauri, at vulgo parum noti, suppeditare nobis videbantur. Ad quos equidem mihi quum pateret aditus, singulari meo & incredibili studio, percellebat continuo oculos tantus defossi Auri, Argenti, Aeris, tot reconditarum divitiarum fulgor; quas in tua etiam commoda, & litterarum ornamentum, quocunque tandem modo erogandas arbitrabar. Illud quidem cum, quo inflammabar, ardorem, subinde reprimebat, quod dum aut multa fugiente quasi oculo,

# P R Æ F A T I O.

aut aliud etiam agendo, pro custodum nempe vel comitum ingenio aut dignitate, aut pro angustia temporum, intueri compellerer; aut alioqui praecopia & varietate in delectu & notatione singulorum laborarem, nunquam large satis meam cupiditatem exple-  
re, aut satis idonee ac attente eo spectaculo, quo ad ficebar mi-  
rifice; perfunctus mihi viderer. Unde etiam veniam haud diffi-  
cilter, ut spero, largieris, mi LECTOR, si dum aut petenti con-  
cessa, aut ultro etiam transmissa Nummorum id genus signata  
quadam simulacra, eaque ex vetustis illis quidem & sinceris, quos  
videram antea, sed attritis saepe & exesis archetypis expressa, inde  
à calatore haud valde illo praestanti in hac arte, sed qualem loci  
ratio ferebat, cusa, minus elegantia ac venustatis, aut vero ac-  
curationis interdum habere videantur. Major utique fateor eo-  
rum, & quam iis gratulamur felicitas, qui domi possident eas o-  
pes; quibus proinde recurrere continuo ad prototypos licet; inde e-  
mendare, restituere, & majori adeo cura, fide, diligentia cala-  
tos divulgare conceditur. Cujus nota, ut de iis nihil dicam, quae  
& patrum & nostra & recenti adhuc memoria prodire, & lucu-  
lento Patini nostri, quo largiter ac splendide ornabis has artes, o-  
pere, alia insuper ex mirabili Gaza illa REGIA PARISIEN-  
SI, in quam ut in vastum mare alia minores aqua quotidie in-  
fluunt, brevi itidem, ut speramus, habiturus es, LECTOR,  
felicibus eorum curis, in quos incumbit hodie ejus custodia; qui  
nempe Regis longe maximi fortunatissimique gloriam iis etiam  
monumentis ad decus nostrorum temporum sibi propagandam pu-  
tant. Et habebunt ista quidem, regiis utpote auspiciis ac impen-  
sis, summis autem & perennibus studiis viri, ut alia mittam de-  
cora, fidei ac industria pane incredibilis, quo non usu magis ac  
praestantia, quam splendore ac venustate singulari, oculorum tuo-  
rum simul ac animi voluptati admirabiliter serviant. Unde ne o-  
mnino inferior ea laude Germania quoque nostra censeatur, cura-  
bunt quandoque admirandis DOMUS AUGUSTÆ aliorum-  
que hujus Imperii Procerum praepositi, seu quos Tullius hic vocat,  
mysta-

# P R Æ F A T I O.

myſtagogi; & juxta eos vir pluribus doctrinis excultus, Ericus Mauricius, juris in Academia patria antiſtes, his quoque ſtudiis valde deditus; qui felici, ut coram nuper referebat, fato, plures veterum eorumque ſelectiſſimorum Numiſmatum centurias naſtus, accuratiſſimo ſtudio & artificio ſuperiori ſaculo depictus ab homine, ſicut eidem videbatur, ſumme talium avido ac perito, idque ex nobiliſſimis quibuſque, qua tum florebant, antiquitatum id genus promptuariis. In cujus etiam laudis ſocietatem veniet ſuo jure Belgium, quamdiu aut ſuperſtites in eodem erunt Goltziorum, Chiſſetiorum & Rubeniorum amuli ac heredes; aut in horum lucubrationibus divulgandis ſuam induſtriam conſeret, qui propriis opibus abundat, Johanneſs Georgiuſs Graviuſs; vir non ſingulari ſolum humanitate, facilitate, ingenio, ſed, quod te jam non fugit, inter Atlanteſs hodie, qui cælum illud litterarium in iis oris alacriter fulciunt. Neque vero ſuas, quas poſſidet etiamnum, opes inuidebit nobis diutius horum ſtudiorum parens & procreatrix Italia; non diligenteſs illi cuſtodeſs Gaza, puta aut MEDICEÆ, aut ESTENſIS, aut FARNESIANÆ, aut in Urbe Æterna REGIÆ ruruſs ſeu Heroïdiſs CHRISTINÆ, BARBERINÆ, BUONCOMPAGNI, CAMILLI MAXIMI, aliorumque id genus æqueiv, de quorum inexhauſta quadam opulentia vel fidem tibi abunde faciet hoc opus inde paſſim locupletatum. Quo ita conſpirantibus ſtudiis & operis tandem aliquando reſtituantur illa artes, qua quondam in honore florebant & celebritate hominum verſabantur, ac unde liberalibuſs artibuſs ac doctriniſs, novuſs quidam ſplendor, nova continuo accreſcent incrementa. Neque minus interea noſtram hanc qualemcunque de tuiſs ſtudiis bene merendi voluntatem, tua benevolentia, tuo etiam patrocinio complecti dubitabiſs; & eo quidem lubentiuſs, quod hiſs praſidiis & adjumentis deſtituto alia omnino conſilii ratio fuerit in eunda, quo hiſs antiquitatibuſs prodeſſem, earumque ſtudium pro virili parte promoverem. Accedit, quod præter cuſoſ illoſ Nummoſs, quos aut caſuſ mihi obtulit, aut diligentia mea ac aliorum benigni-

# P R Æ F A T I O.

*ras suppeditavit, magnam hic habeas prater ea ac prope immensam aliorum copiam, ex omni antiquitate ac memoria petitam; eamque non ari quidem incisam, quod neque licuit nobis, neque adeo semper aut peraeque necessarium, etsi praeclarum semper, hic primum tamen, quod unum erat reliquum, in tuos ac litterarum usus à nobis haud perfunctorie descriptam ac enarratam. Adeo ut vel eo nomine lectorem possit hic liber adlicere, ac varietate quadam majori delectare; dum, quod ferme aliorum, qui hactenus in ea palastra se exercuere, institutum fuit, non unius gentis aut atatis, Græcos puta aut Barbaros ante Romanorum Imperatorum tempora signatos, aut Consulares, quos vocant, aut Casarianos, eosque vel unius generis aut metalli passim hic leges; verum omnium illorum temporum, nationumque, nullo nota & magnitudinis discrimine, suo tamen ordine & loco partim expressos, partim explanatos. Quam in re equidem, lubrica valde aliorum vestigiis, id diligenter ac sollicitè egimus, ut nullos Nummos, nisi vetustos & probos, eosque vel à nobis inspectos, accurate, quantum per negotiorum aut occasionum momenta licebat, descriptos; vel interdum ab iis, quorum aut publice testata, aut alioquin abunde perspecta nobis fides ac industria, subministratos, non vero ex promiscuis aut perperam expressis, ut saepe experti sumus talium antiquitatum indicibus & commentariis depromptos, vulgaremus. Occurrent proinde inter nostros frequenter ab aliis jam cusi, aut enarrati, prout certe ratio hujus operis omnem illam memoriam, seu adhuc delitescentem, seu jam repertam promiscue efflagitabat; qui tamen hic aut emendatiores divulgati, aut novis observationibus aucti, aut à pravis interpretationibus vindicati reperientur. Quà occasione etiam haud injucundum tibi, aut studiis tuis omnino infructuosum censui, si varia neque ea ignobilia auctorum veterum loca, variosque ritus & consuetudines cultissimarum gentium, quæ adhuc in quadam obscuritate versari videbantur, majori certe luce indigere, paullo diligentius, quam hactenus factum, explanarem ac illustrarem. Sed de his plus satis, ac sane prater institutum indu-*

# PRÆFATIO.

*industria nostra hic tibi adeo magnifice venditanda. Consultius utique & opportunius foret, aquitatem hic tuam interpellare, si in griphis & anigmatibus solvendis, non OEdipum me ubique aut viatē χρησιμολόγον præstiterim; quod neque mihi semper licuit per aciem ingenii haud valde perspicacis, neque per recondita alicujus, qua in me esset, doctrinæ suppellectilem. Neque vero illos errores tango, quos fatalis vel descriptorum vel operarum incuria huic libro subinde etiam adpersit; qui nec frequentes adeo, pro ratione editionis me absente & proculposito procurata; neque ita leves interdum, ut non tenebras legenti offundant, quas consultus in fine operis elenchus haud magno labore discutiet. Interim vale, mi LECTOR, & quibus verbis te jam Roma compellasse memini, hic loci haud minus adposite repetendis, PRÆSTANTIAM hujus mercis, non ex institoris praconio, sed ex USU ejusdem astimare adfuesce.*



# SERIES ET ARGUMENTA DISSERTATIONUM.

DISSERTATIO I. Occasio & scopus Operis. pag. I

Prima Commendatio Numismatum à DIGNITATE 1. ob *Antiquitatem*. Veterum Reliquiæ quales & quanti jam olim habitæ. 2. ob *Durationem*. Comparatio Nummorum cum aliis monumentis. 3. ob *Argumenti Nobilitatem*. 4. ob *Splendorem & Auctoritatem* Nummos tractantium Cæsarum, Regum, Principum, & Illustrium virorum per Italiam, Siciliam, Hispaniam, Germaniam, Belgium, Galliam, Angliam &c.

Altera à VOLUPTATE 1. de *Materia* Nummorum. 2. ob *Artis* seu cœlaturæ præstantiam. 3. ob *Imagines* Illustrum Græcorum, & Barbarorum, quorum series obiter traditur. Item Romanorum. De Nummo Ovidii Nasonis. 4. ob alia *Vestigia* præfici ævi. 30

DISSERT. II. Commendatio Tertia ab UTILITATE. 49

Primo in GRAMMATICIS 1. Circa *Formas* litterarum Græcarum, Romanarum. Selecta quædam de iis. Item Phœnicum, Hebræorum, Samaritanorum, Gotthorum, aut Hispanorum veterum. 51

2. Circa *scribendi* rationem antiquam apud Græcos. 68

3. Circa *Adfustiones & Permutationes* litterarum. Unde illæ ortæ. Exempla è Nummis Græcis & Romanis. 4. Circa *Compendia* litterarum. 72

6. Circa *Orthographiam*. Varia Nomina Græca & Romana è selectis Nummis emendata. De Edessa ad Cataractam contra Tristandum, Salmasium. Alia. 81

11. IN MORALI & CIVILI Scientia

Symbola Virtutum in Nummis. Augurarum & Principum Officia & Artes ex iisdem Nummorum symbolis & Inscriptionibus deductæ & illustratæ. 93

DISSERT. III. III IN NATURALI Scientia, ad Historiam Animalium & Plantarum. 122

1 Circa *Proprietates* Animalium. De *Columbis* in Nummis Erycinorum, *Elephante Auxopippo* in aliis &c. 123

2. Circa *Formas* eorundem. Selecta quædam ex Nummis & Auctoribus de *Hipopotamo* Nili & *Ægypti* Symbolo; *Elephante* phalerato; *Camelis* Saginariis & Dromadibus. *Rhinocero*ta, an in Nummo P. Ligorii. Judicium de operibus ejusdem Ligorii. Item de *Hyana*; *Crocodilo* ac variis ejus Speciebus; *Alce*; *Caprino* genere, *Pygægis*, *Capris* Indicis; *Damæ* *Africanæ*; *Arietis* *Sylvestris*; *Cervæ* *Cornuta*; *Pantheræ* & *Pantherisco*, *Bacchi* symbolis; *Bifonte*, an in Nummis Andriorum, contra virum doctum; *Draconibus* & *Serpentibus* alatis & terrestribus, in variis Nummis *Ægypti*, *Græciæ*, *Macedoniæ*, *Thraciæ*, &c. *Glaucône* seu *Æsculapio* in Nummo Abonoteichitarum; *Æsculapio Epidaurio*; *Aspide*; *Paguro*. 129

Item de Piscibus, seu *Delphinis*, cum variis fessoribus in Nummis; *Pelamidibus*; *Polyo* &c. *Apro Marino*, *Phagro*. 192

3. Circa *Fabulosa* Animalia. De *Capricorno*; *Sphinge* *Ægyptia*, ac ei adfinibus *Cebis*, *Satyris*, *Sphinge* *Thebana*, & cur eadem in Nummis Chiorum. De *Sirenibus*, earum etymon indicatum. De *Stymphalide* noviter declarata in nummo; *Scylla*; *Cerbero*; *Chimara*; *Hydra*;

Græ-



*Grypho; Pegaso; Centauris; Minotauro; Phœnice.* 208

4. *Circa Monstra & Hieroglyphica Animalia in Nummis. Exemplum singularem Nummo Nicæensium declarato, & aliis. Testimonia Aldrovandii & Bocharti de Utilitate Nummorum in historia Animalium.*

245

DISSERT. IV. Utilitas in *Plantarum* Historia. De *Silphio* Cyrenaiico; *Loto* Ægyptia, & variis ejusdem symbolis ac insignibus in Nummis Ægyptiis; *Nuce Pinæ*, & ejus usu in Mysteriis Gentilium; *Laricibus*; *Rosa* vel *Balanstio* seu flore Punici sylvestris ac ejus usibus, locis *phylæis*; *Rhodiorum* symbolis &c. Item de *Malo Medico* & *Arco Parthico*, in singularem nummo; de *Malis Hesperidum*, & qualia eadem.

253

Item selecta quædam de *Ramis Palmae*, eorum usu, appellatione *Ægææ*. Item de *Palmis* varii generis in Nummis. Siculis, Creticis, aliisque plantis *Græcæ*, ac nummis Hierapytnæ & Camarz in eadem: item *Palmis* Cyprii Alexandrinis, Thebæicis, Syriacis, Phœniciis, & harum nominibus explicatis *Εύκατος*, *Ευκαλατος*, *Θάμας*, *Τετραγύς*, *Ανελύς*. Quando & unde isti de palmulis. Item de *Palmis* Judaicis, iisque Communibus & Caryotis, seu Nicolais. Etymon utriusque vocis expensum. De Vinis Palmeis. De *Prunis Damasænis*.

299

Item de *Manna* & *Virga Aaronis*; *Ramo Thuris*; *Calamo Odorato*; *Hy poglossio* seu *Lauro Alexandrina*; *Ficu Ruminali*; *Ilica* cum sue Lanuvina, *Nymphae Alba*; *Apio* Selinuntiorum; *Herba Commagena*.

333

DISSERT. V. Utilitas IV. in HI-

STORIA, & Cause ejusdem. 340

1. In *Historia Externa* Græcorum & Barbarorum, Circa *Natales* Regum. De Origine Macedoniz Regum ab Hercule. Cur *Cornua* in Nummis tributa Alexandro & Successoribus: Item quibus Diis, Oceano, Fluvii, Heroibus; eaque Arietina, Taurina, Hircina. Ratio & exempla singulorum explicata & illustrata. De *Mose* Cornuto, & Filia Jobi *Keren Happuc*. De ludicra *Cornuum* appellatione.

343

Circa Nummos *Selaucidarum* & *Lagidarum* cum variis Cognominibus *Nicatoris*, *Nicæphori*, *Soteris*, *Epiphanis*, *Cerauni*, *Dionysi*. Aliqui primum è selectis Nummis eruti. Item de Cognomine ΘΕΟΥ seu Dei & Dea in variis nummis Græcis & Romanis, eoque Regibus, Reginis, Romæ, Senatui, Cæsaribus concessio. Origo, exempla, & ratio singulorum noviter ostensa & illustrata.

373

De Nummis *Antiochi* & *Abgari* cum cognomine *Magni*. Unde posterior ita dictus. De Nummis *Arsacidarum* cum Coma, Tiarâ; de *Mitra* Arabum; *Pileis* Parthicis. Iidem cum cognominibus *Regis Regum*, *Phillemis*. Unde & quibus eadem tributa. De cognomine *Philoromai* in Nummis Ariarathis & Ariobarzanis &c. Item *Philoclaudii* in Nummo Herodis. De nummo Agrippæ Junioris cum *Festis Tabernaculorum* & *Pentecostes* &c. De Nummo Herodis *Estmarcha*.

420

De Nummis *Tigranis* & *Tryphonis*, cum cognomine ΒΑΣΙΛΕΥΣ ΑΥΤΟΚΡΑΤΟΡΟΣ, ac unde. De *Tiarâ* in Nummo Tigranis; seu *Cidari* Persarum, Christianorum, &c.

450

De



De variis Nummis Regum & Reginarum, Pontis & Bospori, Mithridatis, Pharnacis, Afandri, Sauromatis, Amastris. Singularia quædam de postrema. Item Regum Thraciæ, Pergamenorum, Siciliæ; usu & origine Diadematis apud Græcos & Romanos: Carum Cassandri & Hidriei; de Atalo Bianoru. 460

De Nummis Regum aut Illustrum adhuc ignatorum; Heroum seu Conditorum; Solymi; Eurypyli, Pergamenorum cum Fluvii singulares Nummi declarati. Sapientum item, ut Homeri; ejusdem Nummi ac Mar-mor antiquum: Pythagora. Item de aliis insignibus aut Prærogativis in Nummis urbium Græciæ aut Asiæ. De Prytanibus Smyræorum. 476

DISSERT. VI. Utilitas in Historia Romana ante Cæsares. De usu Nummorum Consularium & opere F. Urfini. 496

1. Ad Noticiam Familiarum seu Gentium Romanarum, earumque discrimen. 2. Prænominum & Cognominum earundem Familiarum. De Proprio Nomine apud Romanos; Prænominibus Mulierum; Usu & varietate Prænominum Romanorum; Nominum apud Græcos, Cognominum Romanorum. Item de Origine Cognominum, Nummis Pompeii, Chrysippi, Arati, Sullæ Felicis & Epaphroditi. Singula è Nummis deducta & illustrata. 3. ad Originem Familiarum. De insignibus Gentilitiis in Nummis. 497

4. Ad Magistratus & Dignitates Quiritum. De more addendi eadem Gentilitiis aut Cognominibus. Selecta quædam de Tribunitia Potestate; Pontifice Maximo & Græca Ἀρχιεπίς appellatione &c. aliisque Sacris, Urbanis, Patritiis, Plebeiis,

Extraordinariis, Militaribus, Maritimis imperiis. Speciatim de Legatis Proprætoribus seu Augustis; Proconsulibus, Cypri, Bithyniæ, Achaïæ, Africæ, Asiæ; Legatis Consularibus, Syriæ &c. Provinciis Consularibus; Consulari Potestate. De Titulis Ἀρχιεπίς & Ἀρχιεπίς & Ἀρχιεπίς. 533

5. Ad Gesta Illustrum Romanorum. De falsis Imaginum titulis; Tropæis; Triumphis Fort. P. R. Ludis Apollinariis, Cerealibus, Florilibus, Templorum dedicationibus; Basilica Æmilia; Rostris; Puteali, aliisque. 573

De Legum latarum titulis, Tabellarum &c. in Nummis, ac unde. De aliis Operibus publicis instauratis aut resectis, Viis, Pontibus, Arcubus. De Legionibus M. Antonii, Nummis ejusdem & Cleopatrar. Sellis Curulibus cum Coronis, & quibus aut quare dicatur. 579

DISSERT. VII. Utilitas in Historia Augusta. 1. Ad Seriem Caesarum & Augustorum. De Nummis Clodii Macri, Pescennii Nigri, Gordianorum, Q. Herennii Etrusci. De Gallienis, xxx Tyrannis. Item Herennio & Timolao; Waballatho; Domitio Domitiano &c. Carausio, aliis. De Delmatio; Tiberio & Sebastiano Tyrannis; Glycerio; Theodeberto. 589

11. Ad Seriem & Historiam Augustarum. De appellatione Augustæ, Consularis, Cæsaris; ac honoribus Mulierum apud Romanos. 602  
Augustarum Series è nummis illustrata. De Livia seu Julia; Augusta Julię Augusti filia; Antonia Sacerdote, & sacerdotis Mulierum; Calii sororibus, Julia Drusilla filia; Agrippina Matre, Mulis iisque albis in luxu Mulierum; Agrippina, Messalina

lina Claudii; Octavia, Poppæa Neronis; Domitilla Vespasiani; Julia Titi filia; Domitia Longina Domitiani.

606

De Nummis sequentium *Augustarum*, & speciatim de Nervæ uxore; Faustina & Lucilla cum habitu Cybeles; Titianæ Pertinacis; Julia Domna Severi, & de cognomine *Domni* & *Domna*; Plautilla Caracallæ; Elagabali Matre & Uxoribus; Cognomento *Julia*, & à quibus Augustis usurpatum. De Sallustia Barbia Orbiana nova sententia ex Nummis. De Paulina vulgo Maximini; Sabinia Tranquillina Gordiani; Otacilia Severa Philippi; Salonina Chrysogone Gallieni; Zenobia; Julia Procla *Heroide*; Helena & Fl. Theodora Constantii; Flavia Max. Constantini; Constantina Galli; Honoria Valentiniiani; Sorore; Euphemia. Iustini &c.

621

111. Ad alias *Necessitudines* Augustorum. De Caio, Lucio, Marcello, filiis aut nepotibus Augusti; M. Antonii liberis; Juba; Agrippa *sub Armis*; Druso & filio Germanico; Nerone & Druso Germanici liberis; Druso Tiberii filio; Drusi ejusdem gemellis; Claudii liberis & nummis Britannici; Vitellii liberis; Domitiani infante Cæsare; Trajani & Hadriani Parentibus *Divis*; Antinoë *Heroë*, item *Deo Bono* seu *Propitio*; Galerio Pii, Vero Marci filii; Commodi liberis; Valerianis Junioribus &c.

640

DISSERT. VIII. IV. Ad Titulos & Honores Augustorum.

660

1. Circa Titulos *secundi Fastigii*, seu *Cæsaris*; *Principis Juventutis*; *Nobilissimi*, *Sacerdotis Cœlestis in Omnia Conlegia*, seu de *Sacerdotis* Candidatorum imperii. Singulorum Origo

& ratio è nummis & auctoribus declarata.

661

11. Circa Titulos *primi Fastigii*. Mos eos conferendi. De Titulis *Cæsaris*, *Augusti*. Unde & quando iste tributus, quomodo Græcis dictus. Singularia quædam de *Diademate* Augustorum, item Cæsarium; de appellationibus ΑΥΓΟΥΣΤΟΥ & ΣΕΒΑΣΤΟΥ. De Titulo *Imperatoris*, *Βασιλῆως*; quot modis ille tributus Augustis, an & Cæsaribus.

674

De Titulo *Pontificis Maximi*; conjunctis Sacerdotii & Imperii Juribus; de *Asiarchis* & *Sacerdotibus* Aliæ, eorum muneribus, numero, appellationibus. De *Flaminibus perpetuis*, seu *ἄλφειν*, & sacerdotiis *hereditariis*. De Pontificatu Cæsarium. *Ἀρχιεπισκοπῆς* Christianorum.

691

De Titulo *Tribunicie Potestatis*, & ejus Prærogativis. De *Consulatu* Augustorum perpetuo, *Processu* & pompa *Consulari* è Nummis & Auctoribus. De *Proconsulatu* Cæsarium, qualis & unde declaratus; in Nummis signatus contra *Cassabonum*. De Titulo *Patriæ Patriæ* cum adfinibus *Patriæ hominum*; *Patriæ* instar *Jovis*; *Patriæ Orbis*, *Castrorum*, *Exercitusuum*, *Senatus*; *Matriæ Senatus*, *Castrorum*, *Patriæ*. Filio *Castrorum*, &c. De Titulo *Pii* & varia ejus acceptione. Item *Pietatis Augustæ*, *Romana*, *Senatus*. De *Pii* cognomine in Antonino. *Παῖς* in Nummis Græcis. De Titulo *Felicis*, *Felicitatis Temporum*, *Reipubl.* frequenti in Nummis Cæsarianis; Item *Romæ*, *Coloniarum*, *Daciz*. De nummo Græco *Commodi*.

700

De Titulo *Domini*, quando in Nummis Augustorum signatus. De Titulo *Domina* uxoris tributio. De *Domitici* Palatii Cæsarium. De Titulo

f

Cens-

*Censoris* sub Cæsaribus & nummo L. Vitellii. Ejus tituli ratio ab Augusti temporibus declarata. De *Præfæctis morum*; *Censoria Potestate*; *Censore Perpetuo*; Censoris Domus prærogativis; Silentio de Censoribus in historia Augusta & libris Jurisconsultorum; Censurâ Valeriani; Vitellio bis Censore. Qualis Censura Cæsarum. De Censoribus Municipiorum. 729

De Titulis Augustorum à Diis petitis, ut *Olympii*, *Herculis*, *Romani*, *Romuli*, *Jovis* & *Herculis*, item *Jovis* & *Herculis*. Eorum exempla è selectis nummis Hadriani, Pii, Commodi, Diocletiani, Maximiani, Licinii. De Titulis *Victoriarum* seu devictarum Gentium, *Germanici*, &c. De Titulis *Francici* & *Alemanici*; de *Francia* in nummo Constantini & etymo illius nominis contra Libanium. Item de Titulis *Domitoris*, *Triumphatoris* aut *Exuperatoris* Gentium. De Titulis *Admiratis* aut *Adfectus*, ut Antoninorum, seu *Divi Antonini* in libris Jurisconsultorum, Severi *Pertinacis*, ejusdem *Marci Filii*, *Maxentii Patre*, *Socero*, *Cognato*. 742

DISSERT. IX. Utilitatis veterum Lapidum & Nummorum brevis comparatio. 757

Circa *Asia* Augustorum in Nummis contenta. De nummis vulgo *Spintrii Tiberiani*, nova de iis conjectura. De Schematis *Philænidis* &c. *Philænidis Samiz* Epigramma. 760  
De *Coloniis* deductis sub prioribus xii Augustis, cum appellationibus *Fulia*, *Augusta*, *Claudia*, *Flavia*; iisque in Hispaniâ, Macedoniâ, Thracia, Ponto, Palæstina, Africa &c. De *Flavia Neapoli* *Samarizæ*, *Justinæ* *Martyris* *Patria*, aliis. De *Co-*

*loniis* sequentium Augustorum, cum appellationibus *Ulpie*, *Ulpiane*, *Trajana*, *Ælia*, *Hadriana*, *Severiana*, *Septimia*, *Antoniniana*, *Alexandriana*. De *Rhesaina*, *Nesibi*, *Alexandria Tronde*, *Bostis*, *Constantiniana Dæne*, aliis. Judicium de Commentariis *Tristani Sanctamantii*. Mos Urbium in adoptandis nominibus Imperatoriis. Singula è selectis Nummis deducta obiter & illustrata. 765

De aliis *Prærogativis* Urbium, seu de *Sacris* & *Asylis* Urbibus, Templis, Agtis; à quibus hæc & unde in Nummis signatz. De Nummis *Doræ* & *Sidonis* *Navaçido*, aut postremæ cum Europâ Tauro vesta. De *Libæris* Urbibus, *Amiso*, *Cæsarea Palæstinæ*, *Laconibus*, *Rhodiis*, *Tarso*, *Seleucia ad Calycadnum*, *Smyrna* &c. Exempla è selectis Nummis. De *Autonomis* Urbibus, unde ita in Nummis toties appellatz. De *Tyriis* & *Antiochenis* *Autonomis*, & *Æris* locorum inde petitis. De *OMOIOIA* seu *Concordia* itidem signata in variis nummis Urbium Græciz & Asiæ. Exempla exiistent. Ratio & Causæ expensæ & declaratz. 778

De *Munificentia* Augustorum in abolitione Vestigalium, Tributorum, aut aliorum onerum. De *Quadragesima Remissa* à Gallia, juxta ejus Nummum; aut à *Cæio Ducentesima*. De *Vicesimis* & vestigalium Redemptoribus. 796

De *vehiculatioe Italia Remissa* à Neræa juxta ejus Nummum. Idem sigillatim expensus. Selecta quædam de *Ros Vehiculæria* apud Romanos nominibus, origine, modo, præpositis, occurribus, remissione, cautelis, animalibus. De *Calumnia Fiscæ Judaicæ*, in alio

alio nummo Nervæ.

800

De *Reliquiis Abolitiis* ab Hadriano, juxta ejus Nummum. Idem sigillatim expensus; de Indulgentiis Cæsarium, seu Tributorum relaxationibus, Indictionum origine; exemplis & more ejusmodi abolitionum. De *Liberalitatibus & Congiariis* Cæsarium: mos & exempla è nummis adserta. Occasiones eorundem indicatz. De *Largitione* Constantii, in ejus nummo.

811

De *Profusionibus* seu *Adventu* Augustorum in Provinciis. Festa inde & Gratulationes. De *Restitutis* Provinciis. Exempla è selectis Nummis. De *Regibus Datis* ab Augustis, juxta alios Nummos; à Pio Quadis. De *Lazis*.

825

De *Expeditionibus* Cæsarium; Provinciis Devictis; Victoriâ Germanicæ, Carpica; Triumpho Quadorum; Constantii de Magnentio; *Fatis Victricibus* in nummo Diocletiani. De *Adlocutionibus* Augustorum. De More earundem, & prærogativæ primi Fastigii. *Exercitus* varii in selectis nummis, *Dacicus, Germanicus, Britannicus, Syriacus, Cappadocius, Mauritanicus, Noricus, Hispaniensis, Illyricianus, Vaccensis, Iscanicus*. Item *Virtus, Gloria, Fides, Consensus Exercituum* in aliis. De *Vallo Romano* in nummo Licinii.

834

De *Pace Augusti* in variis Nummis, *Pace Publica, Fundata, Pace Germanici Vitellii* in selecto nummo. De *Ludis Sacularibus*; Philippus Augustus, Christianus an Gentilis. De *Operibus* Cæsarium publicis; *Adibus* Deorum & Dearum: Templo Jovis Capitolini sub Vespasiano resecti, item Divi Augusti, Pacis. De Arcubus Trajani

Pontibus, aliisque ejus operibus. De Amphitheatro sub Gordiano resecto. De Arcu vulgo *Portugallia*.

848

Specimen Utilitatis in CHRONOLOGIA 1. ad *Fastos & Alta Cæsarium* ordinanda. 2. ad *Seriem & Æras* Regum Barbarorum. De Annis Regni Ariarathis, Ariobarzanis, Agrippæ junioris, è selectis Nummis. 3. ad *Æras Selenidarum*; item *Æras* variarum Urbium, ut *Antiochia, Ascalonia, Gaza, Gadarorum, Aradi, Amisii, Tyri, Sidonis*. Earum origo & ratio è nummis illustrata. 4. ad *Æras Imperatorum, & Periodos Decennales* eorundem. 5. ad *Æras Coloniarum*. Exempla è Nummis. De *Colonia Tyro* in Actis Concilii Calchedonensis. Locus eorundem noviter expensus, & declaratus, contra Sealigerum. 6. ad *peculiares Æras*, ut à *Novo Templo Jovis Capitolini*, in aliquot nummis Græcis sub Flaviis.

859

Specimen Utilitatis in GEOGRAPHIA 1. ad *Origines, Historiam & Privilegia* locorum. De *Conditionibus* Urbium in nummis & eorum Apotheosi. Selecta quædam de *Primatu & jure Metropoles* Urbium; de discrimine aut communiione utriusque; de *Primis Metropolibus* Afiz, Lydiæ, &c. Singula è præclaris nummis obiter illustrata. 2. ad *Sinum* locorum cum adscriptis *Fluviis, Mariis, Montium, Regionum*, ad quas aut in quibus posita eadem loca, nominibus. Ratio & exempla è selectis itidem Nummis ostensa: ac speciatim de *Magneſia à Sipylo, Argæo monte; Casarea sub Pameo*, aliis. 3. ad *Notitiam* locorum obscuriorum, aut

f 2

aliunde

*Series & Argumenta Dissertationum.*

abunde etiam ignotorum. Exempla iterum è selectis Nummis. 4. ad *Orthographiam* locorum. Deprecatio nominum Geographicorum, ac x l. nomina id genus è Nummis obiter restituta. 5. ad *Formationem* *Etruscæ* seu Gentilium. Exempla è nummis. Sex *Canones*

circa scripturam nominum Geographicorum in Nummis observandi, ad quos omnis eorundem ratio & diversitas debeat exigi. Iidem *Canones* sigillatim deducti & illustrati. 882  
Conclusio operis, cum laude Italix & illustrium in ea ingeniorum. 914



DISSERTATIO PRIMA.  
DE  
PRÆSTANTIA ET USU  
NUMISMATUM  
ANTIQUORUM.

OCTAVIO FALCONERIO

S. D.

EZECHIEL SPANHEMIUS.



Rogasti me aliquoties, pro nostra consuetudine, OCTAVI FALCONERII, ut quid de Nummis Veterum sentirem, mandare litteris non dubitarem. Quum enim videres, me hac omni priscae illius ætatis memoria non leviter delectari; hinc de ejus vel usu, vel pretio differendi, haud una hic in Urbe sese obtulit occasio. Præbuit vero illam sæpius ipsa Nummorum, quos te vel comite, vel duce, nonnunquam inspexi, contemplatio; qua inter alia itineris Italici oblectamenta, oculos animumque, tanquam jucundissimo spectaculo, subinde licuit explere. Ea quippe mihi contractæ tecum necessitudinis ratio & felicitas fuit; ut cum alias, tum hic quoque, plurimum te sensus illius voluntatis adficeret, quam me longe maximam & prope incredibilem percipere, prædicabam. Quod vero frequenter suadebas, ut eam diffundi latius paterer, in eo sane haud illibenter obsequi tuæ voluntati cogitabam: qui ut amantes solent, iis quibus uterque no-

A

strum

strum capiebatur illecebris, suum apud omnes pretium constare cupiebam. Ita factum, ut hic multa verari mihi ante oculos confidentius adfirmarem; quibus nullo vel levi certe negotio possem eos à sententia dimovere, qui omnem hanc operam, ut inutilem aut otiosam derident. Quamquam me non ab ea quidem de his nostris studiis fiducia, sed tamen ab omni de iisdem apud vos disputandi consilio, haud una quædam ratio deterrebat. Equidem, ut ingenue quod res est fatear, à ludibrio parum abesse judicabam, si in ipsa luce & sede hujus industriæ, tot exercitatis in ea ingeniis, & quibus passim universa, quos vocant, Antiquariorum natio adsurgit, ego usu longe & peritia inferior, quidpiam de ea commentari adgrederer. Idem quippe mihi videbatur incumbere, quod prudentissimo viro apud Tullium in simili causa occurrebat, *ut si jam mihi disputandum sit de his nostris studiis, nolim equidem apud rusticos, sed multo minus apud vos.* Accedebat viatoris intuitus, hoc est museo & omni litteraria sua suppellectile exulis; quotidianæ & potiores forte interpellationes; publici, quod salutare propter viam nefas semper judicavi, reverentia; ipsa denique instituti itineris, ad capiendum, non ad ostentandum ingenii cultum, salubrior quædam & opportuna recordatio. Ita non omittere quidem, sed premere omne illud propositum cogitabam, quo pudori tuo simul ac meo sapienter consulere, ni vis major accessisset, quæ mihi omnem novissimi hujus consilii rationem conturbavit. Fas enim mihi sit, uno CHRISTINÆ AUGUSTÆ imperio, ab omni me reprehensionis molestia liberare, & in sola obsequii gloria, universam institutæ hujus commentationis vel laudem vel veniæ spem collocare.

Lib. II. de  
Oratore.

Variæ



Variae sunt, ut nosti, & sicut fieri amat in aestimandis praeae ætatis reliquiis, ita de Nummis veterum longe inter se discrepantes hominum sententiae. Alii enim incredibili illorum studio incensi, ac proinde in colligendis iis assidui, nulli nec sumptui, nec diligentiae parcant, ut luculentum quendam illorum vel numerum, vel delectum instituunt. Unde postea eosdem, tanquam pici aurum suum, adservant, immo eorum possessione, non secus ac ingentis Thesauri custodia, continuo efferre sese solent ac oblectare. Alii vero, quibus geminam felicitatem, aut peculium domesticum non concessit, aut loci ratio invidit, eosdem tamen ad ornamentum veteris elegantiae, & varietatem quandam litterarum, aliquo usu edocti, plurimum conferre non diffitentur. Major autem pars, quod ultro fateor nec indignor, omnem hanc operam in coacervandis, vel excutiendis id genus monumentis positam, ut inanem, aut etiam importunam, longe à se abesse patiuntur. Horum vero duo sunt genera: Unum eorum, qui recentis solum monetæ avidi, veteris incuriosi, omnem Glauci & Diomedis permutationem averfantur, & æreos aliquot ac æruginè obritos, splendidis aureis redimere, absolum & inconsultum ducunt. Alterum eorum, qui de temporis potius, quam pecuniæ jactura solliciti, universam in Nummis id genus excutiendis contemplationem & curam, ut omni cum delectatione, tum utilitate vacuam, consulto prætermittunt. Ad ejusmodi vero sententiam, non una quoque hos vel ratio, vel causa impellit; Prior, insita illa humanis, & frequentius maximis etiam ingeniis, consuetudo dicam an labes, ut quæ ignorant, contemptu strenue ulciscantur; & ea solum apud eos commendationem habeant, ad quæ vulgo il-

los, aut vitæ institutum, aut naturæ propensio revocavit. Diversa rursus aliorum ratio est, qui vel usu, vel opportunitate ad tractanda id genus monumenta destituti, non contemptu, sed mera ignorance reconditæ in iis utilitatis, in sequiorem sententiam de illis eorumque æstimatoribus adducuntur. Cum postremo hoc hominum genere, hic mihi rem esse, & me in eorum gratiam, quidquid hoc est laboris suscipere, ingenue hic in limine profiteor. Nec enim priorum arcæ, aut peculio, modum statuere vel debeo, vel possum; aut alias homines, omnis remotæ Antiquitatis contemptum professos, ad meliorem sententiam, vel mentem potius revocare constitui. Minus quoque id mihi propositum hoc loco, ut immodica aut præposterâ hujus æris æstimatione, cæteris litterarum præstidiis ac ornamentis suum detrahâ pretium; vel ut hoc industriæ genus, cœu necessarium vitæ instrumentum, singulis hominum ordinibus, tractandum & excolendum promiscue suadeam. Unus hic mihi scopus, ut præclaram antiquitatis partem ab interitu, & eorum judicia, qui plurimum illi solent tribuere, à ludibrio vindicem; tum ut ab iis, qui veteris elegantie & eruditionis amore vel studio ductuntur, egregiam & laudabilem in eadem versanda operam collocari posse ac debere, apertum manifestumque faciam.

COMMEN-  
DATIO A  
DIGNITA-  
TI.

1.  
Ob Anti-  
quissimam.

ATQUE ut hinc initium ducam, unde Nummis pretium continuo accedit, ipsa hujus industriæ DIGNITAS, mirum quam multiplici nomine se commendat. Si *Antiquitatis* enim habenda hic ratio, quem non moveat clarissimis monumentis testata consignataque vetustas? Quamquam non is ego sum, qui præsentium fastidio,

vete-

veterum tantum desiderio teneam, & jacentes quasque ac sepultas vetustatis reliquias, pro reconditis Thefauris continuo habendas putem. Nimia hic nonnunquam, fateor, aut supervacanea quorundam cura, quibus venusta omnia quæ vetusta, & sola antiquitas aut rubigo pretium, non usus aut elegantia conciliat. At si Rudera tamen varia, Columnæ, Statuæ, Lapides, Urnæ, Pateræ, Fibulæ, Lampades, Simpula, Anuli, Tesseræ, aliaque veteris Romanorum vel Elegantiae, vel Supellectilis monumenta commendationem adhuc habent; quid de Nummis statuendum sit, in quibus non muta illa ferme aut mortua, sed spirans adhuc quasi & rediviva universa sese offert Antiquitas, facile per se quisque potest arbitrari.

Magna utique, OCTAVI eruditissime, antiquitatis in omni hoc Monumentorum genere reverentia, non hujus solum, aut superioris ætatis, sed remotioris etiam cujusque mentes incessit. Hinc Annales veterum evolventi, tot passim sese offerunt studiose quæsitæ jam olim, & retentæ cupidius priscæ omnis memoriæ vestigia. Qualia frequenter quidem legimus, Ossa Gigantum, Arma reliquamve Heroum supellectilem vel memoriam, Belluarum Membra, Victoriarum præmia aut instrumenta; quibus vel Deorum Tempia, vel Prætoria Principum, vel elegantiorum hominum Atria passim exornabant. Apud Gaditanos Pymalionis aurea Oliva; apud Argivos Atrei Phiala; apud Arcadas Corium Apri Caledonii; apud Beneventinos Dentes ejusdem animalis; apud Delphos Pindari Sella; apud Metapontinos Sedes Pythagoræ; apud Tingitanos Parma Antæi; apud Olympios Arca Cypseli; apud Agrigentinos Taurus Phalaridis; apud Lacedæmonios Ovum Leda, aut Hasta Agesi-

*Antiqua  
supellectilis  
pretium a-  
pud ipsos ve-  
tores.*

lai, apud Thurinos Sagittæ Herculis; apud Lemnios Thorax & Arcus Philoctetis; apud Athenienses Ancora à Mida Gordii filio reperta; apud alios Pelopis Ensis; Teucris Baltheus; Achillis Hasta; Ensis Memnonis; Timothei Cithara; Torquis Helenæ; Iphigeniæ Gladius; Monile Eriphyles; Sella Dædali; Lucerna Epicteti; Rostra navium, tanquam errorum Ulyssis monumenta; Niciæ Clypeus; Scutum Euphorbi; Magni Alexandri Scuta & Thoraces; aliaque id genus diligenter & religiose adservata leguntur, quæ ex Tullio, Strabone, Mela, Josepho, Plutarcho, Athenæo, Pausania, Æliano, Justino, Philostrato, Dione, Gelio, liceret hic pluribus commemorare: scilicet

*Reliquias, veterumque vides monumenta virorum.*

Nec alia fuit jam olim, ut nosti, Æternæ urbis Religio, circa Heroum suorum memoriam ac monumenta; qui Navim Æneæ, Ficum Ruminalem, Casam Romuli stramentitiam, Lituum, Cotem Nævii Auguris, ut alia mittam, haud minus cupide vel accurate à Majoribus vestris recondita meministi; adeo etiam ut iidem Procopio tradantur alicubi præ aliis ejusmodi rerum studiosi. Immo vero haud aliter ac Vatum parentis olim Patria, sic id genus quoque Reliquiæ, acri haud unius urbis æmulatione multiplicatæ nonnunquam; unde  
 Gotth. lib. 17. cap. 22. apud Dionem legas duas Cappadociæ civitates, utramque Comanæ nomine, gladium Iphigeniæ habere & ostentare, quem verum illius esse autumant. Agnoscis, ut opinor, incunabula illius moris, qui haud absimiles Reliquias, ceu totidem monumenta Christianorum veterum, pari studio & cultu, ac eodem nonnunquam in iis venditandis & multiplicandis fato, paulatim consecravit. Neque vero ut vides, Urbs una forte aut Regio, sed communis quasi Gentium consensus, suum olim

Lib. xxxv.

olim antiquariæ suppellectili pretium appositum. Græcos quidem homines, qui cæteris ad humanitatem & elegantiam præluxere, omnia illa vetustatis memoria præ cæteris etiam delectatos, lætum quippe antiquitatibus genus, ipsi veteres satis superque tradidere. Hinc non semel prædicant illorum in iis colligendis industriam; in dedicandis religionem; in visendis alacritatem; in conservandis studium; in retinendis constantiam; adeo ut nullum ex prisca id genus ornamentis, vi aut pretio eripi sibi volentes paterentur: *Nulla In Verrem* unquam civitas, inquit Tullius, *tota Asia & Græcia* signum ullum, tabulam pictam, ullum denique ornamentum urbis, sua voluntate cuiquam vendidit. Urbem nempe integram unum aliquod vetustum opus nobilitabat; unde propter solum Cupidinis signum visebantur olim Thespiae; nam alia visendi causa nulla est. Immo quid dicerent hodie urbani homines, si novi Romæ hospites, omnia omni aliorum illius decorum commemoratione, in laudanda ærea & equestri M. Aurelii Statua potissimum acquiescerent? At audiant urbanitatis omnis parentem, agentem de urbe Græcarum omnium nobilissima pulcherrimaque, Syracusis nempe, apud quas pictura quadam perantiqua equestris Agathoclis nihil nobilius, nihil quod magis visendum putaretur. Non *In Verrem* quæ alibi idem Orator extollit illius urbis ornamenta; <sup>I V.</sup> non celebris Arethusa; non fora maxima; non pulcherrimæ porticus; non ornatissima prytænea; non amplissima curia; non egregia templa; non amœnissimus portus; non ipse ex omni aditu vel terra vel mari præclarus ad adspectum situs, (qui ante biennium nimio opere me delectavit) parem loco celebritatem aut gratiam conciliarunt. Una picta vetusti operis tabula idonea visa est, quæ præ decoribus aliis, advenarum oculis

oculos in se converteret. Hinc certum jam olim illud hominum genus in celebrioribus oppidis, qui novos hospites ad visendas res vetustate aut raritate notabiles deducerent, easdemve explicarent, quos ἐξηγητὰς aut τῶν Πιπλωρίων ἐξηγητὰς passim vocantem videas Pausaniam. Alias Siculis dictos eosdem Mystagogos, ex Tullio insuper discimus: ut qui vulgo hic in Urbe aut in aliis Italiæ oris funguntur co munere, dignitatem hinc suam ac titulos discant; *Hi qui hospites, inquit, ad ea qua visenda sunt ducere solent, & unumquodque ostendere, quos illi Mystagogos vocant.* Ita fugillat forte aliquis, aut recentius putat eorum institutum, qui domos hodie & pinacothecas, instructas omni antiquaria supellectile exornant summo studio, nec minoribus impendiis; qui in Sacrariis recondunt; qui peregrinos & hospites ad eadem ultro ac libenter admittunt. Eadem fuit jam olim sollicitudo nobilissimorum cujusque urbis civium, ut domos haberent ornatissimas omni hoc veteris elegantiae genere; ut vasibus vel Corinthiis vel Deliacis, gemmis, signis æneis, marmoreis, eburneis, pictis tabulis aut textilibus operæ, aliisve ornamentis prisca & elegantis operis, famam loco, & sibi laudem apud externos pariter ac cives conciliarent. De Sthenio Thermitano civitatis suæ nobilissimo Tullius: *Etenim Sthenius ab adolescentia paullo studiosius hac compararat, supellectilem ex ære elegantiore & Deliacam, & Corinthiam, tabulas pictas, etiam argenti benefacti, prout Thermitani hominis facultates ferebant satis; qua cum esset in Asia adolescens studiose ut dixi comparabat, non tam suæ delectationis causa, quam ad invitationes adventusque nostrorum hominum amicorum suorum atque hospitum.* Idem alibi de Heii principis Mamertinorum domo plena vetustissimorum signorum; *Messanam ut quisque nostrum venerat, hac visere solebat,*

In Verrem

I v.

In Verrem

II.

In Verrem

I v.



*bat, omnibus hac ad visendum patebant quotidie; domus erat non domino magis ornamento quam civitati. Nonne credas designari, aut Palatium Farnesianum vel Barberinum; (ut tot alia hic mittam præclaris id genus Cimeliis instructa) aut Florentiæ Pinacothecam Maximi Principis, aut Mutinæ Gazam Heroum Estensium, aut Mediolani Museum Manfredi Septalæ, viri ornatissimi, quæ ut referta omni hoc veteri ornamentorum genere, & omnibus ad visendum patent quotidie, & singularem quandam domino non solum, sed loco etiam celebritatem commodant. Ne vero artis olim aut materiæ, non autem vetustatis præcipuam quandam rationem habitam quis putet, en locupletem tibi testem eundem Tullium, in ea Oratione qua expilatam à Verre Siciliam conqueritur. In id enim videas Oratorem incumbere totis viribus, ut spoliatione vetusti cujusque operis, ecce immanium criminum serie, invidiam reo potissimum creet; Nam domus, inquit, erat ante istum prætorem nulla paullo locupletior, qua in domo hac non essent, etiamsi præterea nihil esset argenti; Patella grandis cum sigillis ac simulacris Deorum: patera qua mulieres ad res divinas uterentur; thuribulum: hac autem omnia ANTIQUO OPERE & summo artificio facta. Alibi, ut in vetustate id genus monumentorum præcipuam religionem positam ostenderet; Sthenius vero non solum negavit, sed etiam ostendit id fieri nullo modo posse, UT SIGNA ANTIQUISSIMA monumenta P. Africani ex oppido Thermitanorum incolumi illa civitate, imperioque populi Romani tollerentur. Item alio loco, Qui accessistis Ennam vidistis simulacrum Cereris è marmore, & in altero templo Libera; sunt & per amplam atque præclaram, sed NON ITA ANTIQUA. Ex arc fuit quoddam modica amplitudine ac singulari opere cum facibus PER ANTIQUUM, omnium illorum que sunt in eo fa-*

In Verrem

11.



*no, multo ANTIQUISSIMUM; id sustulit.* Consule  
 Lib. xxxiii. Plinium: ars celandi apud Romanos ubi paullatim ex-  
 c. 12. olevisset, sua tamen ætate, ut ille refert, vel SOLA  
 VETUSTATE censebatur. Et post duos togatos pro-  
 Tertull. de deat palliatus Carthagenensis; *quadam & potius vascula*  
 cult. Fæm. *ex ære servat* MEMORIA ANTIQUITATIS. Immo  
 l. 1. ne forte otiosorum hominum propriam hanc volupta-  
 tem quispiam arguat, en tibi Magnum Alexandrum,  
 quem eadem rerum antiquarum cupiditate flagrasse,  
 Lib. i. c. 4. auctor Philostratus; unde & Curtio, *cognoscenda VE-*  
 TUSTATIS *avidus* vocatur. Eandem in illius æmulo  
 J. Cæsare agnovit Tranquillus, qui cum tradit *Gemmas,*  
*toreumata, signa, tabulas* OPERIS ANTIQUI *semper*  
*animosissime comparasse.* Quod studium etiam ad hujus  
 hæredem transit, de quo idem refert Historicus, illum  
 In Augu- Prætoria sua ommissis ornamentis aliis, *rebus VETU-*  
 sto. STATE & raritate notabilibus excoluisse. Quo spectasse  
 etiam hic observo officium illorum τῶν τοῖς θαύμασι seu  
*Admirandis Præpositorum*, (quos vulgo hodie Principum  
 Antiquarios vocant) quorum Pausanias in Arcadicis  
 meminit, occasione dentium Apri Caledonii, quos ex  
 Arcadia ab eodem Augusto Romam delatos scribit.  
 Goth. l. 1. Neque iidem tamen, qui Procopii ætate Beneventi  
 c. 15. adhuc viscebantur, quippe quos ille à Diomede in eam  
 urbem translatos refert. Adeo ut quum alibi apud eun-  
 dem Tranquillum legimus, Augustum Antiquarios &  
 Cacozelos pari fastidio prosequutum, non rerum ve-  
 tustarum, sed verborum antiquorum sectatores, fa-  
 cile quivis apud eum adsequatur. Quæ obiter, nec  
 aliena ab hoc loco à me referuntur, ut intelligant  
 tandem, qui omne hoc rerum antiquarum studium,  
 illiusque cultores vilipendunt, quibus & quantis dicam  
 scribant.

Quod

Quod vero hic potissimum agitur, inter tot res vetustate spectabiles, priorum ætatum Numismata locum jam olim haud ignobilem habuere. Hinc apud Dionem, oratorem illum & philosophum elegantissimum, lego, *ὡς περ νόμισμα δεχάιν ἐκ γνώμης τοῦ ἀδελφοῦ.* *Circa Nummorum Studium. Orat. XII.*

*Sicut NUMISMA aliquod VETUS ex Thesaurο quopiam domino carente depromptum.* Ita eundem illum Augustum ut omnia alia selectiori vetustatis memoria, sic Nummis etiam antiquis & exoticis delectatum, non obscure licet colligere; qui illo quoque munusculorum genere amicos suos solitus fuit nonnunquam prosequi. Unde hac de re Tranquillus, *Saturnalibus & si quando alias libuisset, modo munera dividebat vestem & aurum & argentum; modo NUMMOS omnis notæ, etiam VETERES REGIOS AC PEREGRINOS.* Ita ut hac ratione plures ad tractanda id genus monumenta invitaret, ne de ævi sui infelicitate usurpari posset aliquando illud Symmachi, *Spectatorum VETERIS MONETÆ solus Lib. III. supersum.* Præ reliquis autem, & instar omnium testis *Ep. II.* hujus moris luculentus Jurisconsultus, qui Numismatum aureorum vel argenteorum VETERUM, *Pompon. D. de usufruct.* QUIBUS PRO GEMMIS uti solent, usum fructum legari posse definivit.

Difficile vero hic fateor suam singulis tot Gentium & locorum Nummis ætatem, aut Antiquitatis prærogativam, uni alterive adsignare. Nec id agimus hoc loco. In Romanorum, aut Romani Orbis Nummis, res minus habet difficultatis; qui aut sub Cæsaribus, Imperatorum vultu signati, aut stante Republica, præstantissimorum civium ætatem ferme præ se ferunt. In Nummis vero Græcorum & Asiaticorum, ante admissum Romani imperii jugum cufis, res incerta & minus

Lib. v.

vulgata; quum magna eorum pars certis locorum insignibus, nulla, aut obscura temporis nota sit distincta. Ita ut de iis non immerito possit usurpari, quod de quadam Herculis statua refert Pausanias, adeo vetustam esse, ut ætatem illius nemo possit prodere. At certe plurimos ex iisdem Nummis, liberis adhuc Græcorum rebus, h.e. florente Persarum imperio percussos, ex Nummis cum Macedonum aliquot, Philippo, & Alexandro vetustioribus; tum Græcorum, qui antiquiorum Magistratuum nominibus signati; præterea Siculorum aliquot vetustissimorum, liquidum mihi sit ac manifestum. Cujus etiam vetustatis haud leve indicium arguunt antiquæ in iis scripturæ vestigia, quæ suo loco indicabuntur. Nec enim de primæva Nummorum antiquitate nobis hic sermo, & an infra Palamedis tempora signatæ pecuniæ origo referri debeat, ut Philostrato in Heroicis placuisse memini. Illud saltem hinc mihi facile, ut spero, largientur, non usque adeo contemnendam, aut alibi facile obviam videri adsurgentem supra duo millia annorum vetustatem.

2.  
Ob Durat-  
ionem.

Tusculan. 1.

Antiquitatis enim illam in Nummis prærogativam ac dignitatem, *Duratio* certe eorundem maxime arguit. Nummos immortalitatis studium & cura invenit, sicut sepulchrorum monumenta & Elogia; ut de iis alibi differenter Tullium nosti. Nec enim alia custodia rerum gestarum memoriæ fidelior; ut quod de literis in genere Livius, ad Nummos potiori quodam jure referre mihi liceat.

*Hæc ævi veteris custos famosa vetustas.*

Intellexere hoc (quod etiamnum hodie in publicis operibus aut solennibus, sequior ætas feliciter æmulatur) quicunque propagandi ad posteros nominis immensa & laudabili quadam cupiditate flagrarunt. Hinc vultus

vultus suos, aut res gestas, dignas sæculorum memoria, Libris quidem, Columnis, Saxi, Tropæis, Tabulis, Statuis, sed tanquam iis non confisi, Nummis quoque consignari voluerunt: ut certiori quodam æternitatis pignore, se suaque ab oblivione vindicarent. Hanc certe mentem aperte declarant illa Principum verba vel edicta apud Cassiodorum; *Verum hanc liberalitatem nostram alio decoras obsequio, ut figura vultus nostri metallis usualibus imprimatur, MONETAMQUE facis de nostris temporibus FUTURA SÆCULA commonere. O magna inventa prudentum!* Hæc nempe monumenta suæ formæ ac nominis, non tanquam dimittenda cum vitæ tempore, sed quasi cum omni posteritate adæquanda relinquebant. Quo spectat Ducis illius Græci apud Athenæum facinus, qui ubi nummos curasset spargi ad perpetuam memoriam, in campis & ruinis Corinthi, tum demum tanquam voti jam reus, mori non dubitavit. Inde etiam crebræ illæ ac solennes, quæ occurrunt in Nummis veterum Formulæ, **ÆTERNITATI AUGUSTI**; **ÆTERNÆ MEMORIÆ**; **PERPETUITATI AUG. ROMÆ** quoque **ÆTERNÆ**; quibus, quam Divorum honoribus ac Templis nequidquam quærebant immortalitatem, his monumentis quodammodo sunt apud posteros consequuti.

*Sic auferre rogis umbram conatur, & ingens*

*Certamen cum morte gerit, curasque fatigat*

*Artificum, inque omni te quarit amare METALLO.*

Nec enim eos hic vel ratio, vel eventus fefellit. Alia quippe opera in eorum gloriam incisa vel erecta, præclara quidem illa & diuturna, materiæ tamen aut temporum injuria, breviori quadam annorum circumscriptione fuerunt obliterata. *Et tamen illis omnibus, inquit Tertullianus in Apologetico, & statuas defunditis, &*

*Durationis  
illorum  
Comparatio  
cum aliis  
Monumen-  
tis.*

*imagines inscribitis, & Titulos inciditis IN ÆTERNITATEM.* Magnificæ etiam sunt illæ voces, quibus extructiones civibus pro Repub. defunctis decernendas

Philip. xiv. statuit alicubi Tullius; *Erit igitur extructa moles opere magnifico, incisa littera divina virtutis testes sempiternæ; ita pro mortali conditione vita immortalitatem estis consequuti.*

Hæc ipsa tamen nonne demolita est & obscuravit obli-  
vio, invidit aut abolevit posteritas? *Templa, Theatra, Arcus, Tropæa*, (ut paucis rem hic potissimum obviam complectar) quot aut qualia hodie supersunt? Nec de antiquissimis Græcorum Tropæis hic loquor, quæ olim non è saxis, sed è vulgaribus lignis constitisse refert

Lib. xiii. Diodorus, eo animo ne inimicitiarum monumenta essent diuturna. Illa potius opera reputemus, quæ non ad *temporariam moram*, ut Theatrum Scauri, de quo ma-

Lib. xxv. c. 15. gnifice adeo Plinius alicubi loquitur; sed ad *æternitatis destinationem* erant erecta: ut male tamen pleraque spem illam æternitatis impleverunt, quorum vix ruinae aut vestigia ab aliquot jam sæculis conspiciuntur! *Librorum* veterum obnoxium tot injuriis fatum, & deploratam sæpius, nec tamen satis unquam lugendam jacturam, quis illiteratus adeo aut nescit, aut ita ferreus

quotidie adhuc non ingemiscit! Alexandrina incendia, & notam Urbis calamitatem omitto; vel una Photii Bibliotheca, quantum ab octingentis annis perierit monumentorum id genus, nimis luculenter testatum facit. Unde & illa jam olim querela disertissimi rerum

Livius l. 11. Romanarum scriptoris, qui si quæ in Commentariis Pontificum, aliisque publicis privatisque erant monumentis, incensa Urbe pleraque tradit interiisse.

*Pictura*, quæ vix sæculorum aliquot edacitatem effugiunt, ita ad diuturnitatem memoriæ longe adhuc minus habent præsidii. Hinc obsoletas jam ævo suo insi-

gnes

gnes aliquot pictas Tabulas, queritur non semel Pausanias, in ea vetustiorum operum, quam passim instituit, commemoratione. Unde Tullius quoque, Rempublicam suorum temporum confert alicubi picturæ non solum evanescenti vetustate, sed coloribus etiam & extremis lineamentis destitutæ. Apellis utique nomen novimus, opera ignoramus; neque scilicet jam ulli patet ad visendum

In Attic. &  
Arcad.

In Fragm.  
de Repub.

*Linea qua veterem longe fateatur Apellem.*

Non illa Venus Anadyomene amatores amplius adlicit; non Alexander ille cum fulmine, mortali Alexandro felicior; non miles ejus Antigonus, alibi quam in Nummis superstes; non alia denique decantata Protogenis, Parrhasii, Zeuxidis, hoc est præstantissimorum Artificum miracula, oculos hodie nostros oblectant. Vix aliqua eorum vestigia Romæ supererant ævo Petronii, qui inspecta quædam id genus, ut singulare spectaculum commemorat: *Nam, inquit, & Zeuxidis manus vidi, nondum vetustatis injuria victas, & Protogenis rudimenta.* Fragmenta aliquot tenuia & obscura picturæ veteris, quæ in Aldobrandinis Hortis, Palatio Farnesiano, & apud summæ cum amplitudinis, tum comitatis virum, Camillum Maximi, etiamnum hic occurrunt, dolorem potius & desiderium, quam voluptatem & solatium spectatoribus adferunt. *Statue, Signa, Lapides, Marmora*, ut præstantia & diuturnitate materiæ ad memoriam æternitatis comparata, sic propitio magis fato, sæculorum vim & oblivionem temporum elusisse videntur. Habet adhuc, fateor, in hoc genere Italia, & Roma vel maxime, quo præclaram etiamnum & jucundam pristini decoris speciem advenarum oculis subji-  
ciat. Laocoon Vaticanus jam Plinii tempore, pro supremo Artis conatu habitus; Hercules cum Farnesia-

nus,

nus, tum Capitolinus; Venus Medicæ; Seneca & Gladiatores Borghesiani; illa M. Aurelii statua Equestris; aliaque nonnulla singularis & divinæ cujusdam præstantiæ opera, ad publicum stuporem & exemplum etiamnum hic supersunt. Sed præterquam quod manca multa sint ex iis & mutila, quot & quanta sunt, si cum veterum Statuarum numero & amplitudine conferantur? Certe de solis Statuis æreis notat alicubi Se-

Varian. lib.

111. c. 15.

nator, *cas parem populum urbi dedisse, quam natura procreavit*: Tertullianus vero in Apologetico; *nondum enim tunc ingenia Græcorum atque Tuscorum fingendis simulacris urbem inundaverant*. At vide quid de Statuarum id genus fato disertissimus Orator & Consul, jam olim pronuntiarit; *Illa autem aurea & innumerabiles strage & ruina publico gaudio litaverunt*. Hinc singulas statuas consecrari quidem ut æternas, observat alicubi Dio Chry-

Plinius in

Paneg.

sofotomus, sed easdem cum vario fato, tum longinquitate temporis intercidere agnoscit. Quod ipsum præclare alicubi etiam expressit Eusebius, qui hominibus ad solatium mortis, & æternitatis contemplationem, quæsitæ Imagines, Statuas, ac Monumenta id genus commemorat; quæ tamen omnia caduca & brevi es-

Or. xxxvii.

sistent interitura. Unde apud alterum Dionem Mæcenas, Augustum ab aureis & argenteis Statuis erigendis dehortatur; quod parum illæ soleant esse diuturnæ, certe quas tempestate, vi, vetustate interire alicubi

De vit.

Constant.

lib. 1. c. 2.

sent interitura. Unde apud alterum Dionem Mæcenas, Augustum ab aureis & argenteis Statuis erigendis dehortatur; quod parum illæ soleant esse diuturnæ, certe quas tempestate, vi, vetustate interire alicubi

Lib. 111.

Tullius agnoscit. Non solum de Jove Olympio Phidiæ, aut Venere Praxitelis hic loquor; non de immensa illa Statuarum multitudine, quibus aut Urbis fora, aut Viæ publicæ, aut privatorum Villæ collucebant; non de innumerabilibus illis Deorum simulacris, quæ eodem cum Diis suis fato periire. Illos fidereos Colossos Solis, Neronis, Commodi, qui quo cælo propio-

Philip. 1 x.

res,

res,



res, æternitatis quoque spem minus dubiam habere videbantur, aut plane interiisse, aut eorum aliquot laceros & dissipatos artus jacentes intuemur. Mitto direptas Urbis à non uno Cæsare Constantinopolitano Statuas, aut certis quibusdam locis inclusam & definitam earum copiam, aliis ferme gentibus inconcessam. Nummi vero integri magis, incorrupti, cum materiæ beneficio, tum artis compendio; amplitudine vero locorum, in quibus eruuntur, numero præterea & varietate longe hic præponderant. De *Lapidibus* vero, quibus vulgo inscripta veterum Elögia, & impressa etiam, neque apud solos Ægyptios, antiquissima memoriæ monumenta, agemus alibi. Quamquam illud venustissimi Poëtæ haud ignoras,

Tacit. Ann.  
nal. x 1.

*Tabida consumit ferrum, lapidemque vetustas.*  
aut alterum Vatis Burdegalenfis,

*Miramur periisse homines, monumenta fatiscunt.*

*Mors etiam Saxi, nominibusque venit.*

Ut certe consulentibus hic nobis subinde antiqua illa Marmora, quæ nullo ævo aut macie senescere posse videbantur, nullibi liqueat manifestius, quam verus saltem ille Vates fuerit qui & Saxo multam nocere senectam adseruit. Tale equidem, non hic vendito Monumentorum id genus, in quod unum nihil senectæ, nihil flammis, nihil posteritati liceat, denique *Aquibus omne avi senium sua fama repellit*. Verissime Suada Romana: *Nihil enim est aut opera, aut manu factum, quod aliquando non conficiat & consumat vetustas*. Sempiternum ca ratione dicimus, qua pro mortali vitæ conditione, fatalis terminus si non tolli funditus, ad immensum tamen tempus ætatis produci videtur. Adeo ut immortalem illam vitam, quam sibi nequidquam secundus augurabatur Ptolemæus, solam hæctenus eidem

Cicero pro  
Marcello.

Athen.  
Num- Deip. l. x 11.

Ep. 2. de  
Cruce.

Nummi præstiterint, in quibus ille se adhuc hodie conspiciendum præbet. Incredibilem alias Nummorum multitudinem, carie quoque, & casibus variis consumptam, aut etiamnum sepultam non diffiteor, & si ad veterum signatam pecuniam subducatur, minimam illam & contemnendam forte, Cl. Salmasio alicubi id asserenti lubens concedam. At si rursus eadem cum residuis aliis monumentis veterum conferatur, si Nummorum, qui in Europa Asiaque, aut jam reperti, aut quotidie è terræ visceribus eruuntur, numerus reputetur; si antiquitatis eorundem ratio qualiscunque habeatur; incredibilem adhuc quandam, & prope infinitam illorum tum copiam, tum varietatem, omnes, qui vel mediocrem eorum usum habent, mirari ultro & fateri cogentur.

3.  
Ob. Argu-  
enti No-  
bilisatem.

Nec Dignitatem illa Nummorum *Argumenti* in iis expressi *Nobilitas* minus arguit, vel ostendat. Sacram artem Statuariam vocat alicubi in descriptionibus suis, ille qui Philostrato comes addi solet Callistratus. SACRAM MONETAM vero, & Nummi ipsi continuo reclamant, & Constitutiones Principum abunde loquuntur. Hinc celebris jam olim illa lex Cornelia, aliaque statuta, perpetuo quodam Gentium consensu stabilita, quibus à temerariis contrectatoribus & falsariis immunis eadem vindicatur. Immo nec *Sacram* solum sed *DIVINAM* etiam videas eandem nuncupatam sub Christianis Principibus: ut in veteri libello incerti Auctoris adjuncto veteri Notitiæ Imperii, quia augendi æarii & conservandæ Monetæ rationem exsequitur: & in quo unum caput occurrit cum lemmate: *Felix inchoatio SACRÆ DIVINÆQUE MONETÆ*. Ne mirum jam videatur si tanta Numminis illius veneratio Christianorum adhuc mentibus insedit, neque aliud

aliud videas ex omni Divorum ordine tot aris coli, aut tot supplicum votis fatigari. Hinc eadem jam olim Monetæ in Nummis veterum, quæ Æquitas effigies; ut ex æquo nempe religio utriusque & reverentia traderetur. Mirro JUNONIS etiam, & APOLLINIS MONETALIS expressa, & adorata olim simulacra; ut vel ex iisdem Nummis adhuc hodie colligimus. Talem utique circa illos religionem, signati in iisdem Principum ac Dominorum vultus passim conciliarunt. Unde jam olim ingeniosissimus vates, de simili Cæsarum imagine ad se transmissa:

*Argentum felix omnique beatius auro,*

In Ponto  
lib. i. l. 8.

*Quod, fuerit pretium cum rude, numen habet.*

Factum enim haud inconsulto, ut inter alias dominationis artes, hæc quoque sit à Regibus passim & Cæsariis admissa; ut imago Principum subjectos videretur Cassiodor.  
lib. vi. Ep.  
7. pascere per commercium, quorum consilia invigilare non desunt pro salute cunctorum. Ita colendam eorum imaginem facile singuli credidere, quorum nutu & auspiciis florens respublica, & incolumes privatorum fortunæ servabantur. Immo ea ratione provisum, ut tanquam præsentibus ubique & manifesti in eorum etiam oculos incurrerent, qui longius alias à Principum suorum conspectu submoti, in diversis terrarum partibus sub eorum tutela ac imperio acquiescebant. Quo etiam spectant illa ejusdem Poëtæ exulis, & Augustum, Liviam ac Tiberium absentes in argenteis eorum imaginibus recolentis,

*Nos quoque vestra juvet, quod, qua licet, ora videmus:*

*Intrata est superis quod domus una tribus.*

*Felices illi qui non simulacra, sed ipsos*

*Quique Deum coram corpora vera vident.*

*Quod quoniam nobis invidit inutile fatum,*

*Quos dedit ars votis, effigiemque colo.*

Onciroc.  
lib. 11. c.  
33.

Lib. 1. de  
vit. Apol-  
lon.

Lib. 111. de  
vit. Con-  
stant. c. 47.

Hinc *aternales illos vultus violare*, religio quædam veterum (utinam pariter omnium recentium) antiquiorum mentes incescit. Unde ille apud Artemidorum Stratonicus, putabat se Regem calcitrasse, qui progressus invenit aureum ejus numisma, quod ignarus forte calcaverat. Capitale certe fuisse Tiberianis temporibus, apud Senecam & Suetonium legimus, effigiem illius Cæsaris Nummo vel Annulo impressam, latrinæ aut lupanari intulisse. Quod egregie illustrat ille apud Philostratum locus, qui doctorum virorum effugit diligentiam; ubi in claro Pamphylia oppido impietatis nonnemo damnatus legitur, qui servum verberibus adfecerat ferentem forte drachmam argenteam, in qua expressa erat Tiberii effigies. Quo referri etiam debet infelix casus juvenis illius ex equestri ordine, qui ultimo supplicio destinatus à Caracalla legitur, quod nummum signatum ejus imagine in lupanar intulisset, ut observat Dio in Excerptis Peireskii. Plures id genus omitto majestatis postulatos, ob imaginem Cæsarum promiscuis usibus violatam; cui etiam diademata sua & tiaras soliti olim subicere Orientis Reges; ut non de uno Arsacida ac Tigrane narrant rei Romanæ Scriptores. Hinc vultus Nummis signare, inter præcipua olim Majestatis arcana receptum; quod Severum Clodio Albino singularis privilegii loco concessisse, tradit Herodianus; ac inter præcipuos honores matri Helenæ à Constantino exhibitos refert Eusebius. Unde etiam de Rufino imperium adfectante Claudianus,

——— & quod post vota daretur,

*Inscribi propriis aurum fatale figuris.*

Exagitat nempe vesanam Rufini illius superbiam,  
qui

qui ad supremum Cæsareæ Majestatis apicem nihil sibi reliquum fecerat, quam ut Nummis aureis suam imprimeret effigiem; quod tamen ea ætate solis Romanorum Imperatoribus in toto orbe usurpabatur. Eandem etiam vefaniam in Procopio Augusti fastigium ambiente Valentiniani temporibus, notaverat jam ante Ammianus, qui tradit ejus affeclas nullo præter petulantiam adjumento confisos, AUREOS scilicet Lib. xxvi.

*Nummos effigiatos in vultum novi Principis, aliæque ad illecebras aptantes.* Hanc enim tum unicam toto orbe Augusti fastigii prærogativam docet nos alter Procopius, qui tradit præter Cæsares, solis Francorum Regibus sub Justiniano primum concessum, nummos aureos sua ornare effigie; non autem idem licuisse Persarum, aliorumque Barbarorum Regibus vel Tyrannis. Locus hanc in rem eximius, & quem operæ pretium erit adscribere; ubi narrat Francis Germania profectis stabilem Galliarum possessionem adseruisse Justinianum, & ab eo tempore Germanorum Reges Masilia & vicinis locis potitos Arelate Circensibus præfedis, additque,

Νόμισμα ὃ χρυσὸν ἐκ τῶν ἐν Γάλλοις μεταλλῶν ποιῶνται. Οὐδ' Gotth. lib.

Ῥωμαίων ἀντιγράψουσιν (ἔπερ εἶδισα) χαρὰ κίηρα ἐν μέτροι 11.

τῷ στατήρ. τάτω, ἀλλὰ τὸ σφετέρων αὐτῶν εἰκόνα, καὶ τοὶ νόμισμα μὲν δόρυρην ὁ Περσῶν βασιλεὺς ἢ βύλοιτο, ποιῶν εἴωθε. χαρὰ κίηρα ὃ ἰδίον ἐμβαλέει στατήρ. χρυσῶν, ἔπ τ' αὐτῶν ἀρχόντες θέμις, ἔπ ὃ ἄλλων ὀνίναοῦν βασιλεία τ' πύλων βαρβάρων, καὶ ταῦτα μᾶλλον ὄντα χρυσῶν κύρον. ἐπεὶ ὅδε τοῖς ξυμβάλλουσι ποιεῖται τὸ νόμισμα τὰ τοιοῖα εἰσιν, εἰ καὶ βαρβάρους τὰς ξυμβάλλοντες εἶναι ξυμβαίη. Unde manifeste licet eruere,

primo singularem hanc fuisse prærogativam Romanorum Cæsarium, nummos aureos sua signare effigie. Secundo, eam Francorum Regibus firmatis in possessione Galliarum à Justiniano, eximii privilegii loco

ab eodem Cæsare primum concessam: Tertio, nemini Barbarorum, nequidem Regum Regi, vel iis etiam apud quos aurum nascebatur, idem licuisse. Quarto, rationem hujus moris eam fuisse, quod nullus usus futurus fuisset nummi ejusmodi aurei cum illorum Regum effigie; cui nullus utpote in commercio locus, ne quidem ubi negotium erat cum Barbaris, in toto orbe Romano relictus erat. Hic postremorum verborum sensus, quem non per omnia expressit novissimus Procopii interpres, & qui paulo intricatior legitur in versione Grotiana, ut sicut fieri solet in opere posthumo, quædam ibi obrepserit contra mentem aut scripturam viri magni existimem. Vetus alias hæc illorum Galliæ tractuum prærogativa, ut Romanorum Præfectis liceret in iis monetam auream & argenteam cudere, sicut de Lugduni Præsidibus commemorat alicubi Strabo. Nec sacram tamen solum hanc prisce ævi memoriam æterni illi vultus, ut alia quoque iisdem Nummis contenta arguere mihi & comprobare videntur. Religio veterum (ut paucis res prope innumerabiles complectar) & universa Sacrorum apud eos ratio; Ritus solennes Belli ac Pacis; Victoriarum vel Instrumenta vel Præmia; Gentium ac Urbium Heroës, & Insignia; Figuræ Virtutum aut Vitiorum symbolice; Animalium, aut Plantarum nobiliorum Effigies; Fabricæ denique & Opera publica, quasi ad memoriam æternitatis vel extructa vel instaurata. Ampla utique, & digna materia, quam non ignobiles manus tractent!

4.  
Ob splendorem, & Auctoritatem Nummos tractantium.

Et sane vel hinc potissimum splendor eximius, & decus quoddam peculiare hujus Nummorum tractationis exsurgit. Quum enim pleraque alia veneranda vetustatis monumenta excolantur passim privatorum studiis, nescio quomodo supra aliorum fastigium, hæc ipsa



ipsa vel fors sua, vel Dignitas evexit. Adeo ut ex quo elegantiores quæque artes ac disciplina, è situ vetustatis erutæ, nitorem aliquem & cultum admisere; nulla ex iis aut Candidatos nobiliores, aut patrocinium splendidius consequuta videatur. Ut certe, si honos alit artes, & gloriâ homines ad studia incenduntur, nulla jam hisce, de quibus agimus, potiora, & in majori quadam celebritate versari fatearis. Equidem longa res foret Cæsarum, Regum, Principum, Illustrium Togatorum, & amplissimi cujusque ordinis Virorum nomina recensere, qui in Nummorum veterum delectum & curam certatim quasi incubuere. Quot aut quam luculenta exempla hæc vestra Italia, harum ar- *Italorum.* tium Parens & altrix suppeditat? Ita quidem intelligo, extitisse Avorum vestrorum memoria Domum MEDICÆAM, æternam illam Musarum Hospitem, quæ ut humanitatem omnem & eruditionem sinu suo excepit ac aluit, ita prima quoque suam veterum Nummis dignitatem adseruit. Non meum illud solum, sed viri docti hac de re testimonium; *Si Nummos antiquos* *Laurent.* *in pretio primum habitos à Medicæis contendero, nemo* *Pignor. Epist. Sym-* *repugnabit opinor.* Fidem his adstruit Philippus Cominaus, testis ut alienigena, ita oculatus & exceptione major; qui aliquot millium aureorum Numismatum, *Lib. VII.* & argenteorum copiam quandam immensam, suo tem- *c. 9.* pore jam à Medicæis collectam, ac Italiæ in hoc genere præstantissimam refert. Unde & illum Urbis suæ Principem ac Mæcenatem quondam suum LAURENTIUM Medicæum commendabat jam olim eo nomine decus illud vestrum ac simul elegantiorum litterarum Politianus; *Quamquam & vetustas Codicum & NU-* *In Præfat.* *MISMATUM fides, & in as aut Marmor incise antiqui-* *Miscellân.* *tates, quæ tu nobis Laurenti suppeditasti, plurimum etiam* *præter*



*præter librorum varietatem nostris commentationibus suffragantur.* Hæsit vero eadem vel crevit potius in FRANCISCO Magno Etruriæ Duce sollicitudo, sub quo congestus ille vel adauctus Nummorum veterum Thesaurus, quem inter Europæ primarios, summa cum voluptate Florentiæ ante biennium inspeximus. Hæret hæc eadem in LEOPOLDO Etruriæ Principe, qui ut flagranti omnium præstantissimarum artium ac disciplinarum amore, & assiduo patrocinio, ita Nummorum quoque veterum peritiâ singulari, & eximio quodam delectu excellit. Nihil famæ hic damus, sed documentis iis, quæ comitasejus fastigio non minor, nobis aliquotiens suppeditavit. Hanc Domus Medicæ gloriâ feliciter æmulata est Domus ESTENSIS, Heroum an Musarum nescio utrum felicior parens; quæ has cognatas veterum Cæsarum Effigies, suis quoque imaginibus inferendas credidit. ALPHONSUM certe Mutinæ Ducem, nuper admodum terris ereptum, memini collectos id genus à Majoribus Nummos, præclaros & luculentos, summa cum peritiæ & delectationis significatione, coram mihi visendos exhibuisse.

*Et ducis implevit visus veneranda vetustas.*

Geminum studium in EUGENII IV. Purpurato Nepote, celebraverat jam ante Æneas Sylvius, Pii II nomine & dignitate celebrior; *Antonius*, inquit, *S. Marci Cardinalis Eugenii Quarti Summi Præsulis Nepos, incredibile est quam multa Numismata veterum conquiescit Imperatorum & Principum, amator & hic vetustatis est.* In hujus quoque laudis societatem venire superiori seculo, ALEXANDER FARNESIUS, & JACOBUS BUON COMPAGNI, quorum studio Musea instructissima omni id genus supellectile, præcipua fama floruerunt & florent etiamnum. Nec inferior in hoc laudis

Not. ad  
Ant. Panor.  
Apoph.

dis genere Urbis lumen ac decus, FRANCISCUS BARBERINUS, in quem summa omnia honoris, fortunæ, virtutis, ac doctrinæ ornamenta factò agmine confluxere. Ut alios omittam inferioris quidem ordinis, magnæ tamen amplitudinis & existimationis viros superiori sæculo conspicuos, *Andream Lauredanum*, diligentissimo Sigonio non semel eo nomine laudatum, & *Sebastianum Erizzo* Venetos, *Annibalem Caro*, Picenum, *Carolus Molsam* Mutinensem, *Vincentium Pinelli* Genuensem, Comitem *Joannem de Lazara* Patavinum, Marchionem *Niccolini*, & *Carolus Strozza* adhuc superstitem Florentinos, & nuper Urbi ac Musis ereptum *Cassianum à Puteo*, aliosque magno numero propriis juxta ac his alienis veterum imaginibus insignes. Tres certe hic omittere non possum, & genere claros, & Nummorum supellectile ac peritia in Urbe celebres etiamnum ac florentes, *Feliciam Rondanini*, Parentis & Filii purpura, sed ingenii, sapientiæ, & eruditionis dotibus longe magis fortunatam; *Camillum Maximi*, in quo antiquæ juxta & elegantes artes præclarum hospitium ac præsidium habent; & *Franciscum Gottifredi*, spectatæ adeo in talibus fidei ac industriæ, ut omnis Antiquariorum Natio fascès illi meritissime submittat.

Nec extra Italiam vestram, minus aut splendoris, aut dignitatis, hæc veteris ævi memoria videtur etiam consequuta. ALPHONSUM illum, non tam regni amplitudine, quam ingenii gloria celebrem, collecta per Italiam Cæsarum Numismata, in eburnea arcula diligenter adservasse, iisdemque supra modum delectatum accepimus. Dignitate quidem inferiorem eadem dedit Hispania, sed quem religio foret præterire hoc loco, *Antonium Augustinum* Tarraconensem Archiepiscopum, quo nemo adhuc forte felicius hanc ornavit

*Extra Italiam.*

Anton. Patrimonitan.  
Apopht.  
Alfonf.

*Hispanorum.*

Vid. Museo  
de la Me-  
dal. Hispan.

In Itinera-  
riis quibus-  
dam Hispan-  
nix.

*Sicilorum.*

*Germano-  
riam.*

provinciam, aut lucem illi ac dignitatem suam luculentius adferuit. Alios quosdam dignatione præcipuos, ut *Martinum Arragonensem* Ducem Villæ Formosæ, & *Ferdinandum Velasco* magnum nuper in Castilia Equitum Magistrum, addictos etiam huic elegantia, memorant docti aliquot Hispaniæ Antiquarii. Ut præteream hoc loco *Vincentii Lactanosa* cum laudatam abunde à peregrinis testibus, tum erudite adferatam vernaculo opere in omni hoc studiorum genere ac delectu industriam. Et cur in viciniore vobis Sicilia mitto, aut Buteræ Principem *Fabritium Francoforte*, Aurei Velleris Equitem, è cujus admirabili Nummorum veterum Thesauro, longo annorum spatio collecto, ingentes divitias hausisse sese faterur *Paruta* diligens patriorum Numismatum collector; aut *Jacobum Bonanni* Montalbani Ducem, ac *Vincentium Mirabellam*, super claritatem natalium, plurimum laudis & famæ in hoc litterarum genere propriis ingenii monumentis consequutos; aut denique *Antonium Chiaramonte*, *Josephum* & *Franciscum Faiia*, aliosque ejusdem tractus amore & studio hujus antiquariæ suppellectilis haud leviter commendatos? Germania vero **RODOLPHUM II**, & **FERDINANDUM II** Cæsares, **LEOPOLDUM** præterea Archiducem proxime defunctum, præclaros utique & luculentos hujus memoriæ vindices ac æstimatores vidit. Plures ex eadem Gente sese offerunt, & primi quidem ab Augusto fastigii Proceres, geminæ laudis æmuli, ac inter alios duo superstites, **FRIDERICUS GULIELMUS BRANDENBURGICUS**, & **CAROLUS LUDOVICUS PALATINUS**, Electores; de quo postremo plura dicerem hoc loco, nisi in eo Principis non solum, sed etiam Domini personam revererer. Hoc unum modestissime dicam, eum col-

collectam à Majoribus lautissimam Nummorum veterum suppellectilem, & nova subinde accessione locupletare, & præclarum his artibus, ut omnibus aliis egregiis & laudabilibus, pretium inter paucos statuere. Accedit hodie in eadem vicinia avitæ Stirpis Princeps, DURLACENSIS Marchio, quem ab annis aliquot eadem circa Nummos Veteres cura & sollicitudo feliciter incessit, ut sciret nempe,

*quid Ausonia scriptum crepet igne Moneta?*

Ne jam in eundem album referam, vel *Marcum Velzerum* Augustanum Duumvirum, vel nostratem *Marquarilum Freherum*, aliaque minorum quidem gentium, nec ignobilia tamen aut indecora Germaniæ suæ ornamenta. Sed ut ad illustriores hujus elegantiae cultores redeam, en tibi Danorum folio feliciter hodie insidentem *FRIEDERICUM III*, præter alia decora, cruditum quoque his artibus, ac omnis hujus antiquitatis, ut perhibent, diligentissimum investigatorem. Nec vero prætereundum arbitror, licet è remotiori adhuc Pannonia, & superiori præterea sæculo accersendum, ingenii operibus nobilem *Joannem Sambucum*, inter primos hujus memoriæ adscriptores, jure quodam suo referendum. *Belgium* *ARESCHOTANI* Ducis, in colligendis antiquis Nummis operam ac industriam singularem, Lipsii præconio jam olim laudatam, celebravit; quam vel ex vulgato illorum Thesauro, cuivis licet hodie æstimare. *Levinum* etiam *Torrentium* dedit eadem regio, omnis hujus elegantiae non expertem; ut arguunt viri alias Insularum ornamentis conspicui monumenta; *Marcum Laurinum* præterea, Huberti Goltzii Mæcenatem, ob summam de his studiis bene merendi voluntatem, non ab eodem solum, sed etiam ab elegantis eruditionis Jurisconsulto haud perfunctorie

*DANORUM.*

*Pannoni-  
um.*

*Belgarum.*

I. Rævard.  
Præfat. ad  
Leges XII  
Tabula-  
rum.

rie commendatum: *Moriar*, inquit, *si præter te quemquam habemus reliquum, per quem aliquam antiqua Romanorum Reip. imaginem possimus agnoscere. Continget tibi haud scio an nemini, ut tua in conquirendis per omnem terrarum orbem NUMISMATIBUS INDUSTRIA, non grata modo eruditis hominibus, sed etiam popularis futura sis.* Sic alios insuper ejusdem tractus, cum splendore munera aut natalium, tum egregia in his studiis facultate insignes, vel ex idoneo ipsius Goltzii, clari quoque his artibus & monumentis testimonio, luculenter colligimus. Quibus certe liceat mihi adnumerare, cum *Nicolaum Roccok Equitem, Andrea Schotto perhibente, rei omnis antiquariæ ac Numismatum peritissimum; Gasparem Gevartium proxime defunctum; haud parum nobilitatos his artibus Rubenios; Schinkelium præterea de Valcour, & eidem cælo insertum, Jo. Jacobum Chiffletium: ne complures alios huc advocem ex eadem gente, nostro aut superiori sæculo, illo studio haud mediocriter incensos.* Gallia vero, ut vetustiores mittam Proceres, Regium Principem GASTONEM AURELIANENSEM, florentem nuper omni hac laude, in eamque serio incumbentem suspexit. Ut jam de Viris felicitis memoriæ nec de facie, quod in enumerandis claris Oratoribus Tullio suo Atticus exprobrabat, haustis, *Gulielmo Choul, Josepho Scaligero, Paulo Petavio, Fabritio Peireskio, Jacobo Sirmondo, Joanne Tristano, aliisque præclaris in ea Gente & amplissimi ordinis Viris nihil dicam, qui in ornanda & excolenda id genus vetustate egregiam & luculentam operam potuerunt.* Nec minus hodie vel supersunt in eadem gente, vel exornant hanc memoriam, Viri vel eo nomine sæculorum memoria digni, quales aut Regii sanguinis tradux HENRICUS BORBONIUS, Dux Vernolii, elegans

Gallerum.

elegans omnis hujus industriæ fautor & admirator; aut consultissimus divini atque humani juris *Gulielmus Lamonio* Senatus Princeps; aut non *Ærarii* solum, sed præcipuarum Regni curarum Administer, fama fortunaque celeberrimus *Joannes Baptista Colbertus*; aut vetustate familiæ suæ dignissimus *Achilles Harlaus*; aut inter *Ærarii* Curatores adlectus probatæ pridem fidei ac industriæ *Sevius*; aut qui ingenium illustre altioribus studiis dedit *Ludovicus Henricus Lomenius* Briennæ Comes; aut *Æduorum* Senatus una cum *Philiberto de la Mare*, & *Joanne Baptista Lantino* lumen ac ornamentum *Bohierius*. Equidem mea etiam expectatione majorem animo cepi voluptatem, cum viderem coram non semel, Viros, cum auctoritate, tum sapientia, aut ingenii laude florentes, omnem hanc supellectilem ex auro, argento, ære, elegantiorē studiosè comparare; domos eadem habere instructas, quæ, quod de principe Mamertinorum *Tullius*, non domino magis ornamento sunt quam civitati. Neque vero opus apud te prædicare Virum utrique nostrum, cum amicitia tum studiorum id genus communione conjunctum, eundemque omnium consensu principem in hoc elegantiaæ genere, *Petrum Seguinum*, D. Germani Antistitem; aut præterea non adeo Gazæ & Bibliothecæ Regiæ custodia, quam præclaris animi ac doctrinae dotibus spectatum *Carcavi*; aut denique non reticendum, qui hanc Spartam feliciter jam exornavit & prope diem decorabit ulterius *Carolus Patinum*. Britannia quoque ejusdem gloriæ æmula, & CAROLUM Regem nuper defunctum, hac omni veterum elegantia se oblectantem, & *Bukingami Ducem* ac *Arundellii Comitem*, primarios Regni viros, *Robertum* item *Cottonum*, aliosque id genus ex equestri ordine, hujus antiquariæ

*Britanno-  
rum.*



Patritius  
Junius in  
Not. ad E-  
pist. Cle-  
ment. ad  
Corinth.

supelleſtilis ſedulos & indefeſſos ſcrutatores, etiam-  
num recordatur. Unde præclarum illud viri inter  
Britannos doctrina & eruditione celebris de Jacobaris  
Hortis vulgatum alicubi teſtimonium. *Quem locum, ſi  
vicinam Pinacothecam, Bibliotheca celeberrima conjunctam,  
ſi NUMISMATA ANTIQUA Græca & Romana, ſi  
ſtatuas, & ſigna ex Ære & Marmore conſideres, non imme-  
rito Theſaurum antiquitatis, & τρυφερόν inſtructiſſimum no-  
minare poteſ.* Omnium vero inſtar hoc loco, CHRI-

Snedorum.

STINA AUGUSTA, quæ ut ſuperiorum ætatum  
decora & ornamenta, ita ſingularem quoque hujus  
induſtriæ amorem ac peritiā, ex ultimo Septentrio-  
ne ſecum in Urbem invexit. Quod ut documentis a-  
liis publice, & benigna oriſ ſignificatione, mihi ali-  
quotiens privatim aperuit; ita incomparabilis in hoc  
genere Nummorum Theſaurus, ſummo ſtudio recens  
ab ea congeſtus, ad memoriā poſteritatis loquetur.  
Eant itaque venuſti & elegantiores homines, qui con-  
temptu & ludibrio has artes, ut minus decoraſ, aut qua-  
ſi in ſitu & ſquallore verſantes, proſequuntur. Si tan-  
tis enim ac tam ſplendidis nominibus & exemplis non  
adſurgunt, nihil certe de hujus induſtriæ DIGNI-  
TATE, de ſua vero exiſtimatione aut verecundia, non  
parum forte detrudere cenſebuntur.

COMMEN-  
DATIO AL-  
TERA A  
VOLU-  
PTATE.

1.  
A Materia  
Nummo-  
rum.

NEC utique inferiorem huic elegantia veteri com-  
mendationem, incredibilis quædam VOLUPTAS con-  
ciliat. Quam innoxia enim illa & multiplex, immo quam  
ſuavis & jucunda in Nummorum id genus contempla-  
tione, vel ipſo adſpectu prodiſt ſeſe & oſtentat! Non hic  
ego illam intelligo, quæ ex *Materia* pretio vel pulchritu-  
dine exurgit; quæ alias vel ſola in Nummorum tracta-  
tione, ſingulare quoddam habet lenocinium voluptatis.

Festi-



Festiva quidem illa apud Lucianum Mercurii sollicitudo, qui dubius in quodam consessu Deorum varii operis & metalli, an materiæ vel artis prærogativam in iis spectaret, à Jove responsum refert, æquiores quidem esse artis partes, auro tamen vel materiæ primas tribuendas.

In Jove  
Tragedo:

Mitto hæc aucupia, quibus aut vulgus, aut certe cum vulgo sapientes animæ capiuntur, erectæ autem & cordatæ mentes moveri parum consuevere. *Ἐκπλήττει γὰρ ἰδιώτῳ μὲν τὸ τῆς ὕλης κάλλος, πυχνίτῳ δὲ τὸ τῆς πίχνης αὐτὸς*, ut ait magnus Galenus in præclaro de Usu Partium

Lib. I.

Commentario: Nosti utique, quod fictiles olim Deos & Heroas, antiquissimi Majores vestri eadem religione coluerint, qua eorum posterius aureos illos, æreos, & gemmeos quandoque (qualem Pompeii imaginem in triumpho ejus prælatam legimus) sunt prosequuti. Unde ferrei antiquorum Laconum, aut coriacei etiam præscorum Romanorum Nummi, quibus & usos etiam Lacedæmonios accepimus, vix minorem hodie gratiam aureis & argenteis recentiorum temporum, apud veros harum rerum æstimatores consequerentur.

pag. 403.  
edit. Græc.  
Basil.

Quamvis nec amovenda sit ab hoc loco, ut indecora aut minus opportuna omnis ejusmodi delectatio; dum vel Electri veterum, vel Æris illius Corinthii, quo ad infaniam usque Romani veteres delectabantur, obvia adhuc in Nummis materia nonnunquam spectatur,

Nicol. Damascen.  
Excerpt.  
p. 522.

*Æraque ab Isthmiasis auro potiora favillis.*

Laudat alicubi Plutarchus æris in Statuis quibusdam colorem floridum, situi ac ærugini haud obnoxium. Talis utique in hac veteri Nummiorum supellectile, cum singularis cujusdam venustatis laude, spectatores sæpius adficit ac delectat. Ita ut hic quoque locum habeat, quod de cælatis operibus jam olim agnovit Plinius, *ut alibi ars, alibi materia esset in pretio*: im-

De Pyth.  
Oraculo.

L. XXXI. 12.  
c. 1.  
mo

mo utraque etiam manifesta & frequens in hoc censu arguatur.

2.  
Ob Artis  
Præstan-  
tiam.

Orat.

XXXVII.

Potiores tamen partes illa *Artis* commendatio sibi vindicat hoc loco, quæ ut in omni elegantix genere spectabilis, ita hic quoque singularis & admiranda frequenter occurrit. Meministi forte apud Dionem illum oris aurei, ut voluptatem ex conspectu Statuæ Jovis Olympii suaviter alicubi extollat; ut non homines solum, sed bruta etiam illius spectaculo adfici, immo afflictis malorum oblivionem conciliari statuatur: illamque virtutem incredibilem non auro, vel ebori, ex quibus constabat illud Phidixæ miraculum, sed divinæ cujusdam artis præstantiæ continuo adscribat: *tale lumen*, (ut Romanis cum verbis loquentem inducam) & *tanta gratia illi ab arte inerat*. Gemina plane in hunc sensum, & commendationem hujus simulacri apud Galenum legas loco supra laudato. Neque vero id continuo mirabitur, qui noverit haud aliam contemplationem non hujus solum, sed omnium retro ætatum oculos vel mentes explevisse lubentius, quam ubi Ars suam cum Natura æmulationem, ad ejusdem non ruinam vel interitum, sed ad restaurationem potius & propagationem, omni opera convertit. Unde factum, ut felix illa hujus almæ Parentis imitatio dicam, an provocatio, ad summum fastigium paulatim evecta, in varias quoque similitudinum formas, plasticam; statuariam; picturam; encausticam; cælandi signandique artem, magno gentium consensu, passim diffusa fuerit & traducta. Quum vero in quovis hujus memoriæ genere, singularis veterum vel industria, vel felicitas fuerit; hinc non immerito quidquid ex ea penu ad nostra usque tempora incolume transiit, summam jucundissimæ delectationis materiam præbet.

In

In ea vero lauta, & beata supellectile, eo majori quoque voluptate, aut admiratione continuo perfundimur, quo artis elegantiam major quædam (qualis in Nummis occurrit) ejusdem subtilitas probat. Adeo ut non extra dubium sit omnino, quod apud Plinium Lib. 1. Ep. 20. juniorem nuper legebam, Statuas, Signa, Picturas, hominum decoras, animalium quoque & arborum, nihil magis quam amplitudinem commendare. Nec enim aut Timanthi Cyclops, aut Myrmecidis quadrigæ, aut Callicratis formicæ, aut Pausii tabellæ, aliaque opera compendio minus quam præstantia artis, apud veteres celebrantur, vel inferiorem æstimationem mole sua spectabilibus Signis & Tabulis consecuta sunt. Protogenis tabulam magnæ quidem amplitudinis & elegantix, illis tamen Apellis summæ tenuitatis lineis potissimum nobilitatam legimus; & auctore eodem Plinio seniore, Phidiam non magis Jovis illius Olympii, aut Minervæ ingentia simulacra, quam in hujus scuto Amazonum vel Gigantum cum Diis prælia expressa, & in soleis Lapitharum & Centauro-  
rum certamina commendarunt. Quod ipsum de præstanti illo artifice tradit Cæsar Julianus in Epistolis, cum non solum celebritatem consequutum ex imagine Olympica aut Atheniensi, verum etiam quod in exigua sculptura magnæ artis opus incluserat. Idem quoque Theodoro præstantissimo artifice evenisse ac-  
Lib. xxxvi. cap. 5.  
cepimus, *qui dum ipse se ex ære fudit, præter similitudinem mirabilem, fama magna subtilitatis celebratur.* Enimvero supremos quasi artis conatus illa opera haud immerito judicarunt, in quibus plus intelligitur revera quam pingitur; & ut ejusdem Auctoris verba huc detorqueam, quam ars summa sit, ingenium tamen est ultra artem. *Mirus profecto homo, inquit in simili argu-*

Met. lib.  
VIII.

mento Madaurensis Philosophus, *imo semi Deus, vel certe Deus, qui magna artis subtilitate tantum effervavit argumentum.* Unde Gigantum ossa, aut Solis, vel Comodi Colossea capita minus forte hodie nos delectant, quam expressa horum in Gemmis & Numismatibus, exigua quidem illa & tenuia, sed singularis cujusdam & divinæ præstantiæ simulacra. Hinc de illis idem

Plin. lib.  
XXXIV. c. 8.

Plinius: *Gemma supersunt & in arcto coarctata rerum natura majestas, multis nulla sui parte mirabilior.* Neque aliter commendatum alicubi à Galeno videat suæ ætatis artificem, à quo Phaëton cum quadrigis Annulo ita scite insculptum, ut cujusque equi & frœnum, & os, & dentes ac pedes anteriores pulcre dignoscerentur. Gemina vero plane hæc Nummorum laus, in quibus expressas juxta & coarctatas similitudines varias, singulari cum voluptate, & industriæ non vulgaris commendatione, periti hujus arbitri & æstimatores passim contemplantur;

*Tantus honos operi, finesque inclusa per arctos  
Majestas!*

In Phocio-  
ne.

Quo referri potest illud Plutarchi, ὡς αἰεὶ καὶ τὸ νομισμα-  
τὸ ἀξία πλείω ἐν ὀγκῷ βαρυνόμενα διώκουν ἔχει, *sicut Nummi etiam æstimatio magnam in exiguo pondere vim habet.* Adeo ut in præstantiores ex iis Nummos, optime meo judicio cadat, quod de quodam Apellis opere olim dictum, *plura ostendere verius quam promittere;* immo forte quidquid de vocali Memnonis signo; Hæctoris apud Ilienses statua spectatores ad tangendum provocante; Myronis & Praxitelis operibus, tanquam spirantibus singulis, apud Plinium, aut utrumque Philostratum lego, & de quibus in genere divinus Vates,

In Iconi-  
bus.

*Stabunt & parii lapides, spirantia signa.*

Hanc laudem certe plurimi sibi vindicant etiamnum  
super-

superstites Græcorum, & Siculorum vel inprimis, ac Italiae vestrae, ut Neapolitanorum, Posidoniaton, Yeliton, & Tarentinorum Nummi, alique venustate non minus, quam vetustate spectabiles. Romanorum vero ea laus adhuc potior, quorum Nummi ab Augusto ad Antoninorum usque & Severi etiam tempora, magna cum artis & elegantiae admiratione, ac in omni metallorum genere varietate intuentium oculos oblectant;

*Vidi artes, veterumque manus, variisque metallis*

*Viva modis, labor est auri memorare figuras.*

Infra eam ætatem venustas illa, ut fateor, defecit, & una quasi cum Imperio Romano consenuit; ita ut ab usibus aliis potius, quam ab elegantia commendationem mereantur sequentium Cæsarum Numismata. Nec omni tamen voluptate spectatorem plane defraudant, qui delectum aliquem in iis habendum meminerit, nec Nicomachum infeliciter fuerit æmulatus, *qui multas gemmas habuisse traditur, sed nulla peritia electas.* Plin. lib. Perierat Plinii ætate æris fundendi scientia, immo ars <sup>xxxvii.</sup> quoque argentum cælandi; nec minus proinde, eodem auctore, attritis etiam & quæ discerni non poterant cælaturis, pretium & voluptas illa ætate constabant. <sup>cap. 1.</sup>

Eandem tamen ex Nummis delectationem, præter Materiae, aut Artis elegantiam, quam postremam non omnes forte perinde capiunt, tot *Illustrium Imagines* in iis conspicuæ, mirum in modum augent & extollunt. Nobilitata quidem legimus aliquot præstantissimorum Artificum opera, solis industriæ illecebris; nisi aliquis aut temulentæ mulieris, aut canis vel formicæ conspectui, novum aliquod & singulare voluptatis genus inesse arbitretur. At quam decoræ, nec alibi etiam obviæ contemplationis speciem Nummorum Veterum

3.  
Ob Imagi-  
nes Illu-  
strum.

tractatio, vel ad spectus præbet? Convenio hic ego te, OCTAVI jucundissime, utrum suavius aliquod ex omni veterum Supellectile spectaculum, aut mente possit fingi, aut oculis usurpari, quam omnis quasi memoriæ Heroas, & illos Orbis olim Dominos, Nummorum beneficio superstites & spirantes videre; vultus saltem illorum & ora, post tot sæculorum decursum, coram adhuc intueri?

*O sacrum, quod in ære colis, miraris in auro,  
Cerne libens.*

Rudera utique varia, aut aliæ vetustatis reliquiæ, quæ certe non leviter hic me delectant, præ hac tamen voluptate, ut ingenue fatear, vilescere mihi quodammodo videntur. Legisti enim aliquoties, quæ anxia veterum cura & sollicitudo fuerit, ut præstantium Civium aut Decessorum suorum imagines domi haberent expressas; ut illo amissæ virtutis vel solatio, vel recordatione se oblectarent. Hinc illæ similitudines, quæ primo, teste Plinio, illustrem ob causam exprimi tantum solitæ, propagatæ paulatim diffusius, ita ut clarorum hominum effigies in Templis, Atriis, Liminibus, Cubiculis, Bibliothecis, aliisque publicis & privatis locis certatim tandem adservarentur. Adeo ut honorem illum non Clientes solum Patronis, Magistris Discipuli, aut Majoribus Nepotes; sed privatis etiam Principes frequenter exhiberent; quod Varroni ab Asinio Pollione primum tributum narrat Plinius, & laudabili dein æmulatione ab ipsis quoque Cæsariibus nonnunquam factitatum accepimus. Commemoratur certe inter alia Augusti decora, quod memoriam illorum virorum, quibus Roma creverat, impense coluerit, & Statuis aliaque ratione renovari curaverit. Quæ magnorum hominum reverentia Alexandrum

Seve-

Lib. vii.  
c. 30.

Sueton. in  
Aug.



Severum longius adhuc provexit, qui non solum De-  
 cessorum suorum, sed Ciceronis, Virgilli, aliorumque  
 id genus Semonum imaginibus, sacra etiam facere cō-  
 sueverat. Haud minus flagrant hoc studio, duo cla-  
 rissima litterarum & Urbis lumina, Varro & Atticus,  
 qui præstantium Virorum imagines, libris suis com-  
 plexi leguntur, ut posteris iidem conspiciendi trade-  
 rentur. Nec te effugit opinor, ut geminum illud stu-  
 dium in Capitone suo extollat alter Plinius: *Est, in-*  
*quit, omnino Capitoni in usu claros colere, mirum est qua re-*  
*ligione, quo studio imagines Brutorum, Cassiorum, Catonum*  
*domi ut potest habeat.* Unde factum nosti, ut nobiles di-  
 cti sint *homines multarum imaginum*, ignobiles vero qui  
*imagines non habebant*, nec *imagines majorum* poterant  
 ostentare, ut de se non semel profitetur novus homo  
 Marius in historia Jugurthina. Neque enim promi-  
 scuum fuisse jus illud imaginum apud Quirites vestros,  
 sed curulium Magistratum proprium, licet aliunde ex  
 Tullio colligere, qui de sua ædilitate loquens, confe-  
 quutum se docet, *togam prætextam, sellam Curulem, Jus*  
*IMAGINIS ad memoriam posteritatemque prodenda.* Has  
 autem Imagines positas in prima ædium parte docuit  
 nos præ aliis Valerius. Ut jam nec mirum videatur,  
 quod de Epicuri discipulis narrat alicubi idem Tul-  
 lius, eos Magistri imaginem in Tabulis, Annulis, Po-  
 culis expressam habuisse. Quod ipsum quoque Mele-  
 tio Antiocheno Antistiti contigisse observo apud al-  
 terum Christianorum Tullium, qui haud aliter ejus  
 imaginem in Annulis, Cælaturis, Poculis, Parietibus,  
 ubique tandem ab Antiochenis depictam aut cælata  
 commemorat.

Lamprid.in  
Alex. Sev.

Lib. 1. Epist.

In Verrem

Lib. v. c. 8.

Lib. 1 v. de  
Finib.

Chrysoft.

Homil.

LXXVII. in

S. Melet.

t. v. p. 538.

edit. Savil.

Nec inanis utique ea Voluptas, quæ in magnorum  
 hominum contemplatione posita, aut vacua pulcher-



rimo fructu cenferi debet. Consulere majorum imagines Partum suum jubet alicubi Tullius, ut virtutis incitamentum, & gloriæ præmium. Audi eundem pro Archia; *Quam multas nobis Imagines non solum ad intue-  
dum, verum etiam ad imitandum fortissimorum virorum  
expressas scriptores & Græci & Latini reliquerunt, quas ego  
mihi semper in administranda Republica proponens, animum  
& mentem meam ipsa cogitatione excellentium hominum con-  
formabam, Princeps autem Romanæ historiæ in bello  
Jugurthino; Nam sæpe audiui Q. Maximum, P. Scipio-  
nem, præterea civitatis nostræ præclaros viros solitos ita dice-  
re; cum majorum Imagines intuerentur, vehementissime sibi  
animum ad virtutem accendi; scilicet non ceram illam, ne-  
que figuram tantam vim habere; sed memoria rerum gesta-  
rum eam flammam egregiis viris in pectore crescere. Unde  
laudatus ille paulo ante Alphonfus, Cæsaris adspectu  
ex Nummis non oblectari se solum mirum in modum,  
sed ad virtutem quoque continuo accendi prædicabat.  
Si claudicantis enim cujusdam apud Syracusanos Sta-  
tua, ita adficiebat spectatores, ut ulceris dolorem sen-  
tire viderentur; potior certe hic quædam voluptatis  
ratio, & commotio animorum aliquanto opportunior  
occurrit in tot Heroum, quos Nummi exhibent, ad-  
spectu.*

Meministi forte differentem in Academiæ spatiis  
Ciceronem (libenter enim Principis ingeniorum, ti-  
bique familiaris auctoritate utor & exemplis) quan-  
tum adfici solitus fuerit conspectu illorum locorum,  
in quibus clari homines multum fuerant versati: *Venit  
enim, inquit, mihi Platonis in mentem, quem accepimus  
primum hic disputare solitum; cujus etiam illi hortuli propin-  
qui, non memoriam solum mihi adferunt, sed ipsum viden-  
tur in conspectu meo ponere. Hic Speusippus, hic Xenocrates,  
hic*

*hic ejus auditor Polemo, cujus ipsa illa sessio fuit, quam videmus.* Fatetur etiam ibidem illud uluvenire, ut acrior quædam & attentior, ob memoriam locorum, de claris viris subeat cogitatio; & refert se Metapontum aliquando profectum, non ante ad hospitem divertisse, quam Pythagoræ locum, ubi vitam ediderat, ejusdemque sellam vidisset. Nec diversum tale quid ad Urbem adeuntibus quotidie contingit, si qui veteris memoriarum plane non sunt incuriosi, qui, quod ille de Athenis, ita quocunque hic ingrediuntur, in aliquam historiam vestigium ponere non ignorant; Hic Scipio, hic Cæsar, curru Capitolium ingressi; hic Tullius pro Rostris perorabat. Quod si tamen res accuratius subducatur, quis non illud imitationis studium, quod in hoc ipso spectaculi genere requirit ibidem Tullius, contemplationi vultus eorundem hominum, potius quam nudæ loci memoriæ, aut sedilis adspectui tribuat? quorum alterum nullum rei gestæ vestigium, aut aliquam viri notitiam præbet; alterum, ipsum Auctorem præclari facinoris aut consilii, vere in conspectu ponit, *sic vultus sic ora ferebat.* Neque enim quempiam opinor, thorax vel equus fortis ducis inspectus (qui tamen ad victoriam momentum aliquod conferunt) ad bellicam virtutem accendent, ut ipsius ducis armati & equitantis posita ob oculos effigies; neque etiam Pythagoræ sedes, ut sedentis ejusdem in Nummis habitus, sapientiæ amorem valebit excitare. Nec id dif-  
 fitabitur omnino, qui expressam videt in monumentis id genus, ipsam antiquæ clarorum hominum virtutis, & magnitudinis imaginem. Quo in loco subit me recordatio Phœnicii illius apud Philostratum, qui in In Heroicis. Vinitoris cujusdam descriptione, Palamedem, & reliquos belli Trojani Duces, quasi præsentem videre sese & agno-

& agnoscere prædicabat. At certe luculentius Nummi id præstant, in quibus non Athletas in Olympicis victores; non Rhetores, aut Sophistas; non de Urbe solum aliqua benemeritos Cives, quibus statuas, aut imagines olim decretas, apud Pausaniam aliosque legimus; sed clarissimos omnium ætatum Imperatores; populorum Duces, & Conditores Gentium, licet etiamnum cupidis & attentis oculis intueri.

*Est aliquid spectare Deos, & adesse putare,*

*Et quasi cum vero Numine posse loqui.*

*Reges, &  
Duces in  
Nummis  
Græcorum.*

Hic enim occurrunt, Macedonum *Amynta, Philippi, Alexandri, Perdicca, Antipatri, Cassandri, Philippi* posteriores, & *Persei*; hoc est præcipua Regum apud eos series. Ægyptiorum *Ptolemai*, dicti, *Soteres, Philadelphi, Philopatores, Cerauni, Latheri, Physcones, Evergetes*; Asiæ, *Antigoni*; Syrorum ac Phœnicum, *Seleuci, Antiochi, Demetrii, Alexandri, Tryphones*, iique *Soteres, Callinici, Nicatores, Dionysii, Magni, Dii, Epiphanes, Evergetes, Philopatores, Philometores, Sedetes, Eupatores, Commageni*; Carum *Menandri, Pexodari, Mausoli, Idriei*; Ponti vel Bospori *Mithridates, Evergetes & Eupatores, Pharnaces, Asandri, Sauromates*; Bithyniorum *Nicomedes, Prusia*; Cappadocum *Archelai, Ariobarzanes, Ariarathes*; Thracum *Lysimachi, Scuthes, Cotyes, Rhæmetalces, Rhescypores*; Pergamenorum *Philetari, Attali*; Siculorum *Hieronēs, Gelonēs, Dionysii, Agathocles, Hieronymi*; Epirotarum *Pyrrhi, Alexandri*; Lacedæmoniorum *Agésilai, Polydori*; Carthaginensium *Amilcares, Hannibales*; Arabum *Manni, Arta*; Cyrenensium *Ptolemai*; Numidarum *Jugurtha*; Mauretanorum *Juba*; Sicyoniorum *Arati*; Judæorum *Herodes*; Edessenorum *Abgari*; Armeniorum *Tigranes*; Parthorum etiam *Artabaces & Vologeses*. Quibus accedunt Vandalorum *Hilderici*; Gotthorum *Athalarici,*

*Theo-*

*Theodahati, Theodeberti, Alarici, Witiges, Totila, Attila.* Inurbanus sit certe & omnis expers innoxia voluptatis, qui ad tot Regum & augustorum vultuum conspectum, tangi sese continuo intimi gaudii sensu non agnoscit. Nobilius certe & latius patens spectaculum fatearis altero ejusdem generis, quod commendat aliquibi Tullius; qui depictas in tabulis imagines Siciliae Regum ac Tyrannorum non solum docet pictorum artificio delectasse, sed etiam commendatione hominum, & cogitatione formarum. De me equidem meministi, ad insolitum me tanquam, & incredibile spectaculum exiliisse propemodum, quum id genus Heroas ac Duces, ex prisca Annalium memoria haud ignotos, in instructissimo talibus maximi Principis ac Mæcenatis mei museo, oculis mihi arbitrari primum licuit,

*Dum vago adspectu, visusque per omnia duco.*

Mitto jam Semi Deos alios, ac antiquissimos Urbium Conditores aut Benefactores, *Castores, Herculem, Abderum, Phalantem, Minoa, Hectorem, Diomedem, Cyrum, Eurypylum, Byzam, Tarantem, Solymum, Cyzicum, Sosandrum Pergamum, Imolium, Tannum, Docimum, Nemausum,* aliosque plures, quos Heracleensium, Cnosiorum, Ilicensium, Ætolorum, Cyrretum, Abderitarum, Byzantinorum, Tarantinorum, Cilicum, Cyzicenorum, Smyræorum, Pergamenorum, Sardianorum, Tomiranorum, Docimensium, Nemausensium nummi, mihi aliquoties in Italia vestra inspecti, ad posteritatis memoriam etiamnum tradunt. Mitto præterea clarissimas & à Reginarum quidem vel Amazonum serie Feminas, *Phadram, Smyrnam, Cumam, Amastrin, Bereniceam, & Arsinoëam* non unam, *Jotapen, Phtiam, Pythonicam, Philistidem, Cleopatra* aliquot, *Zenobiam,* earumque fastigio minorem, nec minus tamen celebratam

Legislato-  
res.

Sapientes,  
aut artis  
clavi.

Orator.

Lib. iv. Ep.  
ad Att. 9.

*Sappho*. Nec enim sceptris solum & rebus gestis inclutos, sed pacis etiam & ingenii artibus spectatos vultus, Nummi aliquot selectiores nobis exhibent. Ita priscos illos Legislatores, *Zaleucum*, *Charondam* (si fides habenda viro docto) *Pittacum*, *Lycurgum*, in vetustissimis Locrorum, Catinæorum, Mytilenæorum, & Laconum Nummis adhuc hodie videmus expressos. Nec minori certe voluptate adficient inspecti in Nummis Sapium *Pythagoras*; Tarentinorum *Archytas*; Syracusanorum *Archimedes*; Megarensium *Euclides*; Laodiceusium *Dracus*; Mytilenæorum *Alcaeus*; Teiorum *Anacreon*; Coorum *Hippocrates*; Colophoniorum *Pytheus*; Magnesium quoque *Marcus Tullius*. Ut intuentem adhuc hodie venerandos id genus vultus in Nummis æreis, ejusdem Tullii rursus cogitatio subierit, qui æream Demosthenis imaginem olim à se inspectam proficitur, alibi vero Aristotelis; unde & in sedecula posita sub illius imagine apud suum Atticum tradit sedere sese malle, quam in aliorum sella curuli. Immo *Ovidium* quin etiam & *Pollionem* Menandri cujusdam Parrhasii industria ad nostra usque tempora, in duobus æreis Nummis, feliciter transmisit; quorum alterum in Pinacotheca Christinae Augustæ, alterum te duce, apud Feliciam Rondanini, præstantissimam Matronam, inspexi; quem etiam inde in novissima Nasonis sui editione expressit Vir præter alia decora, hujus quoque antiquitatis diligentissimus investigator Nicolaus Heinsius noster. Integrum vero hic habes cum averfa parte, qualem nummus ille inter rarissimos repræsentat.

Ut levis terra sit huic Parrhasio, qui sacros vultus Musarum Venerumque omnium Sacerdotis intercideri non est passus, quos bona cum Augusti venia,  
omnes



omnes Musis Gratiisque initiati in sacriis suis recondant. Unde eidem Vati quærenti jam olim,

*Si quis habes nostros similes in imagine vultus;*

Lib. 1.

habere sese adhuc hodie cupide contestentur, & co-  
quidem studio, quo ipse commemorat suam gemmæ  
jam olim insculptam ab amico imaginem,

Trist. El. 6.

*Effigiemque meam fulvo complexus in auro.*

Pollionis quidem Nummum nomine Vedii signatum, non diffiteor à quibusdam ad Augustum referri; qui tamen Franciscum Gottifredi, optimum talium arbitrum in alia discedentem novi. Goltzii quidem Nummus præfert ΟΥΗΔΙΟΣ ΠΟΛΛΙΩΝ, Augustæ vero Reginae tantum ΠΟΛΛΙΩΝΟΣ, ut iste ad Asinium Pollionem referendus eidem videatur. Nec mirum forte aut insolitum videri posset, hunc honorem huic Pollioni *Cæsarea* tributum, sicut signatum in altera Nummi parte, quam Urbem ab Herode magno conditam, vel restauratam novimus; quem Romæ Pollionis hospitio usum, & principem amicorum eundem habuisse, apud Josephum legisse memini. Neque ta-

Lib. xv.

c. 13.

beant & de quibus alibi. Alias alterius quoque Pollionis meminit non semel idem Josephus, huic Herodi-  
itidem summe chari & reverendi: sed cui utpote Pharisæo nemo opinor hunc nummum imputabit. Ut præteream certe alios Polliones, celebres adhuc in sequentibus Romanorum Fastis, illumque Asiæ sub

Lib. xv.

Antiq. c. 1.



<sup>a</sup> Orat. 1.  
& 1 v. sacr.  
<sup>b</sup> Ecclef.  
Hift. l. 1.  
c. 15.

Lib. xxxv.  
c. 2.

In Atticis.

Lib. 1. de  
Nat. Deor.

M. Aurelio Proconsulem, cujus <sup>a</sup> Aristides & <sup>b</sup> Eusebius meminere. *Homerum* præterea hic mitto, quem Amastrianorum aliquot, Smyræorum & Chiorum etiam Nummi, sed non uno vultu, exhibent: ita ut præ viri vetustate ad artificis ingenium effectum, Plinio alicubi id asserenti, fides omnino sit præstanda. Quod etiam aliquot vetustioribus supra traditis Heroum aut Philosophorum vultibus accidisse, haud immerito crediderim; qui morem illum non Romæ solum receptum ex Plinio novi, sed alibi etiam, & Athenis quidem usurpatum, ubi *Æschyli* imaginem in Theatro diu post ejus obitum factam, ex *Paulania* didici. Quod ipsum clarius alias tangit eximius *Ciceronis* locus, ubi argumentum à Deorum imaginibus petatum refellens Academicos ita ulterius perstringit: *Nam quid est quod minus probari possit, quam omnium in me incidere imagines, Homeri, Archilochi, Romuli, Numa, Pythagora, Platonis, nec ex forma qua illi fuerunt. Quomodo ergo, & quorum imagines? Orpheum Poëtam docet Aristoteles nunquam fuisse, & hoc Orphicum carmen Pythagorei ferunt cujusdam Cecropis. At Orpheus id est imago ejus, ut vos vultis, in animum sæpe incurrit. Non piguit locum integrum adtulisse, quem ante dies paucos, oblata forte de hoc veterum more cum industrio antiquario controversia, obiter adlegasse memini. Huc vero referri etiam debent Nummi illi ærei maximi & rudioris ac minus vetusti operis, vulgo Contorniatii Antiquariis dicti, in quibus idem *Homerus, Pythagoras, Socrates, Diogenes, Milo, Sallustius, Virgilius, Horatius, Seneca, Apollo Thyanæus, Apuleius*, alique id genus jam olim expressi occurrunt. Amovendi vero ex hac serie novitii illi Nummi & moderni inventi, *Dido, Priamus, Menelaus, C. Marius, Scipio Africanus, Hannibal, Marcellus, Cicero, Virgilius, & Augustus**



*gusta* aliquot apud Æneam Vicum depictæ; in quibus nempe, nec veri, nec vetustatis ulla sese offert commendatio. Quod ut obvium rei Nummariæ veterum vel leviter peritis, non monerem hoc loco, nisi tyronibus & minus exercitatis, fucum in his quotidie fieri, non semel animadvertissem. Hanc vero voluptatem, ex omni illa contemplatione ortam, vel Fulvii Ursini Illustrium Imagines abunde prædicant; quorum pars præcipua ita è Nummis expressa, ut altera locupletior ex adductis obiter Græcorum aut Barbarorum vultibus, erui adhuc possit, & ad publicam elegantiam exponi.

Majores autem vestros, illos terrarum Rectores, *Romani in Nummis.* nonne hic passim, & frequentius etiam in Nummis spectamus: *Cæsareos video vultus.* Illi sunt utique, quorum conspectu cupidi talium maxime se oblectant; immo quorum beneficio Roma præcos Civium ac Domini-  
 norum vultus sibi adhuc læta ante oculos ponit,

*Et centum Dominos nova monetæ.*

Hinc illi contemplari etiamnum & agnoscere conceditur; magnanimos suos *Julios, Augustos, Trajanos, Con-* *Cæsares.*  
*stantinos;* truces *Tiberios, Caligulas, Nerones, Domitianos,*  
*Caracallas;* mites *Titos, Nervas, Pios, Marcos;* molles  
*Orbones, Commodos, Elagabalos;* universam denique Cæsarum seriem, familiam, indolem;

*En Cæsar agnoscat suum*

*Prudentius.*

*Gnorisma nummis inditum.*

Sicut cum eruditissimo amicissimoque Marquardo Gudio nostro omnino legendum illo loco crediderim, ubi *Numisma nummis* hætenus legitur. Non aliter ac *in Antio-*  
 Libanius cornua imagini Ius apposita, vocat *τὸν πᾶν* *chico.*  
*γνώσµα τῆς.* sed hoc obiter. Nec vero Augustarum *Augusta.*  
 adspectu minus forte delectatur, dum obvia eidem in

Reges.

Illustres.

Lib. xxxv.  
c. 11.3.  
Ob alia ar-  
gumenta  
Nummis-  
vitiis.

Nummis occurrunt crecti vultus *Liviae*, *Octaviae*; infau-  
sti *Agrippinae*; inverecondi *Messalinae*, *Poppae*, *Faustinae*;  
probioris *Sabinae*, *Mese*, *Mammae*; & ut alterius Ro-  
mæ fastigia hic non omittam, sanctioris adhuc oris  
*Helene*, & *Eudoxie*. Mitto primos Conditores suos ac  
Reges, *Romulum*, *Numam*, *Ancum Martium*, *Servium*  
*Tullium*; quorum priores ex ingenio artificum effictos,  
supra ex *Tullio* tradidi. At enim sequentium tempo-  
rum ac Reipublicæ decora, Nummi vere nobis repræ-  
sentant, *Regulos*, *Marcellos*, *Scipiones*, *Servilios*; & liber-  
tatis ipsius Numina, *Brutos*, *Catonem*, *Cassios*; ac nominis  
fortunæ & magnitudini pares *Syllas*, *Pompeios*; & *Quiri-*  
*tium* olim amores, *Drusos*, *Germanicos*; & Civium fa-  
stigio majores *Antonios*, *Lepidos*, *Agrippas*; quos pari stu-  
dio ac felicitate, qua olim illi supra laudato junioris  
*Plinii* familiari, colere etiamnum ac domi habere  
conceditur. Adeo ut hoc demum impleverint id ge-  
nus Numismata, quod de *Varronis* opere has ipsas  
complexo *Illustrium Romanorum* imagines, augura-  
batur *Plinius* major; *inventione muneris etiam Diis invi-*  
*diosus, quando immortalitatem non solum dedit, verum etiam*  
*in omnes terras misit, ut præsentem esse ubique & claudi pos-*  
*sent.* Quis vero tam inficetus adeo & inurbanus, qui  
leve id Nummorum beneficium arbitretur, aut usu ca-  
rere pulcherrimæ voluptatis, præclarum forte & con-  
sultum ducat?

Nec tot alia *prisci avi Vestigia*, quibus præter Effigies  
id genus, Nummi veniunt insigniti, leviori gaudio  
spectatorem perfundunt. Hic enim non sus forte, aut  
pecus, vel ratis, aut navis etiam rostrum solum sese  
offerunt; quibus notis signatos antiquissimos Roma-  
norum Nummos accepimus. Longe potior voluptas  
ex Nummis florentis Reipublicæ, & sequentium tem-  
porum,

porum; quales hodie tractamus, exsurgit; quam præter commemoratam supra antiquitatis commendationem, argumenti varietas & illecebræ abunde conciliant. Indignabatur quidem Zeuxis, quod argumenti novitatem, non artis præstantiam in ipsius Tabulis laudarent spectatores; quorum utrumque pari, ut jam intelligimus, jure, licet in Nummis id genus æstimare. Quid jucundius enim homini veteris memoriæ non plane incurioso, quam non hic tractare *pocula adorande rubiginis*, sed præscos illos rerum dominos, modo sacra facientes cum omni Sacrorum apparatu & suppellectile; modo Vota suscipientes pro salute Reipublicæ, aut Imperii æternitate; modo distribuantes donativa & Congiaria; modo Reliqua ceu Fisco debita remittentes; modo Annonam procurantes; modo Circenses, aut Sæculares ludos, vario spectaculorum genere celebrantes; modo Templâ, Portus, Thermas, Circos, Theatra, Vias, Aquæductus, Arcus, aliaque victura opera molientes aut ampliâtes; modo peragrantes, & restituentes Provincias; modo deducêtes Colonias; modo Libertatem publicam adserentes; modo Justitiæ, Concordiæ, Abundantiæ, Felicitati, Latitiæ, Securitati, Tranquillitati denique Temporum, varia ratione consulentes; omnibus denique Pacis artibus florescentes intueri? Quid suavius iterum, quam eosdem militari gloria conspicuos, aut ad Expeditionem accinctos; aut proficiscêtes ad Exercitum & adloquentes è suggestu milites; aut Fidei jusjurandum ab iis exigentes; aut Disciplinam restaurantes; aut captivos Reges, & prostratas ad ipsorum pedes Provincias ostentantes; aut Regna adsignantes; aut sublimes in Triumphali curru, & à Victoriâ coronatos; aut inter signa militaria Gloriam Sæculi vel Romanorum dif-

Lucian. in  
Zeuxi.

fun-

fundentes; aut gratulantem illis Adventum Rômam, vel aliam quamvis Orbis partem: aut eosdem denique post impletum mortalitatis terminum, Divorum honoribus videre decoratos. Mitto varium adhuc spectaculum, quod insuper omnigena Nummorum Græcorum & Romanorum supellex præbet, Deorum simulacra; Herculis labores; Urbium insignia & origines; Fluviorum figuras; Provinciarum effigies; Animalium formas; Plantarum imagines; Armorum genera; Legionum nomina; Vestium species; Coronas omnis generis; alia præterea de quibus opportunior adhuc in sequentibus dicendi erit locus. Quis autem non gemina voluptate adficiatur, in contemplanda expressa tot pulcherrimarum & reconditarum in Nummis rerum effigie, qua Lucianus olim Rhodi picturas in Porticu depictas adspiciens, tangebatur; *quam ex contemplatione, inquit, capiebam, heroicas illas fabulas memoria repetens.* Ego equidem, quid honesta sit ac suavis animorum remissio non intelligo, si illam non provocat ejusmodi contemplatio, quæ res tot Annalium curam meritas, nobis aliquanto manifestius ob oculos ponit; ubi denique

*Suspendit picta vultum mentemque tabella.*

Immo eo magis innoxia ex hoc monumentorum genere, quam ex iisdem Annalibus petenda; quo ejusmodi delectatio, turpi spectaculo fœdæ voluptatis, scævitiæ, insanix eorundem temporum & hominum quandoque non inquinatur.

## DISSERTATIO SECUNDA.

DE

PRÆSTANTIA ET USU  
NUMISMATUM  
ANTIQUORUM.

**N**Eque tamen laus sua illi contemplationi ac decus abunde constaret, nisi ex ea non solum mirifica quædam oblectatio, sed UTILITAS etiam incredibilis emergeret. Hanc enim Philosophiæ legem tradit eleganter Themistius, nihil omnino solius oblectationis gratia perficere, sed ubique cum eo quod jucundum est, utile quoque admiscere. Neque Sapientis id solum, sed Artificum etiam proprium agnoscit Tullius, qui negat Phidiam, Polycletum, Zeuxidem suas artes ad voluptatem direxisse; & alibi etiam has ipsas reliquias veteris memoriæ, ad nudam earum notitiam transferre, vocat curiosorum. Eam vero Utilitatem, multiplex illa tot rerum, quas modo enumeravi, in Nummis Veterum supellex, & tot eximia consignatæ in iis vetustatis vestigia, vel me tacente, arguere satis & prædicare videntur. Adeo quidem, ut hæc res nemini possit esse dubia, nisi qui eadem opera, omnem priscæ ætatis notitiam aut supervacuam, aut à se alienam putet. Immo eo felicius hujus antiquæ supellectilis usum & præstantiam quisque intelligit, quo magis interioribus veterum studiis & varietate quadam litterarum instructus, ad Nummorum id genus tractationem accedit. Ita enim lucent præclaræ aut reconditæ Antiquitati, facem Historiæ

aut Geographiæ veteri; integritatem mutilis vel corruptis Auctorum locis, non aliunde certius, aut luculentius peti fatebitur; denique eorum beneficio licere adhuc hodie,

*Tecum Graia loqui, tecum Romana vetustas.*

I.  
IN GRAM-  
MATICIS.

Ac primo quidem ipsa sese offert Litterarum Doctrina, quocunque tandem *Technices*, aut *Exegetices* nomine, Grammaticorum filiis nuncupetur. Seu enim genuinas litterarum apud veteres formas ac ætates; seu earum vim & adfectiones varias; seu ipsam vocum scriptiorem ac proprietatem consulamus, non aliunde nobis certius, quam in Nummis aut Marmoribus antiquis præsidium occurrit. Nec certe ratio hic aut eventus fallit. Subsidia quippe reliqua, dubiam semper transcriptorum Exemplarium ~~solem~~, hæc autem sola primigeniam Autographorum dignitatem præ se ferunt. Norunt præterea, qui scriptos veterum libros versant, quam corrupti sint non solum, sed recentiores plerique, pauci admodum supra octingentorum aut mille ad summum annorum vetustatem adsurgant. Pandectas Florentinas; Virgilium cum Medicæum, tum Vaticanum; Terentium Politiani iudicio omnium Codicum à se inspectorum antiquissimum; Versionem LXX Interpretum, & Glossaria aliquot Bibliothecæ Palatinæ, magna quidem cum vetustatis veneratione, Florentiæ, & hic in Urbe non semel inspeximus. At eosdem tamen infra Justiniani ævum (ut largiamur aliquot illi coætaneos, aut paullo forte vetustiores) longe certe infra Nummorum vetustatem, qui ferme hic deficiunt, exaratos, cuius obviū sit ac manifestum. Unde sola quædam hic superest ad primævam illam & incorruptam Nummorum ac Lapidum auctoritatem provocatio decretoria, Criticis & Grammaticis



maticis majorum Gentium, haud semel feliciter usurpata.

In tradendis certe aut explicandis *Litterarum* apud veteres *formis*, unicum & singulare occurrit monumentorum id genus beneficium. Nec leve illud esse reputandum, & doctissimorum hujus ævi Virorum, quæ in hac palæstra se exercuit, industria, & res ipsa loquitur. Hinc enim & indubiæ linguarum origines, & primæ litterarum formationes, & varia ætatum discrimina, & innumeri librariorum aut quadratariorum errores, aliaque recondita eruditæ vetustatis arcana feliciter eruuntur. Adco ut quæ in hoc genere, ab eruditis aut præclare reperta, aut timide pronunciata, aut perperam etiam tradita, lucem continuo ex Nummis, aut emendationem mutuentur. Ita Alphabeti veteris Græcorum cum Phœnicio collatio à magnis viris instituta, procedet securius, ut singularum litterarum apices & ductus originis suæ fidem faciant. Nec aliter jam olim

*Circa Formas litterarum Græcarum, & Latinarum.*

*Lib. v.*

Herodotus genuinas veterum Cadmæorum seu Phœnicum litteras colligit ex priscaſum Inſcriptionum monumentis, ἴδον δὲ καὶ αὐτὸς Καδμήϊα γράμματα ἐν τῷ ῥήτῃ Ἀπάλωνος ἔῃ Ἰσμελίῃ ἐν Θήβῃσι τῇσι βοιωτῶν, ὅπῃ τέλει ποιεῖ γκεκαλαμμένα, πὲρ πλὴν ὁμοῖα εἶντα πῶσι Ἰωνικοῖσι. Quare jam incautius loquutum patebit illustrem Salmasium in Notis ad Inſcriptionem Herodis Attici, qui formas litterarum Græcarum semel à Ionibus receptas, perpetuo in eadem facie ad nostra usque tempora mansisse, nihilque in iis immutatum contendit. Atqui vel Græcorum Nummos consulenti, non una certe, sed diversa variarum litterarum facies, ac pro ætatum discrimine, multiplex eadem occurret; dum non solum: pro Ε; sed: pro Ζήτα; Γ pro Π; C & T pro Σίγμα; ω pro majusculo Ω, aliaque id genus frequenter sese offerunt. Ut



mittam quadrata  $\square$  pro  $\Theta\eta\tau\alpha$ , &  $\square$   $\Theta\mu\kappa\rho\epsilon\acute{\nu}\nu$ , quæ mihi in Nummis necdum observata, in marmoribus aliquot Farnesianis & Magni Etruriæ Ducis, non semel inspe-  
ximus. Sic non unam literæ  $\xi$  figuram diversam à vul-  
gari, cum in Nummis aliquot Græcorum haud semel  
notavimus, tum in præclaris aliquot Inscriptionibus  
Athleticis, nuper hic in Urbe repertis,  $\Xi\ \Sigma\ \Sigma$ . Sic  $\Sigma$   
pro  $\Xi$  videas in nummo Alexandri Severi apud Cl.  
Sequinum.  $\text{ΑΥΤ. Μ. ΑΤΡ. ΕΕΤ. ΑΛΕΞΑΝΔΡΟΣ.}$   
Antiquiores itaque Græcorum litteras à posterioribus  
non *numero* solum sed *forma* etiam haud semel discre-  
pantes, indubia insuper plurium adhuc testium fide  
liceret hic mihi comprobare.  $\text{Ἀρχαίων}$  certè  $\text{γογγυμά-}$   
 $\text{των}$  seu *vetustarum litterarum* mentionem aliquoties re-  
perio apud gravissimos auctores, quibus inscripta anti-  
quissima aliquot Græcorum monumenta contestan-  
tur. Diodorus Siculus Aram tradit extare ad Sinum  
Areticum, cum inscriptione quadam antiquis & igno-  
tis quidem litteris exarata. Idem alibi refert Argonau-  
tas Regi Libyæ æreum Tripodem donasse, inscriptum  
quidem antiquis litteris, & ad sua usque tempora per-  
manentem apud Hesperitas. Nec aliter ejusdem au-  
ctoris coævus Halicarnassensis, docet L. Memmium  
adferentem, visum à se Tripodem sacratum in Jovis  
templo, in quo inscriptum litteris antiquis Oraculum  
legebatur. Alio vero loco Columnam Græcis litteris  
inscriptam commemorat idem Auctor, qua foedus  
cum Latinis continebatur, Romæ adhuc suo tempore  
superstitem in templo Dianæ, & Græcis characteribus  
insignitam, quibus olim Græcia utebatur. Plutarchus  
in Alcmenæ sepulchro inscriptionem exstare dicit lit-  
teris vetustissimis ac ferme Ægyptiacis, quas vocat  $\text{ἱε-}$   
 $\text{ράγρας}$  seu formas illius Grammaticæ, quam Proteo re-  
gnante

Lib. III.

Lib. IV.

Lib. I. An-  
tiq.

Lib. I v.

De Socratis  
Genio.

gnante didicit Hercules. Dio vero Chrysostomus, Orat. I x.  
 lum à se refert in templo Junonis Olympiæ raptum  
 Helenæ insculptum, καὶ Πηνελαπείνην γράμμασι δὲ  
 χαίσις γράμμασι. Accedat his Philostratus, qui Ere- De vit. A-  
pollon. lib.  
 triensium antiqua apud Medos sepulchra, Græcis litte-  
 ris, sed quales alibi non videntur, inscripta diserte com-  
 memorat, γράφοντες τ' ἑλλένων τέρεον. Καὶ οἱ πάροις τ' οἱ δὲ-  
 χαῖσις σφῶν ἰδεῖν τ' δὲν τ' γέγραπται. καὶ πὲρ γράμματ' ἑλ-  
 λένων μὲν ἀλλ' ἔπω πῶτα ἰδεῖν φασι. Cui loco rursus hu-  
 cem foeneratur Herodotus, qui tradit alicubi Græcos  
 Eretrieneses (quos male Eretrios vocat Interpres Phi-  
 lostrati) in Mediam sub Dario Hydaspis filio trans-  
 portatos, ad sua usque tempora linguam conservasse  
 vernaculam, φυλάττοντες τὴν δὲ χαίλιον γλῶσσαν. Hæc ita Lib. III.  
 que Eretrienesium colonia in illo tractu, longe poster-  
 ior prima Ionici Alphabeti apud Græcos admissione.  
 Unde jam ex illis Auctorum Nummorumve testimo-  
 niis satis liquet, cum ante, tum post receptas à Ionibus  
 Phœnicum litteras, non semel eorum formam apud  
 Græcos immutatam, nec in iisdem vestigiis perpetuo  
 remansisse. Neque prætereundum illud ꝑ pro Ζήτι u-  
 surpatum, (quod ab illustri Scaligero in accurato suo  
 Diagrammate prætermissum) non legi solum in anti-  
 quissimis Marmoribus Arundellianis, sed aliquoties in  
 priscis nummis cum vocibus ꝑ ΑΓΑΡΙΣ ΚΥ ꝑ ΙΚΗ-  
 ΝΩΝ, quod male Ortelius pro ꝑ usurpatum eo loco  
 credidit, quasi Χαγᾶρις aut Κυξικὺν legi in iisdem de-  
 beat. Pro z enim illud, non pro ꝑ ibi positum, cum  
 ratio illorum nominum satis arguit, tum obvia in aliis  
 Nummis ꝑ figura pro z, ut in vocibus, ꝑ ΗΝΟΝΟC,  
 item ꝑ ΟΖΙΜΟΣ, sicut legitur cum alibi, tum in duo-  
 bus nummis Laodicæ, quorum priorem videas in  
 Pinacotheca Reginæ Suedorum, posteriorem signa-

tum in honorem Appii Proconsulis, quem non ita pridem vulgavit Cl. Seguinus. Alias non diffiteor ꝑ pro ꝑ occurrere in nummo recentiori cujusdam Alexandri, qualem inspexi etiam in Gaza Christinæ Augustæ, ΑΛΕΞΑΝΔΡΟΥ, & in altero Alexandri Severi apud eundem Seguinum. Nisi illud pro ꝑ ibidem sumas; ita enim vox eadem effertur in Nummo Apameensium Pontificis, percussio temporibus Philippi senioris, ΑΛΕΞΑΝΔΡΟΥ. Confusæ nempe duæ illæ litteræ ꝑ & ꝑ in ea voce, ob sonum haud multo diversum, quod sæpius contigisse in iisdem nummis paulo infra monebimus. Quod caute tamen accipiendum, ne quis cum doctissimo Seldeno, alterum *Σῆμα* solenne, multo recentius putet; quum frequens illius usus in antiquissimis Nummis, ΑΙΖΑΝΕΙΤΩΝ, ΖΕΦΥΡΙΩΝ, aliisque, passim occurrat. Falli præterea ex Nummis patebit eruditos, qui c altero *Σῆμα* vulgo vetustius statuunt; quod ex quodam Agathonis apud Athenarum loco, à Viris magnis Jos. Scaligero in Eusebianis, & Isaaco Vossio ad Melam, erudite jam observatum vidi. Nec id tam arcus Scythici argumento, quam indubia testium fide, mihi sit manifestum; qui in ampla illa Græcorum Nummorum copia, ꝑ passim in antiquioribus observo; alterum vero c rarius ante Domitiani tempora usurpatum, sequentium demum ætatum proprium & peculiare, ut vix postea prioris illius ꝑ vestigia eadem Nummorum supellex præbeat. Unde male vir doctissimus ad Ammianum c ab Agathone tanquam vetustum Græcorum *σῆμα* designari credidit, aut Scaligerum reprehendit arguentem Ciaconium, qui Stibadium simile dixerat arcui Scythico. Stibadium enim nihil aliud quidem quam illud *Σῆμα* sub c figura traditum, sed infra Agathonis ætatem vulgo usur-

go usurpatum, ut ad illud Poëta non respexerit illo apud Athenæum loco. Ut mirer etiam τὸν πένυ Salmasium, qui tam multa de antiquis Græcorum litteris haud uno in loco disputavit, alicubi in Solinianis adnotasse, *sigma Græcum antiquum formatum ut c Latinum*. Tom. 1. Alias vero c illud pro Γάρμα nonnunquam vetustissimi- Pag. 338. mos olim Græcos usurpasse, liquere videtur ex antiquis Gelenfium in Sicilia Nummis, in quibus C E Δ A Σ In Sicilia promiscue & Γ E A A Σ adhuc hodie legitur. Paruta. Unde etiam aliquam inde lucem posset mutuari, quod c apud priscos Romanos & vicem scrius recepti implevisse cum Gellius aliique tradidere, tum Nummi inprimis fidem faciunt, in quibus inter alia legas O C U L N I U S pro O G U L N I U S, & in Nummo quodam Caii Cæsaris, G. C A E S A R G E R M A N I C U S; Gaius nempe pro Caius. c vero aliud *sigma* adhuc recentius, quamvis non solum sub Philippo Imperatore, cuius Nummum adfert Scaliger, fuerit receptum, sed jam ante in aliquibus Antopinorum Numismatibus occurrat, immo etiam in nummo quodam Augusti (quem apud Cl. Seguinum vidisse memini) à Peparethis percusso. Lapsum vero hic patet eundem Scaligerum, qui s Latinorum, Græcorum etiam litteris insertum olim credidit, fide Nummi inscripti, A Δ P I A N O S S E M N O S K A I C A R. Atqui eadem ratione non illud s solum, sed R, v, aliaque Romanis propria, inter solennes Græcorum litteras referre potuisset, quæ frequenter in Græcorum Nummis sub Cæsaribus cufis occurrunt, ut A N T Ω N I N O S; Λ I Θ; Λ E O N B A S I Λ E U S R O M E O N; E Y Π Y Π Y A O C; A Y Γ Y C T O S; Z E Y S; C M Y P N A I O C; aliaque id genus plurima. Factum id vero, non quod illæ litteræ revera in Alphabetum Græcorum essent unquam admissæ, (hoc enim omnes Nummi

mi veteres constanter explodunt) sed ex frequenti utriusque linguæ commercio & commixtione, & maxime Romani sermonis simul ac imperii sub Cæsaribus amplitudine, Unde non litteræ solum, sed voces integræ Romanorum cum Græcis mixtæ nonnunquam & confusæ, idque frequenter in Coloniæ Nummis, ut in ΚΑΡΡΗΝΩΝ sub Trajano Decio; COL. AUR. ΚΑΡ. ΚΟΜΜ. Ρ. Ρ. in alio Iliensium, sub J. Cæsare ΒΙΣΝΕΩΚΟΡΩΝ, in altero Claudii ΚΑΙCΑΡ. ΕΤ. Η. CÆSAREAE. Unde etiam explicanda Nummi scriptura apud Goltzium ΦΛΙΓΕΝΣΕ, quam male ad Philippopolim refert. Spectat vero ad *Philippos*, aut familiari Coloniæ more *Philippense* oppidum Macedoniæ, cujus incolæ *Philippenses*, ad quos exstant D. Pauli & B. Polycarpi Epistolæ, & apud quos deductam ab Augusto Coloniæ liquet ex residuis urbis illius nummis, inscriptis COL. AVG. IVL. PHILIPP. seu *Colonia Augusta Julia Philippi* vel *Philippensis*. Ita enim in rarissimo nummo Mediceo ejusdem tractus, signato temporibus Nervæ, COL. IVL. CASSANDRENS, hoc est *Colonia Julia Cassandrensis*, in aliis autem COLONIA AVGVSTA PATREN. seu *Patrensis*, & in nummo Antonini Pii perspicue apud illustrem Sevium, COL. CÆS. ANTIOCHENSIS, unde illustratur Capitolinus, qui in vita ejusdem Pii *Antiochense oppidum* arsisse docet, à quo proinde instauratum, denuo hinc licet percipere. Ex prioribus autem nummis liquet *Cassandra* pro *Cassandria* apud Melam reponendum, secus quam existimabat vir doctissimus. En vero Coloniæ ejus *Philippensis* Nummum, sub Claudio percussum, depromptum è Museo Viri Amplissimi, Joachimi Camerarii nostri.

Tab. xxv  
Græciæ.

Alium



Alium ejusdem generis signatum ætate Vespasiani, habet Gaza Medicæa (quem male itidem eruditus illius custos ad Philippopolim referebat), & sub Augusto Goltzius. Unde utique D. Lucas luculenter illustratur, cui eadem urbs COLONIA vocatur in Actis; *ἐκείθεν εἰς* Cap. x v. 2. *ΦΙΛΙΠΠΟΥΣ, ἥτις ἐστὶ πρώτη τῇ μεγάλῃ τῇ Μακεδονίας πό-* v. 12. *λιν, ΚΟΛΟΝΙΑ.* Et illinc PHILIPPUS, *quæ est PRIMA partis Macedonia civitas, COLONIA.* Vulgo enim Metrópolis eadem ac Colonia; sicut conjunctam videas passim utramque prærogativam in nummis Antiochiæ, Tyri, Sidonis, Damasci aliisque pluribus, quæ mox enumerabuntur, pleraque suæ gentis capita: calido nempe Romanorum consilio, quo unius urbis fide, reliqua Provinciæ oppida, in obsequio facilius retinerent. Linguam autem Matricis Romæ, ut alias notum, & quod hic veniebat spectandum, novi quidem inferebant Coloni; ita tamen ut simul veterem loci sermonem continuo non abolerent, sed modo uterque publico usu & commercio frequentaretur, modo etiam quædam utriusque permixtione in unum eundemque cum idiomate juxta & scriptura coalesceret. Ex quo equidem more, aliarum quoque gentium Coloniis pridem recepto, nata illi paulatim cum dialectorum varietas quædam & confusio, tum inprimis Romanarum vocum in linguis exoticis Græca, Phœnicia, Syriaca, Arabica, aliisque frequentia. Ejus autem rei documenta nullibi illustriora aut magis con-



spicua videas, quam in hac ipsa Nummorum penu, inspecta mihi non semel in præclaris Principum & illustrium Antiquariorum Cimeliarchiis, in qua occurrunt quamplures Romanorum Coloniae in Græciam, Epirum, Thraciam, Macedoniam, Pontum, Bithyniam, Palæstinam, Phœniciam, Syriam, Mesopotamiam, Arabiam, Africam Proconsularem, Mauretanium (ut jam Hispaniam, Galliam, Germaniam, Britanniam, aliasque mittam) deductæ. Signatæ autem illæ publica cujusque loci auctoritate, modo Romana Metropoleos lingua, ut COL. AEL. CAPIT. seu *Colonia Aelia Capitolina*, ac eodem modo cum adjuncto COLONIAE nomine, *Alexandria, Troas, Berytus, Bostrea, Cassandrea, Claudiopoli, Corinthus, Deultus, Heliopolis, Laodicea, Leptis, Oricos, Papia, Patra, Pella, Ptolemais, Sephyrus, Sinope, Stobi, Tyrus*, aliarque urbes Græci licet & peregrini idiomatis. Modo autem Græco seu vernaculo sermone notatæ, ut ΕΜΙCΩΝ ΚΟΛΩΝΙΑC. sive *Colonia Emesa*, & similiter *Edeffa, Nesibis, Rhessana, Thessalonica*, ac plures cum Græca itidem ΚΟΛΩΝΙΑΣ appellatione. Modo promiscue cum Vernacula, tum aliquando Romana lingua prolatæ, ut COLONIA ANTIOCHEA vel ANTIOCHENSIS, & aliquando ΚΟΛ. ANTIOΧΕΩΝ, & ad illius exemplum *Cæsarea, Carra, Damascus, Sidon* & aliar id genus modo antiquar, modo Romanar linguar usum in publicis illis retinentes monumentis. Præterea cum bilingui nonnunquam in eodem nummo inscriptione, quod arguunt Cretensium aliquot nummi apud Cl. antiquarios Trifanum & Seguinum, ubi nempe una ejusdem nummi area Græcam, altera autem Latinam epigraphen continet; cujus generis etiam occurrunt antiqui aliquot Macedonum Nummi hinc ΜΑΚΕ, aut ΜΑ-



ΚΕΔΟΝΩΝ inscripti, illinc AESILLAS, proprio viri nomine. Denique aliquando in eadem Nummi area & inscriptione permixtis simul ex utraque lingua vocibus ac litteris, ut paulo ante in Nummis *Carrenorum* & *Philippensium* notabamus, & exemplum adhuc præbent *Damascus Colonia Metropolis*, seu ΚΟΛ. ΔΑΜΑ. ΜΕΤΡΟ. sicuti occurrit scripta in Nummo Treboniani, quem videas in Museo Reginae Christianæ. Postremum autem hunc morem, utramque linguam ac scripturam una permiscendi, nosti frequenter etiam obvium in lapidibus antiquis, ubi præter crebras Romanorum voces, periodi etiam integræ Græcis litteris expressæ non semel leguntur. Certe Latinorum v pro Græcorum υ φ λ ο ν in recentioribus Græcorum nummis passim receptum videas, signatis ætate Alexandri Severi, Philipporum & sequentium. Ita vel α inversum, Digamma à Claudio receptum in Romano alphabeto, de quo Tacitus, Suetonius, & Quintilianus meminere, in Nummo ejusdem Claudii occurrit, quem hujus antiquariæ suppellectilis strenuus indagator Petrus Seguinus nuper illustravit. F alias Latinorum loco φ Græcorum, ut quidem videtur, crebro observas in nummis Faliscorum Magnæ Græciæ, qui F Λ Α Ε Ι Ω Ν passim inscribuntur, ut F pro φ in eo tractu vel inde liqueret usurpatum. Nisi potius Digammatis Æolici vestigia in eadem vocis hujus scriptura eruamus, quam constanter adeo præferunt omnes nummi antiqui hujus Urbis, quorum adhuc luculenta copia suppetit. Faliscorum nempe conditor apud antiquos auctores Ovidium, Plinium aliosque, & à quo gens ac terra denominata, Græcus gente *Halesius*, ceu Ἀ λ η σ ο ς, more autem veteri Græcorum Η, adspiratis vocibus præponendi Ἡ ἄ λ η σ ο ς, juxta Æolas vero Digamma

suum vocalibus cum lenibus tum asperis præmittentes  $\Gamma\acute{\alpha}\lambda\epsilon\sigma\Theta$ . Hinc Romanis antiquitus *Halesii* & *Falesii* dicta illa gens, postea vero, *Falerii*, vel *Falisci*, ut utroque illo nomine alias haud unius gentis cos nonnunquam vocat Livius. Sciendum enim, cum h vulgo locum F, tum s vicem R occupasse in veteri Romanorum scriptura, ut narrant veteres Grammatici; unde juxta

Lib. 111.

c. 5.

Plinium, *Oppidum Formia Hormia ante dictum, & Valesii, Vetusi*, aliique id genus olim dicti, qui *Valerii* & *Veturii*, postea nuncupati. Apposite autem in hanc rem

Ad lib. vii.

*Æneid.*

Servius qui ad illud Virgilii, *aquosque Faliscos*, hæc notat, *Faliscos Halesus* (non Haliscus) *condidit. Hi autem immutato h in f Falisci dicti sunt; sicut Febris dicitur, quæ ante Hebris dicebatur. Nam posteritas in multis nominibus f pro h posuit.* Plana itaque omnia è Livio, Plinio, Servio, & prisce Græcorum ac Romanorum scripturæ vestigiis; unde factum ut non Romanis solum *Falerii* & postea *Falisci*, sed Græcis Romanarum rerum scriptoribus, illorum more  $\phi\alpha\lambda\acute{\iota}\sigma\kappa\omicron\iota$  vulgo sint appellati: si vero Festum consulamus, Faliscos non jam ab Haleso, sed à voce  $\acute{\alpha}\lambda\epsilon\varsigma$  scû sale deducentem, eundem rursus in Græca vocis scriptura usum agnoscas Digammatis Æolici, vocali & quidem adspiratæ, consueto more, præpositi. Neque vero illud prætereundum, non  $\phi\alpha\lambda\acute{\iota}\sigma\kappa\omicron\varsigma$ , ut vulgo apud auctores, sed  $\phi\alpha\lambda\lambda\epsilon\iota\omicron\tau\epsilon$  constanter vocari hanc gentem in nummis antiquis. At norunt in veteri Geographia vel leviter exercitati, haud inconsuetum unius Urbis aut Gentis nomen non uno modo prolatum videre, & quidem (quod huc imprimis facit) aliter ab incolis, aliter vero ab exteris unam eandemque gentem sæpenumero nuncupatam. Illustre exemplum occurrit in urbe Gaza, quam Syris adhuc suo tempore non  $\Gamma\acute{\alpha}\zeta\alpha\nu$ , sed  $\Lambda\acute{\zeta}\alpha\nu$  vocari obfer-

observat Stephanus, & cujus gentile foret *Γαζαῖος* & *Γαζωὶ*; apud indigenas vero *Γαζῖται*. Nummi tamen hujus loci (ne quid dissimulem) qualem certe citat Goltzius, præferunt *ΓΑΖΑΙΩΝ*; alii autem quos Augustæ Christianæ & Ill. P. Sec. vii. adnotasse memini in illustribus Cimeliarchiis, cum Templo & Urbis nomine *ΓΑΖΑ ΜΑΡΝΑ*. Unde, ut obiter hoc dicam, præclare illustrantur quæ de *MARNÆ* Jovis apud hos *Gazæos* cultu cum idem Stephanus in hac voce, aliique tradidere, tum inprimis D. Hieronymus, qui hanc *Ædem* alicubi cum celebri illo *Serapio* conjungit; *Serapium Alexandria, & MARNÆ Templum GAZÆ in Ecclesiis Domini surrexerunt*. In Egiam lib. v. 11. Alias vero, de quo jam hic agitur, crebra legas apud Stephanum exempla prædictæ varietatis in formatione *Γαζαῖων*, (quam certe clarissime evincunt nummi antiqui) inde profectæ, quod gentilitia illa nomina modo peculiari loci & regionis typo, modo aliter apud extraneos, juxta artem nempe & exempla similium formationum efferrentur: alia nempe, ut sæpe innuit, *τύπος τῆς χώρας*, alia *τῆς πύλης*. Nihil itaque insolitum, ut In voce Γαζαῖος & alibi. vides, *Falerios* aut *Faliscos*, Romanis aliisque dictos, qui *ΓΑΛΕΙΟΙ* indigenis, seu *τῆς Πιχάρας*, vocabantur, sicut antiqui gentis nummi extra dubium ponunt. Quod in his *Faliscis* minus adhuc mirum, qui illud apud Strabonem legit, hoc loco utique non præter- Lib. v. eundum, *ἔστιν Φαλίσκας πόλιν ἰδιόγλωσσον*, *Faliscos urbem peculiari lingua. utentem*. Et quod hic præterea notandum, eandem esse juxta quosdam, quæ hodie vocatur indigenis *Galese*; in qua voce, certe cum primi conditoris nomen, tum *Æolici Digammatis* in *Γᾶμμα* sæpe converti olim soliti, ut vere alicubi observat *ὁ πᾶν* Salmasius, clara licet vestigia deprehendere: Mirari vero potiori jure quispiam posset, cur *Æolicum* illud *Di-*

gamma ab iis retentum, quum Argivus perhibeatur eorum conditor Halesus, Dorica proinde lingua verisimiliter usus. Verum eximendo huic scrupulo vel una opinor sufficit Strabonis auctoritas, qui non solum illud Faliscorum *τὸ ἰδιόγλωσσον* observat, sed etiam alibi docet, non aliam esse Doricam dialectum, quam Æolicam antiquam, & non extra Isthmum solum, sed in Isthmo etiam positas gentes Æolicas fuisse. Ut mittam Pindarum, quod jam notavit ad eum locum magnus Casaubonus, Æolice se scribere profitentem, quem alias Dorico sermone usum constat. Et ad alia quidem properabam, quum occurrit rursus Æolici illius Digammatis vestigium in nummo *ΦΑΣΤΙΩΝ*, inscripto apud Goltzium; quod plane Græcanicum negantem videas ejus interpretem Nonnium, si quidem littera *Φ*, sit prorsus illis ignota, unde pro *Φαστίων*, legendum putat *Εστίων*. Agnoscis utique, mi *Ο C T A V I*, non cujusvis esse, veterum illorum monumentorum, quibus tot erudita priscae litteraturæ ac sapientiæ mysteria continentur, interpretationem pro dignitate suscipere, minus autem decere, ignorationem continuo in temeritatem vertere, obscura quævis aut incomperta ad lubitum mutandi aut refingendi. Quasi vero liceret eadem arte grassari in primæva illa & incorrupta priscae ætatis monumenta, Nummos nempe & lapides antiquos, (quod à Viris magnis factum aliquoties nollem) qua uti solet gens Criticorum, in libros editos aut descriptos olim à librariis codices, multis proinde erroribus obnoxios. Et quam caste adhuc, quam sobrie, quanta cum cautela id sibi indulgendum putant, non magistelli quidem aut è trivio Critici, sed ii demum qui nominis hujus præstantiam ac officium vere adsequuntur. Laudandus est quidem Nonnius

abegregia de hac antiquaria suppellectile bene merendi voluntate, nec vulgari diligentia, licet non eadem continue facultas fuerit, quidquid alii magnifice de illo sentiant; sicut alibi citra viri contumeliam luculenter demonstrabitur. Unde ut ad Goltzianum nummum revertamur, frustra in illo hanc vocem *FAΣTIΩN* expungere continuo voluit Nonnius, ob ignotum sibi usum illius Æolici Digammatis. Refertur nempe à Goltzio inter Bœotix urbes locus signati hujus nummi, haud dubie ob adscripta eadem Thebani Clypei & Canthari symbola, quæ in Thebarum aliorumque Bœotix locorum nummis vulgo conspiciuntur. Æolica autem lingua usos olim Bœotos, & Æolibus adscribendos, nisi ex Strabone aliisque constaret, vel unus Varro adhuc hodie argueret, cui *Æoles Bæotii* nuncu-  
 pantur. Sed de his alibi opportunius. Equidem multa  
 id genus alia in Romanorum litteris possent ex Num-  
 mis erui, in quibus ex levi etiam litterarum discrimine  
 A, E & V ac similibus, de ipsa ætate plurimarum In-  
 scriptionum, & omni scripturæ veteris ratione, secure po-  
 test pronuntiari. Ut jam mittam, V antiquam fuisse  
 Romanorum litteram, & C apud Romanos veteres pro  
 G obtinuisse, ut paulo ante monebamus, & Nummi ma-  
 xime fidem faciunt, quod occupavit jam in suis Dialo-  
 gis vir elegantis eruditionis Antonius Augustinus. Ita  
 errare ex iisdem liquebit Pomponium, qui *D. de origine*  
*juris* tradit Appium Claudium, cumque non veterem  
 illum sed recentiorem litteram R invenisse, quod cum  
 eodem longe antiquior Romæ, Romuli item ac Remi  
 appellatio, tum ætatum omnium Numismata ærea ac  
 argentea omnino refellunt, ut jam monuit idem Au-  
 gustinus.

Immo non Romanorum solum aut Græcorum litte- *Circa litte-*

rae Phœni-  
cum.

ra, sed antiquiores etiam *Phœnicia*, illarum archetypa, ex Nummis luculenter possunt illustrari. Tales utique occurrunt plurimi Punicis, aut Phœniciis litteris signati, tum in Africanis nummis Carthaginis, aliisque & Hispanicis præterea nonnullis; tum Panormi, Syracusarum, Dionysii; tum Tyri, Sidonis aliorumque; quos partim Urfini imagines, & Parutæ ac Leonardi Agostini Sicilia, partim majori adhuc numero Principum & Antiquariorum Thesauri adservant, ita ut ex iis demum petendum videatur, quæ forma Phœnicicarum aut Punicarum litterarum olim fuerit; an aliquod inter illas, Asiaticas nempe, & Africanas discrimen, an cum Samaritanorum litteris plane eadem, quod à Viris longe doctissimis extra controversiam poni video; an denique Græcorum litteræ, Phœniciis illis, vel Samaritanis plane similes, an vero longe diversæ, ut Cl. Salmasio placuisse memini. Quum enim vix alia quod sciam, aut vetustiora veteris scripturæ Phœnicia supersint vestigia, nec Moschi Sidonii, aut Sanchoniatonis Phœnicia monumenta, aut libros Punicos Regis Hyempsalis liceat hodie consulere; non immerito horum Numismatum fide, tanquam præsentibus tabulis, de omni hac præclara & recondita materia transigi posse videtur. Ex quibus itaque haud indubie mihi liceat colligere, priscas Phœnicum litteras, ad Hebraicam magis, aut Chaldaicam, quam vocant formam, quam ad Samaritanicam deflectere; multum certe inter postremam hanc, & Phœniciam scripturam observari. Id utique manifestum varios utriusque characteris Nummos excutienti, quales certe plurimos arbitrari mihi non semel, & exscribere etiam licuit. Vel fidem faciet vetustus nummus Sidonis, Phœnices olim Metropoleos, cum Triremi solito Sidoniorum sym-



symbolo, & Græca epigraphic ΒΑΣΙΛΕΩΣ ΔΗΜΗ- In Gaza  
 ΤΡΙΟΤΣΙΑΩΝΙΩΝ, ac præterea Phœniciis aut He- Medicæ.  
 bræicis litteris חֶבְרֹן, qua voce Hebræis Clivus aut  
 Arx notatur. Sic alius occurrit Tyri nummus טַיִר, in-  
 scriptus, quæ litteræ non sunt explicandæ זִיִּר, hoc  
 est *Συρίας*, ut vidi placere viris longe eruditissimis,  
 sed *מִן* *Tyri* ipsum Tyri in sacra scriptura nomen. Hæc  
 autem omnia mirum quantum à Samaritanorum lit-  
 teris discrepent. Nec arguet forte aliquis, post usum  
 Assyriaci characteris ab Eſdræ temporibus, ut vulgo  
 existimant, apud Hebræos receptum, similem quo-  
 que priscaſarum litterarum mutationem vicinis Phœni-  
 cibus potuisse quoque contingere. Præterquam enim,  
 quod & diversa hic ratio utriusque gentis fuerit, nec  
 minus id incurrit in doctissimorum virorum senten-  
 tiam, qui ex hac ipsa Hebræici characteris mutatione,  
 ab eo tempore immane aliquod discrimen inter Phœ-  
 nicum & Hebræorum litteras, Augustini etiam ævo  
 existuisse credidere. Non diffiteor equidem Punicos  
 Africæ, Siciliæ, aut Hispaniæ etiam Nummos, à Phœ-  
 niciis Tyri, & Sidonis numismatibus, aut Hebræorum  
 etiam vel Chaldæorum primævis litteris, diversos  
 characteres non semel præferre. Hanc differentiam vel  
 mutationem, observasse jam olim animadverto, do-  
 ctum Hispanum, qui patriæ suæ antiquitates erudite  
 congeſſit, & in cruendis Punicis ejusdem tractus litte- Bern. Al-  
 ris, non ignobilem operam posuit. Nec mirum utique, dret. Anti-  
 aut insolitum videri debet, decursu temporis, & loco- guld. de  
 rum mutatione, Punicis litteris contigiſſe, ut earum fi- Eſpañ.  
 guræ apud barbaros interpolatæ, à prima origine non  
 parum desciverint; ita tamen ut non incommode ex  
 eadem possint illustrari. Id enim novimus, cum pas-  
 ſim apud gentes alias cultiores usuyenisse, tum Græcis



Thom.  
Reines. de  
ling. Pen.

Thes. Am-  
bros. In-  
struct. del-  
le lingue  
straniere.

ipsis in patrio solo contigisse, ut supra demonstravi. Ignorasse vero observo, hanc in Nummis superstitem Phœnicii & Punici characteris suppellectilem, Virum inter nostrates singulari doctrina ac eruditione, qui figuras litterarum Punicarum, & modum omnem. scripturionis plane interiisse credidit, exceptis aliquot Carthaginensium Nummis. Sed majus ludibrium debent ii qui aut Tabulam Eugubinam apud Gruterum Punicis litteris exaratam, aut Punicas litteras ad lubitum effictas, vel è Græcis expressas nobis aliquoties obtrudere. Verum hæc obiter, & ad alia properantes, qui supremum talium arbitrium summo Bocharto ultro deferimus, qui ad Punica illustranda omni alio ingenii, eruditionis, & solertiæ incredibilis, solo hoc Nummorum præsidio destitutus accessit. Ex quibus præterea adsertam sibi luculenter in præclaro opere Phœnicii sermonis cum Hebræico adfinitatem probasset ulterius, nec minorem curam impendisset primigeniis his & genuinis illius linguæ reliquiis illustrandis, quam sparsis, aut interpolatis apud Græcos, & Latinos auctores vocibus eruendis. Neque enim amovenda ab hoc loco Nummorum id genus vetustorum, & optimæ quidem notæ auctoritas, cui in adserenda Samaritani characteris vetustate, primas & solas quasi partes vulgo solent tribuere.

Circa litte-  
ras Hebraeo-  
rum, &  
Samarita-  
no: rum.

Quum enim Phœnicii non solum, sed cum Hebræici, tum Samaritani etiam Nummi occurrant, ex iis controversia non levis de utriusque scripturæ antiquitate & prærogativa, inter harum litterarum principes agitari consuevit. Adeo quidem ut in eo, quod hinc pendet examine, de sacro & primævo veteris Fœderis characterē, pars utraque ad Nummos continuo soleat provocare. Horum certe fiducia Scaliger alique prementes

mentes eadem vestigia, Villalpandus, Capellus, Morinus, & Waltonus novissime in Apparatu Bibliorum Londinensium, hodiernæ Samaritanorum scripturæ patrocinantur; immo omnem hanc litem veterum Nummorum, quos exhibent, fide omnino confectam volunt. Memini equidem, quum ante tria lustra, puer etiamnum de illo argumento publice aliquid post principem harum litterarum Virum, Joannem Buxtorfium, cum aliqua doctorum venia commentarer, doctissimum Bochartum, ad quem miseram præcoccem illum foetum, vel solo Nummorum testimonio probari sibi impugnatam mihi Scaligeri & Capelli sententiam, blandis alias litteris significasse. Quum tamen altera sententia à me tum adserta, præter rationes & auctoritates alias, Nummorum etiam veterum patrocinium obtendat; quum Samaritanorum (quales certe plurimos ab eo tempore hic in Urbe, & Florentiæ inspexi alibi evulgandos) recentiores plerique videantur, aut dubiæ admodum vetustatis; & præterea antiqua Phœnicum in Nummis scriptura longius ab illis discedat, Hebræicæ haud ita dissimilis, iisdem adhuc, aut fortioribus etiam telis liceret forte prius iudicium propugnare; ac alterius sententiæ patroni gravissimi & vetustissimi scriptoris iudicium opponere, in quod nuper incidebam; *quemadmodum & Hierosolymis Babylonica expugnatione deletis, OMNE INSTRUMENTUM JUDÆICÆ LITTERATURÆ per Esdram constat restauratum.* Sed hoc jam non agimus, aut hujus rei arbitrium magnis utrinque auctoribus subnixæ, volumus hic nobis vindicare. Illud saltem hinc abunde manifestum, quæ singularis sit Nummorum veterum auctoritas & prærogativa, quorum testimonio de litteris Mosi à Deo traditis, & primæva aut antiqua Ve-

Tertuli.  
lib. 1. de  
cultu fe-  
min.

teris Instrumenti ante Esdram scriptura, visum est eruditis omne litis arbitrium deferre.

*Circa scribendi rationem.*

Liter.  
Rim. cap. v.  
& xxv.

Elia. i.

Unum præterea nec ingratum, ut opinor, Phœnicæ originis, non in litteris solum Græcorum, sed in *scribendi* etiam *ratione*, monumentum, lubet hic ex Nummis accerere. Notum Phœnices, vel teste Herodoto, juxta morem Hebræis, Syris, Arabibus, Ægyptiis, aliisque Orientalibus usitatum, dextra sinistram versus litterarum ductus instituisse. Eandem quoque scripturæ rationem in antiquis Gotthorum saxis, annotavit antiquitatis patriæ restaurator Olaus Wormius. Id autem alias à Græcis omissum, ut motui naturali minus consentaneum, aut aliis de causis, quas nihil adtinet hoc loco commemorare. Antiquissima tamen illius Phœnicii moris vestigia nonnulla observarunt jam eruditi, in ea Græcorum scriptura *βεσποφηδὲν* dicta, quæ ex parte eam referebat, & qua Solonis olim Leges, & Inscriptio quædam Olympica apud Pausaniam, descripta leguntur. Aliud præterea hujus rei exemplum idem auctor mihi subministrat, qui antiquæ Agamemnonis Statuæ, nomen à dextra in lævam excurrentibus litteris inscriptum fuisse alibi observat. Sed clariora adhuc hodie, & genuina ejusdem æmulationis argumenta sese offerunt, in antiquissimis aliquot Græcorum Nummis, & Siculorum vel maxime, in quibus *ΖΑΛΕΥ* pro *Γέλας*, *ΝΟΙΑΥΕΜΙ* pro *Ἰμεραίων*, *ΝΩΙΑΥΖΑΥΕΥ* pro *Σεμεταίων*, *ΝΩΙΤΝΩΝΙΑΕΥ* pro *Σελιγοντίων*, *ΝΑΤΙΜΡΟΝΑΠ* pro *Πανορμίτιν*, *ΑΝΙΥΑΜΑΧ* pro *Καμαρίνα*, & in nummo Insulæ Liparæ Cimeliarchii Palatini *ΠΙΛ* pro *ΛΙΠ* seu *Λιπαράίων*, ac in nummis Magnæ Græciæ *ΛΤΛΥ* pro *ΚΑΤΛ* seu *Καυλωνιάτων*, *ΑΥ* seu *Φαλείων*, aliaque id genus Phœnicum more sinistrorsum non semel scripta leguntur. Hoc autem

non

non temere hic à me observari intelliget, qui præter Cadmæam litterarum Græcarum originem, Phœnices & colonos eorum Carthaginenses tot annos Siciliam inhabitasse, vel apud Thucydidem aut Diodorum legit, adeo ut nullibi plura illius linguæ aut gentis supersint vestigia. Quod ipsum de hac insula Vir doctissimus in reconditæ eruditionis opere, alicubi adfirmat,

*Itaque Phœnicum ibi vestigia pene tam multa, quam in ipsa*

*Phœnice.* Alicubi quoque nonnulla ejusdem scripturæ

In Præfat.  
Colon.  
Phœn.

exempla sese offerunt, ut quodam in Nummo Ephesiorum ΝΩΙΣΤΕΦΕΙΜΕΤΡΑ Ἀρχιεπισκοπικῶν, & quibusdam id genus; quod casu etiam nonnunquam aut incuria monetariorum potuisse contingere, haud difficulter largiar. Hinc saltem Nummos veterum tractantes, litterarum in iis apices & ductus diligenter excutere meminerint, ne quod aliquibus accidisse memini, pro Græcis litteris averfis, peregrinas nobis & exoticas confidenter obtrudant. Quæ res etiam fefellit

Virum de hac antiquitate optime alias meritum,

Joannem Tristenum, qui in Nummo quodam Cæsaris *Coloniæ* illam pro Flavia, Alphæam dictam festi-

Com. Hi-  
stor. T. 11.  
pag. 168.

ve comminiscitur, errore ex litteris .ΑΑΦ in Nummo

inversis pro ΦΑΑ. seu Flavia; id enim nomen illi Ur-

bi adhæsisse, ob deductam in eam Coloniam à Vespasiano, quod vel Plinius docere illum potuisset, & alii

Lib. v. cap.

Nummi cum adjuncta FLAVIÆ appellatione abunde arguunt, COL. PR. FLAVIA CÆSAREA. Eandem quoque scripturam notabam nuper in nummis

*Tripolitarum*, cum in Museo Regio Parisiensi, tum in altero Collegii Claramontani, inspecto mihi singulari comitate Cl. Viri Gabriëlis Cossartii, Sirmondi ex asse

hæredis. Inscripti enim illi itidem, præter signatam urbem ΤΡΙΠΟΛΕΙΤΩΝ, cum iisdem litteris averfis

ΑΑΦ pro ΦΑΑ. Unde FLAVIÆ etiā nomen nobili huic urbi Phœnicie adjunctum discimus, haud minus ac *Cæsareæ Palastina*, & alteri ejusdem tractus, *Neapoli Samaria*, præterea *Samofatis*, *Chalcidi*, *Sinope*, *Develto*, *Eumenia*, *Critia*, quas singulas in præclaris earum Nummis adhuc superstitis ΦΑΑ. aut FLAVIÆ vel ΦΑΑΟΤΙΟΠΟΛΕΩC etiā nomen præferre (recepto scilicet Coloniarum, aut instauratarum urbium more) aliquoties observasse memini. Alias vero, haud absimili cum Tristano errore, plurimos in tractandis Inscriptionibus Græcis versatos novi, dum vel in averfas id genus, aut inversas etiā litteras incidunt; in quibus tradendis ad barbaras litteras parum opportune nonnulli confugerunt.

De priscis  
litteris aut  
Nummis  
Hispanicis.

Quo loco etiā de *priscis Gothorum*, aut *Hispanorum litteris*, non inutilis, aut injucunda sese offert disquisitione. Quum enim plurimi Nummi cum ærei, tum argentei rudioris alias operis, & ignotis ut plurimum litteris signati occurrant, & in Hispania vel maxime, hinc non una de iis occurrit Antiquariorum sententia. Antonius Augustinus præter Punicos & Gothicos Hispaniæ Nummos, aliquot ex iis veteri patriæ linguæ characterē exaratos credidit. Olaus Wormius diversam sententiā amplexus, eosdem à Gothhis in Hispania signatos, & clara litteraturæ Gothicæ vel Runicæ argumenta præferre existimat. At rursus viri docti, qui non ita pridem in illustrandis Nummis patriis versati, Antonii Augustini prementes vestigia, omnes id genus peregrinis aut barbaris litteris insculptos, priscis Hispanicis annumerant. Unde quum apud Livium, *argenti Oscensis*, & *signati Oscensis* ab Osca antiqua Urbe Hispaniæ denominati, mentionem non semel injectam reperissent, Nummos illos argenteos in Hispania

Vide Museo de las  
Medall.  
Españ.

nia obvios, in quibus passim equus cum jaculo decurrens cernitur, pro illo prisco *signato Oscensi* protulere. Rationes vero quibus nituntur, petita aut è numero, & multitudine Nummorum, qui in Hispania quotidie effodiuntur; aut è characteribus ignotis; aut è communi illo in iis Symbolo equitis decurrentis. Hæc autem, ut ingenue fatear, percussos quidem in Hispania Nummos id genus, sed non ab Oscensibus magis, quam à Gotthis Hispaniæ per tot annos incolis, suadere mihi & evincere videntur. Potior illa auctoritas aliquanto, meo judicio, quam ex Oscæ Nummis sub Augusto & Tiberio signatis, & ex Hispanico familiæ Afraniæ apud Fulvium Ursinum numismate ostendunt, cum eadem capitis imberbis & decurrentis equitis in altera parte effigie, & ignotarum in iisdem litterarum figura. Quod ipsum firmare videntur, quæ de non una litterarum forma apud Hispanos veteres, prisca auctores tradidere; ex quorum numero Strabo, illos nec uno Lib. v. scribendi genere, nec una lingua usos jam olim adseruit. Si tamen meum qualecunque iudicium liceat hic obiter interponere, aliquot ex iis ad Punicos veteris Hispaniæ Nummos, plerosque autem rudiores ad Gotthicos ejusdem tractus referre consultius existiniarem. Neque enim soli Gaditani, aut vicini tractus Nummi, Punicis accensendi, ut statuunt Viri docti, quasi Pœnorum in Hispania imperium & lingua non ulterius sese diffuderit. Utriusque vèro vestigia non in Bætica Vil. Sam. Boch. de Colon. Phœn. l. 1. c. 3. 5. solum, sed Tarraconensi etiam Provincia observarunt cruditi, & vel una Carthago nova, Pœni Amilcaris in eadem opus, abunde ostentat. Gotthis vero adscribendos plerosque illos argenteos cum equite decurrente, aut geminis symbolis, potius quam antiquis Oscensibus, multa suadere mihi videntur. Talia nempe, diuturna



turna Gotthorum in Hispania sedes, quæ litteras eorum & linguam in eandem invexit, & eam Nummorum id genus copiam in eodem tractu subministrat; cum adspectus in iis rudioris & recentioris operis, & cum Gotthicis aliis Nummis Galliæ aut Italiæ consensus; tum plurimarum litterarum cum Runicis aut Gotthicis adfinitas. Neque ob stare debet haud dissimilis figuræ, cum priscis aliquot Hispaniæ nummis contemplatio; quum pateat adinstar bigatorum & denariorum veterum, aliorumque id genus priorum temporum, aures & argenteos Gotthorum nummos passim percussos. Talium certe ingentem quandam copiam, cum alibi, tum maxime in Cimelio Serenissimi Electoris Palatini versare mihi non semel licuit. Neque tamen hæc à me adferuntur, ut me motosum aut iniquum alterius sententiæ patronis præbeam.

Circa litterarum Adfectiones & Permutationes:

*Litterarum etiam adfectiones* varias in earum alternatione vel permutatione, nummi suppeditant, quæ ad scripturæ veteris rationem capiendam aut explicandam immane quantum conferunt. Nec enim hic, quod vulgo nonnulli existimant, casui continuo, aut errori adscribenda plurima, quæ in iis à recepto scribendi usu aliena sæpe videntur. Confusas enim nonnunquam, & permutatas varias litteras apud ipsos veteres licet observare, cum ex fontibus aliis, tum vel maxime ex scripturæ veteris vestigiis, aut recentioris additamentis, aut pronuntiatione litterarum similium inter se & adfinium. Primo quidem ex *scripturæ veteris vestigiis*, ut in variis Græcorum nummis frequens E pro H, ut ΜΕΤΡΟΠΟΛΕΙΤΩΝ, & vel maxime in antiquis nummis Atheniensium, in quibus vulgo videas initiales litteras ΑΘΕ, pro ΑΘΗ, seu ΑΘΗΝΑΙΩΝ, quod mirabatur Goltzii commentator Nonnius. At vel inde liquet,



liquet manifesto, quam vere jam olim à Platone sit ad-  
 fertum, non ἦ sed εἶ, in veteri Atheniensium scriptura  
 usurpatum; & γὰρ ἡ ἐξερῶμεθα, ἀλλὰ εἶ τὸ παλαιόν: ne quis  
 id in vetustis illis nummis fabрили errore putet contigisse.  
 Neque aliter in priscis Thebanorum nummis, Θ Ε-  
 Β Η pro Θ Η Β Η, expressum itidem occurrit; & in  
 nummo Phæsti urbis Cretæ, Θ Ε Σ Ε Τ Σ pro Θ Η Σ Ε Τ Σ.  
 Sic insuper Ι pro Υ, in ΚΙΖΙΚΗΝΩΝ, Ο pro Ω, ut in  
 ΙΜΕΡΑΙΟΝ, ΚΑΜΑΡΙΝΑΙΟΝ, ΛΙΠΑΡΑΙΟΝ,  
 ΛΕΟΝΤΙΝΟΝ, ΜΟΤΙΑΙΟΝ, ΣΕΛΙΝΟΝΤΙΟΝ,  
 & passim in vetustissimis quibusque Siculorum Num-  
 mis, quorum uberrima longe & elegantissima adhuc  
 copia suppetit. More itidem veteri, ut iterum nota-  
 vit Plato, qui ὡρεῖς priscis Atheniensibus ὄρεῖς dictas in  
 eodem libro observat; & quam scripturam etiam fre-  
 quenter repræsentat vox Η Ρ Ο C, in nummis Antinoi,  
 & in altero Pergamenorum, ΕΤΡΥΠΤΑΟC Η Ρ Ο C.  
 Sic Diphthongi iterum juxta antiquæ consuetudinis  
 vestigia sæpius omiffæ, ut Ι pro ΕΙ, Ο pro ΟΥ; sicut  
 & nummi ΜΑΡΩΝΙΤΩΝ, ΣΤΡΑΚΟΣΙΩΝ, aliique  
 id genus docent, quorum gentilitia vulgo Μαρωνείτης,  
 Στρακυσίῳ. Ratio autem petenda ex Athenæo & pri-  
 scis Grammaticis, qui eandem scripturam Græcis olim  
 usitatam tradunt, antequam sexdecim litteris, quibus  
 constabat vetus Alphabetum à Cadmo inductum, octo  
 à Ionibus adderentur. Optime itaque adnotavit Ma-  
 rius Victorinus, ante repertas Η & Ω Græcos diu lit-  
 teras adhibuisse Ε & Ο; unde etiam factum, ut post  
 easdem litteras in communi usu receptas, diu etiam &  
 ab Atticis maxime in monumentis publicis antiquior  
 scribendi ratio sit usurpata; quod recte agnovit alicu-  
 bi Salmasius, & Nummorum id genus tractatio, cla-  
 rissime jam ante oculos ponit. In eo tamen deceptus

In Cræylo.

Goltz. Tab.

VII. Inf.

Græcia.

Lib. I.

Gramma.

In Notis ad  
Inscript.  
Herod.  
Att.

Vir magnus, quod  $\psi\lambda\delta\eta$  vetustis illis sexdecim litteris Cadmæis inferat, quam litteram tamen à Palamede ex gruum volatu repertam & prioribus additam tradunt veteres, & ipse in superioribus etiam agnoverat. Sed de his alias, qui in illa disputatione de priscis Græcorum litteris ab eodem contra Scaligerum instituta, repugnantia id genus varia, & minus accurata eidem festinanti excidisse, pluribus hic possem evincere. Et ut de hoc argumento mereamur ulterius, sic H apud vetustiores Græcos, non littera, quod eruditis notum, sed adspirationis signum extitisse, adspiratis proinde vocalibus vulgo Romanorum more præpositum, probant etiamnum nummi antiquissimi Siciliæ Urbis Himeræ, in quibus H illo officio fungitur, inscriptis utique HIMEPAION & HIMERA; quum alii rursus more scilicet postea recepto, I MERA & I M E P A I O N, præferant. Nec aliter in nummis Selinontiorum ejusdem Insulæ, H T Ψ A Σ pro T Ψ A Σ, in aliis itidem Nummis obviò, Fluvio nempe in eo tractu celebri, & speciosi pueri forma expresso: quod aliis Siculis familiare observat alicubi Ælianus. Eodem referenda scriptura in nummo H I Σ M E N I Ω N apud Goltzium, quam ignoratione vetusti hujus moris frustra refingere voluit Nonnius, & ex qua liquet adspirandam hanc vocem  $\text{Ἰσμήνης}$  apud Auctores, Stephanum aliosque, quæ cum leni vulgo in iis occurrit. Ut certe vel inde, cum scripturæ illius veteris vestigia, tum luculentum nummorum id genus vetustatem adsequaris. Ita apud Romanos pari ratione K pro C, C pro G, & E pro Diphthongo Æ, aliaque ejusdem generis in Cæsarum Nummis juxta & Saxis non semel leguntur, ex prisca utique scribendi apud eos consuetudine retenta.

Secundo orta nonnunquam illa litterarum permutatio

Vid. Num-  
mos Paru-  
tæ.

Lib. 11.  
Var. Hist.  
c. 33.  
Tab. Græ-  
ciæ xvii.

Vid. Quin-  
tilian. lib. 1.  
cap. 7.

tatio ex recentioris Scriptura additamentis, ut h vicissim pro e in Nummo ΗΑΒΙΩΝ; EI pro I in ΦΙΑΙΠΠΟ-ΠΟΛΕΙΤΩΝ, ΤΟΠΕΙΡΟΥ, ΝΕΙΚΟΠΟΛΙΣ, & sexcentis id genus: Ω pro O in ΩΡΘΩΣΙΕΩΝ alibi ΟΡΘΩΣΙΕΩΝ; Ζ pro Σ in ΖΜΥΡΝΑΙΩΝ. Hoc enim postremum casu non contigisse, abunde licet ex Luciano colligere, apud quem in festivo litterarum Dialogo, σῖγμα queritur de illa vi sibi facta à Ζῆτι in hac ipsa voce *Σμυρναίων*, δὲ πᾶσαν, inquit, ἀφελόμενόν τινι *Σμύραν*. Unde etiam præter Nummos aliquot Medicæos ita inscriptos *ΚΥΝΚΛΗΤΟΝ ΖΜΥΡΝΑΙΩΝ*, & in nummo Domitiæ *ΟΜΟΝΟΙΑ ΖΜΥΡΝ. ΕΦΕ.* & in altero præterea, quem in Museo Regio Parisiensi notabamus, cum Senatus & Liviae effigie ac inscriptione *ΚΕΒΑΣΤΗ, ΚΥΝΚΛΗΤΟΣ ΖΜΥΡΝΑΙΩΝ ΙΕΡΩΝΥΜΟΣ*, eadem scriptura occurrit cum in una Inscriptione Græca apud Gruterum (quod in Indice prætermissum) aliisque quibusdam Latinis *ΖΜΥΡΝÆΟΡΟΝ*, tum in altera etiam Athletica Romæ P. 314. 1. nuper cum geminis aliis reperta. Eiusdem exempla memini etiam me vidisse in voce Sozimi, in quodam nummo Valeriani apud Illustrem Seviū, inscripto *ΖΟCΙΜΟΥ*. Ut præteream inspecta illustri Busbequio Amasiæ numismata, cum eadem scriptura Ζ, loco *Σ* *σῖγμα*. Sic Σ rursus pro Ζ sicut *ΣΕΥΣ ΣΕΡΑΠΙΣ* itidem legitur in Græco nummo Vespasiani, quem adservat eadem Gaza Medicæa, quod inter retenta antiquæ scripturæ vestigia haud minus venit referendum. Non aliter nempe ac illum Getarum quidem Deum, Pythagoræ vero famulum modo *Ζάμολξιν*, modo *Σάμολξιν* etiam scriptum videas in Codicibus antiquis. Iones nempe post additas superiores litteras prioribus sexdecim, & Alphabeto viginti quatuor litterarum in-

fertas, easdem postea tanquam proprias libenter quavis occasione admiscere; unde præterea o in o y; r in o, & κ in x, sæpe ab illis aliisque conversa; ut expriscis Nummorum & Lapidum monumentis non obscurer licet etiamnum colligere. Postremum videas in nummo Sardaniorum inscripto ΝΕΩΧΟΡΩΝ apud Cl. Seguinum, & in altero Bizyenorum Gazæ Medicæ, ubi x a i pro κ a i pari ratione legitur. Unde nata illa confusio in scriptura urbjs Calchedonis, quæ modo κ, modo x præfert in scriptis codicibus, constanter vero in antiquis nummis κ α λ χ η δ ο ν ι α ν, ut hanc veram esse & genuinam nefas sit amplius dubitare, quam etiam præfert Codex antiquus Canonum Ecclesiæ universalis à Cl. Justello vulgatus: unde profectum observo errorem librariorum, qui varios codices & auctores antiquos obsedit & adhuc obsidet, ubi καρχηδονίαν ceu Carthaginensium, pro καλχηδονίαν seu Calchedoniorum, proclivi utique unius litteræ ρ & λ, permutatione facta non semel occurrit mentio. Alias vero pro z simplici, Dorum illud seu Æolum σδ videas in veteri nummo Troezeniorum apud Goltzium, inscripto non z e t σ quidem, sed σ δ e t σ e λ e t θ e p i o σ. Tertio ex pronuntiatione litterarum inter se adfinium aut similium; ex quibus frequentem & promiscuam multarum litterarum commutationem, cum alibi, tum in Nummis maxime licet observare. Unde jam olim monuit Quintilianus; *quæri solet in scribendo prepositiones sonum quem junctæ efficiunt, an quem separata observare conveniat*; alibi vero concludit, ego (nisi quod consuetudo obtinuerit) sic scribendum quoque judico I quomodo sonat. Ex sono itaque promiscuo & cognatione variarum litterarum, nata crebro illa scripturæ varietas, quam non Codices solum antiqui, sed haud paullo iisdem

Tab. x.  
Græciz.

Lib. i. c. 7.

iisdem vetustiores Nummi aut Lapides satis superque arguunt. Ita id crebro accidit Γ & Ν, quæ eundem sonum ante κ efficiunt, unde sæpius ΑΝΚΥΡΑ ΣΥΝΚΛΗΤΟΣ in Nummis efferuntur, quæ alias ΑΓΚΥΡΑ vel ΣΥΓΚΛΗΤΟΣ scribi solent, sicut vicissim Γ pro Ν, ut in vetustissimis Epochis, ἐγκυβέλοις pro ἐν. Ita Ν in Μ finale, & κ in Γ conversa in iisdem Marmoribus Arundellianis videre est, quomodo & alibi eandem Ancyram, loco Α'γκύρας dictam aliquoties legas Α'γγύραν, ut apud Nicephorum Bryennium non semel. Quo<sup>Lib. II.</sup> referri etiam possunt exempla superius adlata ex Num<sup>cap. 7, & 8.</sup>mis, ubi Ε pro Η, Ο pro Ω, Ι pro ΕΙ, aut vicissim occurrunt. Sic Β etiam & Π haud semel confusa, neque solum Macedonum Dialecto, qua Φείγες dicebantur Βείγες, sed & monente alibi eodem Stephano Byzantio, Βρετανίδες Insulæ dictæ quoque Πρετανίδες, & regio Lampfacenā Α'παρνίς prius, postea abusive Α'βαρνίς nuncupata. Unde lucem etiam posset mutuari Nummus ille à Cl. Gallia Antiquario vulgatus, cum epigraphe ΒΡΟΤΖΗΝΩΝ, quam ad Prysam Bithyniæ referebat, nisi omnino levi traiectione Ρ & Ο, ΒΟΡΤΖΗΝΩΝ legendum ex Stephano existimarem, quod in margine libri continuo notaveram, antequam vidissem id Cl. quoque Cossartio observatum. Maritimi enim Prusenses, ad quos ex ejusdem symbolis videbatur spectare hic nummus, non Πρεσλῶνι, sed Πρεσπῆς dicti, ut in veteri nummo apud Goltzium, ΠΡΟΤΣΙΕΩΝ ΤΩΝ ΠΡΟΣ ΘΑΛΑССΑΝ, unde illustratur Memnon apud Photium, qui eandem urbem vocat Πρεσπῆδα τῇ Cod. Ε'πὶ πλάσσειν, ad distinctionem nempe cognominis urbis ejusdem tractus, ceu ΠΡΟΤΣΙΕΩΝ ΠΡΟΣ ΤΠΙΩ, <sup>CCXXXIV.</sup> ut vocantur in præclaris itidem Nummis <sup>cap. 42.</sup>Prusenses ad fluvium *Hippium*, non ut vulgo apud Geographos, *Hip-*

*pium*, aut ut Scaliger adfert similem nummum in Eusebianis  $\text{ΙΠΙΩ}$ . Alia vero adhuc fuit urbs ejusdem Provinciae, non jam  $\text{Πρεσπας}$  sed  $\text{Πρεσι}$  dicta ad montem nempe Olympum, cujus gentile  $\text{Πρεσιδος}$  (ut à  $\text{Νικαια}$  in eadem gente  $\text{Νικαδος}$ , vel ut constanter habent nummi  $\text{Νικαιου}$ ) & ad quam rursus spectant aliquot nummi inscripti  $\text{ΠΡΟΥΣΑΕΩΝ}$ . Quæ certe, ut obiter hoc dicam, haud exiguam lucem adferunt illustrationi harum urbium, quarum nomina & situm haud semel confundunt Geographi, & viri etiam doctissimi.

Ad has vero de quibus agimus hoc loco; similibus inter se litterarum frequentes in Nummis permutationes, haud minus spectant crebra ejus rei exempla obvia in denariis ac nummis Romanorum. Hinc nempe v pro b, sicut ostendit DANUVIUS in Nummo pulcherrimo Trajani; v pro o, quas jam olim invicem permutatas tradidit Quintilianus, & neque id in Græcis solum, sed in Latinis etiam nominibus. Hinc illa scriptura adhuc obvia in nummis aliquot Coloniae LAUDICEON & LAODICEON; unde adseri potest vetus scriptura in Codice Justiniano, ubi pro *Laudicensorum*, Alciatus, aliique eum sequuti Juris interpretes *Laodiceorum* omnino legendum hætenus putaverunt, & ita rursus legenda in D. de censibus *Laudicea*; non ut scribitur *Laudicia*, vel in *Laodiceam* necessario commutanda. Sic *Lauroon* etiam & *Laumedon* vulgo legi in veteribus libris adnotavit jam ad Historiam Augustam illustris Salmasius. o vicissim pro v in Nummis J. Cæsaris; DIVOS JULIUS, in aliis ÆGYPTOS, & in denariis Gentium Romanarum VOLTEIA, VOLCANO, eadem ratione qua CONSOLES, HERCOLI aliquoties in saxis: x pro s, ut in nummo familiae Sestiae SEXTIUS, & lapidibus MILEX, TIGRIX:

Ut non mirum amplius, si illas litteras s & x, saepe confuderit posterior librationum natio, & *luxu pro lusu*, aliaque id genus non semel in optimis auctoribus obtruserit, quod notarunt jam eruditi, s post x, P A X S in quatuor Nummis æreis Galbæ, Vitellii, Vespasiani & Domitiani, sicut in lapidibus CAPPADOXS, FELIXS. Eandem quoque jam ante suppeditaverant antiqui denarii apud Ursinum, inscripti A X S I U S, ALEXSANDREA, & non solum in gente Egnatia MAXSUMUS, sed etiam in denario Gentis Julix, qui deest in Fulviana collectione, & reperitur apud Christinam Augustam, ut modo didici ex erudito æstimate hujus elegantix Thoma Chiffletio; P in B, ut FORTUNA OPSEQUENS in Nummo Antonini Pii, & in Marmoribus APSENS, OPSIDES, OPTINENT. Sic E longum cum duobus apud antiquiores scriptum reperiens, ut FEELIX in Nummo Sylæ. Ita geminum A in antiquis aliquot Nummis unius producti vicem obtinet, ut in VAALA, VAARUS, inter denarios gentis Cornelix, & geminatum I in nummo quodam Galbæ (quem jam viderat olim Politianus) VIIRTUS; ut liqueat quam vere sit alicubi à Quintiliano monitum, vocalem producendam Romanos olim geminasse. Quod vero idem observat, Ciceronis demum temporibus, & paulo infra, s in medio geminata, id certe aliis quoque litteris videas contigisse, ut quæ ea ætate geminari cœptæ, in antiqua scriptura vulgo cum una efferrentur, sicut apparet in vetustis denariis, cum vocibus, S I S E N A, S U L A, C I N A, pro *Sisenna, Sulla, Cinna*. Sic juxta aliam ejusdem Fabii observationem, diu *nempe servatum, ne consonantibus adspiraretur, ut in GRACCIS & TRIUMPIS*, ita plane citra omnem adspirationem scripta reperiens eadem nomina



mina GRACCUS, TRIUMPUS, ac præterea CILO, PILIPPUS, TAMPILUS, YPSÆUS, pro *Gracchus*, *Triumphus*, *Philippus*, *Tamphilus*, *Hypsæus*, ut vulgo postea receptum. More iterum veteris illius scripturæ, finales M & S, interceptas præferunt antiqui denarii, in quibus occurrunt, ALBINU. LICINIU. NASIDIU. CAPTU. pro *Albinus*, *Licinius*, *Nasidius*, *Captum*, & præterea in Nummo Coloniae Romanæ in Sicilia ASSORU, pro *Afforus*. Sic præterea Diphthongum, EI pro I, priscam Romanorum scripturam vulgo adhibuisse, aut loco I, promiscue usurpasse, quod vulgo notum abunde etiam evincunt elegantes istæ nummorum veterum reliquiæ, in quibus legas passim LEIBERTAS, EIDUS, PREIMUS, SERVEILIUS, OPEIMIUS, PLEBEI, URBANÆ, PREIVER. seu *Preivernum*, quod & passim occurrit in antiquis marmoribus, & vetustis imprimis Plebiscitorum ac legum formulis. Ita pro Diphthongis, AE & OE crebro, AI & OI veteribus Romanis placuisse, cum aliunde satis, tum luculenter ex eadem penu constat antiquaria, in qua CAISAR, AIMILIUS, COILIUS, aliquoties sese offerunt. Rursus vero E simplex loco Diphthongi AE, occurrit nonnunquam, ut videbam nuper in argenteo nummo Vespasiani apud illustrissimum Colbertum, PACI. ORB. PERPET. AC. ET. ceu *perpetua ac aterna*, quamvis per me liceat id fabрили errori adscribere; OU vero loco V simplicis, Romanis olim usurpatum, arguunt itidem denarii antiqui cum scriptura FOVLVIUS, FOURIUS, pro *Fulvius*, *Furius*, sicut nonnunquam in Marmoribus JOUDEX, COURATOR, aliaque id genus. Promiscua etiam fuisse in veteri scribendi ratione, O & AU, expressa in antiquis denariis PLAUTIA, & PLOTIA, & Quirini educator FOSTULUS, in denario gentis

Pom-

Pompeia, alias *Faustulus*, apud auctores, luculenter adhuc contestantur: F vero pro PH, crebro usurpatum patet in scriptura sequioris ævi, ex duobus Nummis æreis maximis Christinae Augustæ, uno Numeriani, TRIUMFUS QUAD., altero Honorii, TRIUMFATOR GENTT. BARBAR.; quo etiam referri debet nummus Helenæ Juliani Cæsaris conjugis à Cl. Tristano descriptus, cum epigraphe ISIS FARIA. Immo eandem etiam scripturam præfert Nummus Domitiani apud Oconem, JOVI JUVENI TRIUMFATORI; & Constantis Imperatoris nummus apud Savotum, OB VICTORIAM TRIUMFALEM; & postremo adhuc antiquior nummus æreus in Musco Cl. Seguini inscriptus II MM CC FILIPPUS AUGG., ad denotandos nempe duos *Imperatores Cæsares Philippos Augustos*, Patrem & Filium. Nec aliam vulgo scripturam præferunt nummi Phocæ Imperatoris, nisi DN. FOCAS. Ut illud jam magis obvium præteream, ob eundem quoque sonum litteras K & C promiscue adhibitas, quod vel nummi aliquot docent cum voce KARTHAGO, & aureus Cari Imperatoris, in Gaza Galliarum Regis mihi nuper inspectus, I M P. C. M. AUR. KARO.

Huc referri etiam debent *Compendia scribendi* apud veteres usitata, ex peculiari quadam litterarum inter se copulatione. Talia certe plurima in vetustissimis Græcorum juxta & Latinorum Nummis occurrunt, quibus Scripturæ apud veteres ratio non parum etiam illustratur. Singularis id genus artificii ductus, maxime in aliquot Tyri, Amisi, Panormi, aliisque ineditis Græcorum Nummis notavi sæpius, in quibus quinque & sex litteræ in unam eleganter sociatæ & contractæ sese offerunt. Nec præter usus alios, inanis ea observatio illis

videbitur, qui ex antiquis litterarum id genus compendiis, aut non intellectis aut neglectis, plurimos Librariorum errores passim in priscos auctores irrepis-  
se, aut Inscriptiones varias perperam hactenus tradi-  
tas, compertum habent. Ita illud compendium litte-  
ræ & pro *eu* diphthongo, non scripti solum Græcorum  
libri, sed Nummi etiam aliquot præferunt, ut recen-  
tiorum sæculorum librariis, origo illius imputari non  
debeat. In nummis certe Alexandri Severi reperio,  
Τ & Χ Η Κ Α Ρ Χ Η Δ Ω Ν, & in altero Gordiani Μ & C Ω-  
Ν Ι Ο Υ Ι Ε Ρ Ε Ο C Ν Τ C Α Ε Ω Ν, ut apud Erizzum vi-  
dere licet; ac præterea in minori quodam nummo æreo  
observabam apud Cl. Seguinum Τ Ο Δ Ε Ε Λ Α Φ Ρ Ο-  
Τ Ε Ρ Ο Ν.

Tristan.  
Tom. II.  
pag. 401.

Circa Or-  
togra-  
phiam.

Sed præter has litterarum apud veteres cum *formas*,  
tum *adfectiones* varias, quibus nimium forte immora-  
mur, ipsa vera & recta scribendi ratio, vulgo *Ortogra-  
phia*, non aliunde rursus securius, quam ex Nummis  
aut Lapidibus petenda. Nec enim alia supersunt, ut su-  
perius monebamus, in quibus integra & primæva vete-  
rum scriptura ad nostra usque tempora sit transmissa.  
Hinc de Ortographiæ apud veteres Latinos ratione a-  
gens Quintilianus, argumentum ejusdem invictum pe-  
tit ex scriptura Columnæ Rostratæ, *quod manifestum est  
etiam ex Columna Rostrata, qua est Duellio in foro posita*. Un-  
de hoc ipsum singulare Nummorum beneficium, & e-  
ruditi uno ore prædicant, & ii ipsi agnoscunt, qui mo-  
numenta id genus parcius alias attigere. In Nomi-  
bus quidem propriis, aut appellationibus hominum &  
locorum tradendis, certa quædam & obvia iis ex Num-  
mis lux adfulget, aut medicina parata. Ita Reginæ  
Deorum ΣΙΣΠΙΤÆ cognomen adhæsisse, quod perpe-  
ram quibusdam sollicitare placuit, aut in ΣΙCΙΣΠΙ-

Lib. I. c. 7.

TAM

TAM transferre, rariora quædam Antonini Pii numismata ostendunt, cum Inscriptione JUNONI SISPI-  
TÆ; qualia in Cimeliis cum Mediceo tum Barberino  
inspeximus, & ex quibus illustratur Capitolinus in vi-  
ta hujus Cæsaris, qui tradit ab eo *templa Lanuvina resti-  
tuta*: Dea enim Lanuvii hæc Sispita, ut vulgo notum.  
Sispes nempe antiquis idem quod sospes, unde clare  
in hanc rem Festus; *Sispitam Junonem, quam vulgo Sospit-  
am appellant, antiqui usurpabant*. Ita enim legendum,  
non *sospitam*, & *sospitem*, ut libri editi vulgo præferunt,  
aperte hic Nummus docet, quod jam occupasse Ful-  
vium Ursinum postea animadverti. Firmat hoc vetus  
inscriptio inedita, in qua non Junonis solum *Sispita*,  
sed Jovis etiam *Sispitis* mentio,

M. AMIVS M. F. PAL. BALBVS  
SACERDOS IVNONI REG. SISPI-  
TAE LANVMVIANAE FECIT  
VIVENS ET AMIO IVNIO FI-  
LIO SACERDOTE IOVI SISPI-  
ET AMINE MATRI PIISIM.  
IN FR. P. XIIIX. IN AGR. PED. XXVI.

In qua inscriptione, ut obiter hoc moneam, à me cum  
variis id genus ineditis ad Cl. Reinesium transmissa,  
vitiatum Familix nomen à descriptore, & AMPIVS  
pro AMIVS reponendum, in suis ad me litteris vir  
ille doctissimus contendebat. Quod tamen eruditissi-  
mo Marquardo Gudio nostro, optimo talium arbi-  
tro, dijudicandum relinquimus; qui in præclara illa  
& selecta, quam nimium premit, veterum Inscriptio-  
num collectione, AMIVM & AMMIUM pro ea-  
dem Familia sæpe se observasse, haud ita pridem in-  
dicabat.

Hinc emendanda videretur ejusdem vocis scriptura

Lib. I. de  
divinat.

cum apud Ciceronem, *Templum est à Senatu Junoni sospita restitutum*, tum apud Ovidium,

Fast. I.

*Sospita delubris dicitur autta novis;*

Lib. VIII.

& XXI.

Lib. XIII.

præterea apud Livium, qui ejusdem *Sospita Junonis* aliquoties meminit; & insuper apud Silium Italicum,

Lib. VI.

Metam.

*Lavino generate, inquit, quem sospita Juno.*

sicut apud Apuleium, *sis meis extremis casibus Juno sospita*: in quibus locis utique *sispita* vocem reponendam liqueret ex indubiis id genus Nummorum Lapidumve monumentis, ni *Sispita*, genuinæ & antiquæ vocis loco, *Sospitam* vulgo invaluisse innueret Festus. Neque tamen antiquos solum *Sispitam* usurpasse, quod ille videbatur indicare, signatum sub Antonino Pio numisma cum eadem scriptura satis superque evincit. Ut mitam levius illud, JUPPITER cum duplici P in Nummis tradi; aut cognomen Herculis DEUSONIENSIS juncta voce, non duabus DEUSONIENSIS, ut existimabat Goltzius, quod jam ad Sidonium vidit doctissimus Sirmondus. Mitto *Topicas* alias *Deorum*, *Deorumque* appellationes, de quibus infra opportunior dicendi erit locus.

In Barbarorum vero, Romanorumque Nominibus, multa corrupta hæcenus apud Auctores tradita, veterum nummorum fide restituenda; qualia ΜΙΘΡΑΔΑΤΗΣ, pro quo vulgo ille terror majorum vestrorum ΜΙΘΡΑΔΑΤΗΣ apud Josephum, Plutarchum, Appianum, Dionem, aliosque adhuc hodie legitur. Adnotavit id jam olim ad Dionem ex nummis Vir doctus, neque tamen cum eo improbanda continuo Romana Mithridatis appellatio, ubi nec nummorum, nec lapidum, nec scriptorum librorum auctoritas eam convellit, & eandem præterea firmare videntur geminæ formationis exempla, quæ in iisdem nummis Α'ρεγας, Κατήνη,

Μασα-

*Μαοσαλία*, *Agrigentum*, *Catina*, & *Massilia*, suppeditant.  
 Sic *Seleuci*, & *Demetrii* ΝΙΚΑΤΟΡΕΣ dicti ex nummis,  
 ut recte Strabonis & Appiani Codices præferunt, non  
 verò *Nicanores*, ut cum apud Golzium, tum apud Jo-  
 sephum, Diodorum, Polybium, Justinum, Ammia- Lib. II.  
 num, aliosque vox illa consuevit usurpari. ΚΑΣΣΑΝ-  
 ΔΡΟΤ genuina itidem lectio ex Nummis ejusdem  
 constat, non ΚΑΣΑΝΔΡΟΤ, ut præter alios, apud  
 eundem Polybium, Josephum præterea non semel per- Lib. XII.  
 peram legitur. Thraciæ etiam Regis verum ΡΟΙΜΗ- C. I.  
 ΤΑΛΚΟΤ, seu *Rhametalcis* nomen una cum vultu crui-  
 tur ex nummo Augusti, Tristano jam ante, & mihi cum  
 Florentiæ, tum hic in Urbe inspecto, quod perperam  
 apud Dionem aliosque hæctenus traditur. Unde & Ρυ-  
 μητάλης Roberti Stephani ad Dionem, & ad Capito-  
 linum Casauboni Ρυμητάλης, vel Rimethalces de Rege  
 Bosporano ejusdem nominis, eadem opera exulare ju-  
 bentur. Ita alterius Regis Thraciæ, RHESCYPORIS  
 nempe genuinum nomen probavit novissime ex rarif-  
 simo ejus nummo Cl. Seguinus, qui veram illius scri-  
 pturam apud Tacitum, corruptam apud Velleium &  
 Suetonium arguit; in quo *Rhascupolis* aut *Trascypolis* vul-  
 go legebatur. Quibus addere mihi liceat Jul. Cæsarem,  
 in cujus libris de Bello civili idem nomen occurrit de- Lib. III.  
 pravatum, ex *Macedonia* c. c. quibus *Rascupolis* præerat.  
 Unde exemplo hujus *Rascupolis*, Thraciæ Regum no-  
 mina sæpe ita terminasse, & apud Pausaniam proinde  
 Ἀΐγυπτιον legendum, (quod alias ex Livio constat)  
 haud ita vere colligentem videbam nobilem & erudi-  
 tissimum senem; in novissimo Exercitationum ad Græ-  
 cos Auctores opere. Tractus vero & Gentis ejusdem  
 Reginam ΡΟΔΟΠΗΝ, cum præclarus nummus Chri-  
 stinæ Augustæ, tum geminus nuper à Cl. Seguino vul-

gatus exhibet; unde alterius Thracicæ mulieris nomen  
 Lib. II. apud duos amatoricæ fabulæ scriptores Helidorum &  
 Lib. VII. Achillem Tatium nuper emendabam, ubi *Ρέδωπις* vulgo pro *Ροδέπη* legitur. At enim Regi Regum *Vologesi* genuinum nomen restituere mihi liceat auctoritate eximii & rarissimi nummi, Romæ non ita pridem reperti, in quo *ΒΟΛΑΓΑΟΡ* scriptum occurrit: unde corrigendi iterum Josephus, Dio, Aristides, Iamblichus apud Photium, Stephanus, Zonaras aliique, apud quos vel *Βολογαίους*, vel *Βολογάς*, vel *Βολόγας* Ⓞ, vel *Βολόγιστος* Ⓞ vocari solet, & apud Lucianum & Xiphilinum *Ουόλόγιστος* Ⓞ & *Ουόλόγαιστος* Ⓞ, nomine ad Romanam *Vologesis* appellationem formato. Ab eo denominata  
 Lib. XXI. urbs *Vologessia* apud Ammianum, Stephani *Βολογισσίας*. De tota vero præclari illius nummi inscriptione paullo infra. *Abgari* etiam familiare Edessæ Regulorum nomen *ΑΒΓΑΡΟΡ*, non ut hodie apud Appianum *Α'κάρης*, vel apud Dionem & Herodianum *Α'γάρης*, scribendum, nec ut alii voluerunt *Abagarius*, aut apud aliquot Taciti codices *Abbarius*; nummi Antonini Pii, Severi & Gordiani, in quibus *ΑΒΓΑΡΟC ΒΑΣΙΛΕΥC*, abunde docent. Ut mittam inscriptionem à Sirmondo, in Notis ad Sidonium vulgatam, cum eodem nomine *Α'γάρης*, & antiquissimum Eusebii codicem Bibliothecæ Mazarinæ. Unde miror nuperum Eusebii editorem, qui principatum hodie harum litterarum cum paucis tenet, & cui hæc eadem erant perspecta, quam olim *Α'γάρης* vel *Α'κάρης* ad Dionis Excerpta lectionem adseruerat, passim etiam in Eusebiano textu & in Adnotatis prætulisse; quamvis & alteram *Abgari* non contemnendam fateatur, & una etiam aut altera vice in textum Eusebii admiserit. Neque enim video, cur promiscua Reguli illius Scriptura in eodem



dem Auctore tradi debuerit, aut cur Nummorum, Lapidum, & Codicum etiam vetustorum auctoritate firmata, pluribus libris manu exaratis, non debeat hic longe præponderare. Argumentum enim à voce quadam Arabica *أخبر*, quod potentissimum notat, non eam vim habere potest, ut indubia & coæva testimonia, quæ vulgo lites id genus solent decidere, & in tradendis priscae scripturæ vestigiis, omnium confessione primas tenent. Ut mittam Orientalium, aut Barbarorum nomina Græce tradita, ab origine passim non nihil deflectere, ut sexcentis exemplis probari id posset, & præter recentiores, à <sup>a</sup> Strabone & <sup>b</sup> Plutarcho jam olim observatum novi. Emendanda vero præ aliis Dionis Excerpta, in quibus *Αὔραρος* & *Ἐδέσσης ἀρχοντ*, pro *Ἀῤῥάρος* & *Ἐδέσσης*. item nova editio Procopii, in qua *Αὔραρος* *Ἐδέσσης τοπάρχης* vocatur, pro *Ἀῤῥάρος* *Ἐδέσσης*. Postremam hanc lectionem adserunt itidem Nummi haud vulgares, cum scriptura *ΕΔΕΣΣΑΙΩΝ*, item *ΕΔΕΣΣΗΝΩΝ* vel *ΕΔΕΣΣΕΩΝ*; quales in Thesauro Medicæ aliisque præclaris Gallorum ac Italogum Cimeliis adnotavi. Quo referendus etiam Nummus vulgatus, sed corrupte à Cl. Tristano, cum inscriptione *ΜΗΤΡ. ΔΕΥΚΗΝΩΝ*, & quem continuo tribuit cuidam Urbi ad Nili scilicet Cataractas & Æthiopie confinia positæ, cujus unus Aristides meminerit sub nomine *Δέσσης*, & quam fuisse illius tractus Metropolim, liceat ex hoc nummo colligere. Vix crederem in magno & præclaro alias opere, securius dormitasse nobilem antiquarium, & plura errorum portenta, quod illibenter dico, paucis adeo verbis congestisse. Mitto somnium & supinum errorem, de situ illius urbis ad Æthiopie limites relegatæ, quæ nempe Aristidi Smyrna Romam terra proficiscenti, superato Helle-

<sup>a</sup> Lib. XVI.

<sup>b</sup> Lib. de  
Iud.

Bell. Persi.

lib. II.

cap. 12.

Tom. II.

pag. 405.

Sermon.  
Sacr. II.

Hellesponto ac Hebro fluvio, ut narrat ipse itineris rationem, occurrerat πρὸς τῷ κατάρρακι, in qua æger decubuit aliquandiu; ita ut vix centesima demum die (non vigesima, ut deceptus à Cantero interprete Tristanus existimabat, qui pro ἐκλογῇ videtur legiτὴ εἰρησῇ, tota rei narratione reclamante) qua domo discesserat, Romam sit ingressus. Credidit utique Tristanus, non alium κατάρρακι, quam de Nili Catarractis posse intelligi, & fugit eum communis illa appellatio, cum fluviorum magno impetu è montibus descendentium (quales illo κατάρρακι nomine in Creta, Pamphylia, Norico, alibi notarunt jam olim veteres Geographi, & quo nomine Marfyam, qua declivis est & rectis aquis fertur, pridem vocaverat Herodotus) tum claustrorum quorundam ceu obicum, quibus vel arte vel natura fluminis alicujus alveus impeditur, aut confragofus itidem redditur. Neque enim audiendus vir summus, qui Solinum, Catarractas Nili de ejus claustris interpretantem, vel ideo falsi arguit, quod Catarractæ non dicantur de claustris id genus, sed de torrentibus ipsis aut fluviis, qui ruunt potius quam fluunt; quod pluribus non uno loco Plinianarum Exercitationum conatur adstruere, unde & castigantur eidem Glossæ antiquæ, quibus κατάρρακις obex explicatur. Sed quam dicam intendet novo Xenophonti, gravissimo nempe & elegantissimo auctori Arriano, qui disertè illo κατάρρακιων nomine vocat, non Tigrim fluvium, sed obices quosdam, & munitiones in illo fluvio à Persis ideo erectas, ut eorum frequentia difficilem per Tigrim navigationem facerent, & ne quis navali classe in eorum regionem penetraret, quos omnes obices ab Alexandro disiectos docet, οὐ κατάρρακτας οὐ καὶ τὰ πταμὲν ἀφανίζων. Consule integrum locum, & fateberis haud omnia

Lib. VII.  
πρὸς ἀνα-  
γιν.

omnia dicta è tripode, quæ ab Oraculis etiam imperiose proferuntur. Bene itaque Glossæ, *κατὰ ῥάσιλιν* per obicem reddunt; quæ vox nempe Græcis promiscue dicitur tam de fluviis cum impetu & fragore ex alto ruentibus, quam de claustris eorum seu obicibus, arte aut natura factis, quorum nempe opera præceps itidem aut confragosus cursus excitatur. Unde jam, ut ad Tristhanum & Aristidem redeam, non *Δέσση* eo loco, qualis revera nulla exstabat eo nomine, sed *Εἰδέσση* ibidem reponendum; quæ Urbs in Macedonia ad Erigonum fluvium posita, cujus Livius alii que meminere, Aristidi è Thracia Romam tendenti occurrebat, & à qua altera illa Syriaca aut Oesrhœnana Edessa in nummo expressa, appellationem sortita est. Diserte id tradit Stephanus, & quidem, quod inprimis hic notandum, dictam postremam ob aquarum impetum à Macedonia illa Edessa, *Εἰδέσσα πάλιν Συρίας, Ἀπὸ τῶν ὕδατων ῥυμὲν ἔτω κληθεῖσαι διὰ τὸ εἶναι Μακεδόνιν*. Quam postremam proinde apposite vides ab Aristide ad Cataractam (quod idem infert) collocari; ut haud necesse fuerit vel Ortelio qui in errorem induxit Tristhanum, Dessam aliquam ex corrupto Aristidis loco colligere, vel Tristano ad Nili Cataractas continuo delati, ad quas alio quidem tempore & alia occasione penetrarat idem Rhetor, sicuti liquet ex ejus Ægyptiaca. Egregia utique & memoranda hoc loco instituti itineris ratio, Smyrna Romam terra proficiscentis, superato ut diximus Helleponto, ac Hebro fluvio gelu concreto, aliisque molestiis, quas narrantem illum videas, devoratis, ad Nili Cataractas & Æthiopiæ confinia continuo progredi; ægrum aliquandiu ad ea loca decumbere, & tandem (en longas scilicet ambages tantæ ac tam impeditæ peregrinationis) vix vigesima die, qua do-

mo discefferat, in Urbem æternam appellere. Vidisti-  
ne unquam tam suaves ludos, aut circumductum per  
majora itinerum compendia ægrum & jam male adfec-  
tum viatorem? Ut certe mirari haud parum subeat,  
in editis nuper Cl. Holstenii ad Ortelium Adnotatis,  
non solum eruditissimo virò, & qui tam multum ope-  
ræ collocavit in Geographia antiqua illustranda, non  
subolevisse hunc Ortelii errorem, ex corrupto Aristi-  
dis loco, sed insuper ab eodem lectorem ad Trista-  
num, optimum scilicet illius interpretem, remitti. Sed  
ut ad Nummum redeam, tam præclaræ observationis  
fontem, Ægyptiacâ illâ Dessâ, ultra Glaciale Oce-  
anum, & omnes mundi fines relegatâ, legendum omni-  
no in illo ΕΔΕCCHΝΩΝ, sicut in similibus num-  
mis corrupte ab Occone (quod illi in citandis Græcis  
nummis solenne est) productis sub eodem nomine  
ΔΕCCHΝΩΝ. Id vero cum per se satis obvium, tum  
firmat etiam alius Nummus Medicæus ejusdem Ale-  
xandri Severi, cum eadem turrîtæ & sedentis mulieris  
effigie, neque una sed duabus stellis, ac epigraphe ΜΗ.  
ΚΟ. ΕΔΕCCHΝΩΝ, seu *Metropolis Colonia Edeffenorum*.  
Neque enim solum vere Metropolis illius tractus, &  
Abgarorum, de quibus agebamus, Regia Edeffa, sed  
Coloniæ etiam dignitate ornata; ut liquet, cum ex  
hoc numismate, tum ex alio Musei Patiniani percussio  
sub Caracalla, & inscripto ΚΟΑ. ΕΔΕCΑ. Hinc præ-  
terea etiam emendanda corrupta hujus vocis scriptura

L. 5. C. de  
Coh.

in Codice Justin. ubi *Edeffena Curia* pro *Edeffena* vulgo  
legitur. Eandem vero Αὐτοκρατορίας genuinam lecti-  
onem, de qua paullo ante agebamus, nequidquam adseruit nu-  
perus editor Epistolæ Constantini Porphyrogenetæ,  
ubi agit de vulgata illa Servatoris imagine ad hunc Ab-  
garum missa. Solemnem alias novi illam litterarum B

& v apud Græcos juxta & Romanos permutationem. Sed hac de re plūs satis, qui fortunas Græciæ in ea positas non arbitramur. Sic rursus male apud eundem Bell. Pers. lib. 1. cap. 5. Procopium, οὐδὲν ἄλλος Zenobiæ maritus, aut apud Agathiam οὐδὲν ἄλλος, inscribitur, qui ο Δ Ε Ν Α Θ Η Σ in præ- Lib. 12. claris ejusdem nummis notari solet.

Nec ignotum alias varia illustrium Romanorum nomina apud Auctores antiquos passim ex nummis emendanda; ut *Mescinius*, non *Messinius*; *Arrius* non *Arius*; *S. Saranus*, non *Serranus*; *Aquinus* non *Aquinus*; *Numidius Quadratus*, non *Vinidius*; *Nassica*, *Messalla*, cum duplicatis litteris; *Betilienus Bassus*, pro *Bellienus*; *Tam-pius* pro *T. Ampius*, aliaque id genus plurima, quæ in Ciceronis; Taciti aliorumque Codicibus corrupta ut plurimum leguntur, & ex parte jam adnotarunt eruditi nummorum collectores. Idem vero Cæsaribus aliquot beneficium nummi præstant, quorum auctoritate *Hadrianus* non *Adrianus*, ut vulgo tamen doctissimorum Virorum editiones Historiæ Augustæ præferunt; *P. Helvius Pertinax*, non *P. Ælius*, aut *Helius*, ut præter alios ad Eusebium existimat Pontacus; *Marcus Clodius Pupienus*, non *Caius Maximus Clodius Pupienus*, ut contendebat ad Capitolinum Salmasius. His possunt accenseri *Cælius Balbinus*, non *Clodius Balbinus*; *Opelius Macrinus*, non *Opilius*, aut juxta alios *Popilius*; *Odenathus*, non *Odenatus*; *Postumus*, non ut vulgo *Posthumus*; *Bonofus*, non *Bonsus*; *Vetranio*, non *Veteranio*, cui tamen patrocinator ad Ammianum doctissimus Valesius: & alia quædam id genus, quæ ut in re magis obvia, præripuit nobis non unius antiquarii diligentia. Ita ex iisdem nummis accepimus *Delmatium Cæsarem*, non *Dalmatium*, ut vulgo apud Auctores; *Gordianum Antonium*, non *Antoninum*; ut volebat Capitolinus. Quibus accedunt ex

Augustarum serie *Matidia* non *Mattidia*; *Julia Soemias*, non *Samiamira*; *Otacia* non *Otacula*, sicuti vulgo describitur; *Constantina* Galli uxor, non *Constantia*, ut apud Zozimum tamen aliosque vocatur. Inde etiam eruitur Gordiani conjugem *Sabiniam Tranquillinam*, non ut vulgo haecenus *Sabinam*, fuisse nuncupatam: ut liquet ex præclaris aliquot nummis mihi inspectis cum integra illa epigraphe, de qua erit adhuc alius dicendi locus. Sic vexatum eruditis nomen alterius Antonini, *Elagabalum* scribendum, & apud Herodianum, aliosque restituendum, (ut viderunt jam alii) pro quo *Heliogabulum* vulgo, vel *Alagabulum* cum Onuphrio, obtrudere. De quo nomine non hic repetam, quæ in Adnotatis ad Juliani Cæsares, contra doctissimorum virorum sententiam olim monuimus. Ipsa vero *Geographica* Urbium, aut Regionum nomina fœde passim in libris veterum corrupta, quam ex Nummis, vel lucem, vel medicinam mutuuntur alibi suo loco trademus. Ut jam alia hic non tangam, *adloqui*, & *adlocutio*, *adsignare*, *adserere*, *conlegium*, *fecunditas*, *felicitas*, sine diphthongo, contra *sæculum* (non ut quibusdam modernis Criticis placuit *seculum*) Romanorum more scribenda. Ita certe nummi constanter, ADLOCUTIO; REGNA ADSIGNATA; ADSECTOR LIBERTATIS; COOP. IN CONL. seu cooptatus in Collegium; FECUNDITAS AUGUSTÆ; SÆCULI vel TEMPORUM vel AUGUSTI FELICITAS; & SÆCULARES LUDI, aut SÆCULUM AUREUM: sicut priorem scripturam præferunt etiam lapides, ADLECTI, ADTENDERE, non ut vulgo hodie *allecti*, *attendere*. Sed leviora hæc forte & Grammaticis relinquenda, ad rectam tamen, & accuratam scribendi formam spectantia, quam & in Vernaculis linguis & in



& in Romana etiam, integris voluminibus tradere, præclaris omnium ætatum & gentium viris, visum est haud inconsultum. Quod ubi Fabius, luculentis certe Cæsaris aut Tullii exemplis ivisset adsertum, addit præterea; *Aut ideo minus Messala nitidus, quia quosdam* Lib. I. c. 7.  
*totos libellos non de verbis modo singulis, sed etiam de LIT-*  
*TERIS dedit. Non obstant hæc disciplina per illas cunctibus,*  
*sed circa illas hærentibus.*

Nec vero ad ornandam MORALEM aut CIVI-  
 LEM DOCTRINAM, parum etiam conferunt hi re-  
 conditi priscae memoriæ juxta ac elegantiae Thesauri.  
 Ridebunt hic forte homines, nisi indignantur luben-  
 tius, qui veterem illam Sapientiæ, cum studiis erudi-  
 tæ antiquitatis communionem ignorant. At ridebis  
 ipse vicissim, præstantissime OCTAVI, convicti toties  
 ac depulsi erroris dementiam; qui aliter erga optimas  
 artes adfectus, illis ducibus interiores disciplinarum  
 aditus penetrari, haud difficulter largieris. Nosti e-  
 quidem, præclaris olim morum Magistris ac Censori-  
 bus, varia placuisse subsidia, quibus singulis hominum  
 ordinibus officii sui leges inspiciendas traderent. Hinc  
 fabulis non solum, præceptis, legibus, sed Symbolis e-  
 tiam quibusdam, nobilissimam vitæ artem non semel  
 leguntur complexi. Adeo quidem, ut hæc postrema,  
 tanquam ad imbuendos saluberrimis monitis animos  
 intuentium magis opportuna, in gravissimarum rerum  
 tractatione, frequentius etiam usurpasse videantur.  
 Morem illum utique non Ægyptiis solum, sed Græcis  
 aliisque familiarem, ut alios mittam, docet eximius  
 apud Iamblichum locus. Quid autem sunt obsecro, Lib. de vit.  
 pleraque illa melioris notæ Numismata Veterum, nisi Pyth. c. 23.  
 totidem Symbola, vel documenta potius, ad omnem



vitæ usum feliciter comparata? Et Romanorum quidem laus hæc fateor præcipua, qui primas etiam in hoc veteris memoriæ studio ac delectu, vulgo apud antiquarios tenent. Quum enim in Græcorum, aut Barbarorum Nummis, frequentius situs, originis, religionis quandoque occurrant argumenta, Romani optimo & arcano quodam consilio, non diurnos solum actus Principum, sed ipsam agendorum normam, promiscuis & quotidianis Nummorum usibus, testatam consignatamque voluere. Hoc enim abunde tot præstantissimarum Virtutum effigies passim in iis traditæ ostendunt; quæ nihil aliud, quam pictura quædam loquens, (ut Poësin vocavit nonnemo) veram optimi Status & Vitæ laudabiliter actæ imaginem continuo ante oculos ponit. Unde illas ipsas regnandi artes, una cum sacris Cæsarum vultibus, in iis passim haud temere expressas intuemur; ut individuum quandam illarum cum suprema potestate societatem, iidem religiose fovendam sibi & retinendam scirent. Qua in re non minus apposite, illæ Virtutes, quæ maxime Principes decet, & quibus publica salus potissimum incumbit, frequentius etiam traditæ; ita ut qui JUSTITIAM, ÆQUITATEM, CLEMENTIAM, CONSTANTIAM, FIDEM, INDULGENTIAM, LIBERALITATEM, MUNIFICENTIAM, PROVIDENTIAM, & bellicæ Virtutis argumenta crebro in Nummis Cæsarum legit; speculum quoddam in iis Principum, & gravissimi muneris requisita, eadem opera agnoscere sese fateatur. Sed de his paullo infra. Ubi vero Augustarum Nummos consulet, solemnes Matronarum Virtutes ac præcipua decora; FECUNDITATEM, PUDICITIAM, PIETATEM, CONCORDIAM, earundem oculis opportune quoque subjecisse veteres intelliget. Ut qui in frequentes

id ge-

id genus inscriptiones ac effigies incidit, obvias in Nummis Augustarum, eadem opera videat, quid sæcula haud alias nimis verecunda, & vulgo fœdis adulationibus sordida, laudandum tamen unice aut expectandum crediderint in sequiori sexu, cujuscunque tandem sit fastigii, immo quid præ cæteris deceat regales nurus. Id nempe quod inter Metelli prospera enumerat gravis Auctor, *Uxorem PUDICITIA AC FECUNDITATE conspicuam conciliarvit*; aut quo Agrippinæ Germanici conjugis elogium complexus est Annalium scriptor; *insigni FECUNDITATE, præclara PUDICITIA*; & ubi eandem alibi cum altera Tiberii nuru contendit, & *conjux Germanici Agrippina FECUNDITATE ac Fama* (pudicitiae nempe) *Liviam uxorem Drusi præcellebat*. Ut non mirum sit *FECUNDITATIS* templum in Augustæ Poppææ gratiam olim in urbe erectum, aut quod sua *PUDICITIÆ* sacra & sacerdotes occurrant in priscis aliquot Auctorum Lapidumve monumentis. Equidem illud insolitum forte sæculi nostri moribus vides hic mecum, mi OCTAVI; inter præcipuos nempe & solemnes Augustarum, hoc est primi inter mortales fastigii Titulos, non Formam, non Ingenium, non Munificentiam, dotes certe haud contemnendas; non alia fortunæ aut animi bona; sed unam ferme *PUDICITIAM*, aut in Conjugem liberosve *PIETATEM*, vel *FIDEM*, crebro adeo celebrari. En rudium scilicet temporum, & minime urbanorum hominum simplicitatem! Quid non alia erant, primoribus non urbis tantum sed orbis feminis, majora aut antiquiora decora, queis earum fama apud præsentis aut apud posteros memoria nominis commendaretur? An sola hæc illarum monumenta, digna quod ille ait in alia causa, quæ *sculpta saxis aut ære prisco manerent*?

Val. Max.

lib. vii.

cap. i.

Plures per-  
stiterē san-  
ctitatem  
Dominæ  
tueri. Ta-  
cit. Annal.  
xiv.

*nerent?* Ita ne hodie vulgari hac laude, adulatio publi-  
ca erga rerum an hominum dominas, egregie tum per-  
functa suo munere videretur? Adeo quidem ut nec in-  
tacita *sanctitatis* illius conscientia (sic enim vocabant  
eam Matronarum hujus ordinis virtutem illo ævo) ac-  
quiescendum sibi crederent, ni publicis illa quoque ta-  
bulis, ad aliarum vel exemplum vel infamiam tradere-  
tur. Ut mihi quidem jam haud ita mirum videatur,  
cur non alia magis quam PUDICITIÆ laude, eminenti-  
ssimam sui ævi, Augustorum certe Matrem & Conju-  
gem extollat non semel ipse impudiciæ præco & ma-  
gister, aut de eadem alibi innuat,

• *Esse pudicarum te Vestam, Livia, Matrum.*

Cur denique Valerius Maximus Pudicitiam compel-  
lans ut individuum ejusdem Liviæ comitem; *Tu Palatii*  
*augustos Penates, sacratissimum JULIÆ genialem torum*  
*assidua statione celebras.* Illud certe videas ea Testium  
ac Nummorum fide, constare illos abunde voluisse sci-  
licet non Plebeix solum, ne dum etiam Patritix, qui-  
bus erectæ olim Aræ ac sacella, sed AUGUSTÆ quo-  
que PUDICITIÆ sacra jam & certamen adesse. Non  
utique aliam esse legem in folio, aliam privato in toro,  
sicuti existimabat Regia illa Conjux, sed *inimica FI-*  
*DEI, & hostis PUDICITIÆ*, haud minus ac ignobi-  
lis illa pistoris uxor apud Apuleium. Qui vero huic  
memoriæ Regnantium fortunam aut munia lubenter  
adeo commendabant, iidem quoque talibus auspiciis  
Sæculo & Reipublicæ SECURITATEM, GLO-  
RIAM, LIBERTATEM, TRANQUILLITA-  
TEM, GAUDIUM, ROMAM RENASCENTEM,  
FELICIA TEMPORA, Imperio denique ÆTER-  
NITATEM faustis ominibus & repetitis votis augu-  
rabantur. Non diffiteor equidem, destituisse non se-  
mel

mel hæc auguria, exitialem haud unius Neronis indolem, aut infaustam plurium Faustinarum libidinem. Hinc non continuo tamen arguendus amplissimus Ordo, penes quem amissa etiam Republica, signandi æris facultas mansit, qui spes suas & vota monumentis id genus consignabat, immo, qui his veluti tabulis, quum aliter per illorum temporum immanitatem non liceret, Principes & eorum Conjuges officii sui, sub commendationis specie, frequenter admonere non dubitabat. Nec ea de re finit me dubitare, illustis apud Dionem locus, qui in vita Caligulae refert eum habitum Lib. LIX. ad Senatum Oratione, in qua Tiberii vitia perstringebat, & de se multa pollicebatur, Patres veritos nemutaretur, Senatusconsulto jussisse eam quotannis recitari. Neque cum Nerone aliter se gesserunt Patres; qui ubi in sua acta jurare Collegam prohibuisset, referente Tacito, acceptum id *magnis patrum laudibus, ut juvenilis animus levium quoque rerum gloria sublatum, majores continuaret.* Unde rursus plane hic apposite Plinius, *Annal. lib. xlii.* in præclaro Panegyrico; *Sed parendum est Senatusconsulto, quo ex utilitate publica placuit, ut Consulis voce sub titulo gratiarum agendarum, boni Principes quæ facerent, recognoscerent, mali quæ facere deberent.* Agnoscis opinor idonea trium Consularium fide, præclaram totius Ordinis mentem & arcanam quandam hujus instituti rationem. Spes nempe ei erat nonnulla posse vi blandæ hujus artis illam Caligularum, quam Suetonius hic vocat, *ἀδραγῆν* expugnari; & fore aliquando, ut vel verecundia immerita laudis, vel desiderio pulcherrimi præmii, vel reverentia posterorum tangerentur. Recusasse certe Tiberium accepimus, delatum sibi Patrum judicio PATRIS PATRIÆ cognomen, quod nec in Nummis ejus apparet; gnarus nempe quam ma-

le arduas tituli illius partes quandoque esset impleturus; immo ne tot parricidiorum reum aliquando se ipsum hac appellatione proderet. Opportune certe, ne audiret Senatus ob eandem illius Cæsaris monetæ impressam,

*crudelis, tu quoque falsis*

*Ludis imaginibus?*

Pag. 741.

Nec alia mens Antonino Caracallæ, non dissimilis scævitiæ Principi, quem refert Dio in Excerptis Constantinianis, DEUM aut HERCULEM ea de causa dici noluisse, quod nihil appellatione illa dignum agere in animum induxerat. Accedit, quod frequentius hæc publici gaudii argumenta, in optimorum Principum imaginibus occurrant; quæ in iis tanquam superstium præmia, & sequentium simul incitamenta proponuntur. Ut nempe, *eorum virtutes posteri non solum legent, sed etiam imitentur*; quod ipsum de nobilissimorum olim civium titulis ac imaginibus aiebat vir prisce moris Torquatus. Immo non defuere nonnunquam deterioribus Dominis, sua vel belli vel pacis decora, digna etiam quandoque, quæ hac publica civium gratulatione commendarentur.

Valer. Max.  
lib. v. c. 8.

Quod vero hic præcipuum, vel hinc petere iisdem licuit, quibus *inconsulta erat cum Nerone perpetua fama & ÆTERNITATIS cupido*, quibus artibus demum ad eam sibi eniti liceret. Vidissent utique vel in Nummis illis, quos tractabant assidue, regia virtutum via id gloriæ fastigium demum attingi: solas quippe vel veteri Romanorum lege, in iis consecrari meruisse; non autem Libidinem, Impudentiam, Contumeliam, quibus publici cultus monumenta crexisse Athenienses (præter Clementem in Protreptico) refert simul & arguit Tullius. Adeo ut nec Dicæarchi illius rationem

Lib. I. I. de  
L: gib.

sibi

sibi habendam intelligerent, quem tradit Polybius duas Lib. XVI.  
excitasse aras in portu, unam IMPIETATIS, alteram SYMBO-  
INIQUITATIS, iisque ut Deabus rem divinam fe- LA ET  
cisse. Immo docuissent ipsos iidem, quos tam cupide INSCRI-  
sectabantur, Magistri, certa PROVIDENTIÆ DEO- PTIONES.  
RUM destinatione, vocatum Principem, in quem In Num-  
felicia Orbis ac Imperiorum fata transferantur; unde mis CÆ-  
bene ac sapienter de optimo Cæsare dixerit facundissi- SARUM.  
mus Consul, *jam te PROVIDENTIA DEORUM*  
*primum in locum provexerat.* Non casu proinde volvi res  
mortalium; non semotam à rebus nostris curam divini  
numinis: eamque non unius tamen gentis, aut sectæ,  
sed tot *sapientissimorum* alias hominum (Epicuri scili- Tacit. An-  
cet de grege) sententiam, qui nullo Rectore moveri nal. VI.  
hunc orbem credidere, hoc publico & frequenti judi-  
cio principis gentium populi, & quidem auro, argen-  
to, æri totiens inciso, manifeste satis luculenterque  
damnar:

*Quo pateat Mundum divino numine verti,*

*Atque ipsum esse Deum, nec forte coisse Magistra.*

Atque ita non posse amplius illam supremi Numinis  
Providentiam in res humanas impugnari, aut alias in  
controversia vel dubitatione hominum versari, citra  
manifestam publicæ majestatis offensionem, & impium  
non in Deos magis quam in Patriam conatum. Si vero Si regitur  
Mundus PROVIDENTIA regitur, (quod certe Glo- Providen-  
bi illi, & Clavi, & Inscriptiones Nummorum clarissime tia Mun-  
jam contestantur, & nefas amplius dubitare) ergo admi- dus, admi-  
nistrandam OPTIMO PRINCIPI Rempublicam; nistranda  
sicut etiam præclare colligebat decus olim Romanæ. to- certe bonis  
gæ. Neque alias supremum rerum humanarum arbi- viris erit  
trium ab unius CÆSARIS nutu pendere; quamvis Respubli-  
rerum & gentium dominus, & princeps ac parens ge- ca. Quintil.  
neris l. XI. c. 2.



neris humani vulgo audiat; immo licet hic aperte ver-  
setur ante oculos,

*Ponendusque sua totus sub imagine mundus.*

In Num-  
mo Severi  
apud Tii-  
stanum.

Esse quippe alium Jovem IMPERATOREM, cu-  
jus sint auspicia suis majora, quibus ipse reverentiam  
& obsequium debeat; & cui idcirco, nec alii, teneatur  
legibus majestatis ac repetundarum. Esse vigilem gen-  
tis humanæ CUSTODEM, STATOREM, & CON-  
SERVATOREM Deum, immo singulari privilegio  
CONSERVATOREM ac TUTATOREM AUGU-  
STI; cui sua nempe & publica salus secure ac feliciter  
incumbit. DEOS itaque hominum, & quidem bono-  
rum juxta Symmachum, non vero homines Deorum  
esse CUSTODES; ac vel hinc revinci eorum vesaniam,  
quos exagitat alicubi sanctissimus Martyr; *non vident*  
*nefas esse, cogitare vel dicere homines esse Deorum CUSTO-*  
*DES.* Neque eo tamen scius flagitari ipsius AUGUSTI  
PROVIDENTIAM, qua vere sacra vice, non Urbem,  
aut Italiam, sed terras ac maria gubernat,

Lib. VIII.  
Ep. 6.

Justin. A-  
polog. 11.

*Qua regit AUGUSTIS parentem legibus ORBEM.*

Cujus intuitu proinde non otiosus moderetur habe-  
nas imperiorum, sed continuo ad Clavum sedeat, ran-  
quam ORBIS RECTOR. Neque enim alia certior  
Principis effigies, quam periti Gubernatoris, juxta elo-  
quentissimum Philosophorum, & proinde ad cujus  
imaginem in eodem formando continuo & lubenter  
se se recurrere profitetur. Doceat proinde ut verus gu-  
bernator (quæ non mea, sed alterius longe disertissimi  
viri verba sunt) littora ac portus; quæ tempestatum  
signa; quid secundis flatibus, quid adversis ratis poscat:  
denique

Plato in  
Politico.

*Quæis regere immensi summam, quæis habere profundi  
Endo manus validas potis est moderanter habenas.*

Subli-



Sublime enim juxta & arduum esse illud regendi o-  
nus; vere Augustum Clavum quem adfixus & hærens  
nusquam omittat providus RECTOR, non coelo fere-  
no nimium confusus; non turbido percussus timidius;  
non fessos oculos, aut labantem dextram labori subdu-  
cens; non alium patiens inire sua munera, qui incau-  
tum projiciat in undas

*Præcipitem, ac socios nequidquam sæpe vocantem.*

Caveri posse infelicem casum, si non Clavo illi ut gra-  
vis nimium, aut aliud agens superincumbat; si preme-  
re & laxare habenas sponte potius quam jussus norit; si  
non credat temere fallacibus auris; si præterita, instan-  
tia, futura expendat provida mentis & luminum acie,  
non vero dimittat pari oblivione cum Vitellio; atque  
ideo haud dissimili cum illo exitu. Maxime vero si fi-  
xos oculos sub astra teneat, inde auguretur felicem cur-  
sum, æquatas auras, quietos fluctus, fida æquora, &  
BONÆ SPEI optatos tandem portus. Sic optimum  
certe AUGUREM decere; sic Clavum illum, aut Glo-  
bum in RECTORIS dextra conspicuum & venerabi-  
lem gentibus, SECURITATEM quandam PERPE-  
TUAM, non ORBIS solum, aut REIPUBLICÆ,  
aut TEMPORUM, sed ipsius AUGUSTI continuo  
portendere, cujus SPONSOREM etiam ipsum habeat  
Jovem. Sic Triremem illam velis ac remis gnæviter  
impulsam, aut BONO EVENTU facilem illi TRAJE-  
CTUM polliceri, aut post longam jactationem & gra-  
vissimas nonnunquam tempestates,

*Summa etiam cum vis violenti per mare venti*

ENDOPERATOREM. *Classis super aquora verrit,*  
mersatam, sed non demersam profundo, DIVINA  
OPE, FELICITER emergere. Immo sic demum pro-  
bari haud vanam SAPIENTIAM PROVIDENTIS-

TRAJE-  
CTUS &  
FELICI-  
TAS in  
Nummis  
per Trire-  
mem.

In Nummo  
Constanti-  
ni Junioris.

SIMI PRINCIPIS, à qua sola pendet tot vectorum vita & populorum salus; non vero fallacem illam, quam in Cæsare vix remigis, haud unquam munere RECTORIS defuncto laudabat impuri oris successor; *ubi ad SAPIENTIAM PROVIDENTIAMQUE flexit, nemo risum tenere.* Neque tamen minus debere ludibrium, qui non solum gubernaculum cum CLAUDIO improvide omittunt; sed pro Clavo, aut clavam lubentius aut Thyrsum, aut Citharam, aut Rudem, aut Quadrigarum non Triumphalium, sed Circensium habenas, majorine flagitio an infamia cum CAIO, NERONE, COMMODO adsumunt; & ad posterorum memoriam adpingi suis imaginibus haud dedignantur. Quasi hempe aut conficiendis solum monstris vacare deberent, ipsi non monstra solum ac portenta hominum, sed immanissimæ omnium belluæ, dignæ quæ ante alias caderent in arena: aut quasi non Præsidis, ceu agonothetæ cum Hadriano vel Alexandro, sed histrionis, citharædi, aurigæ, arenarii partibus, in augusto illo theatro generis humani fungerentur. Si vero providus, hoc est dissimillimus ab iis RECTOR, Clavum etiam videat in FORTUNÆ manibus, non MULIEBRIS adeo vel REDUCIS etiam, quam MANENTIS illius aut OBSEQUENTIS trabalem sciat; quo vineta quodammodo arte & vigilantia Rectoris, instabiles suas vices dediscere tandem cogatur. Hanc itaque legem esse Regiam, à se in auspicio muneris non tam æri, quam memori animo infigendam; *ut non dominationem & servos, sed RECTOREM & CIVES cogitaret*; scilicet Cæsaribus, tanquam liberis regenda Patrimonii jura, quod dixit alius gravis Auctor, patriam permisisse; hinc patrocinium ORBIS vel TUTELAM suscipere sese magis, quam

Varia illæ  
FORTUNE  
in inscriptiones in  
nummis  
Cæsarum.

Tacit. Annal. xii.

quam Imperium norit, ut nec irritum sit augurium optimi vatis,

*Et penes AUGUSTOS Patria TUTELA manebit.*

Cum VESPASIANO proinde opportunius, quam cum VITELLIO audiat TUTELA hominum; non vero solum ÆGYPTII REGIS TUTOR cum M. LEPIDO; cum Tito proinde vere agat *Tutorem Imperii*, cum Trajano, diem suscepti Imperii eum esse, quo TUTELAM generis humani in se felicissime translatam intelligat; cum Tiberio vel Macrino sub initium Principatus, sed utroque candidius apud Patres profiteatur, delatum ad se Imperium, cujus TUTELAM receperit aut paratus sit suscipere. Alia enim jam erant Reipublicæ tempora, quam ea ad quæ respiciebat Tullius, dum alicubi exclamat; *quis unquam tantis opibus, tantis rebus gestis fuit, qui se populi Romani Victoris dominique omnium gentium TUTOREM dicere auderet!* Aderant, Marce Tulli, qui se utinam TUTORES semper, non DOMINOS cupidius nuncupassent; ubi semel in eorum procurationem, Deorum munere, an ira in res humanas iisdem concessam, Orbis simul cum Urbe transierat. Primam itaque & præcipuam illius curam, ad DEOS AUSPICES providenter referendam à grato Principe, à quibus ille non unius Populi aut Provinciæ, sed totius quasi generis humani constitutus est procurator. *Manet Vobis*, inquebat olim eximius Præsul ad laudatissimum Regem, *regnum administrandum, & DEO AUSPICE PROCURANDUM.* Non ergo RELIGIONEM sumendam obtentui ab AUGUSTO, aut à PIO Principe, quicumque tandem ornetur illis nominibus; minus autem habendam ludibrio à PONTIFICE MAXIMO; cujus sit PIETATI in PATRIOS ac SOSPITATORES DEOS, eorundem cultu

TUTELA  
Augu-  
sti in  
Nummis  
Vitellii &  
Vespasiani.

Philipp. vii.

DIS AU-  
SPICI-  
BUS in  
Nummo  
Severi.

Remig. in  
Ep. ad Clo-  
dovzum.

RELIGIO  
Aug. in  
Nummis  
M. Aurelii.

TIT. III.  
th. 8.

CON-  
CORDIA  
IMPERII  
ex Nummo  
Constanti-  
ni M. & in  
aliis juncta  
passim Im-  
perii & Sa-  
cerorum in-  
signia.

ROMÆ  
ET IM-  
PERIO in  
Nummo  
Gentis Ca-  
ninix apud  
Seguinum.

AUGUSTI sacrorum Præsidis implere. Hanc certam demum esse, cujus alias mentio in Ecloga quadam Græca LEONIS Augusti IMPERII AC SACERDOTII CONCORDIAM, repetitam è memoria Heroïcorum temporum, ut liquet ex principe Philosophorum, nec bene unquam aut salubriter in duobus Dominis coherentem. Neque res dissociabiles misceri, ut qui in terris procurat nulli hominum dubias DEORUM vices, præsit eorundem ministerio; aut ne cui SALUS incumbit totius REIPUBLICÆ, quod in ea præcipuum & maxime validum importune subducatur. Unum esse ROMÆ ET IMPERII corpus, unius animo, quod ille aiebat, regendum: non rescindendum proinde in duas partes misere lacerum, aut improvide disjunctum. Neque tamen honorem illius SACERDOTII esse adeo firmamentum potentix, quam FIDEI etiam suæ ac MODERATIONIS in eo fastigio documentum. Alienum itaque à SACERDOTE, nihil cum DOMITIANO Deorum honoribus relinquere; templis aut effigie Immortalium per SACERDOTES & FLAMINES coli mortalem velle; Ministrum se JOVIS CAPITOLINI simul & Collegam jactare; DARE POPULO SUFFIMENTUM, & se thure placari velle. Nec minus dedecere Sacerdotem, pollutas sanguine suorum civium manus, sed religiose profiteri cum mitissimo Cæsare, PONTIFICATUM MAXIMUM se vel ideo capeßere, ut puras illas servet ac innocentes. Sacri etiam alterius honoris, TRIBUNITIÆ nempe POTESTATIS, debere eundem haud injucunde meminisse, cujus beneficio non solum reliqua Imperia præmineat, sed haud minus

minus ac subiecta sibi oppida, ut INVIO LABILIS In Num-  
 ET SACROSANCTUS Numinibus æquetur. Æ- mis aliquot  
 quum esse proinde, gratas illi POTESTATI vices Urbium  
 pendere, intercedendo pravis dominationis cupidini- Græcarum  
 bus, non vero importunis aut intempestivis rogationi- ACTAOC  
 bus QUIETEM Urbis præpostere laceffendo. Decere KAI IE-  
 potius Vindicem & Custodem plebis, cui *plenum* Æ- POC.  
 QUI *ponderis pectus*, cum Balance seu ÆQUITATE Quiss  
 quadam universæ vitæ & singularum actionum, as- Aug. in  
 fliduis in omni procuratione muneris ac negotii JUSTI- Nummo  
 TIÆ officiis; tum *veluti FRUGI parentem & pruden- Maximia-*  
 tem & divitem, provisu com meatuum ac vigili ANNO- ni.  
 NÆ cura, effuso subinde pleno ac benigno copiarum  
 cornu, ceu FRUGIBUS & ALIMENTIS Urbi ac ITA- Aurea  
 LIÆ diffusis (ut verbis utar optimi Nummorum id FRUGES  
 genus interpretis), REMISSIONE nonnunquam ITALIÆ  
 graviorum onerum, VEHICULATIONIS puta aut pleno dif-  
 RELIQUORUM, (Salutari incendio debitorum syn- fudit copia  
 graphis potius quam corporibus consumptis), & tan- cornu. Ho-  
 dem SUBLATA non FISCO modo JUDAICI, sed rati-  
 cujuscunque rei ac ordinis CALUMNIA, sic demum  
 BEATÆ Urbis TRANQUILLITATI, & ÆTER-  
 NÆ civium CONCORDIÆ providere. Immo nec  
 Pane solum gradili, sed interdum optatis CIRCENSI-  
 BUS, Equestri DECURSIONE, Græcorum QUIN-  
 QUENNALIBUS, ac solito annorum decursu, sÆ-  
 CULARIBUS Quiritium LUDIS, simul abundan-  
 TIÆ ACHILARITATI TEMPORUM feliciter con-  
 sulere. CONSULEM enim sese esse, idque non Fastis  
 solum, aut promiscuis SENATUS CONSULTIS, sed  
*usualibus metallis* ad memoriam omnium temporum  
 passim consignari. Neque enim sedem illam honoris à  
 se ornari magis, quam sibi inde victurum decus acce-

Claudia-  
nus.

PATER  
SENATUS  
in Nummo  
Commodi.

In Num-  
mis Domi-  
tiani.

In Nummo  
Antonini  
Pii.

De Domi-  
niano  
Quintil. &  
Martial.

dere; eum esse titulum AUGUSTI *quem se decorare fatentur*; eum habitum, quo Aulæ Curia jungitur; qui focios Proceres nectit cum PRINCIPE, ut de communione utriusque muneris loquitur elegantissimus vates. Hinc PIETATIS SENATUS cum sui ordinis Principe, immo cum suo PATRE felix & pulcherri-  
mum certamen; hinc EQUESTRIS ORDINIS & POPULI ROMANI in fovendo & amando suo Con-  
sule CONSENSUS, alacritas, studium. Quod vero  
Consularem decet, norit etiam se CENSOREM PER-  
PETUUM: Unum itaque in Senatu generis humani de-  
lectum præteritis AMPLIATOREM CIVIUM, cor-  
rigendis publicis moribus, æstimandis singulorum for-  
tunis, probandis omnium ordinum ingeniis: de quo e-  
tiam vere usurpetur, *vitam Principis CENSURAM esse,*  
*eamque PERPETUAM.* Turpe enim sibi ac ignominio-  
sum fore, si idem CENSOR sit & auctor corrupti moris,

*Delicti fias idem reprehensor & auctor.*

Si det veniam corvis, ut columbas vexet; si dum forte  
cum Planco vel Paulo vis sibi aut vita CENSORIS  
deest, *sit ejus CENSURA neque AUGUSTO honori, nec*  
*Reip. usui.* Neque tamen sub Calvo NERONE, alium  
exitum haberi posse gravissimi & sanctissimi muneris,  
(licet ille *maximus & sanctissimus* CENSOR audiat duo-  
rum Hispanorum præconio) dum solæ vigent artes  
grassandi ad honores, adulatio fræda & accusatio tur-  
pior; eosdem amittendi probitas & fama prospera;  
agendi censum cupiditas & rapina insatiabilis; de vita  
& moribus singulorum statuendi, publica libido ac væ-  
cordia Principis. Illud ergo de se & sua CENSURA,  
sed à Satyrico dictum putet,

FELICIA TEMPORA, *qua te*  
*Moribus opponunt, habeat jam Roma pudorem.*

Nec

Nec enim sperandum ab eo, cui munitus semper adversus omnem pudorem vultus, ut POTESTATIS illius CENSORIÆ, quam unus jam exercet, si non terrore, saltem verecundia coërceatur. Frustra ergo illum aut illi similes casuros in gravissimam alterius Censoris reprehensionem; *Cujus est pudoris, quinimo inverecundia, Arnob. contra Gentes l. 11. cujus quod agere te videas, in eo alterum reprehendere? maledicti & criminis loco dare ea, quæ in te possint reciprocata vicissitudine retorqueri.* Si vero ab officiis liberæ quondam Reipublicæ convertat oculos ad suum illud singulare CÆSARIS vel AUGUSTI fastigium, intelliget continuo instrumenta illius securæ eadem esse, quæ honesta; expectatione rerum bonarum erigere civium animos (in bona enim opinione sitam virtutem parentium, juxta Principem Politicorum) SPEM proinde populorum de se conceptam, apta certe nec fallaci opinione CRESCENTIS Virtutis augere; insignem lauro Apollinea CONCORDIAM AUGUSTORUM, MILITUM, EXERCITUUM, PROVINCIARUM, & sacram eorundem FIDEM, ut PUBLICA non minus quam privata bona, tueri religiose; HONOREM ac VIRTUTEM individua utriusque communione etiam ambitiose colere; opes denique Imperii, non ad cupiditatem privatam, sed ad LARGITIONES LARGITIONE in Cives & LIBERALITATES publicas, hoc est ad Nummo Constantii Reginæ Christianæ. præclaram gratificandi facultatem conferre, idque detris non parentibus. Nullam quippe majorem esse FELICITATEM AUGUSTI, ut etiam præclare dictum à Consule, quam fecisse FELICES; addam ego ex contemplatione hujus monetæ, reputare locupletatas ab uno homine Tribus, immo audire LOCUPLETATOREM ORBIS TERRARUM; DATIS iisque repetitis CONGIARIIS inopiæ Plebis & MU-



Vid. Arist.  
Polit. l. 11.  
cap. 4.

**N**IFICENTIAE Principis eadem opera providere. Id enim esse Deorum muneribus uti sapienter, importunam pauperiem, semper publicæ exitiosam concordia, deportare in remotissimas insulas hominibus vacuas, non alere in amplissima & copiosissima Terrarum Urbe. Reputare tamen non unam illam urbem, sed totum Reipublicæ corpus, ut ex Platone tradit etiam in Officiis Tullius suæ procurationi commissum: **P**ROFECTIONEM proinde in subjectas Provincias suscipere *cunctarum* **P**ROVINCiarum *parentem*; jacentes erigere: ductus in iis aquarum, derivatione fluminum, moles oppositas fluctibus; **P**ORTUS, **V**IAS, **T**EMPLA, aliaque publica opera, tanquam præsentem ubique Divum, provide & sollicite curare, illumque à sublevatis Provinciis, aut **C**IVITATIBUS **A**SIÆ RESTITUTIS desumptum **A**SIÆ, **A**FRICÆ, **A**CHAIÆ, **M**ACEDONIÆ aliarumque **R**ESTITUTORIS titulum, Asiaticis, Africanis, Achæicis, Macedonicis, ab iisdem vel **C**APTIS vel **D**EVICTIS petitum, longe antepondere. Præclarum certe, in hanc laudis cum **T**RAJANO, **A**DRIANO, **P**IO, **M**ARCO communionem venire, sub quibus *cuncta floreat* Provincie; ad quorum **P**ROVIDENTIAM nunquam frustra *Provincialium sollicitudinem confugisse*, si tacerent eorum Annales, loquerentur hæc monumenta in longos annos; quæ incendia, terræ motus, inundationes, aliaque incerta casuum, in **G**LORIAM SÆCULI & in **F**ELICEM **R**EPARATIONEM **C**ORUNDUM locorum vertisse illos, publice adhuc contestantur;

Capitol. in  
Pio. Am-  
mian. Mar-  
cel. lib. xiv.

*Ut sese pariter diffudit in omnia regni*

*Membra vigor, vivusque calor redit urbibus agris.*

Inde Principem eandem jacentes bellorum injuria aut  
iniqui-

iniquitate fatorum deductis COLONIIS refovere, & communione Romani juris, simul propagare civitates, & augere Romanum nomen,

*Urbibus augere terras, junctisque juvencis*

*Mænia subcinctus curvo describet aratro.*

Sit certe hæc LAUS JULIA, ut felicibus auspiciis liceat CORINTHUM adire volentibus, vel ut infauſta quondam Romano imperio CARTHAGO, jam nisi SALVIS AUGUSTIS FELIX & incolumis esse nec si posset etiam velit; hoc est SALVA Roma, quia SALVUS est ALEXANDER. Neque tamen adeo reddere pristino nitori æmulas quondam civitates, aut late diffusas imperii partes, quam REDUCEM se votis poscentibus, aut ipsam arcem imperii, & caput rerum URBEM RESTITUTAM. Æquum enim esse APOLLINEM, non ACTIUM jam vel PROPUGNATOREM, sed SALUTAREM ac PALATINUM, suam servare non solum sed ornare sedem,

*Et PALATINAS videt aquas arces.*

In PARENTIS itaque vel CONDITORIS laudem ac Decus cum ROMULIS aut Camillis adoptari (neque alias vulgo ab iis disjuncta RESTITUTORUM nomina) dum multis casibus, nec uno etiam funere defunctam RESURGENTEM vel RENASCENTEM ROMAM, tanquam iterum recidiva Pergama, novo & latiori cultu exornat,

*SURGE precor veneranda Parens, & certa secundis*

*Fide Deis, humilemque metum depone senecta.*

Claudianus  
ad Roman.

Quo vero PUBLICA simul & AUGUSTI SALUS insitât pluribus munimentis, audiat ille non PATRIÆ solum, sed LIBERORUM etiam PATER. Habeat itaque Filios PRINCIPES JUVENTUTIS, senum aliquando futuros; qui jam virili animo non minus ac

toga, sub eo magistro ponant imperii tyrocinia, ut quos BONO REIP. NATOS, non optet adeo quam reddat patre meliores. Hinc ut NOBILISSIMOS decet, modo in SACERDOTIA COOPTATI; modo CONSULES DESIGNATI; modo confortes TRIBUNITIÆ POTESTATIS; Ceremoniis Deorum, salutis Reipublicæ, commodis Populi providere jam à teneris (velox enim fertur CÆSARIBUS ante pilos prudentia, & ante diem Virtus) ac invigilare adfuescant. Sint hæc rudimenta AUGUSTÆ SPEI, in quam surgunt opportune ORIENTES illi Ascanii; in quam feliciter crescit illa PROPAGO IMPERII, ne alienis artibus & curis obsessum male & occupatum animum, ut degenerem ac imparem adferant aliquando ad ipsum AUGUSTI fastigium. Ita tamen ne unquam in illis principatus meditamentis, terminos ætatis & concessa filiis cum DOMITIANO egrediantur; ne cum illo domini sui desertore, spreto Occidente ORIENS colatur, *exortus licet, uti atherens sol*: sed ut cum MARCO in summis Patris obsequiis, PIETATEM filii in auctorem suæ dignitatis, cum PERPETUA ejusdem SECURITATE rependant. Parentem vero non solum sese vel Principem, sed IMPERATOREM etiam meminisse; Bellicam proinde gloriam Pacis artibus miscere, & *paci bonum ac timendum armis*; ut dicat adhuc aliquis, intuens hic ejus imagines non semel utraq; lauru præfulgentes,

In Nummo  
Plautillæ.

Tacit. Hi-  
stor. IV.

*Et MARTIS vultus, & APOLLINIS esse putavi.*

Hinc coram illum videas, modo Caduceum cum MERCURIO PACIFERO præferre, modo hastam cum VICTRICE MINERVA vibrare; tum DISCIPLINAM proprium decus Romani militis restaurare diligenter, tanquam conditorem ejus firmatoremque, ut

de

de Trajano loquitur Plinius, ADLOCUTIONIBUS ardorem COHORTIUM, EXERCITIUM, signis & Vexillis eorum circumdatum ulterius accendere, Coronis Virtutem militum remunerari; VICTORIA duce EXPEDITIONES adgredi militares; ita tamen ut eadem TERRA MARIQUE PARTA, & JANO CLAUSO in PACE quadam ÆTERNA non vero in æternis bellis, ORBIS TERRARUM requiescat,

*PAX missa per ORBEM*

*Ferrea belligeri compeſcat limina JANI.*

Quo sic diffusa per omnes terrarum angulos PAX AUGUSTA doceat, unum esse hominem qui MARTEM non PROPUGNATOREM magis, quam PACIFERUM referat; cujus TUTELA, quod de Numa Livius, per omne regni tempus haud minor PACIS quam Bello; cujus vigiliis & curis PACATUS ORBIS suam QUIETEM, sua imputet otia; & cui proinde ex æquo amorem ac venerationem debeat;

*ORBI QUIETEM, SÆCULO PACEM suo*

*Hæc summa virtus; petitur hæc cælum via.*

Neque vero PACE inferius donum, tot REGNA, quod suo Heroi tribuit Curtius, aut reddita, aut dono data: non agros proinde, non Urbes amicis vel supplicibus ARMENIIS aut PARTHIS vulgo à Cæsari- bus concessa (nèque hæc munera decebant rerum Dominos), sed cupidius REGNA illis ADSIGNATA, & Regnis frequenter REGES DATOS:

*His TRIBUIT REGES, his obside fœdera sanxit.*

Nunquam certe obversatur mihi fastigium Romani Principis sublimius; nunquam Majestas ejus solito adhuc venerabilior, ac vere in apice suo posita, quam ubi illum video semper æmulo, nunc supplici Arfaci-

da:

dæ regium capitis decus circumdare; ipsumque REGEM REGUM Româ non semel petatum ac DATUM,

*jus imperiumque Phraates*

*Cæsaris accepit genibus minor.*

In Nummis  
Tiberii &  
Commodi.

Novum utique genus insolitæ LIBERALITATIS ac MUNIFICENTIÆ! muneris loco, id quod nulum inter homines majus est aut nobilius donum, obvia manu largiri. O immensam propemodum exclamem, & cœlestis æmulam beneficentiæ laudem! ô raram summæ fortunæ MODERATIONEM an MAGNIFICENTIAM! Tiaras ac Diademata haud aliter quam laureas aut querneas Coronas vel dare, vel restituere; pulcherrimum VICTORIÆ aut PARTHICÆ aut GERMANICÆ, aut DACICÆ præmium, per tot discrimina quæsitum, modo sociis, modo etiam victo & gravi paullo ante hosti ultro concedere;

*quoties hic prælia sumpsit*

*Pro sociis? quoties DONO concessit amicis*

REGIBUS, *Ausonio quasitæ sanguine terras!*

Nostræ  
Tranquilli-  
tati preces  
oblatæ.  
*Cod. Theod.*  
*l. 1. tit. 21.*

Ubique vero domi ac foris, in Rescriptis ac Imaginibus, TRANQUILLITATEM animi & CONSTANTIAM omni perturbatione vacuam, firmo mentis & corporis habitu præ se ferre;

TRANQUILLUM vultu, *sed Majestate serena,*  
*Mulcentem radios summittentemque modeste;*

metus certe, cupiditatis aut iracundiæ adfectibus immoto. Virtutem enim unicam vere semitam tranquillæ vitæ, non Satyrici magis fide, aut MARCI exemplo, quam ipso usu rerum & arcano dominantium sensu probari. In CLEMENTIÆ vero ac INDULGENTIÆ fama, quâ si audimus gravem illum ac sanctum

Impe-

Imperatorem, *nihil quidquam IMPERATOREM Romanum melius commendat gentibus*, securius adhuc præsidium, quam in muris CASTRORUM aut PRÆTORIANORUM FIDE reponere. Hinc enim nec aliunde erumpere faustas illas & repetitas sæpius in absentem Patrum voces, ANTONINE CLEMENS DII *te servant*, ANTONINE CLEMENS PII *te servant*. Ultionem certe, solam exigui & infirmi animi voluntatem, probari non posse legitimis CÆSARIS hæredibus, quam non cœlestes aliæ belli ac pacis artes, sed agnoscante Cæsare vix illo inferiore, sola CLEMENTIA Deum fecit. Neque vel captandæ civium benevolentia, vel securitati retinendæ leve insuper momentum conferre, blanda quadam specie RESTITUTÆ LIBERTATIS, molestam Quiritium Nepotibus servitutis imaginem, ac intutum Principi tyrannidis odium opportune subducere. Sic posse quod ille aiebat, LIBERTATEM ac DOMINOS misceri, quod utrumque (sed quam pulchre!) confundunt non semel illorum imagines: neque enim sub OPTIMO PRINCIPLE, res esse omnino disjunctas, libertatem ac Principatum. Finem vero TUTELÆ illius vel Procurationis, non esse commodum proprium, quod rejiciebat Plato, nec jura concedunt: non suam unius laudem aut voluptatem: sed nobiliorem longe & latius diffusum, GLORIAM nempe & GAUDIUM ROMANORUM; LÆTITIAM & REPARATIONEM TEMPORUM; UTILITATEM PUBLICAM; TELLUREM STABILEM aut STABILITAM; SALUTEM REIPUBLICÆ, PROVINCIARUM, immo GENERIS HUMANI; NOVUM SÆCULUM & FECUNDUM; immo ÆTERNAM non SÆCULI amplius, sed IMPERII FELICI-

M. Aurelius apud Vulcatium in Avid. Cassia.

Ut enim tutela, sic procuratio Reip. ad eorum utilitatem qui commissi sunt, non ad eorum quibus commissa est, gerenda est. Cicer l. 1. de offic. ex Platone.

Ammian.  
Marcellin.  
l. xxx.

TATEM. Non ergo *sapientes solum docere*, quod aiebat gravis Auctor, sed totam hanc memoriam aperte reclamare, *finem iusti imperii UTILITATEM obedientium & SALUTEM estimari*. Relinqui itaque Furiis suis exagitandum illud Cæsarum propudium, queri palam solitum de conditione suorum temporum, quod nullis publicis calamitatibus insignirentur; qui sui non memoriam, sed oblivionem imminere prosperitate rerum inverecondi profitebantur. An meministi Heroas apud Græcum vatem navem Deæ munus ingressos, sollicitè manibus remos intorquentes, quo velleris aurei opima scilicet spolia reportarent? Quam vero jucundius Principem videre, cui aurum à Deo infusum ex Platonis sententia, sedentem ad Clavum Reipublicæ; quo secundo cursu AUREI SÆCULI beata & FELICIA TEMPORA, pulcherrimum certe donum generi mortalium daret;

Vid. Ari-  
stot. Polit.  
l. ii. c. 3.

*hæc quibus AUREA possunt*

*SÆCULA cantari, quibus & Deus ipse canatur.*

Auream certe hanc esse AUGUSTI FORTUNAM, non quæ in privato Principis larario colitur, aut velut faustum imperii omen transit ad successorem; sed quam ubique diffusam commendat PUBLICA Imperii FELICITAS. Mercedem autem tot beneficiorum, non Coronas solum aureas vel querneas, observatos socios aut CIVES, non tantummodo ramum vel Lauri, vel Palmæ, vel Olivæ, ut DOMITORI GENTIUM BARBARARUM, aut FUNDATORI PACIS & QUIETIS, non TRIUMPHI duntaxat honorem, aut Statuas Equestres, Arcus, Tropæa, Columnas, Clypeos, præclara licet illa vel insignia GLORIÆ, vel MEMORIÆ præsidia frequentia in iisdem Nummis; sed potiora adhuc longe, Accla-



Acclamationes Populorum frequentes, FELICEM illiusimmo FELICISSIMUM ADVENTUM, quem venti quippe fugiunt & cœli nubila, ore adhuc magis & mente, quam sacrorum apparatu celebrantes; gratiorem omnibus laureis OPTIMI PRINCIPIS, aut PATRIS PATRIÆ appellationem: VOTA pro AUGUSTI SALUTE & incolumitate alacriter SUSCEPTA PRIMIS DECENNALIBUS, & SECUNDIS MULTIPLICATA cupidius; à cujus nempe SALUTE velut filo pendere statum Orbis Terrarum intelligunt, nec fictis proinde vocibus exclamant; AUGUSTE *Di te nobis servent, vestra SALUS* Lib. VII. C. Theod. t. 20. *nostra SALUS vere dicimus, jure dicimus.* Ejusdem vero defuncti communi summis & imis lege, pleni quidem annis sed quasi adolescentis desideratum cum PIO apud præsentēs nomen; MEMORIAM vero apud posterōs FELICEM; ÆTERNITATEM in omnium semper animis ac ore victuri, & decretis à volentibus non ab invitis Patribus, immo miro omnium ordinum acatatum consensu (ut de PIO & MARCO referunt auctores) supremis DIVORUM honoribus, consecratam pristinæ virtutis famam.

*O qua cura Patrum! quæve Quiritum  
Plenis honorum muneribus tuas*

*AUGUSTE virtutes in ævum*

*Per titulos memoresque Fastos!*

Neque illum enim modo proximum tempus, lucemque præsentium temporum (quod de Oratore suo Fabius, de PRINCIPLE verius loquuntur & prædicant hæc monumenta), sed omnem posteritatis memoriam spatium vitæ honestæ & curriculum laudis existimare;

*Et cum tempora temporibus præsentia confert  
Præteritis,*

Cum jucunditate à Senatu Divus est appellatus cunctis certatim adnitentibus, Capitol. in Antonino Pio.

addam & cum futuris lubentius. Hoc esse quippe apparatusissimum solenne sui funeris, huic æri totiens commendatam & eodem ære quæsitam, *ÆTERNAM* Civium ac sociorum *MEMORIAM*: neque adeo laudationes pro more susceptas ab hæredibus aut propinquis, quam in mortuum, *TITUM* puta aut illi similes, grates & laudes ultro congestas ab amplissimo ordine, *quantas ne vivo quidem unquam, aut presenti*. Eas proinde inferias dissimillimo illius fratri, aut geminis eidem *CAIIS, COMMODIS*, aliisque relinquendas, quæ in *abolenda omni MEMORIA*, titulis & imaginibus delendis, ut iusta Manibus eorum debita, magno Patrum consensu decernuntur. Hanc enim Tyrannorum certissimam esse infamiam, ut ubique famæ illorum monumenta diruantur; *ut Heracliani vocabulum nec privatim nec publice ulla MEMORIA teneat*; sed illacrymabiles iidem ignotique longa nocte urgantur. Inclytæ vero & jucundæ recordationis Principes, gravissimæ illius *TUTELÆ* oneribus feliciter soluti, & *AUGUSTA* illa statione cum immortalī laude peracta, cœlestem animam, quod ille dixit de laudatissimo *CÆSARE*, cœlo tandem reddant. Ibi vere jam *AUGUSTI*, neque antea certe *BEATISSIMI*, liberi invidia, procul à contentionibus & vicibus rerum humanarum, famam in tuto collocatam intelligant; ibi consequantur eam, quæ post fata præstari verius solet ac lubentius, venerationem; & qua pridem

*Ecce Palatino crevit reverentia monti.*

Hic demum reperiant suavem illam *REQUIEM OPTIMORUM MERITORUM*; hic *SIDERIBUS RECEPTI*, cum illo decessore suo *JULIO*, primo auctore sublimis illius, ante inter homines, mox inter cœlites fastigii; vertantur in totidem sidera, (quippe  
*sunt*

Sueton. in  
Domitiano.

Lib. xv.  
C. Theod.  
tit. 9.

*sunt stella Procerum similes*) quæ auratis bis sex radiis lucida, in clarissima cœli parte fulgeant;

*Huc fortes anima, dignataque nomina cœlo,*

*Corporibus resoluta suis, terræque remissa,*

*Huc migrant ex orbe.*

Ibi denique ex opinione eorundem temporum, non otiosi cum DIS GENITALIBUS ævum degant, sed ut Propitii VOTIS mortalium adsuescant vocari; ut ULTORES jurandas ARAS per eorum numina statui sibi videant; ut vigiles ex illo vertice orbem prospiciant communem, cœlestique PROVIDENTIA, quod humana vel precaria antea faciebant, rebus humanis fata decernant. Hæc omnia vero Princeps non hauriat solum in umbra vel porticu, nondum ipse protractus in lucem ac verum discrimen; non à Doctõribus intempestivæ nonnunquam cum Musonio, inanis ut plurimum SAPIENTIÆ, certe nullo usu rerum aut parte idonea publici muneris, fidem consultorum & moderantium auctoritatem consequutis. Hæc à Patribus audiatur, è quibus AUGUSTI nascuntur; intelligat ab universo illo Ordine, cujus Consiliis ÆTERNÆ URBIS incolumitas firmatur; æri videatur incisa, perpetuis SENATUSCONSULTIS, ne unquam cogitet de abolendis sanctis illis & immotis Principatus sui legibus; sciat denique SALUTAREM MONETAM inservire promiscuis singulorum usibus, ut ab omnibus officii sui partes reposci ex æquo & expectari intelligat:

*O nunc ARGENTUM, & Marmor vetus,*

*ÆRAQUE & artes Suspice!*

Quis enim cassus adeo lumine, ipsam non tam Principum, quam Principatus imaginem haud agnoscit in his Nummis? quis non videt hic Ænea felicior, cœla-

Senatus Populusque non divisis locis, sed in una sede Propitium Deum dixit. *Capitolin. in Marco Aurelio.*

ta in omni metallo vere fortia Patrum, vel Nepotum verius facta? ac proinde *neque animum. pictura pascit inani.*

Dubius equidem pendeo, suavissime OTAVI, an alibi Poëtarum fabulæ, vel Sapientum præcepta, vel Ægyptiorum hieroglyphica, obscura illa aut vere inania simulacra, luculentius adumbrarint OPTIMI PRINCIPIS & FELICIS REIPUBLICÆ effigiem & exemplar. Illud vero scio plurimum eisdem vel Poëtis vel Sapientibus lucis & splendoris accessurum, si liberet hic in varia singularum Virtutum Symbole accuratius inquirere. Jucunda quidem nec inutilis pluribus artibus ac disciplinis contemplatio; sed quam in antiquariorum libris vel thesauris obviam, licet hujus elegantix cupidis inde continuo petere. Monuisse id obiter liceat, SPEM in Nummis, non herbam trifolii, ut existimabat Ant. Augustinus, sed revera lilium, ut monuerunt alii, opportunitiori Symbolo præferre; quod ex monumentis plasticis Romæ nuper cum eodem illo SPEI habitu effossis, certo mihi demum licuit. Unde lucem quoque mutuatur Artemidorus, eamque vicissim commodat his Nummis, qui Coronas ex liliis plexas, ut certum rem in spes differendi ac prolatandi augurium notat. FIDEM etiam & CONCORDIAM, duplicis Dextræ illiusque implicatæ symbolo, non immerito in iisdem Nummis signari: hoc est, *datis FIDEI manus*, ut in Thyeste loquitur Seneca, & ante illum Ovidius,

*Fura, FIDES ubi nunc commissaque DEXTERA DEXTRÆ,*

Tacit. Annal. x i i.

aut sicut alibi innuit Annalium scriptor; *Mos est Regibus, quoties in societatem coëant, IMPLICARE DEXTERAS.* Neque enim summum illud apud Romanos solum,

solum, sed apud Barbaros quoque pignus Fidei & Securitatis: ut rem alias obviam egregie illustrat hic Josephi locus, agens de colloquio Artabani Parthorum Regis, & Romani Præsidis; *Et DEXTRAM dedit, tan-* Lib. xxi. cap. 12.  
*quam maximum confidentia argumentum apud omnes illos*  
*Barbaros; neque enim FIDEM faller quisquam ex iis, data*  
*semel DEXTRA, neque FIDEM habere dubitabit, tale*  
*securitatis Pignus ab iis nactus, à quibus injuriam sibi metue-*  
*re poterat.* Ut non mirum renovari DEXTRAS pro Fi- Tacit. Annal. 1.  
 dei aut Fœderis redintegratione usurpasse Regem Re-  
 gum apud Germanicum; aut jam olim à Numa FIDEI Liv. lib. 1.  
 solemne institutum, cui Flamines manu ad digitos us-  
 que involuta rem divinam facerent: hinc denique sic  
 ut alias corporis partes singulis Numinibus, ita DE-  
 XTRAM FIDEI à Physicis consecrari, ut notat Ser- Ad lib. 111.  
 vius. Sed hæc trita: illud non ita forte, hinc etiam Æncid.  
 morem illum vetustissimum jam olim promanasse, ut  
 ad absentes Legiones & Exercitus, tanquam præsens  
 hospitii & concordie tessera, DEXTRÆ mitterentur.  
 Tacitus; *Miserat Civitas Lingonum VETERE INSTI-* Histor.  
*TUTO dona legionibus, DEXTRAS hospitii insigne* lib. 1.  
 bi vero, *Centurionemque Sisennam DEXTRAS CON-*  
*CORDIÆ insignia, Syriaci EXERCITUS nomine ad*  
*pratorianos ferentem variis artibus adgressus est.* Quæ mi-  
 re certe illustrent plures illi Nummi, in quibus duæ  
 Dextræ junctæ, cum inscriptione CONCORDIA aut  
 FIDES EXERCITUUM; aut similes Dextræ im-  
 positæ perticis signorum militarium; aut Manus aliàs ad-  
 dita imagini Augusti ab aliqua Colonia, cum in Fidei  
 procul dubio symbolum, tum in hospitii id genus me-  
 moriam.



In Vit. A-  
gricol.

Ut neque mirum cuiuspiam videatur, eodem Symbolo implicatae utriusque Dextrae, AMOREM, PIETATEM aut CARITATEM MUTUAM duorum AUGUSTORUM, signari in nummis Pupieni & Balbini; hoc est, ut de socero suo & illius conjuge loquitur idem Tacitus, *vixeruntque mira CONCORDIA per MUTUAM CARITATEM*. Illud forte magis insolitum, PATIENTIAM, Christi potius quam Stagirite sectatorum lauream, & vulgo privatae magisquam regiae fortis decus, commendari in gentili & supremi in terris fastigii Principe. Id vero arguit nummus Hadriani, à Cl. Seguino nuper admodum vulgatus, in quo sedens occurrit cum patera & hasta mulier, inscriptae autem litterae PATIENTIA AUGUSTI COS. III. Quo jure vero, aut qua fronte, eam sibi laudem vindicavit




carit Hadrianus, non quærimus hoc loco, & nota viri indoles parum sedata, nec dolorum in extremis, nec injuriarum umquam tolerans nimium videtur refellere. Ut hoc etiam addam, MUNIFICENTIAM apud Romanos, ævo Cæsarum maxime, eam Principum laudem proprie denotasse, quam in Muneribus, seu spectaculis edendis, & solenni ludorum apparatu publice ostentabant, & quam in Officiis Tullius *munerum largitionem* vocat, *Indulgentiam* autem præter alios in Antonino Pio Capitolinus. Quæ res, vel ex Nummis Antonini Pii & Severi obvia, in quibus Elephantis Symbolo eadem exprimitur; & clarius ex præclaro & rarissimo nummo Gordiani Pii, inspecto mihi inter alios nummos Gazæ Medicæ, in quo amphitheatrum & homo Elephanti insidens, & pugnans cum Tauro occurrunt, cum inscriptione MUNIFICENTIA GORDIANI. Hinc ut Elephantis hoc loco, sic eo sensu Leopardorum Munificentia apud Symmachum, qui inde non parum illustratur; *sacras mihi litteras Julius* Lib. vii. *Agens in rebus exhibuit* LEOPARDORUM MUNIFI- epist. 59. CENTIAM *continentes*; alibi vero cupit MUNIFI- Lib. ii. CENTIAM *Libycarum largitione mutari*. Cujus tamen epist. 45. vocis genuina illa, nec alias arcana significatio non observata, eruditis aliquot in explicatione veterum auctorum non semel imposuit.



## DISSERTATIO TERTIA.

DE

PRÆSTANTIA ET USU  
NUMISMATUM  
ANTIQUORUM.

Uamquam vix mihi fructus otii datus esse videatur, ad utriusque nostrum præclara studia pro dignitate celebranda, non committam tamen, ut quasi in limine suscepti operis inchoata nobis tractatio conticescat. Neque enim te fugit, cum in infinita quadam varietate litterarum, tum in artibus aliis ac disciplinis versari hanc omnem memoriam, quæ nobis hic velut postliminio excitanda, & in nova quadam luce collocanda veniebat. Quando autem hoc oneris mihi semel imposui, & erecti expectatione homines plura hic videntur à nobis flagitare, dabo operam, ut in hac etiam mea vel vitæ occupatione, vel otii penuria, quantum fieri poterit, nostris simul studiis & eorum obsequar voluntati. Tu vero, nobilissime OCTAVI, omnium optime iudicabis, an quod ab initio operis suscipere ac polliceri visus sum, dum amplissima huic studio præmia vel ad usum vel ad delectationem proposita prædicavi, sim hoc labore nostro, nec mediocri quadam exercitatione consequutus.

Haud dubitas equidem NATURALI etiam SCIENTIÆ lumen aliquod ex antiquis Nummis adfulgere, seu

seu PROPRIETATES ANIMALIUM, aut FORMAS corundem; seu PLANTARUM etiam FIGURAS consulamus. Hinc enim videre in iis licet Animalia ob infinitas singulis proprietates, suo quæque numini sacra, *Aquilam* & *Capram* Jovî; *Pavonem* Junoni; *Gallum* Mercurio & *Æsculapio*; *Cybele* ac *Soli Leonem*; *Pantheram*, *Tigrim* & *Caprum* Baccho; *Porcum* & *Dracones alatos* Cereri; *Serpentem* *Æsculapio*; *Ibim* & *Anserem* Isidi; *Cornicem* & *Cygnum* Apollini; *Delphinum* & *Equum* Neptuno; *Cervum* & *Canem* Dianæ; quæ ex Poëtis non solum, sed Antiquariis etiam vulgo jam nota. *Cervum* alias non Dianæ solum, sed fratri ejusdem ob cursus velocitatem sacrum, prolatis aliquot nummis novissime docuit elegans hujus mercis propola Petrus Seguinus; unde apposite plane flammea illi vestigia tribuit Veronensis vester,

*Flammea prævertet celeris vestigia cerva.*

*Gryphas* etiam Apollini sacros haud magis ex Philostrato, Heliodoro, aliisque colligas, quum vel ex signato eodem ab urbibus vulgo Apollini devotis, ut in nummis ΑΚΤΙΩΝ, vel juncto etiam cum tripode in numismate ΚΥΤΟΡΙΩΝ, apud Goltzium; aut alias ex Gallieni nummis, in quibus *Gryphus* depingitur cum epigraphe ΑΠΟΛΛΙΝΙ CONS. A. U. G. seu *Conservatori Augusti*.

Catull. in  
Epith. Pe-  
lei.

*Corvum* præterea & *Delphinum* in ejusdem Apollinis tutela exstitisse, recte ad Manilium notavit magnus Scaliger, ex nummis Quindecim virum, in quibus signatur *Tripus* cum *Corvo* in inferiori parte, & *Delphino* in superiori. Sed de hoc nummo paullo infra, de *Corvo* vero sacro Apollini, ut aliunde, ita ex Plutarcho liquet ac Porphyrio. Sic *Nocturnam* Minervæ plerique Atheniensem, & Tarentinorum aliquot Nummi ad-

De Isid.

De Abstin.  
l. III.

Orat. xii.

Lib. ii. de  
vit. Apoll.  
c. 9.

judicant: de cujus tutelæ ratione vide differentem alicubi Dionem Prusæum. Noctuam certe sapientiæ Symbolum arguit præterea nummus aureus magni Constantini, in quo eadem in cippo cum epigraphe SAPIENTIA PRINCIPIS PROVIDENTISSIMI. Hinc Noctua imposita columnæ Trajani in nummo ejusdem Seguini, quo providentia illius Principis, duraturo apud posteros indicio notaretur. Ut minus jam mirum videatur, sub Noctuæ Symbolo eandem Minervam apud Ægyptios depictam, quod tradidit alicubi Philostratus. Ita quoque, *Columbas Veneri*, Cyprorum nonnulli nummi rariores addicunt. Quo referri etiam possunt insignes Erycinorum in Sicilia, & duo inter alios apud Parutam depicti, cum Columba in utroque, & cum Veneris, tum biformis senis effigie.



Quibus nummis singularem quandam lucem scenerantur duo præclari scriptores <sup>a</sup> Athenæus ac <sup>b</sup> A-  
 ctianus; ex quibus intelligimus festum fuisse apud <sup>b</sup> lib. I x.  
 Erycinos dictum *Ἀγῶνία*, proficiscentis nempe Ve- <sup>b</sup> lib. Var. I.  
 neris, quod nullæ tum essent Columbæ, alias cir- <sup>c. 15. & A-</sup>  
 ca templum illius Dææ frequentes; alterum vero, <sup>nimal. IV. 2.</sup>  
 solemne dictum *καταγῶνία* seu revertentis Dææ, quo  
 Columba nuda & purpurea prævolabat rursus ad  
 Dææ fanum, sequebantur aliæ. Signant utique rei  
 memoriam cum columba illa priori nummo expres-  
 sa in corona laurea, tum vel maxime hinc Erycina,  
 illinc itidem Columba in posteriori depictæ. Quo  
 spectare etiam observo alium Nummum Erytino-  
 rum Gazæ Medicæ, in quo illinc caput virile orna-  
 tum spolio leonino, hinc Pharetra, Clava, & Co-  
 lumba conspiciuntur; quorum illa ad Herculem Ery-  
 cis in eo tractu victorem, hæc ad sacrum Veneri lo-  
 cum, & Festi ac Columbæ hujus memoriam omnino  
 sunt referenda. Alias eodem *καταγῶνίης* nomine, sed  
 alterius generis festum Ephesiis celebratum legas in  
 Actis Martyris Timothei apud Photium. Mitto ve- <sup>Cod. cc. l. II.</sup>  
 ro tricipitem *Cerberum*, quem Plutoni vindicat Tral- <sup>pag. 1401.</sup>  
 lianorum Nummus pulcherrimus Medicæus. Cau-  
 sas vero adferent Mythologi & Symbolorum inter-  
 pretes, nec enim nugari hic vacat. *Serpentem* vero  
 & *Draconem* Felicitatis, Victoriæ, Salutis symbolum  
 frequenter fuisse, non apud Ægyptios solum, sed  
 apud Græcos etiam & Romanos, tot Nummi cla-  
 rissime ostendunt, ut mirer eruditissimum Gevar-  
 tium id inficias ivisse. Res enim obvia ex præcis mo-  
 numentis; quamvis non id promiscue cum Joanne  
 Tristano, ad omne Serpentum genus retulerim, sed  
 ad illos maxime, quos *ἀγαθὴς δαίμονας*, seu pro bonis

Geniis habitos, ex Servio discimus, & de quibus Lucanus meus,

*Vos quoque qui cunctis innoxia numina terris,*

*Serpitis aurato nitidi fulgore Dracones.*

Verum de his agetur mox uberius. Sic Elephantis diuturnitas vitæ præ cæteris animalibus Aristoteli tradita, **ÆTERNITATIS** nomine ac Symbolo in iisdem non semel adumbratur. Inde haud ignotus ille Pori Elephas apud Philostratum, cui torquem aureum ab Alexandro injectum, eundemque ultra quadringentos annos refert vitam produxisse. Occurrunt præterea iidem Elephantes lychnum ceu facem proboscide gestantes, in præclaris aliquot Nummis Antiochi Dionysii, ministerio haud alieno à reliqua hujus animalis industria tot scriptoribus decantata, & de qua inter alios Manilius,

*Cumque Elephantem loqui, tantamque aptare loquendo*

*Artibus humanis varia ad spectacula molem.*

Certe spectaculo hic minus admirando, quam eosdem videre funambulos in Theatris Romanorum; aut alias pila ludentes; aut in munere gladiatorio Germanici, solennibus epulis admos, earundem promuscidum opera, ut moderatos convivas, cibum ac potum decenter sibi ministrantes. Nota res ex Seneca, Suetonio, Æliano, aliisque id genus probatis aut oculatis auctoribus. Sed quod magis appositum, ut vel inde pateat, unde morem illum horum λυχνοφόρων Elephantum acceperit Julius Cæsar, de quo disertè tradit Suetonius, *ascenditque ad lumina quadraginta ELEPHANTIS dextra atque sinistra LYCHNYCHOS gestantibus.*

L. XLVIII. Idem narrat Dio, quoad illos δαδῆχες Elephas, πολλῶν δὲ ΕΛΕΦΑΝΤΩΝ ΛΑΜΠΑΔΑΣ ΦΕΡΟΝΤΩΝ, ἐκπομάθη, *Multis autem ELEPHANTIS FACES*

FERENTIBUS *deductus est*, quamvis in eo dissentiant, quod ille in Capitolium, hic domum à cœna deductum ea pompa Cæsarem narrent. Unde jam opinor, minus erit ingratum id genus *λυχνοφόρον* Elephanta producere, qualem cum Gaza Palatina & Medicea, tum suis & majorum meritis amplissimus Joachimus Camerarius noster mihi subministravit, harum quoque lautitiarum cupidus sectator.



Neque vero mirum in Syriæ Regis nummo signatum videre Elephantem, qui apud veteres legit, successores Alexandri passim usos Elephantis, & teste Agatharchide, institutam quondam Elephantum à Philadelpho venationem; aut vero apud <sup>a</sup> Athenæum & <sup>b</sup> Plutarchum observavit, Seleucum inter hujus Antiochi De-  
cessores, dictum *Ε'λεφαντίεχλω*, ob copiam datorum illi Elephantum; haud aliter nempe ac de Rege Pegu in India memorant nonnulli, vocari illum Regem alborum Elephantum. Unde & Strabo illustratur, qui in regione Syriæ prope Laodiceam quingentos Elephantas ab eodem Seleuco ali solitos narrat. Ex quo nummo illud præterea colligas, Suetonio *Lychnuchos* & Dioni *λαμπίδας* in simili Elephantum ministerio dictos, nihil aliud revera, quam *δαδας* seu faces exstitisse;

Cap. 1. apud Photium  
Cod. cci.  
<sup>a</sup> Lib. vi.  
<sup>b</sup> In Demetrio.

Lib. xvi.

se; quas utique voces, *λυχνέχες*, *λαμπέδας*, *φανές*, δα-  
 • Lib. xv. *δας*, promiscue veteribus usurpatas, ex <sup>a</sup> Athenæo dif-  
 • Lib. viii. cas & <sup>b</sup> Polluce. Neque debuit certe, ut obiter hoc ad-  
 cap. 18. & dam, *lychnuchus* ille Ciceronis *ligneolus*, tantum nego-  
 lib. x. c. 26. tii eruditis antiquariis faceffere, in cujus explicatione  
 æstuentes videas Cl. Smithium & Fortunium Lice-  
 tum, ac postremum inprimis miras loci illius emenda-  
 tiones tentantem in opere de lucernis antiquorum po-  
 stremæ revisionis. At consuluisse Athenæum, qui  
 diserte *Ξυλολυχνέχης*, seu *Lychnuchi ligneoli*, ut verbum  
 sonat, dicit Alexin meminisse, neque illum dissimilem  
*Obelisco lychno*, cujus Theopompus meminerit, & de  
 quo videndus etiam Pollux. An vero felicius eidem  
 Liceto, aliisque successerit, *λυχνοφόρος*, non jam Ele-  
 phantas, sed Dracones ex Nummis antiquis itidem  
 producere, infra alio loco discutietur. Alias vero tæ-  
 das seu faces accensas, non jam in Elephantis pro-  
 muscide conspicuas, sed Vulpium caudis adligatas ju-  
 xta Samsonis factum, apud Ovidium legisti proculdu-  
 bio; unde & Vulpes Lycophroni ac Helychio *λαμπυ-  
 ρεῖς* dicta videtur, ut erudite observat doctissimus Bo-  
 chartus.

Lib. i v.  
Fast.

*Capricornus*, qui non tantum inter signa cœlestia, sed  
 Augusti etiam Sigilla & Nummos locum invenit, in  
 iisdem & altero Nummo Hadriani rariore abundan-  
 tiam & felicitatem notat. *Apes* ob multiplicem indu-  
 striam & mellis præstantiam, Sapientiæ etiam & digni-  
 tatis symbola, plurimi Græcorum, Romanorumque  
 Nummi arguunt; quorum aliquos illustravit non ita  
 pridem hujus veteris elegantiae optimus interpres, Pe-  
 trus Bellorius noster. *Aquilam* præterea mitto, pepe-  
 tum quoddam Providentiæ, Divinitatis & Imperii, ge-  
 minas autem Aquilas Orientis & Occidentis in iisdem  
 sym-



symbolum, *Phanicem* æternæ & novæ vitæ, *Urupam* aut *Ciconiam* Pietatis, *Cornicem* Concordiæ, *Bovem* autem Fertilitatis; aliaque id genus magis trita, quorum etiam causam quis ignorat? Quamvis aliàs *Boves* miseriæ symbolum ob perpetuos illius animalis labores, & in somnis visos malum portendere, duo somniorum interpretes cum *Essæus* apud *Josephum*, tum *Astrampychus* in *Onciocraticis* contendant.

Lib. Ant.  
XVII. c. 15.

Circæ FOR-  
MAS Ani-  
malium.

FORMAS vero *Animalium* terrestrium, æreorum, aquatilium, vulgo minus notas, aut de quibus dissentiant nonnunquam prisca & recentiores Naturæ consulti, iidem Nummi in conspectu ponunt. Sic *HIPOPOΤΑΜΟΝ* *Philippi* & *Otacillæ* Numismata, satis arguunt, quare idem *Equi* non solum, sed *Bovis* nonnullis veterum, aliis *Porci Marini* etiam nomine nuncupetur. Ita enim in iis expressus est, ut cauda & dentibus *Aprum*, pedibus autem divisus & mole corporis, *Bovem* referat, cætera fœdè simus, & ad *Aristotelis* potius, quam *Herodoti* aut *Diodori* descriptionem comparatus. Neque tamen recentioribus accedo, qui proinde à sola magnitudine *Equi Marini* vel *Fluvialilis* verius nomen illi inditum credunt; quum diserte *Aristoteles* & jubam instar *Equi*, & vocem ejusdem seu hinnitum, interiora denique *Equo* & *Asino* similia referat; unde etiam *Hippopotami* nomen illi adhæsisse crediderim. Accedit insuper alia maxillarum, ventris, ac pedum, nisi quod divisæ sunt ungulæ, cum *Equo* similitudo, quam illi quoque tribuit *Achilles Tati*us: ἐστὶ μὲν ἸΠΠΟΣ τὴν γαστέρα καὶ τὸν πῶδα πάλω ἐν χίλῃ τὴν ἐπ' αὐτῇ, hoc est, quod ad ventrem pedesque attinet *Equus* est, nisi quod divisas habet ungulas, non ut vulgo Interpretes, *bifidas*. Unde quoque de eadem bellua *Calpurnius*,

Hist. Ani-  
mal. lib. 12.  
cap. 12.

Lib. IV. de  
Clitoph.

*Sed deforme pecus, quod in illo nascitur amni,*

*Qui sata riparum venientibus irrigat undis.*

Sed præter Achillem illum, diligentem utique ac domesticum pictorem hujus animalis, patebit res clarius ex sequenti ejus schemate, obvio jam in Cimeliis Antiquariorum.



En, juxta optimos auctores, caput hujus belluæ rotundum & grave; resimum rostrum; cauda Apri; juba ac venter velut Equi; ungulæ instar Boum divisæ, neque tamen eadem solum bifidæ, ut vulgo Plinius, Ammianus, aliique etiam è recentioribus tradidere. Sed gravior adhuc error Ammiani, qui easdem bifidas, ut ibi legitur, ungulas ad speciem Equorum tribuit huic feræ in nuperis editionibus; ac proinde loco, ut omnino crederem, in tam absurdo mendo vel corrupto, vel hiulco. Equidem novi Equum prodigii loco Julio Cæsari natum, fissis in duas partes prioribus ungulis, si fides habenda Dioni Cassio. Sed hoc nihil ad Ammianum, cujus hæc verba vulgo referuntur; *Hippopotami quoque generantur in illis partibus ultra animalia cuncta ratione carentia sagacissimi, ad speciem EQUORUM bifidas habentes ungulas, caudasque breves. Quis postrema hæc gravissimo auctori credat excidisse? Non ego certe: unde loco Equorum, libenter Boum legerem, utique appo-*

apposite ad rei veritatem, & ad Nummorum simul ac auctorum fidem. In eo enim non ad Equorum, sed ad Boum speciem accedit Hippopotamus, quod divisas habeat ungulas, in quo maxime ab Equis differt, ut bene notavit Achilles Tattius. Sic Plinius, *Major in altitudine in eodem Nilo bellua Hippopotamus editur ungulis bifidis*, **QUALES BOBUS**. Et pridem Aristoteles, *Equo fluviali, quem gignit Ægyptus, juba Equi*, **UNGULA QUALIS BOBUS**. Mole quoque corporis maximo Bovi similem tradit laudatus modo Achilles, non Heros quidem Phthius, sed Alexandrinus Sophista. Unde factum etiam, ut non tam inter Equos, quam inter Boves relatum fuerit à multis scriptoribus hoc animal. At sciulus aliquis antiquarius, habita ratione nominis hujus feræ, aliorumque cum Equo communium, locum Ammiani ab aliquot jam sæculis videtur interpolasse, cui accessit postea infelix Gelenii in eodem supplendo industria. Agnovit quoque lectionis vitium doctissimus Ammiani editor, sed non sanavit; neque verum Æsculapium velim me hic omnino præstare, ubi nullum à scriptis libris remedium. Siquis malit proinde, levi distinctione poterit locum juvare, *ultra animalia cuncta ratione carentia sagacissimi, ad speciem Equorum, bifidas habentes ungulas, caudasque breves*: ut hæc postrema non ad speciem Equorum referantur, sed singula sejunctæ sint proprietates hujus animalis, quibus Equum juxta, Bovem & Aprum refert. Alias frequentem ejus figuram videas non in Nummis solum sæcularibus, sed in aliis percussis in Ægypto, maxime in quibus Nilus adumbratur. Unus enim ille, ut notum, ex portentosis maxime Fluvii illius incolis; unde præter vulgaris honorem arundinis, qui illi cum fluminibus aliis solennis, adjacens Hippopotamus, ran-

Lib. v. 11.

c. 25.

Lib. ii. Hist.

stor. Anim.

quam germanus illius & peculiaris foetus, Parentem arguit in nummis aliquot HADRIANI cum inscr. NILVS.



Neque abfimiles occurrunt aliquot Nummi Trajani. Circumstantes etiam nonnunquam pueros obferves, sicut eisdem quoque præfert Statua Nili Vaticana, & ejusdem fluvii *πλουτών* effigies apud Philostratum; quos alias in Ægyptiis *NILI* picturis familiares notasse jam olim Heliodorum, & *νόνες* & *Νείλ* dictos alibi memini me legisse. Sed præter modo adlegatos, videas quoque Niloticum hunc vel Ægyptium Elephantem, ut vocatur Achilli Tatio hæc bellua, Hebræorum autem *Behemoth* juxta doctissimum Bochartum, in præclaris aliquot Nummis Ægyptiis Claudii ac Neronis Gazæ Medicæ. Alias *Equos* revera *Marinos*, superiori nempe parte equina, inferiori autem in piscem desinentes videas cum in denariis Atratinorum gentis Sempronix apud Urfinum, tum in variis maritimorum locorum Nummis. Omitti vero hic nequit sine nota insignis error eruditi Antiquarii, qui ludis sæcularibus à Philippo Imp. celebratis, h. e. millenario ab U. C. quo superior Nummus percussus, cum feræ hujus effigie, eandem nunquam ante Romæ spectatam confidenter adseruit. At præter <sup>a</sup> Capitolinum, <sup>b</sup> Lampridium aliosque, Plinium & Ammianum consulere potuisset, qui

Jo. Him-  
melar. ad  
Numis.  
Aresch.  
Tab. xlii.

<sup>a</sup> In Anton.  
Pio.

<sup>b</sup> In Elaga-  
balæ.

qui ædilitate Scauri (hoc est tribus & ultra ante Philippum sæculis) primum Romæ conspectum hoc animal, ac per plures dein ætates in urbem deductum tradunt. Quod vero addit idem Marcellinus sua ætate non potuisse eandem feram amplius inveniri, adsentitur ei quoque Themistius; quamvis proxime ante Ammiani ætatem, Cari nempe ac filiorum temporibus, decorasse adhuc Hippopotamum amphitheatricas voluptates, liqueat ex adlato paullo ante Calpurnii loco. Neque sequutis Ammianum ætatibus, fefellit Editorum industriam, qualiscunque prædicata hujus animalis sagacitas. Lib. x xii.  
Orat. xi.

Neque minori voluptate adficiunt obvii passim in hisdem Nummis ELEPHANTES, modo bijuges, modo quadrijuges curribus juncti, non terroris amplius, sed triumphalis pompæ apud Majores vestros argumenta. Hinc productus etiam paullo ante δαδῶχ. Elephas, & ex simili ministerio, J. Cæsari olim exhibitto, obiter illustratus. At vero non prætereundus hoc loco ornatus ac loricatus ad pugnam Elephas; unde veterum quorundam auctorum loca de hoc more haud parum lucis scenerantur. Exhibet vero cum inter alios sequens Philippi nummus.



Non repetam hic quæ in genere de bellico hujus animalis usu, qui ab Indis ad reliquas gentes dimanavit, ex auctorum veterum lectione omnibus obvia sunt & exposita. Illud forte majus erit operæ pretium admonere, inde factum, ut non minus quam homines, ferro etiam munitus Elephas in aciem procederet. Quum enim ob ingentem corporis molem jaculorum & telorum ictibus pateret bellua, in qua potissimam victoriæ fiduciam videbantur collocare, qui earum opera in bello utebantur, hinc morem etiam illum receptum crederem, ut lorica præmuniretur. Tales Elephantess olim ab Antiocho Eupatore in aciem contra Judæoseducti, ut notum ex Auctore Macchabæorum; καὶ εἶδεν Ἐλεάζαρ ὁ Σαυαργὸν ἐν τῇ θηρίων πεθωρακισμῶν θώρακι βασιλικῷ, καὶ ὡς ὑπεράγον πάντα τὰ θηρία, καὶ ὥφθη ὅτι ἐν αὐτῷ ἔστιν ὁ βασιλεὺς. Videns vero Eleazar dictus Sabaran, unam ex bestiis loricatis indutam lorica regia, quæ erat superior omnibus aliis bestiis, & visa est illi Regem ferre. Instructos eodem modo contra Cæsarem Scipionis Elephantess ex Hirtio quoque discimus; ornatusque ac loricatus Elephantus quum esset, quæ pars ejus corporis nuda sine tegmine relinqueretur, ut eo tela conficerentur. Accedit Heliodorus, qui morem illum vulgo receptum clare innuit, ὅσοι δὲ καὶ διεδίδρασκον ἀπερχοί, καὶ εἶδεν δεξιᾶντες αὐτῷ Ἐλέφαντας ἀπεχώρην. τὸ γὰρ θηρίον πεθωρακίαι, καὶ σιδήρῳ ὡς ἀγνέμενον εἰς μάχην. Quicumque effugiebant nullo facinore edito, nec nullo detrimento Elephantis illato discedebant. Bellua enim ferro munita est, cum ad prælium accedit. At vero morem illum eruditissimum notum non jam solum evincit, sed nobis etiam ante oculos ponit superior Elephas; unde insuper discimus, non jam partem aliquam, sed totum etiam corpus eo modo instructum ac præmunitum. Talis nempe Regis Indorum Elephas, quem phaleris aureis

Lib. 11.  
cap. v. 1.  
v. 43.

De Bello  
Africano.

Lib. 1 x.

reis toto corpore contextum narrat Curtius; *Longior ubi expeditio est, Elephanti vehunt currum, & tantarum belluarum corpora tota contegunt auro.* Elephanti comitem hic obiter adjungimus CAMELUM, & ex eo quidem genere, quod Græci DROMADES vocant. Quum enim vulgo notum sit ex veterum & recentiorum historiis, alios esse Camelos in Oriente, quibus vulgo ad onera ferenda, alios autem quibus ad cursum tantum utantur, hinc utriusque generis signati in antiquis Nummis. Priores quidem saginarios illos & ἀχθόφους innuere videntur varii & obviï Trajani nummi cum inscriptione ARABIÆ aut ARABIÆ ADQUISITÆ, cujus generis unus infra adducetur. Arabicos autem Camelos satis arguit, quod non duos instar Bactrianorum, sed unum tantum præferant gibbum; qualis etiam Camelus è dromadum ut videtur genere obviï in denario gentis Æmilix, cum inscriptione Aretæ Arabum Regis. Unde certe liquet vere jam olim ab Aristotele, & inde à Plinio discrimen illud Bactrianorum & Arabicorum Camelorum observatum, à Solino autem perperam inversum, *Arabici bina tubera in dorso habent, singula Bactriani.* Alterius vero speciei Camelos, ad cursum comparatos, atque inde Græcis δρομίδες dictos, graciliores proinde ac minoris staturæ exhibet sequens nummus singularis raritatis sub Caracalla percussus, cujus ectypum petenti mihi lubenter indulgit Cl. Patinus.

Lib. III.  
Hist. Anim.  
c. I.





Dolendum equidem fugientes omnino & exesas inscriptionis litteras, locum signati hujus Nummi hodie nobis invidere. Neque enim obvium illum aut vulgarem in Antiquis Nummis, facile licet ex adpicto animali colligere. At illo interim beneficio fruamur, quod Dromadem ejusmodi Camelum exhibeat, cum nudo scissore protensa dextra nescio quid innuentem. Mira autem sunt, quæ de velocitate hujus animalis, qua Equos longe dicitur superare, narrant cum antiqui auctores, Diodorus, Strabo, Philostratus, tum recentiores, Leo Africanus, Marmolius, alique, qui sua nobis itinera, Asiatica nempe aut Africana reliquere; puta unius diei spatio ultra centum milliaria Dromades id genus conficere, idque modico viatico octo vel decem dies per deserta continuantes. Hinc non immerito Dromas Talmudicis dictus *דלל פתח* seu *Camelus volans*, & juxta Glossam Magistrorum, quia est cursu velox instar avium volantium, ut observat in Lexico suo Talmudico doctissimus Buxtorfius. Haud aliter nempe ac Græci & Romani celeres suos Equos nonnunquam *Pegasos*, *Volucres Aquilas*, aliisque id genus nominibus appellarunt, qua de re infra.

De RHINOCEROTE haud ignota quoque veterum ac recentiorum controversia; quorum alii fabulosis eundem annumerant; alii vero unum, alii duo cornua, eademque modo in naribus, modo in capite, modo in humeris etiam posita voluerunt. Visum vero Romæ hoc animal Flaviorum temporibus, non ex Plinio solum, Suetonio, aut Martiali discimus, sed præterea ex Nummo Domitiani, ex quo patet luculenter, illud sæcularibus Ludis exhibitum, ac in ejus rei memoriam ibi expressum, cum unicornu è naribus prominente. Unde mirari subit nuperum Historiæ Animalium

malium scriptorem, qui cum duobus cornibus in his  
 ipsis Domitiani Nummis depictum refert: sed illum Joan. Joan.  
 iton. Hist.  
 Quadrup.  
 Lib. 11.  
 Hiero-  
 glyph.  
 in hunc errorem induxisse videtur Aldrovandus, &  
 utrumque Pierius, qui hoc ipsum de duobus Rhino-  
 cerotis cornibus nummo illo expressis ante eos tradi-  
 derat, verum quod jam auguratus est Aldrovandus,  
 Elephante nobis pro Rhinocerote obtruso. Certe satis  
 Pierium aliosque ei adsentientes arguunt, cum pro-  
 ductæ jam ante superiori sæculo hujus nummi Icones  
 ab Antonio Augustino, & Sebastiano Erizzo, tum se-  
 quens ejusdem effigies illis consentanea.



Ut omnino inde corruptum constet Martialis locum  
 vexatum jam viris doctis, ubi geminum cornu huic fe-  
 ræ videtur tribuere: de quo præter alios consulendus  
 Cl. Bochartus in præclaro opere de Animalibus sacris,  
 ne actum procul dubio hic agamus; nèque enim liber  
 ille nobis ad manum, dum hæc commentamur. Certe  
 in hunc errorem haud impingere potuit Poëta testis  
 illius spectaculi oculus, quale nummus iste Domitia-  
 ni repræsentat, qui juxta Plinium, Ælium, aliosque  
 unum cornu alio loco eidem feræ tribuit,

*Quantus erat cornu, cui pila taurus erat.*

Alias sequutis etiam temporibus, & præter sæcularium  
 solemnitatem, ornasse non semel Rhinocerotas Ro-  
 manas

manas ludorum editiones, liquet aliunde ex Auctoribus Historiæ Augustæ, Capitolino in Pio & Gordianis, ac Lampridio in Elagabalo. Immo sub Trajano etiam idem animal Romæ conspectum, fidem facit Nummus ab Occone descriptus, quinto illius Augusti Consulatu. Ut pateat inde luculenter, quam vere à <sup>a</sup> Plinio ac <sup>b</sup> Æliano sit adsertum, formam illius belluæ Romanis esse notissimam, quippe apud quos sæpe sit in amphitheatris visa. Si fides vero habenda est Pyrrho Ligorio, notatur ab eodem in uno Domitiani Numismate Rhinoceros cum Elephante, ut videbam nuper in antiquariis ejus collectionibus ineditis, quas adseruat Bibliotheca Augustæ Christinæ.

Neque vero in iisdem diversum ab eo MONOCEROTA memini me vidisse, quem à se tamen in Nummo veteri inspectum apud hunc ipsum Ligorium testatur Aldrovandus, cornu cantharo humi stanti inferentem, cum inscr. ΝΤΣΣΕΩΝ. Suspiscatur vero percussus illum ab Indis Nyssæis, in Bacchi sui cultum, ac memoriam victoriarum Alexandri Magni, & reperi in eo tractu id genus Unicornis. Eundem quoque Nummum vulgavit Medicus quidam Gallus scripto vernaculo, ac eidem Alexandro Indorum Triumphatori tribuit; paullo tamen aliter expressa nummi epigraphæ, ΝΤΚΕΩΝ. Vir autem doctissimus, magnum lumen Germaniæ nostræ litteratæ, recentem illum Nummum statuit, peculiari illi destinata commentatione in variæ eruditionis opere. In ea autem id agit pluribus, ut eundem adscribat non Indicæ illi Nyssæ, sed haud paullo viciniore Nicææ, sitæ in Liguriæ & Galliæ finibus, ac legendam proinde augeretur inscriptionem ΝΙΚΑΙΕΩΝ. Fundus illi hujus observationis Julius Scaliger, qui in ea Urbe visum à se narrat cornu

<sup>a</sup> Lib. viii.  
c. 20.  
<sup>b</sup> Lib. xvi.  
c. 44.

Laurent.  
Catelanus  
l. de Unicorni.

Thom.  
Reinesius  
var. lect.  
l. i. c. 2.

Exerc. ccv.

cornu hujus Monocerotis; unde quoque illud ab eodem Heroë Scaligero, aut ab alio forte conscio geminæ voluptatis, ad perpetuam rei memoriam æri incisum putat superiori sæculo, ac intuitu Græcorum illius urbis aboriginum, signatum Græco illo nomine ΝΙΚΑΙΕΩΝ. Neque dubitat vir eruditissimus hanc suam de Nummo illo sententiam, ut extra omnem contentionis aleam proponere; immo pro qua paratus sit forti animo *tanquam Danaïs pro navibus Ajax* depugnare. Non vero is ego sum, quibus digiti pruriant hanc pugnae aleam subeundi, aut vero qui gestiam inde capere solatium, quod cum victus ero, cum Aiace ferar decertasse. Optassem equidem mihi copiam fieri illius Nummi, aut iconis inde expressæ; ut de eo liceret certius aliquid statuere, maxime de ætate illius & occasione, qua percussus fuit; & an ad remota illa Alexandri M. tempora, aut ad alia eum subsequuta, an vero ad elapsum modò sæculum omnino referri debeat. Sed non licuit mihi hæctenus Galli illius Medici scriptum consulere, quo Nummi illius iconem dedit inspiciendam, aut eundem in penu antiquaria Pyrrhi Ligorii à me hic inspecta observare, à quo primum Nummi hujus notitia videtur dimanasse. Illud tamen in Lectoris gratiam, & ad majorem quandam lucem hujus rei haud alienum erit præmonere, magnam utique fuisse superiori sæculo, quod tu non ignoras, Pyrrhi hujus Ligo-

*Judicium  
de Operibus  
Antiquarius  
Pyrrhi Li-  
gorii inedi-  
tū.*

rii in colligendis undique residuis prisca ævi monumentis diligentiam, ac in iisdem delineandis, describendis, in certum ordinem redigendis, & pro capto etiam interpretandis, incredibilem quandam neque satis unquam prædicandam sedulitatem. Hinc optimos & publicos illius industriæ præcones nactus jam olim sibi conjunctos arcta id genus studiorum commu-

nione, Antonium Augustinum, Fulvium Ursinum, Onuphrium Panvinium, Annibalem Caro, & his ætate proximum Laurentium Pignorium, omnia clarissimæ famæ nomina. Sed certiores adhuc ejus rei testes exstant Herculeæ Viri lucubrationes antiquariæ etiamnum superstites, in quadraginta & plura volumina digestæ; quæ integræ adhuc in Taurinensi Bibliotheca, & hic in urbe magna sui parte in supellectile libraria Christinæ Augustæ, Farnesiana, & Barberina, instar præstantissimi cujusdam Thesauri, adservantur. Complectuntur vero illæ, tum consueto litterarum ordine & libris totidem, Geographicam locorum hominumque prisce ævi enarrationem, insertis passim Lapidum ac Nummorum monumentis; tum præterea Commentarios singulares in Græcorum & Cæsarum aliquot Nummos; ac insuper Tractatus quosdam peculiare ad illustrationem Romanæ omnique remotæ antiquitatis comparatos; De Religione & Dis Gentilium, Heroibus & Viris Illustribus, Ponderibus, Mensuris, Statuis, Monetis, Funeribus, Re Nautica, Vestiaria, Claris Familiabus Romanorum, de eorum Magistratibus, ac tandem distinctis quibusdam Tiburis, Villæ Hadrianæ, aliorumque id genus vel Rituum vel locorum explicationibus. Dum vero easdem fama & commendatione eruditorum hujus ac superioris sæculi mihi pridem notas, obiter versare licuit aliquoties, facile deprehendi multas latere in iis optimas prisce ævi reliquias, quibus vel imprimis prioribus Inscriptionum aut Nummorum veterum collectionibus ingens & præclara quædam accessio fieri posset; ac inde in omne litterarum & doctrinæ genus utilitas non levis redundare. Multa enim id genus hodie etiam haud amplius obvia, ibi recondi adversus injuriam temporum;

rum; multa etiam ab aliis secus aut propteran-  
 scripta, accuratius ibi aut fidelius, quam vulgo in edi-  
 tis legi; præter conspicuam singularis cujusdam in col-  
 ligendis iis, ac ubi opus fuit delineandis, industriæ  
 laudem. Sed neque illud vicissim dissimulabo, plura  
 passim occurrissæ congesta in tam vasta mole, quæ aut  
 dubiæ fidei, aut confessæ videbantur novitatis; ma-  
 gnâ in primis Nummorum segetem ipsa locorum aut  
 inscriptionum notatione quam oppido singularem. Et  
 quidem erratum videbam frequentius in Græcis id ge-  
 nus monumentis vel tradendis vel explicandis; adjun-  
 ctas certe iisdem interpretationes, nullum ferme usum  
 Græcarum aut interiorum alias litterarum manifesto  
 nimis arguere. Varia ejus rei exempla possem huc ad-  
 ferre, quæ subinde sese mihi ac dolenti quidem inge-  
 rebant, & quæ suo loco nonnunquam ac ordine, sed  
 cum pace ejus viri, cujus ossa quiescant molliter, lecto-  
 rum oculis subjiciemus. Sive itaque fatum illud sit o-  
 mnium vastarum collectionum, in quibus vulgo *πολλὰ  
 ῥα εἰσλὰ, πολλὰ ἢ λυγρὰ*; sive ea sit consuetudo huma-  
 ni ingenii pluribus intenti imbecillitas; sive fucus ab  
 aliis bono ac diligenti viro factus sit; sive nimio omnia  
 vetera ac nova promiscue congerendi studio labo-  
 rarit; sive revera majore animo ac labore improbio-  
 ri, quam idoneo provisu priscæ eruditionis & soler-  
 tiæ illius judicatricis instructus, rem tantam sit ad-  
 gressus; illud certo mihi constat, quod nec fidem ubi-  
 que decoquat, nec ubique mereatur, & in amplissima  
 messe,

*Infelix lolium ac steriles dominantur avenæ.*

Unde etiam, si mei voti res esset, mallet ego à vi-  
 ris eruditis ac in litteris id genus subactis, spicilegia  
 inde colligi bonæ frugis magnâ fide & cura; publico

usui eximie profutura ; ex quo sua Ligorio sedulitatis ac industriæ laus maneret illibata ; quam ut tota illa qualis exstat farrago promeretur ; quæ vel incautis posset imponere , avidis ad quamcunque ciborum novitatem ; vel etiam ut est sæculi genius , auctoris sui celebritati ac meritissimis alias laudibus haud parùm valeret detrahere. Atque candidum hoc meum de immensis laboribus Pyrrhi hujus Ligorii judicium , probatum quoque tuo calculo , citra ullam ejus contumeliâ prolatum velim ; neque certe in alium finem , quam ut inde constet , quousque fidei ejus ac auctoritati , quam maximam publica jam illi fama conciliavit , sit tribuendum , de qua hic etiam quæstio vertebatur , & forte sæpius in processu operis mentio erit facienda. Alterum vero hic monendum quoque videbatur , quod nihil traditum videam à viro doctissimo , de altera Nummi illius parte , qui istum Monocerota nobis repræsentat. Illud tamen valde fuisset opportunum , ut inde lux major adfulgeret , quando aut qua occasione idem ille sit percussus. Proximum est , viros doctos , sed in id genus antiquitatibus parum exercitados , ad Nyfam Indicam levi fundamento confugissè , & ad victorias ab Alexandro Magno de illa gente reportatas , in quo haud difficulter Cl. Reinesio adsentimur. Multa quidem exstant & teruntur manibus Procerum ac antiquariorum Herois hujus Numismata , proba illa quidem & genuina ; sed quæ expeditionum ejus Indicarum meminerint , fateor me nondum reperissè. Et quum præter Nyfam hanc Indicam , plures alias , & quidem novem urbes ejusdem nominis Stephanus Byzantinus commemoret , sitas in Eubœa , Thracia , Cilicia , aliisque id genus regionibus haud paulo vi-



lo vicinioribus, haud necesse fuit proinde dilabi ad ultimos terrarum Indos, & percussos inde Nummos accerere. Accedit opportune, quod ceu antiquus sit ac genuinus Nummus ille ab iis descriptus, ceu ad veteris alicujus normam novo signatus metallo certe, ΝΤΣΣΕΩΝ levi aut obvio errore legerint iidem, aut eum obtruderint, pro ΝΤΣΑΕΩΝ. Occurrunt enim plures Nummi, quod etiam fugisse videtur virum doctissimum, & optimæ quidem notæ, cum hac inscriptione ΝΤΣΑΕΩΝ. Percussi illi vulgo sub Hadriano, Pio, Marco, Commodo, Valeriano, modo cum Dei Luni effigie, modo cum Cere in bigis serpentum, modo cum Quadrigis, aliisque id genus symbolis. Ad quam vero Nysam referri debeant, & an ad unam singuli an ad diversas, non ita liquet: nisi quod plures illi, qui Luni effigiem repræsentant, Nysæ Euboicæ, transcribendi mihi videantur. Colligebam id primo obtutu ex Nummo Valeriani, quem nuper cum selectis aliis divulgavit Cl. Seguinus, in quo eadem inscriptio ΝΤΣΑΕΩΝ cum figura hujus Luni, infra vero Bovino Capite; quod ille ingeniose ad varias bicornis Lunæ cum Tauro similitudines, ego omnino ad Eubœam referebam, cujus symbolum passim in nummis novëram simile Tauri caput, & in qua Stephanus urbem Nysam hujus nominis tradit existisse. Quo spectare etiam memineram Nummos Magni hujus Alexandri, probos illos neque dubiæ fidei, cum adjunctis variis id genus symbolis Taurini Capitis, Sphingis, Rosæ, Pegasi, quæ nempe ab Euboicis, Chiis, Rhodiis, Corinthiis, signatos eosdem arguunt. Sed res patebit clarius ex sequenti schemate, cujus priorem Alexandri Nummum Gazæ Palatinæ, postea-

*De variis  
Nummis  
Nysæorum.*

posteriorem Nyſæorum Cl. Seguino acceptum ferimus.



Ad distinctionem itaque Nyſæ Euboicæ ab aliis urbibus ἡμῶν μοις, additum familiare Inſulæ ſymbolum Taurini capitis; ſicut vulgo etiam in Nummis Urbium Siciliæ, tria crura notum regionis inſigne ſolent denotare. Neque vero alias mirabitur quiſquam in eo Græciæ tractu cultum hujus Luni, quem non apud Aſſyrios ſolum Carrenos, ſed apud Græcos etiam ac Ægyptios familiarem, ex Spartiano liquet in vita Caracallæ. Haud aliter nempe ac maſcula Venus vel virilis apud Cyprios colebatur; ſub maſculo itidem nomine Ἀφροδίτη, ut me docuit Servius, & juxta ejus gloſſam, *ſecundum eos qui dicunt utriuſque ſexus participationem habere Numina*. Unde & viciffim Bacchus ἀνδρογύνος occurrit apud Suidam. Sed hæc alterius loci. An vero Nummus ille de quo agimus, deſcriptus à viris doctis cum Monocerote cornu cantharo inferente, (modo conſtaret de illius valore) ad hanc vel aliam Nyſam referri deberet, haud ita poſſem adfirmare. Ob Bacchi tamen memoriam, Cantharo, ut volebat etiam Aldrovandus, abunde indicatam, eundem Thracum Nyſæ co caſu lubentius imputarem, apud quos Liberi Patris cultum

Ad lib. 11.  
Æneid.

cultum familiarem, haud minus quam apud Nysæos Indos, probant alia Nummorum monumenta illius tractus, cum iisdem etiam Canthari aut reliquis symbolis hujus Dionysii. Geminus inter alios Nummus Thraciæ Pautaliæ, in quo Lyæus ille cum Cantharo; sicut alias fratri ejus Herculi Scyphum quoque suum varii Græcorum Nummi adjudicant, juxta divini vatis de eodem testimonium, *cui sacer implevit dextram scyphus*. Sed magis adhuc faciunt ad præsentem Nummum illi, in quibus ut Monoceros hoc loco, ita alia animalia è cyathis id genus bibentia conspiciuntur. Talis Nummus Iliensium Mediccus, in quo hinc Commodi effigies, illinc Aquila bibens è cyatho, cum adstante Ganymede & inscr. ΙΑΙΕΩΝ. Hæc vero si non probant omnino Nummi, de quo agitur, antiquitatem, (quod neque hic intendimus statuere) illud saltem evincunt haud incommode, neque illius inscriptionem, neque symbolum etiam animalis cyatho cornu inferentis, novum alias esse aut insolitum in priscis id genus monumentis; multo minus opus fuisse recedere adeo à lectione ΝΥΣΕΩΝ, aut ad alteram ΝΙΚΑΙΕΩΝ confugere, quum eandem istam ΝΥΣΑΕΩΝ præferant alias optimi & antiqui Nummi. Unde liquet etiam, quam minus adhuc sit necesse, alteram illam conjecturam ΚΥΚΕΩΝ, seu de potu miscello hic amplecti, cum ab omni usu ejusmodi inscriptionum plus satis alienam, tum merito ab eodem viro doctissimo prolata valde dubitanter. Alias plures quoque occurrunt Nummi ΝΙΚΑΙΕΩΝ, Nicææ nempe non Liguriæ sed Bithyniæ, & (quod hic non minus apposite) cum signato etiam Patris Liberi in iisdem cultu; qui etiam *αεγνήτωρ* illius urbis vocatur alicubi Dioni Orat. xxxv. Chrysofomo. Addam & illud insuper, haud novum

esse, ut quotidie eruantur monumenta prisce ævi, & ipsius etiam Herois Alexandri, quorum altum alias apud veteres silentium; neque continuo proinde suspecta sit aut labans eorundem fides, ut colligere videbatur vir eruditissimus. An vero nulla plane mentio sit hujus Monocerotis apud Aristotelem, ut idem censet, nondum ita liquere mihi videtur. Dubium certe illud in ancipiti reliquit Cæsar Scaliger, annon eum forte nomine *ὄνυξ Ἰνδικὴ Μονοκέρατος* designarit Stagirita. Eadem certe legas Monocerotis vel Asini Indici descriptiones apud Ctesiam, Plinium, Ælium, ut non diftentur viri docti. Et quamvis quæ vulgo figura Monocerotis describitur, ab Asinina satis recedat, ut haud difficulter concedam Cl. Reinesio, nihilominus vel solus ille mugitus gravis seu asininus, quem illi tribuit Plinius, facile impellere potuisset Aristotelem, ut illi Asini Monocerotis seu Unicornis appellationem tribueret. Firmare id posset luculenter meo iudicio exemplum Hippopotami superius adlati; cui cum alias figura ab Equina satis sit diversa, & magis ad Bovinam accedat, ob hinnitus tamen aut soni cum Equo similitudinem, Equi etiam nomen idem tribuit Aristoteles. Neque alias ignotum fuisse veteribus aliquem id genus Monocerota, non ex clarissimis solum apud Gentiles scriptoribus liquere videbatur, sed quod aliquanto majoris erat auctoritatis, ex prisca sacrorum librorum fide, certe ex gravi LXX Græcorum Interpretum testimonio, qui illud Hebræorum *עמר* constanter per vocem *Μονοκέρατος* expressere. Hinc illa quoque Hebræorum traditio, quæ Monocerota Josuæ symbolum adsignavit. Unde & illud insuper colligitur huic loco maxime consentaneum, haud mirum certe fore vel insolitum, si expressa foret in aliquo Nummo veteri figura  
vel

vel memoria hujus animalis. Equidem videas passim insolitas id genus feras aut minus obvias, ad memoriam posterorum, aut spectaculi novitatem, frequenter in iisdem consignari; quod jam indicavimus Hippopotami aut Rhinocerotis exemplo, & mox ulterius evincetur. Sed quæcunque tandem sit traditio de hoc animali, aut vi ejus salutari; quam hic in medio relinquimus, illud certe constat, male hunc Unicornem cum priori illo Rhinocerate confundi à tot claris scriptoribus, aut huic illud Hebræorum ארי secus tribui ab iisdem, quod viderunt jam eruditi. Alias vero non Unicornem, quod tamen innuebant vetusti illi Interpretes, sed Bicornem à Mose ac Davide describi hoc animal, & de Capra utroque cornu obvios feriente intelligendum, adserentem novi Cl. Bochartum in novissimo opere, quod ab erudito lectore consulendum. Et hæc obiter ad majorem quandam lucem, illius in qua versamur disquisitionis, nulla me cum viris doctis committendi prurigine, qua utique non laboramus; neque alias quadam de Nummo nobis haud inspecto certo aliqui id statuendi fiduciâ. Sed vel ita illis & argumento simul fuit inserviendum.

HYÆNAM quoque solenni celebritate Ludorum sæcularium, Romæ conspectam, Philippi Senioris Nummi aliquot rariores repræsentant; quod aliàs ignotum Europæ animal tradidit Julius Scaliger. Præcipua nempe hæc fuit sequioribus sæculis, cum sæcula-

Com. in  
Hist. Anim.  
Aristot. vi.  
c. 32.

rium, tum aliarum editionum munificentia, ut à peregrinis iisque ignotis ut plurimum animalibus, muneribus suis dignitatem ac famam conciliarent Editores; ubi Elephantum, Tigrum, Leonum, Leopardorum, Hippopotami, aliarumque belluarum Libycarum vulgaris jam voluptas evaserat. Hinc temporibus etiam

suis gloria ac celebritas quæsitæ. Vopiscus, *memorabile maxime Cari, Carini, & Numeriani hoc habuere imperium, quod ludos Romanos novis ornatos Spectaculis dederunt.* Ita maxime Principum Natalibus feras insolitas ex India aut Æthiopia præter Ægyptias vulgo accersitas, cum aliunde, tum ex Eusebio liquet in Natalibus Maximiani Cæsareæ celebratis. Idem de Prætorijs etiam aliisque ludis legas aliquoties apud Symmachum; *Ludos Prætorios properamus, quorum ornatus peregrina desiderat, ut novo cultu Romana splendescat editio.* Cujusmodi insolitas amphitheatricas voluptates eleganter describit alicubi Calpurnius,

Hist. Ec-  
cles. l. vii.  
c. 6.

Lib. ix. E-  
pist. 125.

Eclog. x.

*Ordine quid referam? vidi genus omne ferarum.*

*Hic niveos lepores, & non sine Cornibus apros;*

& quæ plura id genus in sequentibus commemorat. Alibi tamen CROCODYLOS in præcipua hujus voluptatis parte apud Romanos existisse, vulgato licet

Lib. x. Ep-  
19.

eorum adspectu, liquet ex eodem Symmacho; *Praeteris autem qua Romana Spectacula desiderant, CROCODYLOS functio theatralis efflagitat.* Ut non mirum proinde sæpius in nummis Cæsarum expressam itidem figuram hujus animalis, alias haud ignotam; aut ejus imagine cum Nilum tum Ægyptum frequenter in iisdem adumbrari, ut vidit jam olim Plinius. Res obvia ut cum aliunde, tum ex vulgatis jam Nummis Augusti & Colonia Nemausensis, in memoriam subacti illius Regni.

Lib. xxxvi.  
cap. 2.



Neque

Neque vero piguit obvium alias & familiarem in Cimi-  
 meliis ac libris antiquariorum Nummum huc adferre,  
 ut inde illustretur Hesychius, cui explicatur vox *δενδρε-  
 της κροκόδειλ* Ⓞ, qualem utique haud male videtur in-  
 nuere Crocodilus iste palmæ adligatus; nec diffitetur,  
 quem postea consului, doctissimus Bochartus in præ-  
 fatione Hierozoi. Haud enim omnes fluviatiles seu è  
 Nilo Crocodili, quamvis ob eos in Indo fluvio reper-  
 tos, continuo Nili fontes in illo terrarum tractu, sed  
 irritò labore, sibi investigandos crederet Alexander,  
 uti narrat Arrianus. Equidem diserte alibi fluviatiles Lib. v r.  
 ac terrestres Crocodilos distinguit idem Hesychius, &  
 diu ante illum Aristoteles, sicut jam monuerunt Viri In voce  
 magni. Tales utique, ut hoc addere mihi liceat, qui Κροκόδει-  
λ Ⓞ.  
 in antris & puteis, quo mansuescerent, apud Diospo-  
 litas Ægyptios educati, & præcipua quadam apud eos  
 relligione culti, ut me docuit Stephanus Byzantius; In voce  
 cujus locus obiter adducendus est ac emendandus, εἰς τοὺς ποταμούς.  
*ἢ καὶ ἄλλαι μικραὶ* (nempe urbes dictæ Diospoles) *ἐν Λι-  
 γυπτιῷ ποταμοῖς, ὧν ἐν τῇ μείᾳ πηλοστένυσι σὺν Κροκόδει-  
 λοῖς, ἐν αὐτοῖς καὶ φρέασι σίβοντες μέλαι, τοὶ πο-  
 τAMOY ἡρομόλως μηδ' εἰ σφίδρα λείποντο.* Negantem  
 audis aperte *ποταμίως* fuisse, seu è Nilo Crocodilos illos  
 Diospolitianos, quæcunque de iis in contrarium tra-  
 ditio exstaret. Ex quo loco præterea illustrandus, cum  
 cruditissimus Clemens, qui Diospoli itidem apud Æ- Lib. v. Stro.  
 gyptios in æde sacra præter alia expressum quoque  
 Crocodilum narrat; tum sanctissimus Martyr Cypria-  
 nus, *CROCODILI & Cynocephali, & lapides & serpen-  
 tes à vobis coluntur.* Non autem communis omnium  
 Ægyptiorum Deus, sicuti reliqua illa animantia, quæ  
 ut toti genti sacra recenset alicubi Geographus, sed Strabo lib.  
 juxta Ovem, Lupum, Simiam, aliaque id genus, xvi 1.



In Jove  
Tragædo.

Lib. xvii.

11 Chro-  
nic. xii. 3.

In voce  
Zaphn.

cus tantum quorundam Ægypti locorum, ut ex Lucia-  
no præterea discas; aliis Tentyritarum exemplo inter-  
necinum cum Crocodilis bellum gerentibus. Varia au-  
tem Crocodilorum apud Ægyptios nomina; neque  
unam speciem existisse, vel inde liquet, quod sicuti  
*δενδεῖτης* Hesychio Crocodilus superiori nummo, ut  
videtur expressus, ita occurrebat mihi nuper apud Da-  
mascium in vita Isidori, *Σέχης ὄνομα ἡ Κροκοδείλος ἢ εἰ-  
δός*, *Souchis* vero nomen & species Crocodili. Unde emen-  
dabam Strabonem, cui *Σέχης* idem vocatur, & quem  
apud Arsinoitas cultum docet. Illam enim termina-  
tionem in *is*, Ægyptiis familiarem cum aliunde novi,  
tum ex pleraque locorum ita desinentium apud eos  
terminatione, Stephano Byzantio frequenter indi-  
cata: unde Strabonis potius quam Photii Codices in  
ea voce emendandos liquet. At vero haud male ita di-  
ctos id genus Crocodilos liceret statuere, quod non  
in paludibus solum, sed etiam in antris ac speluncis,  
Diospolitarum exemplo, ut paulo ante è Stephano vi-  
debamus, alerentur. *סכח* *succha* certe Hebræis, (qui-  
bus multa cum Ægyptiorum idiomate communia no-  
tarunt eruditi) antrum & spelunca, unde & *Succhaos*  
seu Troglodytas, inter militantes Ægyptiorum Regi  
Chronicorum auctori commemoratos, deducebat in  
suo Phaleg doctissimus Bochartus. Haud aliter vero ac  
Diospoli loco supra adlegato Stephanus, ita alibi quo-  
que idem docet in fonte quodam Zareta prope Cal-  
chedonium mare, parvos id genus Crocodilos educari  
solitos. Cæterum vel ex superiori nummo, aliisque id  
genus sub Augusto, aut vero in celebritate sæcularium  
sub aliis Cæsaribus percussis, abunde liquet quanta fue-  
rit hujus feræ apud veteres celebritas; unde & præci-  
pua ludis Romanorum solennitas, & nobilissimo Re-  
gno

gno insigne passim peti meruit. Unde & nobilis illius  
 civitas Arsinoë, dicta urbs Crocodilorum, aliaque  
 haud procul Thebis Ægyptiis, juxta Strabonem. Ne- Lib. xvii.  
 que aliter Equi Thessaliam, Arabiam Cameli, Africam  
 Leones ac Elephantes, Syracusas, Neapolim, Messin-  
 nam, Tarentum, aliasque maritimas civitates Delphi-  
 ni designare solent, in Nummis eorundem locorum;  
 ut præcipui nempe illorum vel foetus vel accolæ. Ut  
 jam mittam Hispaniam, cujus index veluti ac tessera  
 Cuniculi; sicut liquet ex obvio Nummo, sedentis cum  
 oleæ ramo mulieris & adstante Cuniculo, peculiari Hi-  
 SPANIÆ Symbolo. Qui Nummus optimus inter-  
 pres *Cuniculosa* Catulli *Celtiberia*; & mire insuper illu-  
 strat, quæ de nomine ipsius Hispaniæ, quasi à copia  
 Cuniculorum deducto, ex lingua Phœnicum erudite  
 observat doctissimus Bochartus, in præclaro opere  
 Geographiæ sacræ. Sed hæc obiter, de quibus nempe  
 agetur accuratius suo loco, ubi ad regionum ac Urbium  
 illustrationes è Nummis petendas deveniemus. Ut  
 vero in viam redeamus, à qua me tamen vix crederem  
 aberrasse, HYÆNÆ, de qua paullo ante agebamus,  
 contentæ in Nummis figura docere potest, quam cum  
 Porco, unde illi nonien, communionem habeat: cujus  
 inter alia, vis in Magicis præ reliquis olim animanti-  
 bus celebrata, unde & in hanc rem Lucano *dura nodus*  
 HYÆNÆ commemoratur: quem locum perperam à  
 viro magno ad Solinum explicatum alibi vindicabi-  
 mus. Sed ferimus ægre, non esse jam nobis ad manus  
 vel Nummos vel Icones inde depictas, cum figura sa-  
 gacis hujus feræ, quam hic opportune lectorum oculis  
 subjiciamus. Præter vero Auctores alios, meminit quo-  
 que Porphyrius in aureo libello, calliditatis Indiciæ, Lib. iii. de  
 quam vocat, Hyænx; qua, humana voce simulata solet Abstin.  
 incautos opprimere.

Alias

Jul. Cæf.  
lib. v l.  
Comm.

Alias vero haud minus ex nostro quoque Septentrione, quam ex Oriente aut Meridie quaesita tandem id genus spectaculis celebritas. Testes præ aliis *ALCES*, feræ olim Hercyniæ sylvæ, quas ad amphitheatrales pompas à Gordiano cum pluribus id genus destinatas, Philippus successor Ludis sæcularibus exhibuit. Capitolinus; *Fuerant sub Gordiano Romæ Elephantum xxxii. ALCES x. Tigres x. Leones mansueti lx. Leopardi mansueti xxx. Hyana x. Gladiatorum Fiscalium parva mille, Hippopotamus unus, Rhinoceros unus, Archoleontes x. Camelopardali x. Onagri xx. Equi feri xl. Et cætera animalia innumera & diversa, quæ omnia Philippus Ludis Sæcularibus vel dedit vel occidit.* Unde etiam inter Nummos Philippi sæculares, aliquos cum Alce aut Cerva descripserunt viri docti; neque tamen quod sciam inde producta ejus iconè. Unum videas apud Erizzo, cum figura insoliti animalis; quod ille quidem, ut incertum & hirco simile contentus fuit obiter indicare, ego vero ad Alcem illorum temporum referre omnino non dubitarem.

Occo pag.  
447.



Multa sunt quæ me movent, ut hanc fuisse veterum Alcem existimem, de qua tot sunt alias ac tam variae scriptorum nostri ac prisce ævi dividiæ, quas hic meas non facio. Neque vero illæ solum occurrunt de nomine aut

ne aut aliqua proprietate hujus animalis, ut paulo ante de Hippopotamo aut Rhinocerote videbamus, sed de tota ejus figura; quam nempe alii Capræ, alii Jumento, alii Cervo, alii Mulæ etiam consimilem faciunt. Contulit obiter inter se eas divdias, puta Julii Cæsaris, Plinii, ac Pausaniæ, Magnus Solini interpres; neque quidquam præterea. Minus adhuc moror turbam reliquorum, qui non aliam vulgo Alcem, quam *Elend* dictam nostratibus, nonnullis Magnum Animal volunt agnoscere. Nec enim me illorum numerus junctæque umbone phalanges deterrent; quin feram hanc in superiori Nummo depictam, pro vera veterum Alce ausim haud cunctanter venditare. Primum illud est, quod modo ex Capitolino constabat; nempe hac solennitate Milliaris Sæculi à Philippis celebrata, Alces quoque exhibitas. Inscriptio autem Nummi hinc Philippum, illinc SÆCULARES AUGG. Patris nempe & Filii arguit, & memoriam spectaculi id genus Circensis. Nec vero ad aliud iste Nummus referri potest securius, quam ad Alcem; si consulas totam seriem descriptorum Animalium, quæ ut præcipuas eorundem Sæcularium celebritates, & diversis data missionibus commemorat Capitolinus. Alterum, vix notam hæctenus Romanis feram, quantum licet aliunde colligere, meruisse maxime signari ad recordationem illius festivitatis; sicut de Rhinocerote sub Domitiano; de Hyæna vero, Hippopotamo, Elephantæ, Crocodilo, Leone etiam, aliisque vulgo jam notis, videmus ex eadem Nummorum penu contigisse. Certe sequutis inde temporibus, inductas sæpius ad spectacula Romanorum Alces, ut ad spectu & raritate singulares, docuit me præterea Calpurnius; ubi

inufitatas ac folennes Cari & liberorum ejus describit Editiones,

*Ordine quid referam, vidi genus omne ferarum,  
Hic niveos lepores, & non sine cornibus apros.*

*Manticoram, & fylvis etiam quibus editur* ALCEN.

Per fylvas nempe, Hercyniam videtur innuere, quarum incolæ olim Alces, juxta Cæfarem. Tertium vero & præcipuum, occurrere non pauca in hac figura cum Alce veterum communia, in quantum patitur incerta & diverfiffima illorum de hoc animali narratio. Vides utique illius, juxta Cæfarem, ad primum statim adfpectum, *confimilem Capris figuram & eandem magnitudine antecedentem*, imo etiam aliquo modo juxta Plinium, reliquam corporis formam à jumento haud alienam. Nam quod adfunt cornua & crura cum nodis & articulis, quæ in Alce Cæfar haud agnofcit, in eo liquet ex Plinio ac Solino, cum vel Alcen cum Machli illi haud diffimili confudiffè, de qua ifti tradunt nullum illum fuffraginum flexum, aut vero fœminam cum mari

In Eliacis.

miscuiffè, cui priori folum cornua demit Paufanias. Nec mirum præterea, fi de fera adhuc Romanis parum nota fecus quædam, aut inter fe diverfa, antiquiores fcriptores tradiderint; quod iifdem in aliis magis obviis accidiffè, neque tu ignoras, & vel adlata paullo ante exempla Hippopotami, Rhinocerotis aliorumque id genus fatis arguunt. Palmarium vero illud, quod Capræ haud abfimilem Cæfar agnofcat, ac eadem majorem; quorum utrumque figuræ hujus adfpectus fatis meo judicio ante oculos ponit. Unde liquet etiam haud opus nunc effè emendatione illuftris Salmafii, qui Capras hic apud Cæfarem in Capreas mutat; cum ad priores magis, quam ad posteriores accedat fupior effigies. Neque illam mutationem evincit addita

mox

mox à Cæsare pellium varietas, quam præmissa ab eodem Capreæ figura per se satis indicasset; ut non fuisset necesse proinde Cæsari eadem distinguere, *habere consimilem Capris figuram, & varietatem pellium*. Alias apud Comicum, *Caprigenum genus*, de Capreis dictum videas,

Plautus in  
Epidico.

*qui varie valent*

*Caprigenum hominum non placet mihi, neque pantherinum genus.*

Illud enim *Caprigenum genus*, de *Capreis* intelligendum non de *Capris* satis liquet, in quibus utique haud occurrit illa varietas pellium, ad quam adludit Comicus. Cur vero recentiores magnum suum Animal, seu Germanorum *Elend*, Alcis nomine indigitarint; aut eandem cum Alce veterum statuunt, ipsi viderint. Nunquam certe feras tota specie, ut liquet, diversas in unam eandemque, sicut in unum nomen tam facile sociabunt; facilius certe, *jungentur jam Gryphes equis*. Vel sola in super ab iis prolata iconum hujus feræ diversitas, in quantum iis fides sit habenda, satis arguit. Sed non scribimus hic Historiam Animalium, aut vero tantum nobis otii, ut de iis inter se, aut quod factu difficile, cum veteribus conciliandis, multum jam laboremus.

Alias selecta quædam è CAPRINO genere Animalia, neque vulgo obvia eadem antiquaria supellex nobis subministrat. Quamvis enim, quod tradit alicubi Plinius, in omnibus animalibus placida & fera reperiantur, CAPRÆ tamen in plurimas similitudines Lib. VIII. cap. 53. transfigurantur; dari enim Capreas, Rupicapras, Ibices, Oryges, Damas, & quæ plura hujus generis ibi commemorantur. Unum animal eodem referendum, neque superiori valde dissimile suppeditat

Tab. lxxx. nummus Ennæ urbis Siculæ apud Parutam, cum inscriptione ΔΑΜΑΤΗΡ in una, & ΕΝΝΑ in altera parte.



Cererem in priori Nummi area signatam non solum, sed inscriptam haud mirabitur, qui hanc Urbem Templo & simulacro ejusdem nobilem apud <sup>a</sup> Ciceronem, <sup>b</sup> Strabonem aliosque passim legit, & ista quidem apud Melam, *Famam habet ob CERERIS Templum ENNA.* Unde & ENNEA CERES dicta Claudiano,

*Ennea Cereri proles optata virebat.*

Neque Doricæ etiam dialecti causam in hac voce ΔΑΜΑΤΗΡ requiret, qui novit eam Siculis familiarem, nec aliam certe quærendam in urbe Syracusanorum Colonia, quos more consueto coloniarum, Metropoles suæ Corinthi dialecto usos constat. Animal autem, quod exhibet averfa Nummi area, è Caprino simul ac Cervino genere satis arguit magnitudo instar Cervi, varietas pellis, Caprina cornua, barba seu villus è mento dependens, pedes denique bifulci. Quamvis enim nostrates Capræ ac Damæ vulgo minores occurrant, at notum aliunde plures dari majores, & Cervo magnitudine pares. Tales utique Afrorum vulgares illæ *Gazelle*, juxta vocem Arabicam, غزال, de quibus inter alios consuli potest Marmolius, Gallice nuper admodum

<sup>a</sup> V. in Verrem.

<sup>b</sup> Lib. vi.

Lib. i. de Rapt. Proserp.

Vid. Steph. πρ. πρ.



modum conversus à Gallorum interpretum principe Ablancourtio, & firmant insuper aliæ voces, quibus promiscue Capream, Damam, & Cervum notant, ut liquet ex Arabum Lexicographis, & vidit etiam harum litterarum decus Samuel Bochartus. Neque etiam minores ex eodem Caprearum aut Damarum genere qui Veteribus *Hippelaphi*, *Tragelaphi*, & *Pygargi*, nuncupantur. Hippelapho certe seu Equi-cervo haud dissimilem figuram tribuit Aristoteles, formam nempe Equi & Cervi, unde illi nomen, jubam tenuem à capite ad armos, villum instar barbæ dependentem magnitudinem Cervi, Cornua Capris proxima, pedes bisulcos. Apud Arachotas autem, h. e. gentem Indiæ vicinam reperiri tradit, sicut Tragelaphum seu Hircocervum Plinius non alibi, quam juxta Phasin amnem, sed quem & in Syria & in Arabia etiam exstare author est Diodorus. At vero haud male quis ad PYGARGUM referre posset superiorem effigiem, quem ab albis natis nomen hoc sortitum liquet, ut ex antiquo Juvenalis Scholiaste observarunt jam viri docti. Rationes autem hujus rei dari possent, prima quidem quod inter Caprearum etiam & Damarum genera à veteribus recenseantur, ut observarunt etiam viri doctissimi Gesnerus & Bochartus, & quidem à Plinio diserte loco supra adlegato, ubi de variis sylvestrium Caprearum generibus agit; *sunt & Dama & PYGARGI & Strepsicerotes*. Unde eosdem etiam cum Capreis, Cervis, Hinnulis conjungunt Herodotus ac Ælianus. De priori mox videbimus. Posterior autem ἄπλμα ὃ νεῖροι καὶ ψεύες καὶ ζῆρες τι καὶ πύργου Timida autem animalia sunt Hinnuli, & Cervi, & Caprea, & Pygargi. Altera, quod animal fuerit in Africa obvium, teste Herodoto; κατὰ τὸν Νεμαίαν δὲ ἐστὶ τέτιον ἔδεν, ἀλλ' ἀλλὰ πίδα ΠΥΓΑΡ-  
Lib. I II.  
Hist. Anim.  
cap. I.  
Lib. VII.  
cap. 33.  
Lib. II.  
Hist. Anim.  
L. VII. c. 19.  
Lib. I v.

ΓΟΙ, καὶ ζορκάδες, καὶ βεβάλιες, καὶ ὄνοι. *Quorum nihil apud Afros pastorales est, sed alia veluti PYGARGI, & Caprea, & Bubali, & Asini.* Nota autem vetusta & continua Africae & Siciliae commercia, vicinia, linguae communione, coloniarum frequentia introducta continuo & stabilita. Unde & cum aliarum rerum, tum animalium etiam rariorum facilis vectura, & ad rei memoriam, quod alias solemne; nummis etiam consignari meruit. Hinc Plinius quoque Pygargos refert inter ea animalia, quae *transmarini situs mittunt.* Non par autem hic vel Hippelaphorum, vel Tragelaphorum seu Hircocervorum ratio, quorum postremos multi, quamvis immerito, fabulosis adnumerant. Si quis tamen malit figuram superiori nummo expressam simpliciter è majorum Damarum seu *Gazellarum*, quas vocant, genere statuere, quibus adhuc hodie Africam feracem constat, haud equidem reluctabor. At vero aliam rursus CAPRAM haud vulgarem eique inequantem nudum barbarum videas in sequentibus nummis Himeræ urbis itidem Siculae.



Capra

Capra hæc, ut cernis, cum proluxo cornu in tergum reflexo, in priori Nummo aure longa & demissa, jumentum instar sessorem ferens, & ad cursum comparata. Hanc autem continuo fatearis ex earum genere, quas in Oriente tradunt reperiri, cum longis auribus, & quidem palmæ longitudine, quibus jumentum aut cameli loco vehi soleant tenuiores homines, & quibus vulgo

MAMBRINÆ aut CAPRARUM INDICARUM nomen inditum. De longis ac demissis auribus fidem faciet Aristoteles, ἐν τῇ Συρίᾳ τὰ ποσειδάωνος ὄρεα ἔχοντες

τὴν πλάτην πηχέως, τὰ δὲ ὄντα αἰαίγες πηχυαῖς καὶ παλαιαῖς, καὶ ἐνταῖς συμβάλλουσιν τὰ ὦτα κάτω ἀλλήλαις; hoc est

juxta Gazam, *In Syria oves sunt cauda lata ad cubiti mensuram, CAPRI AURICULIS mensura palmari & do-*

*drantali, ac nonnulla etiam quibus inferne aures inter se coeunt* : quæ postrema minus recte expressit Gaza, ac

*nonnullas demissis ita ut spectent ad terram.* Jumentum autem vicem præstare illas Capras docebit Leo Africanus, *Ego quondam juvenili fervore ductus horum animalium*

*dorso insidens ad quartam milliari partem delatus fui.* Clarius autem scriptor Italus apud Gesnerum, *Capra Mambrina in regione Damiatina dicta, fert equitantem, sellam, fre-*

*num & cetera quibus equi instrui solent, admittit.* Neque vero in Syria solum & vicinis locis, sed in Africa etiam

reperiri tradunt Capras id genus, quas vulgo *Adim-*

*mayn* vocant, & quo referenda videtur superioribus nummis expressa, ob viciniam & commercia utriusque

gentis Siculæ & Africanæ. Marmolio certe, luculento scriptori rerum Africanarum, describitur *ΑΔΙΜ-*

*ΜΑΥΝ*, animal cicur instar Arietis, vituli magnitudine, cum demissis itidem & longis auribus infantes

sessores admittere, ac ultra milliare deferre. Quo referendum etiam proverbium Arabum doctissimo Bo-

charto

Lib. VIII.  
Hist. Anim.  
cap. 28.

charto commemoratum, *Capella post Camelas*, de angustia nempe post copiam; quod ubi Camelis solent vehi, redacti sint ad Caprarum vecturam. Neque vero eam omnino insuetam aliis Gentibus, certe in ludis Equestribus & militiæ rudimentis, tyronibus ac pueris frequentatam ex Anthologia & Juvenali erudite jam observavit idem vir magnus modo laudatus. Ut non mirum etiam Hirco insidentem videre Cupidinem in denario Gentis Fonteïæ. Pernicitatem vero ejusmodi Caprarum, quam superior videtur etiam arguere ad cursum incitata, vel ex Oppiano licet colligere,

De Venat.  
lib. II.

Αἰγῶν δ' αὖτε πόλ' περβάτων π πανάγεια Φῦλα.  
Οὐ πόλλων τέτων οἶων λανίων π χιμάρων  
Μεῖζονες, ἀλλὰ θῆιν κραιπνοὶ θείαροί π μάχεσθ.

*Caprarum vero etiam sunt Oviiumque admodum fera secula. Non multo hisce nostris ovibus hirsutisque Capris majores, sed ad currendum pernices validaeque ad pugnandum. Sic inter Capras sylvestres, Ibices mirandæ pernicitatis docet Plinius. Unicornem vero eandem Capram superius depictam non mirabitur, qui vel Orygem Capræ genus unicornu, vel Capras sylvestres seu Rupicapras cum uno cornu è media fronte ac dorsum versus inflexo, in Carpatho monte, Segestana, Bulgaria reperiri observabit apud veteres aut recentiores Historiæ Animalium Scriptores; cujus generis etiam animalia vel Reem, vel Carcand, ceu Charfan Arabibus dicta docet supra laudatus Bochartus, quem consulere poterit eruditus lector. Sic unicornu etiam animal in Æthiopia obvium describit commemoratus aliquoties Marmolius, instar jumenti cum hircina barba, & cornu in media fronte longitudinis trium pedum. Sed en tibi adhuc ex eodem tractu duos Panormitanorum nummos,*

Lib. VIII.  
cap. 53.

prio-

priorem cum utraque nummi area, posteriorem cum averſa tantum parte, quibus Damæ rurfus aut Arietis genus peculiare ſignatum itidem occurrit.



Geminum priori Nummum poſſidet Gaza Medicea, & cujus ſignatum priori parte animal Arieti aut Hirco-cervo tribuebat eruditus ejus cuſtos. Quod poſtremum firmare poſſet Bellonius, cui Tragelaphus ſeu Hirco-cervus animal ſine barba cum cornibus Caprinis, ſed retortis ſicut Arieti, & cui præterea roſtro, fronte, & auriculis Ovem referre traditur. Sed obſtant præter alia, cum pili longi ac nigri, quos eidem, colli prona ſupinaque parte tribuit, ut barbatus videatur, ac inſuper circa ſtomachum, armoſ, pectus, juxta eam quam producit effigiem; tum autem Plinii & aliorum diverſa de hoc Tragelapho traditio, quæ nec Bellonii figuræ, nec ſuperiori nummo expreſſæ poteſt competere.

Lib. viii.  
cap. 33.

Plinius ubi de Cervis egisset superiori capite continuo subdit: *Eadem est specie, barba tantum & armorum villo distans, quem Tragelaphum vocant, non alibi quam juxta Phasim amnem nascens.* Barbam itaque & armorum villum in Tragelapho agnoscit, unde illi nomen, cætera Cervo similem; alium proinde ab hoc Panormitanorum animali, quod sine barba & illo armorum villo, ac præterea cum cornu non Cervino, sed Arietis instar retorto. Aliud Hircocervi genus describit nobis Nicolaus Menardus; Animal nempe Cervo simile magnitudine, capite, ore, agilitate, pilis, cornibus autem in tergum reflexis inque extremo contortis, pedibus ingenti Hirco simile, & quod in remotis Africæ partibus reperiri tradit. At nec Arietinum aut Ovinum caput, nec varietatem pellium illi adscribit, quorum utrumque præfert superior nummus. Scilicet quemadmodum in Caprarum genere, aliæ ad Cervorum naturam ac formam accedunt, ita aliæ rursus ad Ovium figuram, cum quibus alias magna illi animali societas & communio intercedit; unde & communes Hebræis aliisque Orientalibus voces, quibus utrumque animal designatur. Ita *Musmones* in Sardinia reperiri observat Strabo, Arietes nempe quibus pilus Caprinus loco lanæ, *Γίνονται ἢ ἐν ταῖς οἰ τοῖς φόνος αἰγῶν ἀντ' ἐπέας κεκοί, καλὰ ἀροὶ ἢ Μάσμονες.* *Nascuntur ibi Arietes, qui lana loco pilum ferunt caprinum, & vocantur Musmones.* Ne vero superius Panormitanorum animal idem cum hoc Musmone statuamus, (quod alias suadere posset Insulæ vicinia & ovinum ac arietinum caput) obstat rursus maculis distincta pellis, quæ non Capram sed Capream refert, & quæ rursus Africanum Capræ aut Damæ genus nobis adumbratur, etiam haud alienum ab iis animalibus, quæ vulgo hodie Barbariæ Damas indigitant.

Lib. v.

Ne-

Neque dissimilis figura alterius Animalis superius etiam depicti cum cornu Arietino & Hinnuli seu Capreoli itidem pelle, pluribus maculis distincta, & à Venatore apprehensi, quale rursus Siculo Gelonis Nummo acceptum ferimus. Communis nempe aliis quoque animalibus illa cum Capreis aut Capreolis pellium varietas. Plinius alicubi inter Indiæ animalia refert, *Et feram nomine Axin, Hinnuli pelle pluribus candidioribus* Lib. VII. *que maculis sacram Libero Patri.* Agmen hic claudant C. 21. postremo loco, tum peculiaris adhuc ARIES signatus itidem in Panormitanorum nummo, tum CERVÆ cornibus auratis insignis, obvia inter Saloninæ Gallieni Conjugis numismata.



Priorem haud dubito referre ad sylvestres illos Arietes, quales rursus apud pastorales Afros exstare tradit Herodotus; καὶ βασιάρια, καὶ ὑαίνα, καὶ ὑστρίχες, καὶ ΚΡΙΟΙ Lib. IV. ΑΓΡΙΟΙ. *Et bassaria, & hyana, & hystriches, & ARIETES AGRESTES.* In posteriori seu CORNUTA CERVÆ ne multum immorer, fecit Cl. Tristani diligentia, Tom. III. à quo jam observata, quæ peti ea de re poterant è poëtarum fabulis, puta Cerva Telephi, Herculis, Iphigeniæ loco substituta, quas *χευονίπρις* vulgo nobis describunt Sophocles, Euripides, Pindarus alique. Quibus addi potest Phrixi Cerva juxta Valerium Flaccum,

*Ipsa comes setis fulgens, & cornibus aureis.*

Lib. VI.



Lib. III. de  
partib. Ani-  
mal. c. 2.

Nota autem his, quam eo nomine Sophocli, gravissimo alias auctori, intendit Aristoteles in libro de Poëtica, quod Cervæ nempe cornua tribuat, qui alibi Cervis feminis cornua demit. Atticis autem *τινίλαφον*, pro Cervo usurpari, observarunt jam eruditi, atque ita quædam Aristotelis aliorumque auctorum loca, qui Cervis eo genere prolatis, cornua tribuunt, explicanda. Haud aliter nempe ac vel *πάρδαλις*, *τίγρις*, apud Græcos, vel *Panthera*, *Tigris* apud Romanos, aliæque familiares in Orientis linguis femininæ terminationes, promiscue de utroque sexu sumuntur. Repertas tamen nonnunquam cornigeras Cervas testantur cum Gunterus in suo poëmate, tum Julius Scaliger, & postremus quidem suis temporibus servatum adhuc captæ id genus Cervæ caput.

Lib. III.  
Poët. c. 9.

Capreas vero aut Caprigenum genus, de quo paullo ante agebamus, excipere poterit *PANTHERINUM*, quod cum Caprigeno ob varietatem pellium, conjungentem supra vidimus Comicum. Varia autem hujus generis animalia signata occurrunt in antiquis Nummis, & iis maxime quibus Libero Patri comites adjunguntur. Notum quippe sacras vulgo huic Deo, Tigrides, Lynces, Pantheras, & postremas inprimis, quas Bacchi proinde symbolum vocat Philostratus, *πάρδαλις* & *θεῶς σύμβολον*, & in quas proinde conversas Bacchi nutrices vulgo fabulantur Poëtæ. Hinc *Panthera* juxta eundem Philostratum in *Pamphilia* reperta cum torque aureo, & Armeniis litteris *REX ARSACES DEO ΝΥΣÆΟ*. Nota etiam ratio ejus rei, petita ex natura & indole illius animalis, quod vino inprimis deditum

Imag. lib.  
2.

Lib. II. de  
Vit. Apoll.  
cap. 1.

Lib. IV. Cy-  
neg. v. 319.

θηροὶ φιλακρήτισιν ἐμήπειο περδαλίεσσιν.

*Feris vinosus excogitavit Pantheris.*

Adeo

Adco etiam ut non alia arte in eo capiendo utantur venatores, quam apposito illi potu, ex quo continuo solet ebriari, quod fufe narrat idem Oppianus, & firmant insuper Arabum historiæ. Hinc mos ille Veterum in Bacchi simulachris Pantheriscum ad pedes ejus statuendi, in quem Deus ille vinum è Scypho effundit, quem dextra tenet, sinistra autem Thyrsum; Docet id nos Herodotus agens de veterum versatilibus scenis in quibus illo habitu depictum vulgo Bacchum tradit; *ἐν πελάται-  
νῳ τῇ ἀριστερᾷ χειρὶ θυρσον καίχων, ἐν δὲ τῇ δεξιᾷ σκύφον μεθύποιον.*  
*ὡς καὶ εἰς τὴν δὲ Παιθήρασκον πρὸς τοῖς δὲ Διονύσιον ποσίν.* &  
paullo post, *ἐν δὲ δὲ σκύφῳ οἰνῷ ἐγχυθίσσεν* *Θητὶ τὸ ὑπο-  
καίον Παιθήρασκον.* Sinistra quidem manu Thyrsum tenens,  
dextra autem Scyphum. Adsidet vero ad Bacchi pedes Pan-  
theriscus &c. Ex Scypho autem vinum in subiectum Panthe-  
riscum effundetur. Hunc autem morem luculenter illu-  
strant varii nummi superstites, in quibus Bacchum eo-  
dem plane modo depictum adhuc hodie videas, & qui-  
bus luculenti commentarii vicem præstat superior lo-  
cus, cujus ignoratione minus eosdem adsequebantur  
eruditi antiquarii. Tres hujus generis, eosque præcla-  
ros in primis & luculentos hujus rei indices, signandos  
hic duximus.



Prior nummus cum inscriptione DIS AUSPICIBUS  
sub Severo percussus, & jam à Cl. Tristano vulgatus, Tom. 11.

cui similem cum in Gaza Christinae Augustae, tum alibi me vidisse memini. Exhibet autem hinc Herculem cum Clava, illinc Bacchum juxta Heronis descriptionem, sinistra Thyrsum, dextra Scyphum tenentem, è quo in subjectum Pantheriscum vinum effundit. Sed dum dubitat Tristanus, an juxta Oconem, Canis sit nummo illo expressus, an Tigris, an Leopardus, an Panthera, & cum tandem tanquam de Cane explicat, minus feliciter in ejus interpretatione versatur. Plures alias occurrunt nummi apud eundem Tristanum, qui Bacchum cum Thyrso & ad pedes ejus Pantheriscum exhibent, quamvis sine Scypho. Alter vero supra expressus, & cum Bacchi habitu, Heronis descriptioni itidem consentaneo, ab Abonoteichitis in Paphlagonia sub Antonino Pio percussus, cujus ectypum Cl. Patini beneficio nunc primum vulgamus. Postremus vero Catinæ in Sicilia signatus, in Tabulis Parutæ occurrat, cum inscriptione in anteriori nummi parte ΚΑΤΑΝΑΙΩΝ. In eo autem ejusdem moris vestigium licet observare, Bacchum nempe vehiculo insidentem cum bijugibus Pardis, sinistra quidem Thyrsum, dextra autem Scyphum tenentem, è quo vinum non jam in Pantheriscum, sed in Pantheram aperto ore illud appetentem fundit. Ad quod etiam respexisse videtur Oppianus agens de Panthera.

Tom. 11.

p. 77. 207.

208. 236.

Lib. 117.

Cyneg. 2.

Τῶνεκεν εἰσέτι νῦν οἶνω μέγα καυχалоῶσι.

Δεχνύμεθα σωματίοσι Διονύσι μέγα δῶρον.

*Qua causa etiam nunc vino valde exultant,*

*Capientes ore Liberi Patris magnum munus.*

Unde etiam lucem foeneratur præclarus gentis Vibix denarius apud Urfinum, qui illinc Bacchum, hinc Pantheram exhibet cum Thyrso, & Larvam insuper Aræ impositam, solita Bacchi & Liberalium symbola; & quo

quo spectat itidem alius denarius gentis Carisiæ, cum simili fera ac Thyrso. Neque vero etiam parum hæc illustrat sequens nummus quantivis pretii, apud Cl. Patinum nobis inspectus, & cujus ectypum eidem rursus acceptum ferimus.



Percussus hic Nummus sub Vespasiano, & quidem Nicomediæ, Metropoli Bithyniæ, ut liquet ex nummi inscriptione, quæ præfert in priori parte litteras ΝΕΙΚΟΜ., in averfa autem quam expressimus Græcum nomen *Plancii Vari*, provinciæ illius Proconsulis. Hunc enim hujus Vari magistratum jam ante colligere mihi licuerat, ex duobus rarissimis nummis, quorum alterum videram in Gaza Medicea, alterum in Museo Christinae Augustæ. Prior itidem cum capite Vespasiani, & in averfa parte cum Herculis insignibus, Clava, Phætra, Arcu, ac inscript. ΑΝΚΙΟΥ ΟΥΑΡΟΥ ΑΝΘΥΠΑΤΟΥ, seu *Plancio Varo Proconsule*. Alter vero, quem ob attritas vetustate litteras legendum & explicandum mihi tradiderat antiquariorum apud vos princeps Franciscus Gottifredi, Vespasiani itidem caput & præterea locum signati nummi ΝΕΙΚΟΜΗΔ. seu *Nicomediensium* præferebat, parte autem averfa caput turritum & inscr. . . ΝΚΙΟΥ ΟΥΑΡΟΥ ΑΝΘΥΠΑΤΟΥ, hoc est rursus, *Plancio Varo Proconsule*; ut exas aliquot ac fugientes in priori voce litteras haut difficulter supplebam, etiam ante visum nummum Patin-

nia-

nianum. Idem nempe hic Plancius Varus cum eo cuius Tacitus alicubi meminit, quem Prætura functum, Dolabellæ Othone mortuo accusatorem narrat existisse. Sed corrupte apud Tacitum *Plautius* pro *Plancius* hactenus vocatur, qui ex indubia trium, quos modo tradidi Nummorum fide emendandus venit; *Dolabella audita morte Othonis urbem introierat. Idei PLANCIUS VARUS prætura functus ex intimis Dolabella amicis apud Flavium Sabinum Præfectum urbis objecit.* Ita & Tacito sua verba & huic Plancio suam gentem, qui in alienam irreperat, restituimus. Diversæ enim Gentes seu Familiæ *Plancia* & *Plautia*. *Vari* autem cognomen multis Gentibus olim apud Romanos commune, ut Arriis, Attiis, Quinctiliis, Vibiiis, aliisque, ac ut hic liquet, Planciis. Vides autem quibus artibus in Vespasiani gratiam irreperit vir prætorius ac Bithyniæ, quod nummi superiores arguunt, sub eodem Cæsare Rector, Bithynia enim una è Populi Provinciis, ad quas regendas sub Proconsulis nomine mittebantur viri Prætorii, ut ex Dione constat, & qua de re alius occurret in sequentibus dicendi locus. Animal autem eodem nummo signatum, haud aliud quam Græcorum *πάρδαλις*, Romanis vulgo *PANTHERA*. Id utique satis arguit cum varia, & maculis distincta pellis, unde orientalibus *נמר* *Namer*, & *Varia* Romanis dictæ eadem feræ, tum Cantharus ille, quem unguibus apprehendit, vinosis ut modo vidimus Pantheris apprimere conveniens. Familiare insuper in Asia feræ genus, ac vel inprimis Caria & Lycia, ut liquet ex Agatharchide apud Photium, ac præterea ex *Æliano*, cui *πάρδαλις, καρχήδ, λυκακή* vocatur. Inde petita ejus in Romanis spectaculis celebritas & frequentia, de qua consuli potest Plinius; ut mittam Ciceronis eo nomine apud Cœlium accu-

ratas

Lib. 11.  
hist. c. 63.


Lib. 111.

Cod. c c l.  
cap. 35.

Lib. xvii.  
cap. 43.

tatas ac sollicitas preces. Hinc in similis forte editionis memoriam, sub Varo Bithyniæ Præside, eadem fera superiori nummo à Nicomediensibus signata, sicut utique simili occasione nobiles id genus feras huic memoriæ vulgo impressas vidimus. Neque enim Romæ solum, sed passim in Provinciis, ac Metropolitibus imprimis, theatricas id genus voluptates locum habuisse vulgo notum. Quanquam hac in parte, Nicæam Theatrorum voluptatibus, Nicomediam vero doctrinæ ubertate præstantiorem tradat alicubi Libanius. Mitto Tom. I r.  
de Vita sua. vero illos, qui magnum inter *παρδάλεις* & Pantheras discrimen quærunt, quos prolixius Græcorum & Romanorum scriptorum consensus abunde refellit. Illud vero indicasse obiter haud supervacaneum puto, ita signari vulgo in nummis antiquis Pardos, aut Pantheras, vel Pantheriscos, aut etiam Tigres, ut non continuo maculis illis distinctum corpus præferre videantur, quibus tamen vel virgatis juxta Tigres, vel orbiculatis juxta Pantheras, hæc animalia constat insignita. Quod monetariorum incuriæ omnino transcribendum, qui nonnunquam minus accurate figuram horum animalium tradidere. Unde factum, ut vulgo antiquariorum etiam principes, obvia id genus in nummis animalia promiscue soleant de Tigridibus, Pantheris, aut Leopardis etiam interpretari, ac Pantheras ut plurimum nobis pro Tigridibus obtrudere, sicut alias easdem hodie Pantheras passim cum Leopardis confundi notum.

BISONNIS alias caput, bovis feri ac setosi, neque infucti etiam in Romanorum spectaculis, ut vel ex Xiphilino liquet, ex duobus nummis Andriorum me- In Severo.mini protulisse in sua Vefontione Cl. Chiffletium, præter alia Viri decora, his quoque studiis excellentem.



In priori quidem Taurum vides cornipetam cum inscriptione  $\text{ANAPLON}$ , quod de loco signati nummi accepit Chiffletius, in posteriori vero caput Tauri feri ac jubati cum Lyra, utrinque autem Tridente, in altera autem nummi parte caput juvenile sine ulla inscriptione. An vero utroque illo Nummo Bison sit ab Andriis expressus, quod existimabat Chiffletius, fateor haud mihi continuo persuasum: Equidem obvius & unicus quidem occurrit apud Goltzium nummus horum Andriorum, illinc cum Pallade, hinc cum ordinario Tauro ad victimam parato.



Nihil habet hic Taurus à vulgari diversum & ab ordinariis iconibus hujus animalis, neque consonum scotosis illis ac jubatis Tauris sylvestribus, quos Bifontes antiqui nuncuparunt. Accedit, mirum videri posse, quid huic Græcæ Cycladum Insulæ commune sit cum Bisonte, quem solum Hercyniæ sylvæ & plagæ Septentrionalis hospitem Plinius, Solinus, alique è recentioribus tradunt, nisi scirem in Thracia poni quoque



que ab Oppiano, & præterea Pausaniam de Bisontis æreo capite Delphos misso à Dropione Pæoniorum Rege, & posita illi è regione ab Andriis loricata Andrii conditoris sui statua, nonnulla quæ Chiffletius refert, commemorare: Alias vero in Pæonia, non Bisontem quidem, sed *Bonacum* aut *Bonafum*, Bovem itidem ferum & tum juba equina obvium refert Aristoteles, cui superior effigies posset eadem ratione adaptari, ni cornua in se flexa & contorta, acumine terram spectantia, cum Philosophus tum Plinius iidem Bonaso tribuerent. Luculentum Suidæ testimonium, optimi superioris nummi ac similium hujus Insulæ interpretis. Docet enim ille Minervam Taurobolum ab his Andriis cultam, occasione Tauri apud eos exilientis, ut postea vidi Nonnium quoque observasse, non indicato tamen Suidæ loco. Exstat vero ille in voce Ταυροπίλαν, quem erit operæ pretium hic adferre. *Etiam Minerva Taurobolos in ANDRO colitur. Anthropius enim dato Atridis TAURO, jussit ubicunque is è navi exiliisset, ad eam Minervæ condere, & sic eos prospera navigatione usuros. Ille vero in ANDRO exiliit. καὶ Ἀθίνα ἣ Ταυροβόλῃ ἐν ἈΝΔΡΩ. ὁ γὰρ Ἀνθρώπῳ δὲς ΤΑΥΡΟΝ πῆς Ἀτρείδαις, ἠκέλευσεν ὅπως ἀν' ἐκ τῆς κεινῆς ἀλητῆς, ἰδρύσασθαι Ἀθίνας. καὶ ὕτως ἐπλοήσεν. ὁ ἣ ἐν ἈΝΔΡΩ ἐξήλατο.* Nihil hic ut vides de Bisonte, sed omnia de ordinario Tauro, plane ad fidem superioris Nummi. Neque etiam reperiri apud Andrios Bisontes, vel Pausanias, vel alii referunt, sed tantum misso aliunde Delphos capite æreo bovis illius feri ac indomiti, positam è regione ab Andriis sui conditoris, ad indicandam Viri ferociam ac robur, loricatam statuem. Sed ne in similem errorem inducat viri sagacis alias ac eruditi auctoritas, sciendum neutrum illum Nummum ab eodem productum, & paullo

ante expressum, ad Andrios vel ad Bisontem quicquam spectare. Prior, non quidem cum Tauro illo indomito, ut existimabat, sed cum Vacca & lactente vitulo, ad Apolloniâ Illyrici urbem referendus. Dyrrachii enim & Apolloniæ solita illa symbola, utraque nummi parte signata.  $\text{ΑΝΔΡΙΩΝ}$  autem, non loci (quod in errorem induxit Cl. Chiffletium) sed Prætoris aut Magistratus nomen, sicut alterum  $\text{ΘΕΟΦΙΛΑΟΥ}$ , sub quibus nummus percussus, & cui geminum plane cum iisdem symbolis ac nominibus videas inter Apolloniæ nummos apud Goltzium. Omissas autem nonnunquam observo in utriusque cum Dyrrachii tum Apolloniæ nummis solitas illas loci  $\text{ΔΥΡ}$ . aut  $\text{ΑΠΟΛ}$ . initiales litteras (quas præfert nummus Goltzianus) adscriptis solum, præter consueta insignia, Prætorum nominibus  $\text{ΑΝΔΡΙΩΝ}$ ,  $\text{ΑΡΙΣΤΩΝ}$ ,  $\text{ΑΓΙΑΣ}$ ,  $\text{ΦΙΛΩΝ}$ . & sexcentis id genus. Utrumque autem symbolum, cum Vacca cum lactente vitulo, tum quadratæ Arculæ, ab antiqua patria ceu Corcyraeis, quorum erant Colonia Dyrrachium & Apollonia, juxta morem desumptum: sicuti eadem omnino videas in nummis Corcyraeorum apud Goltzium. Posterior autem Nummus cum Tauri jubati capite ac pendente utrinque Tridente, ad Eubœam spectat, ut vel ex Goltzio liquet, aliisque obviis nummis illius Insulæ. Neque illi valde dissimilis Delphorum nummus apud eundem Goltzium, inde explicandus (silet hic enim ut sæpe Goltzii interpretes Nonnius) quod Carystii ex Eubœa Bovem æreum Delphis dedicarint, auctore Pausania: nisi hunc postremum ad Bisontis illud æreum caput Delphos transmissum à Pæoniorum Rege placeat lubentius referre. Videtur enim aliquid ferinum magis ac indomitum spirare, quam Euboicus ille Taurus à

Chif-

Tabul.

Græciz 11.

Thucidid.

lib. 1.

Plin.

Tab. 1. in.

sul. Græc.

Tab. 1x. in.

sul. Græc.

in Phoci-

sis.

Chiffletio pro Bisonte Andriorum productus, aut il-  
lius Insulæ similes apud Goltzium.



DRACONES etiam alatos & coronatos exhibent aliquot Nummi selectiores, de quorum eum Aquilis & Elephantibus pugna Nicander & Plinius meminere, & quos diversos proinde ab iis intelligimus, quos alias Chamædracontes veteres nuncuparunt. Duos certe cum alatos, tum coronatos & barbatos Dracones videas currum ducentes in rarissimo Trajani nummo Mediceo, quem signatum in Ægypto, ex ipsius nummi adspectu, & additis aliis symbolis, liquet. Frequentes enim illos Nummos mitto, cum obvio eodem ministerio, in quibus nempe moesta frugum mater dracones vehiculum ducentes regit, plane juxta Claudiani descriptionem libris de Raptu Filiae,

*sinuosa draconum*

*Membra regens volucris qui pervia nubila tractu.*

Volucres illi quidem vulgo, non autem alati, quales nempe Libyco Scorpiones alicubi describit Geographus, *Alous* simul & *amépas*, quorum etiam Lucianus Strabolib. xvii. meminit, nisi quod membraneas alas instar cicada- De Dip-  
ditas. rum atque vespertilionum iis tribuat. Alatos tamen eodem Cereris dracones exhibent etiam nummi quidam selectiores. Utriusque generis cum volucrum, tum alatorum simul hic habes ectypa.



Lib. III.

Lib. xv.

In Pseudo-  
strat.

Alatos etiam serpentes non alibi, quam in Arabia reperiri tradidit jam olim Herodotus, cui vicinam addit Æthiopiam Josephus. An verò fabulosum statuendum sit omne hoc volucrum aut alatorum serpentum & Draconum genus, quæcunque veterum aut recentiorum occurrant ea de re testimonia, ipsi viderint, qui hoc sibi disquirendum putant. Lubentius certe referas in hanc fictorum classem, Draconem illum cum humano capite, qualem vidisse memini depictum in nummo quodam Amphipolitarum. Familiares nempe olim in Macedonia, cujus incolæ hi Amphipolitæ, Dracones, magnitudine simul ac mansueta natura singulares: ut de Pellæis observat Lucianus, & unde natam contendit illam fabulam de Olympiadis cum Dracone concubitu, & nato inde Alexandro. Cujus rei expressam videas memoriam cuidam Nummo ex eorum genere, quos vulgo *Crotoniatas* vocant Antiquarii, in quo Olympias in lectisternio decumbit inter duos serpentes. Eo refert etiam Nonnius nummum Macedonum apud Goltzium, in quo mulier seminuda escam serpenti porrigit: quod vulgatum alias salutis symbolum in priscis id genus monumentis. Neque diversus à mansuetis illis Draconibus Ajacis Locrensis Draco domesticus ac cicur, instar canis illi adhærens, ut tradit

dit Philostratus. Sacri quippe Dracones Heroibus, ut aliunde liquet ex Plutarcho in Cleomene. Iste vero Draco Amphipolitarum humano capite singularis adhuc magis & mirandus. Si exstarent hodie libri illi, quos de hac primaria Macedonum urbe Zoilum scripisse auctor est Suidas, tum vibicibus illis, quas optimo vatum voluit inurere hic flagellator, libenter crederemus, tum haberemus forte hoc symbolum magis explicatum. Neque sic tamen dissimulabo, illud me Oraculum facile credere illius loci, quo ministerio frequenter videas functos id genus Æsculapios an Apollines, genuinos scilicet & fraudulentos. Hinc apud Delphos Draco sub Tripode vocem edens juxta Lucianum; sicut alias ab Æginetis Tripod aureus ad eosdem missus insistent super tricipitem ex ære serpentem. Hinc plures etiam illi Nummi, in quibus occurrunt Tripodes Dracone vel serpente involuti, sicut Troadis, Nicomedæ, Amastrianorum, Myndiorum, Lylibæi, Crotonis, aliorumque locorum; aliquando etiam supra Tripodem erecti. Neque enim illa Pithii solum serpentis vulgaria symbola, sed domestici etiam illarum urbium vates, quos videas in Augustis Cimeliis Christinæ, Palatino, ac Mediceo. Quo spectat eximie mos ille Arabum, quem refert Philostratus; qui à brutis animantibus captabant auguria, Draconum corde vel hepate in cibis adsumpto. Ut illum etiam Draconum in veterum auguriis usum haud immerito observatum ab Origene videam in præclaro opere contra Celsum; οὗ δὲ Δρακῶν ἐπὶ τῇ τέτῳ ζῶνται τῷ ζῳῳ οἱ οἰωνοσκοποῖν, *Draco autem, quandoquidem & illo animali utuntur Augures. Apollo nempe idem cum Æsculapio, juxta Macrobiū, hinc sacri utrique Dracones ac serpentes, & proinde iidem modo vaticiniorum, modo salutis symbola, in*

In vit. A-  
poll. lib. i.  
cap. 4.

priscis

In Pseudo-  
mant.

priscis id genus monumentis. Immo hinc alter Draco ille, *ῥησιμὸς* etiam *ἀντίφωνος*; cujus caput è linteis humana itidem specie, arte cujusdam impostoris Alexandri, non suis solum Paphlagonibus, sed Romanis etiam aliisque mire illufit aliquandiu. Legifti procul dubio non femel apud Lucianum lepidam renati illius *Ἄσκληπι* narrationem; quam præclare certe illustrat nummus alicubi à Goltzio descriptus, *ΑΒΟΝΟΤΕΙΧΙΤΩΝ ΓΛΑΥΚΩΝ*; unde corrigendi Luciani codices, in quibus *ΓΛΥΚΩΝ*, novus ille non jam Epidaurius, sed Paphlagonius Draco nuncupatur. Abonoteichus enim ceu Aboni Murus vel Castrum urbs. Paphlagonum haud obscura, & Luciano in hac historia sicut Suidæ aliisque, *τὸ γὰρ Ἀβώνος τεῖχος*, Patria calidi impostoris, & sedes præclari scilicet Oraculi. A duabus autem illis vocibus *Ἀβώνος τεῖχος*, ceu Aboni Castrum (frequenter enim pro Castro sumi hanc vocem etiam aliunde liquet) factum gentile nummo expressum *Ἀβωνοειχίτης*, vel ut in aliis *Ἀβωνοειχάτης*, sicut vulgo promiscue hæc sumi supra monuimus. Haud aliter nempe ac ab *Ἀγοραίς τεῖχος*, (quod male apud Stephanum *Ἀγοραῖον*) item *Γορδῖς τεῖχος*, *Ελαίς τεῖχος*, Hellepontique ac Lyciæ Arcibus, aliisque id genus, deducta itidem gentilitia *Ἀγοραειχίτης*, *Γορδειχίτης*, *Ελαιειχίτης*. Sed mereamur ulterius de venustissimo scriptore, & illo simul, quod præ manibus nobis est argumento. Memineram scilicet, me singularem loci ejusdem Nummum, & ad hanc forte histrioniam referendum, adnotasse inter alios rariores illustres Urbis Antiquarii Francisci Gottifredi, qui jam Christianæ Augustæ Gazam exornant. Non anxie mihi fuit laborandum, ut illius iconem & plurium aliquot rario- rum ab obvia viri comitate jam absens impetrarem; quibus

quibus nova hujus operis editio ornatior in lucem prodiret, & ego iisdem Nummis aliquam lucem vicissim impertirer. Exhibet vero iste, de quo jam agimus, hinc ANTONINI PII effigiem, illinc duos serpentes, quorum alter jacentis caput lambit aut mordet, & inscript. ΑΒΩΝΟΤΕΙΧΕΙΤΩΝ.



Vides hic ejusdem urbis Nummum cum altero quem descripsit Goltzius, signatum quoque circa eadem fabulosi hujus Oraculi tempora. In eo tamen diversi, quod Goltzianus nomen renati hujus Æsculapii ΓΑΛΥΚΩΝΟΣ nempe habuerit signatum, quale illi à Luciano tribuitur, unum præterea serpentem in gyrum involutum, iste autem modo expressus duos exhibeat Dracones aut serpentes, non addit *αὐτοφώνως* illius Oraculi nomine. Equidem geminum Goltziano nummum adservare quoque videas Gazam Eminētissimi Cardinalis Barberini, cum uno scilicet serpente, sed citra eandem Glauconis appellationem, licet alias percussum itidem sub Pio, & cum eadem inscriptione ΑΒΩΝΟΤΕΙΧΕΙΤΩΝ. Neque vero hoc dissimulandum, referri à Luciano hujus histrionix narrationem ad M. Aurelii tempora, cui bello Germanico cum Marcomannis & Quadis depugnanti, redditum ab hoc impostore oraculum refert, & insuper ab eodem Pseudomanti adscitum generum Rutilianum, per eadem Marci tempora celebrem. Omnes autem hi nummi ab Abo-



noteichitis percussi, ceu cum uno, ceu cum duobus serpentibus, Goltzianus nempe, Barberinus, & quem modo protulimus è Regia Christinæ Gaza, non Marci sed decessoris Pii vultum præferunt. Talis etiam alius Musei Patiniani in superioribus à nobis exhibitus, & cum Bacchi effigie ab his Abonoteichitis itidem sub Pio Cæsare signatus. Sed nihil hic Nummus ad eam, de qua Lucianus meminit, histrioniam, aut nummorum ejusdem loci & ætatis, qui serpentes exhibent, illustrationem. Unde fide maxime Goltziani nummi, qui Glauconis nomen præfert, omnino videtur statuentum, incepisse jam sub Pio hanc histrioniam, quæ sub Marco tandem incrementa & exitum habuerit. Illud utique colligas ex tota Luciani narratione, per multos annos fabulam illam egisse, Pseudomantin Alexandrum, eumque demum prope septuagenarium, & orbi adhuc cum suo Glaucone illudentem, è vivis discessisse. Cur vero superiori Nummo ibi expresso, haud unus jam ille renatus Æsculapius, sed duo serpentes occurrant, aut cur unus desuper alterius jacentis caput lambat quasi æt fugat, equidem haud facile licet divinare? Dracones quidem Pellæos, non solum immani magnitudine, sed ita mansuetos & familiares narrat in hac ipsa historia Lucianus, ut infantum etiam more lac è papilla sugerent. Ex horum autem genere erat Draco ille, futurus brevi Tutelaris Abonoteichitarum Æsculapius, paucis utique obolis Pellæ à præstigiatore illo Alexandro redemptus. At vero hic jam non mulierem, sed alterum sibi haud dissimilem serpentem lambit capiti ejus instar *ἑπιδῶν* cujusdam, ut mihi quidem videtur, applicitus. Notus vero ac sæpe priscis traditus ille *ἑπιδῶν* mos, incantationes ad vulnere-  
 curationem auribus vulgo insinuandi, ac ut Arnobius

loqui-

loquitur: *Sonos auribus infundere dulciores, non medicinam* Lib. I.  
*vulneribus admovere.* Unde salutare id genus ἐπωδαί,  
 ceu ad aurem incantationes, ad animæ quoque & ad-  
 fectuum curationem translata à Zamolxide, & ejus  
 exemplo cum à Socrate tum à Zenonis sequacibus do-  
 gmata sua seu Oracula ita insinuare solitis, ut de prio-  
 ribus frequenter apud Platonicos legas, & eorum Ma-  
 gistrum, de posterioribus vero ut alios mittam, vel fi-  
 dem faciet Satyricus

*Stoicus hic aurem mordaci lotus aceto.*

Hinc translata eadem à sacris Oratoribus ad salutaria  
 ac divina Oracula credentium auribus percepta aut  
 percipienda, quibus & Christus ipse ἐπωδὴς nonnun-  
 quam, ut Clementi, & Oracula ejus instar ἐπωδὴς cu- Lib. v. Præ-  
 jusdam per aures ad animæ curationem demissa, ut non dagog.  
 semel Christianorum Tullio vocantur. Immo, quod Chryso-  
 huc inprimis facit, notum iis qui scriptores antiquos stom. Orat.  
 versarunt, habitos vulgo serpentes cum ἐπωδαίς illis seu LXXIV. in  
 incantationibus obnoxios, tum eosdem etiam aures Baptism.  
 lambendo vaticinandi peritiam inspirantes. J. Christ.

Prius qui-  
 dem, cum ex Davidis, tum ex Orphei, Aristotelis, alio-  
 rumque testimoniis, ac Marforum aut Ægyptiorum  
 more vulgo eruditis notum. Hinc nempe surda Aspis  
 & aurem obturans dicta Regio Vati; *Sicut ASPIDIS* Pl. LVIII.  
*surda obturantis AUREM SUAM, ne missitantium aurem* v. 6.

*audiat, & divini incantationem verbi.* Posterius autem  
 Heleni & Cassandræ exemplo docent Græci Poëtarum  
 Interpretes, ac inter alios Euripidis scholiastes, Εἰδὼν- In Hecubam.  
 πὲρ ὅφεις καὶ τὰ αὐτῶν περὶ λείξαντες ὥστε ὁ ξυγκέχθαι εἰργασασθαι  
 ὡπλιμένους πρὸς τὴν θεῶν ἀκρόαν βυλὰς, καὶ μάντις ἀκροῦσθαι. Ac-  
 cedentes SERPENTES & eorum AURES CIRCUM-  
 LINGENTES, auditum illorum adeo exaceruerunt, ut soli  
 consilia Deorum audirent, & PRÆSTANTISSIMI

VATES evaderent. Ita etiam, ut hæc jam ad Nummi nostri interpretationem conferamus, gemino symbolo expressi, in eo duo serpentes occurrunt, quorum alterum jacentis capiti admotum, hanc illi non ἐπωδὲ adeo, quam vaticinandi peritiam inspirantis vicem præstare videas. Famam scilicet de proximo Apollinis & Æsculapii adventu apud Abonoteichitas commoverat præstigiator ille Alexander, & sub tempus illius Epiphaniæ utriusque nomen & laudes decantabat, ut tradit in hac historia Lucianus. Apollini autem non minus ac filio Æsculapio sacri serpentes, immo idem ille cum Æsculapio, ut supra videbamus. Unde etiam ab illa utriusque communione eundem Apollinem, ut verum quoque ἐπωδὸν describit Dio Chrysostomus,

Orat.

xxxvii.

nempe ὁμοῖαν ἐμπνέοντα τῇ ψυχῇ καὶ τῷ σώματι, salutem inspirantem animabus & corporibus. Ex quibus jam liceat mihi colligere, percussum hunc nummum ab Abonoteichitis, quo illo symbolo utrumque Deum mox adventurum adumbrarent, Apollinem nempe Æsculapii filii aures lambendo, vaticinandi peritiam illi inspirantem, qua prospiceret civibus, & felicitis adventus, ac divinitatis suæ fidem omnibus faceret. Plana utique ex superioribus omnia, & cum Luciani, ut mihi quidem videtur narratione apprime consentanea. Quo & commode referri possunt, quæ de Melampode tradunt

Lib. x. cap.

49.


varii auctores, ac inter alios Plinius: *Qui credit ista & Melampodi profecto AURES LAMBENDO dedisse intellectum avium sermonis* DRACONES non abnuet, quod à Cæsare inverecunde contendebat, ut nempe Nummis imprimeretur cum sua, tum Draconis sui effigies;

In Pseudo-  
mant.

καὶ ΝΟΜΙΣΜΑ καὶ τὸν ἐγκεχαρταγμένον τῇ μὲν τῷ Γλαύκωνι, καὶ τῷ Δαμῶνι ὃ Ἀλεξάνδρῃ: alibi vero traditur, eundem Deum Glauconis nomine divinitus insignitum,

ima-

imaginibus & simulacris, cum æreis tum argenteis expressum; *γραφαί π' ὅτι τέτω, καὶ εἰκόνες, καὶ ἑσάνα π' ἡμῶν ἐκ χαλκῷ, π' ἡ ἐξ ἀργύρου εἰκασμένη, καὶ ὄνομα γὰρ τῷ θεῷ ὅτι ἱερὴν γλαύκων (non γλύκων.)* Neque ab hoc commento insignis istius impostoris abludens quoque illa capitis imberbis effigies, reliqua in serpentem desinens, eumque in multos gyros circumflexum, in nummo Nicomedix signato sub Caracalla, quem vulgavit Tristanus, & qualem etiam possidet magnus horum studiorum fautor & admirator Durlacensis Marchio. Ut appositè vero hoc loco Tutelares istos & præfides Oraculorum Dracones pergamus illustrare, non novum jam aut fictum cum priori illo GLAUCONE, sed verum, si Diis placet, re ac nomine ÆSCULAPIUM repræsentat nobis alius non minus insignis Nummus ejusdem Cæsaris ANTONINI. Mole certe, elegantia, raritate inter primos ille numerandus, & luculentum Bracefiani Cimeliarchii ornamentum; cui geminum quoque exstat in divite illa gaza Cardinalis Buoncompagni.



Præclarum utique, mi OCTAVI, Majorum vestrorum & Urbis Æternæ monumentum; quod notam alias ex Livio, Ovidio, Valerio, Plinio, Claudiano, aliisque Epidaurii hujus hospitis narrationem tam venuste repræ-

repræsentat: qui Romam scilicet Epidauro valetudinis causa accersitus Draconis effigie, Urbi salutem, Tiberinæ vero Insulæ nomen simul attulit ac tutelam. Sacra enim non solum inde Æsculapio hæc Insula, ut notum, Græcis quoque  $\Lambda\ \Sigma\ \text{ΚΛΗΠΙΟΥ}$   $\iota\epsilon\gamma\epsilon$ , sed eadem  $\text{ÆSCULAPII}$  Insula, vel, quod idem, Pæonii aut Epidaurici Serpentis vulgo nuncupata. Unde jam in posterum non peregrini Medici, sicut Toxaris apud Athenienses Divis eo nomine adscriptus, sed quasi indigenæ vicem Urbi Æternæ præstiterit hic Medicorum Parens. En vero ibi Templum, Pinus, Tiberis, Insula, Anguis seu Draconis sedes ac Nomen, luculentus denique Poëtæ Commentarius,

Dionys.  
Halicarn.  
lib. v.

Lucian. in  
Scytha.

Ovid. Metam.  
lib. xv.

*Scinditur in geminas partes circumfluit amnis  
Insula nomen habet, laterumque à parte duorum  
Porrigit aequales media tellure lacertos.  
Huc se de Latia pinus Phæbeius anguis  
Contulit: & finem specie cæleste resumpta  
Luctibus imposuit: venitque salutarifer Urbi.*

<sup>a</sup> Lib. III.  
cap. 22.  
<sup>b</sup> Arnobius  
lib. VII.

Quo respexit etiam præter <sup>a</sup> Augustinum de Civitate Dei, <sup>b</sup> Africanus alter, qui ex Epidauro nihil aliud adlatum, nisi magni augminis colubrum ridet, alibi vero  $\text{ÆSCULAPIUS}$  inquitis Epidauro bonis Deus valetudinibus præsiciens, & Tiberina in Insula constitutus. Salutares nempe vulgo Deorum, sed maxime hujus Æsculapii Epiphaniæ, qui raro quidem, sed nunquam sine magno ipsorum bono visus Epidauriis, ut narrat in hac fabula Valerius, scilicet

*Præsentem aliquid prosit habere Deos.*

Unde  $\Sigma\ \Omega\ \text{ΤΗΡΟΣ}$  etiam illi nomen in nummis eorundem Epidauriorum sub eadem Draconis forma tributum videas, sicut in alio  $\text{ΚΩΙΩΝ ΔΡΑΚΩΝ}$ . Quo spectare etiam observo Nummum mole & magnitudi-

ne

ne singularem, inspectum nobis haud ita pridem in opulenta Christianissimi Galliarum Regis penu antiquaria, signatus ille Alexandri Severi ætate, cujus vultum præfert, & in averſa parte, serpentem cum Ara & Arbore, ac inſcriptione ΕΠΙΔΑΥΡΙΟΝ. Neque vero mirum, ſi modo Draconis, modo ſerpentis Epidaurii nominibus deſignetur. Haud enim ſerpentis ſolum, ſed peculiareſ etiam Draconis notas præferre nonnunquam vidéas, barbam puta, palearia & coronam criſtatam, ſicut in ſequenti denario gentis Aciliæ. Haud inſuetum vero huic ſalutari Deo, ſua quoque præſentia alias beare civitates, liquet ex Philoſtrato in vita Lib. 1. c. 5. Apollonii, & Coorum Nummiſ aliorumque locorum, in quibus idem ΣΩΤΗΡ inſcribitur. Ut non mirum proinde, ſi laboranti Urbi Æternæ ſuam quoque operam præſens ac manifeſtus benigne voluit impertiri, quæ à Roma huius Æſculapii filia nomen ſuum derivabat, juxta Marinum Lupercaliorum Poëtam, ut docet Ad Eclog. 1. alicubi Servius. Unde quoque haud aliam mercedem navatæ operæ, quam in eadem ſtabilem ſibi ſedem, & quidem extra ægrorum turbam voluit deligere. Ut ita Plutarchus hinc lucem mutuetur, qui Æſculapii In quæſt. Rom. fana Romæ extra urbem (ſicut in hac Inſula) apud Græcos vero in locis puris & ſublimibus docet exſtitifſe. Multo minus adhuc Draconis ſpeciem, in eodem hospite Epidaurio mirabitur; qui hanc illi familiarem videt paſſim in iſſdem nummorum monumentis. Dracones nempe omnes ſacri Æſculapio, ut obſervat Pauſanias; ſi tamen excipias illum Erichthonium, quem In Corinthiacis. Athenis ad pedem Minervæ ſimulacri exſculptum alibi idem Pauſanias refert, & firmat quoque præclarus In Atticis. nummus Athenienſium Medicæus, qui idem illud Paladis ſignum cum jacente ad pedes Dracone repræſentat.

De Iſide.

tat. Unde & huic Deæ Draconem ſacratum ſtatuit alicubi Plutarchus, quem Apollini alias ac barbato ejus filio vulgo adſerunt priſca hæc monumenta. Sed mirare mecum obiter fatum illius Inſulæ ſerpentis Epidaurici, ut quæ ſalutis quondam ara & ſedes Romanis exſtiterit, eadem poſtea, ut ex Sidonio liquet aliisquæ, ſub Chriſtianis Imperatoribus rei capitalis accuſatorum carcer exſtiterit & carnificina. Plures vero mitto aliarum urbium Tutelares id genus Dracônes & Pſeudomantes, qualis etiam Lanuvinus ille, obviuſ vulgo in denariis Gentium Romanarum, & de quo Propertius,

*In Inſulam  
conjectus eſt  
ſerpentis E-  
pidaurici.  
lib. 1. ep. 7.*

*Lib. 1 v.  
Eleg.*

*Lanuvium annosæ vetuſ eſt tutela Draconis.*

Neque minoris erit pretium operæ, referre in hunc cenſum Draconem alium, illo vel Paphlagonio vel Epidaurio vix minus ſingularem; quem ex præclaro SEVERI Nummo deſcripſit quidem Erizzo, ſed ita ut nec ſenſum nec locum ſignati Nummi ſit adſequutus.



ΠΑΥΤΑΛΙΑ hæc Urbs Thracum, non vero incerta aliqua Græciæ Provincia, ſed quæ corrupte apud Stephanum alioſque παυτάλια, vel παυτάλια legitur: unde cauſam crederem ignorantix nobilis Antiquarii, niſi hanc viderem ejus frequentem in tradendis Græcis nummis infelicitatem. Occurrunt vero alii quoque ejusdem urbis inter Nummos cum M. Aurelii tum Ge-

tæ;



tæ; inscript. ΠΑΥΤΑΛΙΩΤΩΝ; unde corrigendum  
 iterum Stephani *παυταλιώνων*. Dicta quoque eadem  
 urbs ULPŒ PAUTALIA ab ævo UlpŒi Trajani;  
 sicut id rursus constat ex præclaris aliquot Nummis, si-  
 gnatis in honorem Faustinae Junioris & Caracallæ,  
 cum inscript. ΟΥΛΠΙΑΣ ΠΑΥΤΑΛΙΑΣ, quales & in  
 Gaza Medicea, & in Regia Parisiensi, & in Museo  
 Cl. Seguini mihi vidisse contigit. Geminum quoque  
 notabam nuper in nummo Getæ apud Leonardum A-  
 gostini celebrem Urbis Antiquarium, in quo Aquila  
 cum fugientibus ac exesis litteris, quales tamen adse-  
 quebar ΟΥΛΠΙΑΣ itidem ΠΑΥΤΑΛΙΑΣ. Ea nem-  
 pe ratione, qua alia ejusdem Thraciæ urbs *Topirus*, &  
 Daciæ *Serdica*, & præterea *Nicopolis*, *Anchialus*, *Mitylene*,  
 aliarque nobiles civitates, ULPŒ itidem vocantur  
 in selectis aliquot Nummis Severi, Caracallæ, Getæ,  
 Gordiani & aliorum: ΟΥΛΠΙΑΣ ΝΙΚΟΠΟΛΕΩΣ;  
 ΟΥΛΠΙΑΣ ΤΟΠΕΙΡΟΥ; ΟΥΛΠΙΑΣ ΣΕΡΔΙΚΗΣ;  
 ΟΥΛΠΙΑΝΩΝ ΑΓΧΙΑΛΕΩΝ, & ΟΥΛΠΙΑΣ ΣΕΟΥ.  
 ΜΥΤΤΙΑΗΝΗΣ. Sed de hac appellatione & loco obi-  
 ter. Sicut vero alii Nummi hujus urbis *Pautalia* modo  
 adlegati, vel Patrium Amnem, solita cultum ab acco-  
 lis religione; vel Bacchum cum thyrso & cyatho; vel  
 Cybelen leonibus vectam, græta & solennia Thracum  
 Numina, repræsentant; vel Salutem quoque familiari  
 symbolo, serpente involutam, cui escam porrigit; ita  
 iste supra depictus Draconem, tutelarem scilicet loci  
 Genium, haud minus quam alii superiores nummi an-  
 te excussi, omnino videtur mihi arguere. Magnitudi-  
 ne certe ille simul & spirarum flexu magis adhuc admi-  
 randus, & lingua exserta quasi alter Glaucon, ad fun-  
 denda itidem Oracula accinctus. Huc facit quoque  
 Dracon alter, plures ingens gyros, in vicina *Tomo* Ponti

Metropoli; quem repræsentat Nummus Gordiani Mediceus, cum inscript. ΤΟΜΕΝΟΜΗΤΡΟ. ΠΟΝΤΟΥ.

In Cimelio  
Regin.  
Sued.

Neque diversus alter sinuans immensa volumina, in rarissimo Nummo *Marcianopolitarum*, cum Severi Alexandri & Mammææ capitibus, in priori nummi parte,

Ως ἡ Δεξιων βλοσυρώπης ἐλίσσεται ἀγχιύλῳ ἔρπων.

Geminum quoque eidem vidi exstare in Regia Gaza Parisiensi, cum effigie Caracallæ & matris itidem Juliæ Domnæ ac inscriptione ΕΠΙ ΚΥΝΤΙΑΙΑΝΥ ΜΑΡΚΙΑΝΟΠΟΛΕΙΤΩΝ. *Marcianopolis* vero Mysiæ secundæ, seu unius è sex Thraciæ Provinciis juxta Am-

Lib. xxvii.

mianum civitas, à Marciana Trajani sorore ita cognominata. Paria vero cum ejusmodi Dracone facientem suppedibat eadem Regia Gaza, in Nummo *Hadrianopoleos*, alterius Thraciæ Provinciæ, signato itidem Caracallæ temporibus, cui similem apud Cl. Patinum inspexi, sicut & haud vulgarem *Dionysopolitarum*, quem præclaro ejusdem Viri his studiis excellentis beneficio, aliis quoque inspiciendum damus.



Præfert singularis hîc Nummus, in priori quidem parte Gordiani & Serapidis capita (qualia Neronis itidem & Serapidis, aut aliorum id genus Cæsarum occurrunt) in posteriori vero, ut vides, Serpentem tortuosum, cum inscriptione ΔΙΟΝΥΣΟΠΟΛΕΙΤΩΝ, urbis itidem Ponticæ cum Tomo, seu Scythiæ illius quæ postea inter sex Thraciæ Provincias relata, & cujus celebriora oppida Dionysopolim & Tomum recen-

set

set Ammianus. Ut haud mirum quoque, si eadem ser-  
pentis aut Draconis symbola præferre utramque vi-  
deas. Apollinem alias & Bacchum tutelare utriusque  
loci Numen, signant earundem nummi apud Gol-  
tziū, & Tomi quidem Apollinē, utpote Coloniae  
Milefiorum, quibus Apollo cultus; alterius vero Bac-  
chum, cujus nomine dictam eandem, & ipsa loci ap-  
pellatio, & exul in iisdem oris poëta alicubi retulit.  
Unicum præterea horum Dionysopolitarum num-  
mum memini me observasse in penu antiquaria Colle-  
gii Claromontani Parisiensis à Sirmondo collecta, &  
quidem inter numismata Alexandri Severi. Haud ve-  
ro crederem frustra me hætenus laborasse, in com-  
memorandis tam præclaris & vulgo reconditis antiquita-  
tis monumentis, quæ Dracones & serpentes id genus  
signant. Hinc utique non leve illud, sed singulare  
quoddam beneficium præstare videar haud vulgares id  
genus Nummos (& cujus generis Ægyptii aliquot, ad-  
huc infra adducentur), quod ab iis etiam unice exi-  
gendum Cl. Bochartus, cum suis ad me litteris, tum  
alicubi in præclaro opere agnoscit. *Ex Nummis*, inquit, *De Animal.*  
*id genus, cum depictis Draconibus figura eorundem & magni-* *facris pag.*  
*tudo erui potest, quorum minimi quinque cubitorum, maximi* *429.*  
*quadraginta traduntur.* Alterum præterea ex iisdem col-  
ligas, in Macedonia, Thracia, Paphlagonia, Mysia, Ponto,  
ac Bithynia, vicinis regionibus, haud alios locorum Ge-  
nios & Custodes gratiores id genus Draconibus exsti-  
tisse. Consulito enim omitto plures Græciæ Asiæque  
nummos, in quibus eandem loci tutelam ac salutem  
videntur arguere, & ad quos respexit divinus Maro,

*Incertus Geniumne loci, famulumne parentis*

*Esse putet.*

Ubi audiatur Servii glossa; *Nullus enim sine GENIO lo-*

*cui est, qui per ANGUEM plerumque ostenditur. Persius: Pingue duos angues; pueri sacer est locus. Quales etiam duos angues videas, aut arcum & pharetram amplectentes in Nummis ΚΡΗΤΑΙΩΝ aut ASIÆ RECEPTÆ: aut vincientes duo ligna in nummo Cyzicenorum; aut obvolutos velut circulum cum duobus in medio torquibus in Romano Numismate; aut coronatos eodem cum Caduceo, Cornucopia, Palma, in nummo Otaciliæ Ægyptio. Etenim Ægyptiorum imprimis hanc fuisse de Serpentibus ac Draconibus opinionem, ut divini aliquid illorum naturæ tribuerent, docuit jam olim Philo Bybliensis apud Eusebium, ac proinde ut loci Genium ac Tutelam eorum symbolis adumbrarent, præter alia monumenta, arguunt plures inediti eorum Nummi, percussi sub Cæsaribus, Nerva, Trajano, Hadriano, Pio, aliisque; in quibus aut Dracones id genus coronati, aut iidem cum Caduceo, Sistro, Spica; aut etiam cum venerabili illorum Serapide depinguntur. Quo nomine etiam ΑΓΑΘΟΙ ΔΑΙΜΟΝΕΣ, seu *Boni Genii* iisdem nuncupati, ut observabam nuper in præclaro nummo Ægyptio Cimeliarchii Regii Parisiensis; in quo illinc Neronis effigies; hinc Draco coronatus cum inscriptione aliquantum exesa ΝΕΟ. ΑΓΑΘ. ΔΑΙΜ. seu ΝΕΟ. Α'γαθός Δαίμων. Ut inde certe liqueat, non solis Phœnicibus ita appellatum Draconum genus, de quo aiebat Philo modo laudatus, φοίνικες ἢ αὐτὸ ΑΓΑΘΟΝ ΔΑΙΜΟΝΑ καλεῖσιν, *Phanices vero ipsum BONUM GENIUM vocant*; quomodo & Servius interpretatur, ΑΓΑΘΟΙ ΔΑΙΜΟΝΕΣ, quos *Latini GENIOS vocant*. Tales utique duo illi Dracones, qui olim erranti Alexandro cum ductoribus & toto exercitu, ac inopi consilii viæ duces repente leguntur exstitisse, qui incolumem in Ammonis Oraculi*

In Gaza  
Medicæ.

Apud Euseb.  
de Præpar. Evang.  
lib. I.

Ad lib. III.  
Georg.

culi sedem ducerent reducerentve: Rem aut si mavis fabulam narrantem Arrianum nosti, quod alias non Lib. III. Draconibus sed Corvis (auguralibus scilicet avibus) tribuit Strabo. At vero inter Ægyptios Dracones ac Lib. XVII. Serpentes, antiquis nummis effigiatos, nonnullos adhuc videas, quos haud male ad ASPIDES, notas utique in eo tractu, referunt eruditi antiquarii, & cuius generis unam hic exprimendam duximus, signatam in Ægyptio Faustinae senioris nummo,



E majorum nempe Aspidum genere, quibus haud injuria, ut vides, tumidam cervicem ac latum corpus cum Nicander tum Lucanus noster tribuunt; neque male eadem ad Ammiani descriptionem comparata, quas Lib. XXI. omnes magnitudine & decore Aspis facile supereminens, nunquam sponte sua fluenta egreditur Nili. Neque tamen unius magnitudinis Aspis apud Ægyptios, cujus duo genera Strabo, tria Galenus, plura quoque Ælianus recenset, & quidem aliquas trium quatuorve cubitorum; ad quas proinde haud male superior videtur referenda. Præcipuo vero honore cultam Aspidem apud Ægyptios, ceu divinæ potentiae symbolum, liquet alias ex Plutarcho; ut non mirum sit proinde solitis De Isid. & Cereris insignibus, Papavere nempe ac spica, eandem Ostrid. hic ornatam intueri. Quis vero fecundam frugibus re-

\* Lib. rri.

πρὸς ἀναγ.

† Lib. xxii.

In Navi-  
gio.Lib. v. Stro-  
mict.

gionem ignorat? aut ejus Metropolim (in qua procul dubio percussus hic & similes nummi) cum aliis rebus, tum frugum copia opulentam, juxta <sup>a</sup> Arrianum, ac ut <sup>b</sup> Ammianus loquitur, *alimentorum uberi copia circumfluentem* non audivit? Unde & alia mittam, & insertam Justinī legem Codici Theodosiano ac Justiniano *de frumento Alexandrino*, & alibi in eodem Codice Theodosiano *Alexandrini status*, ceu commeatus frumentarii ex Alexandria Constantinopolim deferri soliti factam mentionem reperiās. Quo spectant naves illæ *στρωγγοὶ* apud Lucianum, quas similiter ex Ægypto in Italiam commeatum ejusmodi docet transportasse, *μία τ' ἀπ' Αἰγύπτου εἰς Ἰταλίαν στρωγγῶν*. Ut certe haud alio sit opus interprete, cur eadem urbs, vulgo in antiquis nummis, sub symbolo sedentis mulieris cum Cornucopia & duobus aut pluribus spicis adumbretur. De addito autem superiori Aspidi, præter Cereris insignia, peculiari capitis ornamento, agemus paullo infra. Sicuti vero pro Geniis, Oraculis, divinæ potentiae ac virtutis symbolis habitos vulgo Ægyptios Dracones ac Serpentes haud aliunde luculentius constat, quam ex hac ipsa Nummorum supellectile, sic aliis quoque gentibus frequentata eo nomine ac publico ære itidem signata eadem Draconum ac Serpentum symbola, abunde supra videbamus. Nec frustra Arabes quoque ab iis auguria captantes diximus, quos utique auguriorum non studiosos solum, sed inventores perhibet Clemens Alexandrinus. Hinc Draconem quoque spiris variis involutum suppeditat apud Ligorium, in inedito opere, nummus Arabum Δ Ο Υ Μ Α Θ Η Ν Ω Ν. Neque Romani, ut jam vidimus, alieni ab ea religione. Unde factum ut sequentibus etiam sæculis inter signa Romanorum militaria, præter Aquilas, recepti



cepti etiam fuerint Dracones; qui summitati hastarum aptati, non minus in acie & in castris, quam cives in urbibus defenderent scilicet ac tutarentur. Res ex Vegetio, Ammiano, Claudiano aliisque jam nota. Volucres certe non minus ac priores illi, de quibus paullo ante agebamus,

*Hi volucres tollunt Aquilas, hi picta Draconum*

*Colla levant, multusque tumet per nubila serpens.*

Claud. l. III.

Consul.

Honor.

Quomod.

Confer.

Histot.

Quo loco subiit mihi opportune Luciani memoria, qui ridet alicubi scriptoris belli Parthici ineptias, tradentis, à Parthis Dracones (non effigiatos jam sed vivos) contis adfixos & in altum sublato, procul in hostes coniectos, unde magna Romanorum strages orta esset. Addit vero Lucianus, Dracones Parthis signum esse multitudinis (hoc est militaris apud eos ordinis nomen) & quidem inde dictum, quod mille circiter Dracones vivos unus Draco regere aut formare soleat. Neque tamen carere plane exemplo haud absimile factum, ut testes alios mittam, liquet mihi ex Galeno, qui tradit virum quendam Carthaginensem in prælio cum Romanis, serpentibus ceu venenatis bestiis plenas olas in hostes immisisse, & ita incautos multos oppressisse, neque enim tela ejusmodi in hostes mitti solita. Alias Aquila Draconem unguibus tenens, ut liquet ex Josepho, insigne olim fuit Spartanorum: quo signatæ erant illorum ad agnatos suos Judæos litteræ. Unde Aquilam etiam videas in Nummo horum Lacedæmoniorum Mediceo. Neque diversum ab eo fuisse symbolum Tyranorum Ponti incolarum, arguit adhuc hodie eorum Nummus, in quo similiter Draconem in gyrum circumflexum ore gestat, cum inscript. ΤΥΡΑΝΩΝ. Aquilam alias ac Serpentem mutuo se respicientes videas in nummis Nicomediæ percussis cum effigie:

Lib. de

Theriaca

ad Pison.

pag. 460.

edit. Græc.

Basil.

Lib. Anti-

quit. x l.

cap. 8.



effigie Commodi. Non alatum jam vero ac sublimem, sed jacentem ac prostratum Draconem, mysticum nempe illum, exhibent Nummi Christianorum aliquot Cæsarum, Valentiniani Junioris, Libii Severi, Heraclii & aliorum, de quibus alio loco. Sicut autem Draconem divinitatis cujusdam ac salutis, ita P A G U R U M Sapientiae, ut volunt, symbolum, brachiis expansis papilionem apprehendentem exhibent denarii Gentis Durmiae apud Ursinum, præter Græcos aliquot Nummos apud Goltzium.

. Et ne solum vel propitios, vel insectos illos Aëris, Sylvarum aut Nili etiam incolas commemoremus, DELPHINOS vero *Φιλανθρώπους* & *Oceani* Cælique decus prætereamus ingrati, quos tamen magna Nummorum copia, haud minus ac Siculum vel Carpathium pelagus, conspiciendos præbet. Neque vero obvios ibi hospites, aut aliunde satis notos, frustra me credas adlegasse. Negat enim Bellonius, tales esse Delphinos, quales visuntur in Marmoribus & Numismatibus antiquis, repando nempe corpore, & dorso incurvo, quamvis in reliquis figuram consentire fateatur. Plinius vero postremam illam repandi & inflexi dorsi formam iisdem tribuit. Mirum autem, ut hoc dicam in limine, & vix ulli, opinor, quam Bellonio credibile, tot ac tam variis vetustatis monumentis male expressam figuram hujus piscis, obviam passim & familiarem in iisdem locis, in quibus illa auro, argento, ære cælabatur. Innumeri vero sunt, in quibus, ut paullo ante monebamus, vel capita exornat Urbium & Insularum Siciliæ, Græciæ Asiæque Delphinus; vel occurrit ille Neptuni Tridenti involutus; vel ubi modo singuli, modo plures etiam numero signant averfam Nummi partem. Cuinam vero persuadebit Bellonius in hunc errorem constanter adco

adeo tot littorum accolæ conjurassent, familiari obtutu facile revincendum? Sed non hic opus est ea defensione. Nummos enim & Bellonium, aliosque ab eo dissentientes expediemus haud difficili, ut spero, negotio. Signatus nempe Nummis Delphinus haud uno habitu, idemquæ modo quietus & fixus, modo frequentius salientis & vectoris instar; Unde etiam vulgo depictum in iis videas, cum inflexo capite, repando seu incurvo corpore, cauda vero prominente & erecta; scilicet dum veluti Chori in speciem ludit per undas, *lascivaque jactat corpora*. Obvia hujus rei exempla suppeditant magna copia nummi locorum maritimorum, iique præ ceteris in quibus sessorem habent, cujus generis nonnulli paulo infra adducentur. Aliquando vero quietior Delphinus, & tum citra illam repandi corporis, aut sublatae caudæ jactationem depingitur; sicut ille in nummo Vitellii, Tripodi innixus mox quoque inspicendus. Falsus ergo Bellonius, qui eodem semper habitu depictum in Nummis Delphinum credit, aut repandum ejusmodi aut inflexum corpus omnino illi salienti & ab undis exilienti detraxit, ac ita monumentis id genus, quæ ut plurimum tales nobis Delphinos repræsentant, fidem omnem voluit derogare. Præter enim luculentam veterum ac oculatorum testium nubem, quibus frequenter conspecta forma repandi illius dorfi; unde & *curvi Delphines* vocantur Ovidio; neque nos voluptatis illius fuimus inexpertes, cum nuper in navigatione Melitensi, Siculum littus legeremus. Sed vicissim haud minus censuræ obnoxii Plinius, aliique nonnulli recentiores, qui vel ob inspectos tantum salientes id genus Delphinos, aut eosdem in priscis aliquot monumentis depictos ea forma, perpetuam, neque aliam, quam incurvi & repandi cor-

Tabul. In-  
sul. Græciz.

Lib. de Ori-  
gin. Con-  
stantinop.

Orat.  
XXXIII.

poris figuram iisdem inconsulto tribuere. Delphinos aliàs id genus, Tridente passim circumvolutos videas in nummis locorum mari adjacentium, Serpentum nempe instar tortuosos; qualis præter quamplures id genus, occurrit apud Goltzium in numismate Teni, unius è Cycladibus. Eorumdem vero Insulariorum nummum protulit quoque Tristanus, signatum ætate Alexandri Severi; qui tamen non Delphinum, sed ejus instar serpentem Tridente involutum exhibet: quod ad Neptunum Medicum cultum in ea Insula refert nobilis antiquarius; quam & serpentibus olim abundasse tradidit Hesychius Milesius, & *Ὁφιδόπου* quondam dictam Stephanus. Quæ certe satis idonea mihi videntur testimonia, cur non audeam continuo oculorum aciem temere desiderare in viro haud parum perspicace in contemplatione id genus monumentorum, atque ita in eo nummo, Serpentis loco, Delphinum Tridente involutum, familiare Insulariis & quidem his Teniis symbolum adfirmare: quod alias cum situs loci, tum productus à Goltzio nummus, omnino videretur arguere. Neque tamen dissimulandum, alibi ab eodem Tristano productum Maximiliani Herculi nummum, in quo itidem Serpens Tridenti implicatus visitur, sicut rursus mutatis vicibus Tridentem Apollini apud Tarsenses tributum legas, apud Dionem Chrysostomum, quod non debuit ibi viro magno negotium faceßere. Haud magis utique, quam Jovi Tridentem, Fulmen Palladi, Apollini Hederam, Baccho Radios, Isidi Lunam, Arcum & Pharetram Veneri, Serapidi juncta Jovis, Solis, Plutonis, aliorumque Numinum symbola, tributa spectare in priscis id genus monumentis; qua de re infra. Alias vero Anticyris, teste Pausania, urbis insigne occurrebant Delphino infi-

insidens cum Tridente Neptunus, qualis nempe in Tarantinorum nummis loci conditor Tara vulgo depingitur. Sed ex iisdem etiam monumentis colligas ea, quæ de reliqua figura hujus piscium Regis, Plinius alii-que verius tradidere; rostrum nempe sinum, oris scissuram longam, rictum latum, oculos magnos, pinnas in ventre ac dorso, ac duas in cauda veluti lunatas. Immo non figuram magis, quam naturam mansueti hujus hominum ac puerorum amatoris, discas ex adlatis modo iconibus, cum sessore puero: quam rem alias tot testibus & exemplis firmant vulgo auctores, ut ab incredulis etiam fidem videantur extorquere. Ut minus jam mirum videatur, quod legebam nuper apud Ecclesiasticæ Historiæ conditorem, non Citharœdum Philostor-  
gus Eccles.  
Hist. lib. 1. nempe aliquem, sed Lucianum martyrem à Delphino depositum apud urbem Nicomediæ Helenopolim. Adeo ut haud dissimilem quoque vectorem ego mihi optarim, cum nuper Bajæ Puteolis commoto repente mari trajicerem, & exclamarim propemodum cum auctore veteris Epigrammatis inediti,

Εἶθ' εἴλω δελφίνιν ἐμοῖς βασιλῆς ἐπ' αἰμοῖς

Πορθμῶθις εἰσὶν πᾶν γλυκύπαιδα ῥέδον.

Memineram enim forte illius adolescentis, quem dorso placide exceptum ex Bajano Puteolos ad ludum literarium quocunque diei tempore secure Delphinus deferebat. Sed nota imprimis ex eodem Plinio, Æliano, aliisque, Delphini illius apud Jansenfes historia, qui extincti pueri desiderio, à quo se conscendi patiebatur, mox contabuit. In cujus singularis adfectus memoriam, signatum proinde Nummis Jansenfium Delphino insidentem puerum tradit alicubi præter Æli- De soler.  
Animal. num Plutarchus, τῷ πύθης ὀπίσθμον ἰασεῦσι τὸ χείρμα

ἢ ΝΟΜΙΣΜΑΤΟΣ ἐν ΠΑΙΣΙ ΨΑΕΡ ΔΕΛΦΙΝΟΥ

οὐχ ἴσμεν. Neque vero minus adludunt ad innoxios id genus amores, alii Nummi eximiæ vetustatis, quibus Delphinos itidem hominum, & maxime puerorum vectores aut collusores videas. Tales cum vulgo prisci Tarantinorum, Brundisiorum, Pisauriorum, Nummi, tum alii rariores Alifarnæ Urbis Troadis, in quibus homo Delphino vectus, cum Victoria & Corona. Sed singulares imprimis hanc in rem & frequentes Corinthiorum nummi variæ magnitudinis, & nonnulli maxime cusi sub Divis fratribus M. Aurelio & L. Vero, in quibus modo Puer insidens Delphino, modo supra eundem erectus, modo etiam Delphinus jacet sub arbore, cui incumbit Puerulus dormiens; quales plures adservat Gaza Medicea & Museum Patinianum. Quibus etiam adnumerandus venit sequens nummus sub Commodopercussus.



Neque mirus adeo tibi videbitur, non jam in mari vector, sed adjacens etiam in terra super incubanti puero Delphinus; qui apud juniorem Plinium blandos legisti procul dubio Delphini & Hipponensis cujusdam pueri amores, & hæc inter alia: *Incredibile. (tam veram, tamen quam priora) Delphinum gestatorem collusoremque puerorum, in terram quoque extrahi solitum, arenisque sic-  
um, ubi incaluisse in mare revolvi.* Equidem non familiare solum nosti horum Corinthiorum signum,  
Ario-

Arionem nempe Delphino insidentem, ut præter alios notavit quoque Dio Chrysostomus, sed geminos id <sup>Orat.</sup> genus casus narrantem videas Pausaniam in Corinthiacis, unde nummi superiores possunt illustrari; & Lucianum præterea, qui puerum quendam mortuum, in <sup>In Navi</sup> Isthmum à Delphino deportatum narrat. Quin præ-<sup>gio.</sup>ter illum Citharædum, aut vulgares id genus pueros, recordaris, ut opinor, haud absimilem Icadii ipsius Apollinis filii navigationem, Delphini tergo delati prope Parnassum incolumis. Signant adhuc rei memoriam nummi Delphorum, cum figura Delphino insidente, tum sacratus inde Apollini Delphinus; ut liquet tum ex Vitellii & Vespasiani nummis, in quorum averfa parte Tripus Delphino impositus, cum inscriptione AUGUR, tum ex nummo ejusdem Vitellii Quindecimviri, supra obiter à nobis adlegato, in quo Cortina Apollinis Delphici cum Delphino itidem superincumbente, infra vero Corvo.



Eo lubentius mitto alias eruditorum de hoc nummo conjecturas, quod hic optimum illius & luculentum dabimus interpretem Servium; *Inde cum Italiam peteres* <sup>Ad Æneid.</sup> (Icadius nempe) *naufragio vexatus, Delphini tergo exce-* <sup>lib. 111.</sup> *ptus dicitur, ac prope Parnassum montem delatus, Patri Apollini Templum constituisse, & à Delphino locum Delphos appellasse; Aras deinde Apollini tanquam Patri consecrassse, quas*

*ferunt vulgo Patrias dictas. Hinc ergo Delphinum aiunt inter sacrata Apollinis receptum, cujus rei vestigium est, quod hodieque QUINDECIMVIRORUM CORTINIS DELPHINUS circumfertur, ob hoc scilicet, quia QUINDECIMVIRI Librorum Sibyllorum sunt antistites. Sibylla autem Apollinis Vates, & Delphinus Apollini sacer est. Vides utique, mi OCTAVI, quam amice mutuam sibi lucem præstent doctissimus Grammaticus ac Nummus iste Vitellianus, quod effugit alias Cl. Tristiani diligentiam, in suscepta illius Numismatis explicatione: Et hoc pridem quidem notaveram, quum vidi postea in eundem quoque Servii locum jam incidisse Rubenium, eruditum Nummorum Areschotanorum interpreterem. Obvias & mythologicas harum rerum explicationes mitto: neque enim id jam agimus. Præter Delphinum vero, *Corvus* in hoc nummo conspicuus, tanquam sacratus Apollini, ut supra ex Plutarcho & Porphyrio notabamus, & bene etiam monuit Tristanus; non autem *Cornix* hic statuenda, ut dubitabant tamen Viri docti, & cum iis idem ille peritus alias veteris hujus memoriæ explicator Rubenius. Gemino nempe errore, quem in Celfo arguit alicubi Origenes, è Corvo, cujus mentio in sacra Diluvii historia, Cornicem similiter faciente: Τὸν Κόρακα εἰς Κορώνην μετέλεγε. Ut vero ad Delphinos id genus gestatores redeamus, neque mirum proinde blandi hujus puerorum & cantus amatoris sessorem videre nonnunquam Cupidinem, sicut præter denarios Gentis Cordiæ & Lucretiæ apud Ursinum, ac nummum Augusti cum selectis aliis à Cl. Seguino vulgatum, in sequente numismate hæctenus inedito.*

Lib. IV.

Per-





In Gaza  
Reginæ  
Christinæ

Percussus ille Nicomediæ temporibus Commodi, in quo similiter occurrit Delphino insidens puer iste Diogeneus, qualem etiam videas in nummo Perinthiorum signato sub Elagabalo, & nonnunquam in gemmis antiquis. Ut jam illam præteream, inspectam mihi apud veſtratem Leonardum Agoſtini, in qua Cupido occurrebat, non Delphino quidem, ſed vehiculo insidens, quod trahebant duo Delphini. Ac plane appoſite ad ſuperiores hujus Cupidinis Delphino insidentis imagines, legas olim adluſiſſe Palladam, in veteri Epigrammate,

Γυμνὸς ἔρωος ἀνὰ τὸ πτο γαλαῖ, καὶ μέλιχος ἔστιν,

οὐ γὰρ ἔχῃ τόξον καὶ πυρόεντα βέλη.

Οὐδὲ μάλιστα παλάμῃς κατέχῃ Δελφῖνα καὶ ἄνθρωπον,

τῇ μὲν γὰρ γαῖαν, τῇ δὲ θάλατταν ἔχῃ.

*Nudus Amor ea de cauſſa ridet, ac blandus eſt; Non enim arcum habet, aut ardentes ſagittas. Neque fruſtra manibus Delphinum cohibet ac ſtorem; Illa enim Terram, hæc Mare tenet. Si ſloris loco, flagellum dextræ hujus ſeſſoris tribuas, eundem continuo fatearis in ſuperiori nummo ac illa imagine depiçtum, nudum nempe, inermem, & ſiniſtra Delphinum, cui inſidet, cohibentem: haud aliter nempe ac ſeminudas Nercides, Delphinatorum quoque tergis inequitantes deſcribit alicubi Lucianus; Sic au-*  
guſtæ Chriſtinæ Gaza, in quo Venus cum pomo & haſta,

In Dialog.  
Marin.

sta, Cupido supra Delphinum, à sinistra autem parte monstrum aliquod conspiciuntur. Alium quoque, eundemque præclarum Laodiceorum Nummum possidet, Gaza Medicea, qui hinc nudam exhibet Venerem, ornandis capillis intentam, Cupidinem etiam cum pharetra & sagitta, illinc vero Delphinum. Quæ utique haud leviter firmant Ursini conjecturam, ad Veneris mari ortæ intuitum priores illos denarios Gentium Romanarum referentis, aut vero parum illustant, quæ de hoc ἐπιφροδίτῳ pisce dixit ingeniosissimus vates,

*Seu fuit occultis felix in amoribus index,*

*Lesbida cum domino, seu tulit ille Lyræ.*

Quis vero huic marinæ originis puero, non credat magis appositum vectorem Delphinum, quam vel Hircum forte, aut etiam Tigrim? quibus tamen inequantem videas Cupidinem in denario Gentis Fonteicæ apud Ursinum, ac præterea in nummo quodam M. Aurelii Mediceo. Neque aliter Matrem ejus παίδημον, Capro quoque impositam legas apud Pausaniam; unde prior denarius gentis Fonteicæ potest obiter illustrari. Ceteroquin haud aliena ab hac mansueta Delphinorum indole, quæ de iisdem ad naves placide accurrentibus ac apud eas corpora saltu jactantibus, socios etiam se iis ac duces præbentibus, vulgo narrant auctores auriti simul & oculati. Audi de navium adpulsu facundissimum Christianorum Tullium, Δελφίνων ἐν πολλῇ παυζίνῳ γαλήνῃ, καὶ παρ' αὐτὰς τῇ νηὶς ὄντ' πίχας κυβισίνῳ πλάκῃς. Delphinis placido tranquilloque mari ludentibus, ac sæpenumero apud ipsa Navis latera salientibus, capite in undas dejecto. Qua de re etiam videas Græcum Philippi Epigramma in Anthologia. Huc autem spectat inter alios præclarus Alexandri Severi Nummus, in quo media Navis cum velo, ad cujus latus duo Delphini

Lib. v. i.

Tom. v.  
Hom. i.  
p. 1. edit.  
Savil.

Lib. i. cap.  
xxxiii.  
ep. 94.  
In Gaza  
Medicea.

phini occurrunt coronam sustinentes, & inscr. ΤΑΡ-  
 CΟΥ ΜΗΤΡ. ΑΔΡ. CΕΟΥ. ΑΛΕΞΑΝΔΡ. Ex quo  
 nummo alias, ut obiter hoc dicam, discimus quoque,  
 caput Ciliciæ Tarsum, *Hadriana*, *Severa*, & *Alexandri-  
 na* nominibus, à totidem scilicet Augustis, quorum  
 beneficio restaurata fuit vel ornata, nuncupatam: haud  
 aliter ac eadem quoque nomina obtinuisse legas *Ama-  
 siam* Ponti Metropolim, in vetustis illius nummis, aut  
 alterum insuper *Antoniniana*, ab Antonino nempe Ca-  
 racalla, eidem Tarso tributum in alio nummo ejusdem  
 Cæsaris, ΑΔΡ. CΕΟΥ Θ. ΑΝΤΩΝΕΙΝ. ΜΗΤΡ. ΤΑΡ-  
 CΟΥ, seu *Hadriana Severa*, *Antoniniana*, *Metropoleos*, *Tar-  
 si*. Sed hæc alterius loci, & de Delphino hæctenus. Qui-  
 bus & hoc obiter addam, *PELAMIDUM* celebratam  
 olim Byzantii piscationem, de cujus ratione præter  
 Aristotelem ac Plinium, prolixè disserit Strabo; qui Lib. vii.  
 ex ea copiosum reditum Byzantinis Romanisque pro-  
 venire commemorat. Tales autem occurrunt nonnun-  
 quam in priscais Byzantinorum nummis, qui vulgo  
 duos id genus pisces præferunt, ut bene conjecit Tri-  
 stanus, ex Sabinæ Augustæ nummo Byzantino à se qui-  
 dem non inspecto, sed descripto tantum ab Occone  
 sub mentione duorum piscium; qualem utique videas  
 in sequenti nummo Plautillæ Musci Patiniani jam Re-  
 gii, hic quoque tuis & legentium oculis subjiciendum.



Merebantur equidem hi pisces signari in nummo suæ  
 Cc Me-

Lib. vii. Metropoleos, ut festive Archestratus apud Athenæum, ingentis cujusdam *Θωνίδου* seu Pelamidis *Μηρέπολις* vocat Byzantium. Unde patet etiam, cur hospices Oppianus sobolem Euxini maris indigitarit,

Lib. v. Hæ-  
lieutic.

Φύλα ἡ ΠΗΛΑΜΙΔΩΝ ἐκ μὲν γῆς εἰσι θαλάσσης  
εὐζίνε.

Lib. iv. c. 4. aut cur magnam piscatorum multitudinem inde Tarenti & Byzantii exstitisse, observet in Politicis Aristoteles. Erudite vero & ingeniose Tristanus, veteris illius oraculi de Byzantio (cujus Stephanus Byzantius, Eustathius, aliique meminere) versum extremum,

Εἴητε ἰχθὺς ἑλαφὸς πινέμον βοσκόνται ἐπ' αὐτὴν.

*Ubi piscis nempe & Cervus pascuntur in eodem pascuo*, de Pelamide & Cornu Byzantino explicavit; duce utique Strabone, cui κέρας istud dictum simile Cornui Cervino, & in cujus angustia Pelamides, eodem authore, vulgo capiuntur. Alias apud Chalybes quoque frequentem fuisse Pelamidum piscationem alibi tradit

Lib. xii. idem Strabō. An vero commemorabo hic adhuc quatuor Pisces, expressos in præclaro quodam Neronis nummo, & quem jam excusere nobiles antiquarii, POLYPUM, SEPIAM, CAMMARUM & POMPI-  
LUM.




Erizzo ad denotandam Neronis impietatem, sævitiam,

tiam, libidines; signatum hunc nummum credit, cui certe suffragari non possum. Si Lucano enim forte licuit, ut viderunt jam viri docti, & aliquando pluribus ad elegantissimum Poëtam docebimus, Neronem oblique sub laudum involucris perstringere; non proinde existimabimus, nummum auctoritate publica & florentis Principis imagine percussum eum in finem, ut vitia ejus ac infamiam illo ære signaret. Tristanus aliquanto opportunius refert ad natales Claudie Neroni e Poppææ genitæ, & festum illud Amphidromia, quinto à natali die celebrari solitum, quo inter alia Polypi, Sepiæ, aliique id genus pisces mitti à propinquis & familiaribus consueverant, sicuti ab Athenæo aliisque observatum. Sed obstare videtur tum, (ut jam vidit Tristanus) quod mos ille Græcus foret, nummus autem vel Romæ, vel certe in Romana Colonia sit percussus, ut liquet ex Latina epigraphe anteriori nummi parte adscripta; tum illud insuper, quod vulgo non Cæsarum, sed Augustarum vultus præferant nummi illi, qui fecunditatem domus Augustæ solebant indicare. Neque tamen alienum crederem, ad fecunditatem Poppææ respexisse, qui nummum cælandum curavere; quam & Nero *ultra mortale gaudium accepisse* dicitur apud Tacitum, & Senatus votis, supplicationibus, Templo etiam Fecunditati decreto prosequutus. Opportune itaque in hujus fecunditatis memoriam, & incredibile illud Neronis gaudium inde conceptum, signati videntur ii Pisces; quos fecunditatis præcipue observant Aristoteles, Athenæus, Plinius. Ne jam præteream Piscem alium singularem, quem in nummo Lopadussæ Africi maris Insulæ signatum videre licet apud Goltzium.

Annal. xv.

Tab. Insul.  
xxviii.



Piscis, ut vides, ex aculeatorum genere, cum aculeis nempe à cervice ad caudam, & porrecto ac peculiari quodam Rostro. Qualis autem sit, neque indicat Goltzii interpres Nonnius, neque certiores reddent neoterici, qui de Piscibus scripsere, Rondeletius, Salvianus, Gesnerus, alique, apud quos ei similem vix facile reperiatur. At mox illud suboluit, ad APRINUM ceu PORCINUM piscis genus omnino referendum; quale cum marinum tum fluviatile agnoscunt antiqui auctores, Aristoteles, Athenæus, Plinius, & plures alii. Sicut enim obvii Elephant, Leones, Boves, Equi, Canes, Asini, Vituli, Vulpes, Lepores, alique id genus, cum terrestres tum aquatiles; ita Porci etiam iique & sylvestres & domestici, cui generi superior Piscis videtur nobis adscribendus. Certe & Aprinum, quod præfert Rostrium, & setæ instar Aprî à capite ad caudam porrectæ omnino illud arguunt; ut haud immerito idem statui possit cum eo Pisce, qui ΚΑΠΡΟΣ seu APER apud Aristotelem ac Athenæum vocatur. Obstare forte illud posset, quod non marinum sed fluviatilem videatur eum statuere Philosophus, dum illum in Acheloo amne generari observat; & ex eodem Plinius, apud quem *Caper* vocatur qui Aristoteli κάπρος, manifesto librorum errore, quibus potius quam eruditissimo auctori puerilem Græcæ illius vocis ignorantiam malo equidem transcribere. En utriusque verba, & Aristote-

stotelis quidem, ἔπι γὰρ ἀφιστῶν, ὡπερ ἡρῶδης, καὶ Lib. I r.  
 ὁ ΚΑΠΡΟΣ ὁ ἐν τῷ Ἀχελώϊ, hoc est, Gaza interprete, Hist. Anim.  
 his enim quasi grunnitus quidam emittitur. APER etiam cap. 9.  
 piscis, quem amnis Achelous gignit, vocalis habitus est. Sic  
 Plinius, Et is qui CAPER (legendum APER) voca- Lib. x i.  
 tur in Acheloo amne grunnitum habet. At vero nihil ob- cap. 5 i.  
 stat, cur non & Aprum piscem maris incolam statua-  
 mus, quem Philemon Comicus apud Athenæum cum  
 Scauro & Glaucisco marinis piscibus conjungit, & apud  
 Argivos frequentem docet,

Lib. vii.

Εἰ δ' ἔλαβον ἀρὴ Σκᾶρον, ἢ κ' τῆς Ἀττικῆς

Γλαυκίσκον, ὡς δὲ σῶπρ, ἢ ἔξ Ἀργεὺς ΚΑΠΡΟΝ.

Quod si mihi tum datus fuisset Scaurus, aut ex Attica

Glauciscus, ὁ Juppiter servator, vel ab Argis APER.

Argos quidem ad Inachum fluvium sita, sed mari satis  
 vicina, unde facilis marinorum Aprorum proventus.  
 Idem vero Athenæus alibi dubitari docet ab Epichar-  
 mo, annon sues iidem sint cum Apro,

Χαλκίδες π' ἴες π' ἰέρσκιες τ' χ' ὁ πῶν Κύων,

additque Athenæus, εἰ μὴ ἄρα ἔτι οἱ αὐτοὶ εἰσι τῷ ΚΑΠΡῳ,  
 Chalcides & Sues, Milvi, ac pinguis Canis; nisi forte sues ii-  
 dem sint cum APRO. Marini itidem ii pisces, quos ibi  
 cum suis completitur. Male autem Dalechampius  
 κάπρον ibi per Capriscum reddit, sicut alio apud eundem  
 auctorem loco, quo juxta Aristotelem inter Pisces vo-

cem solum edere observat, ΚΑΠΡΟΝ καὶ τὸ πῆμα ὡς χῶν- Lib. viii.  
 ρον; APRUM, (non Capriscum) & fluviatilem Porcum;

quem locum citat etiam alicubi Eustathius, ubi plures Ad Odyss.  
 vocales Pisces enumerat. Nec prætereundus hic Hesy-

chius, qui Aprum hunc eundem cum Phagro, marino  
 iidem pisce, existimavit, ut ejus verba hodie præfe-  
 runt, κάπρῳ ὁ σάαχρῳ, ὡς ἄγρῳ, ἢ τὸ φάαρον ἰχθυῶ. Mi-  
 rum equidem, ut ingenue fatear, quod diversos pisces,

M. pag. 1710.



Aprum & Phagrum, pro uno eodemque nobis obtrudat eruditissimus Grammaticus; quum diserte veteres accurate eosdem distinguant. Neque etiam si aliqua occurrat inter eos adfinitas, continuo nomen & genus idem utriusque statuendum. Quin de Phagro agens

Lib. v. 11.

Athenæus, plures recenset Pisces, quos ei similes narrant auctores; puta Erythrinum, Hepatum, Chromin, Anthiam, aliosque id genus, nulla Apri facta ibi mentione, de quo tamen, ut vidimus, non uno agit loco. Strabo etiam inter pisces Nili peculiares, Porcum & Phagrum, sed ut diversos recenset; χοῖρον καὶ φαγρόν, ἐν τῇ Φάγρον καλεῖσιν, *Porcus & Phagrorius, quem Phagrum etiam vocant.* De Phagro certe Nilotico testis lu-

Lib. de Isid.

culentus Plutarchus, qui eum una cum Nilo apparere, ac optatum illius incrementum nunciare alicubi refert. Ex his autem modo adlatis omnino augurabar corruptum Hesychio locum, quem intactum reliquere novi editores, eundemque ita restituendum, κάπρος ὁ ἀργεῖον ἰχθυῶν, ὅς ἀργεῖον, ἢ τὸ ἀργεῖον ἰχθυῶν. Aper nempe celebris apud Argivos piscis, ut supra ex Athenæo vidimus, & firmat præterea Eustathius, qui haud parum

Ad I. 111.

Ad pag. 853.

hanc nostram emendationem adserit; ἰσορεῖται ὅτι καὶ ἐν δὲ ἰχθυῶν EN APΓEI KAPPOΣ εἶναι, ὡς δηλοῖ καὶ τὸ ἐξ ἀττικῆς γλαυκίσκον, ΕΞ ΑΡΓΟΤΣ ΚΑΠΡΟΝ. Adludit, ut vides, ad superiorem Philemonis versum citatum ab Athenæo, ac simul ad pervulgatum apud veteres proverbium de optimis piscibus, Glauciscus nempe ex Attica, & Aper ab Argis. Ignari autem huius rei librarii, ἀργεῖον ἰχθυῶν, vel si mavis τὸ ἐξ ἀργεῖς, in notum sibi piscem Φάγρον ἰχθυῶν mutanda credidere. Certe maiora lectionum portenta in optimum auctorem irrepsisse, vel nova quæ modo prodiit ejus editio satis evincit, & quæ plura adhuc in eodem restant emaculanda,

culanda, cujus luculenta liceret hic nobis dare specimina, qui aliquam operam in emendatione Grammaticorum Coryphæi etiam pueri olim posuimus, faventem tum his conatibus eisdemque promovente magno Salmasio. sed hæc alterius loci. Cæteroquin idem Hesy chius alibi, *φρυγέλιον ἰχθὺς μίος*, pro quo *φάρελιον* reponunt viri docti in nuperis adnotatis. At vero constare posse illam vocem *φρυγέλιον*, aut vero in *φρυγέλιον* mutandam, liquere videtur ex superiori Strabonis loco, ubi hunc piscem utroque *φρυγέλιον* & *φάρελιον* nomine dictum docet. Sed quod hic præcipue spectandum occurrebat, illud utique liquidum, cum marinos tum fluviatiles Porcos veteres agnovisse, & quidem priores cum mole spectabiles, tum aculeatis, & periculosis spinis armatos; quæ certe haud male cum superiori effigie quadrare videntur. Plinius, *Apion maximum* Lib. xxxi. *piscium esse tradit Porcum, quem Lacedæmonii Orthragoniscum vocant, grunnire eum cum capiatur.* cap. 2. Idem alibi, *In Lib. xxxii. ter venena sunt piscium Porci marini, spina in dorso, cruciatu magno laetorum.* cap. 5. Non autem hic moror recentiores, qui de Piscibus scripsere; quos in tradenda vel Apri vel Porci aquatilis veteribus commemorati figura graviter inter se dissentire videas, diversasque ac multum inter se dissimiles nobis obtrudere; ut ex Gesnero ac productis à Rondeletio & Bellonio iconibus constare poterit. Cautior, ut verum fatear, Rondeletius, qui Piscem quendam pro Apro, cujus Aristoteles meminit, sed dubitanter exhibet, in quo Rostrum quidem superiori Lopadoussiorum haud valde dissimile; sed cujus in reliquis figura squamosa & orbicularis haud perinde convenit, immo longe satis recedit. Quæ dubitatio aut dissensio neotericorum non mira adeo iis videbitur, qui & veteres etiam aliquos hic suspensos & in-

& incertos observat; ex Athenæo certe haud liquido constare, an  $\tau\epsilon\varsigma$  &  $\tau\epsilon\alpha\iota\delta\epsilon\varsigma$  idem sit piscis genus, & quod locus supra à nobis adlegatus satis innuit, an rursus  $\tau\epsilon\varsigma$  illi seu *sues* iidem sint cum Apro. Unde non continuo accedo vestrati Salviano, qui unum & eundem piscem omnino statuit, qui Græcis dictus  $\kappa\acute{\alpha}\pi\epsilon\omega$ ,  $\kappa\alpha\pi\epsilon\iota\omega$ ,  $\kappa\alpha\pi\epsilon\iota\omega$ ,  $\kappa\alpha\pi\epsilon\iota\omega$ ,  $\tau\epsilon\varsigma$  &  $\mu\acute{\upsilon}\varsigma$ , Latinis autem, *Caper*, *Aper*, *Porcus*, *Sus* & *Mus*; neque vero alium ab eo pisce, quem vestrates *pisce balestra* solent nuncupare. Quod certe, ut alia mittam, vel satis refellit adlatus supra Athenæi locus, quo juxta Aristotelem, Aprum & fluviatilem Porcum distinguit. Ne jam ulterius perstringam illum errorem, quo ipse Salvianus alii pro  $\kappa\acute{\alpha}\pi\epsilon\omega$  &  $\kappa\alpha\pi\epsilon\iota\omega$ , ex corrupto aut certe vitioso Plinii loco, *Caprum* & *Caprisium* nobis obtrudere; quæ utique Caprina nomina non quidem  $\kappa\acute{\alpha}\pi\epsilon\omega$ , quæ vox Græcis Aprum seu Porcum sylvestrem sonat, sed  $\tau\epsilon\alpha\iota\gamma\omega$  pisci quadrare poterant, cujus digna apud <sup>a</sup> Aristotelem ac <sup>b</sup> Athenæum occur-

<sup>a</sup> Lib. VIII.  
hist. Anim.  
cap. 30.

<sup>b</sup> Lib. VIII. rit mentio.

De FABU-  
LOIS A-  
nimilibus  
in Nummis.

Nec pigebit iis adnumerare fictitia illa & fabulosa Veterum Animantia, CAPRICORNUM, SPHINGEM, SIRENEM, STYMPHALIDEM, SCYLLAM, CHIMÆRAM, CERBERUM, HYDRAM, GRYPHEM, PEGASUM, CENTAURUM, MINOTAURUM, PHOENICEM denique; quæ non magis inter Poëtarum figmenta, quam inter mysteria Gentilium locum frequenter habuere, & quorum figuram varie nonnunquam authoribus traditam, Nummi veteres ob oculos ponunt. CAPRICORNI, quidem vulgaris apud antiquos effigies, Capri nempe cum caudâ piscis involuta, ex monumentis id genus eruitur. Signatus ille vulgo in obviis Augusti nummis, & caussam quidem adferente Suetonio, quod natus esset illo

illo fidere, magnamque inde fati ac thematis sui fiduciam haberet. Hinc ortæ de natali Augusti, ejusdemque horoscopo graves inter Principes hujus ætatis Chronologorum dividia ac velitationes; aliis ad vetus Kalendarium, aliis ad emendatum seu Julianum, natalem ejus diem referentibus; unde de horoscopante sidere diversæ oriebantur sententiæ, & inexplicabiles quidam nodi. In iis vero solvendis haud infelicitervidetur laborasse Gotifredus Vendelinus, dum referente ac probante Alberto Rubenio in postremis operibus nuper editis, in Genethliaco themate Augusti, sortem Fortunæ Capricornum docet obtinuisse; vel ut ipse potius Vendelinus sæculi nostri Ptolomæus eidem Rubenio dictus, suam hac de re sententiam promit, *natum Augustum cum Horoscopo surgentis Virginis, natumque eundem sidere Capricorni quintam sub terris domum Fortunæ signante.* Hinc utique apposite (quod jam vidit eruditus hujus memoriæ investigator ac interpretes Rubenius) addita plerumque Capricorno in nummis Augustæis solita Fortunæ insignia, Gubernaculum navis, Orbis, Cornucopia, sicut videre licet in sequenti cætypo.

Epist. Gotifred. Vendelinus ad Albertum Rubenium.



Unde jam liquet, cur ille Αἰζονίεως, Augusti exemplo, fausti ominis ergo, aliis quoque vel agnatis vel Cæsari-

In Gaza

Reg. Chri-  
stin. & Me-  
dicca.

Lib. 11.

bus in Nummis sit tributus. Hinc & in L. Cæsare ejus  
Nepotē occurrit apud Tristānum, ac in Julia Paulla  
Elagabali Conjuge, & cum adstante Muliere, in præ-  
claris nummis cum Hadriani, tum Antonini Pii,  
inscriptis FELICITAS AUG. Quæ insuper satis ar-  
guunt, cur *Felix* dictus sit Manilio Capricornus,

*quid enim mirabitur ille*

*Majus in AUGUSTO FELIX quum fulserit ortum.*

Ita etiam geminos id genus Capricornos, ut luculen-  
tos duorum Cæsarum felicitatis indices, videas in num-  
mo aureo Vespasiani ac Titi.



Sicuti & in altero Augusti æreo, cum illa supremæ fe-  
licitatis laude servatorum Civium, seu OB CIVES  
SER. Ut non mirum proinde signatum quoque Ca-  
pricornum, non in Romanis solum, sed in rarioribus  
aliarum etiam Græciæ aut Orientis Urbium Nummis,  
sicut Zeugmatis Syriæ, & Anazarbi Ciliciæ: neque  
proinde opus cum Tristano hoc ad situm eorum loco-  
rum, partim montosum, partim ad mare aut ad Eu-  
phratem referre. Quam vero cum Ægipane commu-  
nionem habeat Capricornus, docere potest Theon ad  
Aratum.

De SPHINGE, in qua tradenda non omnes Oedi-  
pi fuere, res magis anceps videri posset. Hanc enim  
inter Ægyptiorum inventa antiquarii vulgo referunt;  
quod tamen ab Agatharchidis apud Photium, Diodori,  
Pli-

Plinii, aliorumque constanti relatione alienum, qui eas inter veras Simias recensent, & ex Æthiopia in Ægyptum deferri contendunt. His accedit recentior & oculatus quidem testis Philostorgius, qui ubi varia Simiarum genera, αἰγοπιήκων, δελιοπιήκων, λεονοπιήκων, κυνοκεφάλων, Capris nempe, Ursis, Leonibus, aut Canibus similibus enarrasset, in illo ipso terrarum tractu familiarium, in eandem etiam Simiarum classē refert Sphingem à se visam, ad muliebrem formam accedentem. Sed operæ pretium erit audire auctorem ipsum hoc adferentem in illo Historiæ Ecclesiasticæ compendio, quod primus evulgavit magnum nuper Patriæ meæ ac litteratæ Jurisprudentiæ decus, Jac. Gottofredus. Καὶ Lib. III. cap. 11.  
 μὲν ἡ ΣΦΙΓΞ γινώσκειται ΠΙΘΗΚΩΝ (αὐτὸ γὰρ ΘΕΛΑΣΣΑ-  
 ΜΕΝΟΣ ΓΡΑΦΩ) ἥς τὸ μὲν ἄλλο σῶμα λάσιόν ἐστιν ὡς πῖς  
 ἄλλοις πηήκεις, τὸ δὲ σῆνον ἄχρη γὰρ αὐτῷ ἔτραχέλις ἐφίλω-  
 πη, μάζεις δὲ γυναικὸς ἐχρ' ἐρυθρὰ πινὸς βραχέλις κεγχεοει-  
 δὲς, ἐπαναστήματι, ἅπαν ἐν κύκλῳ τὸ γηγυμνωμένον ἔσώ-  
 ματι περιτέοντι, καὶ εἰς πολλὰ πνα δὲ πέπειται ἀνθρωποφα-  
 νεῖ. ἐν τῷ ἐν μέσῳ χρώματι σκυαρπαζομένη (leg. Gott.  
 σκυαρμοζομένη) τότε πρὸς ὥπιν ἐνεργωγύλωται μάλλον, καὶ εἰς  
 γυναικίαν ἑλκεται μορφῇ. Sed & SPHINX SIMIÆ genus  
 est, (id quod CONSPICATUS SCRIBO) cujus qui-  
 dem reliquum corpus hirsutum est, ut aliarum Simiarum: pe-  
 ctus vero ad collum ipsum usque glabrum est, mammas mulie-  
 bres habet, rubra quidam tenuique, quæ milio similis est, pa-  
 pula totum corpus, quæ nudatum est, in orbem percurrente,  
 multumque decoris & gratiæ colori, qui in medio humano si-  
 milis est, conciliante; facies vero rotunda plusculum est, & in  
 muliebrem formam vergit. Additque in sequentibus,  
 Græcanicam de hac Sphinge narrationem inde natam,  
 quod Thebas ab Ægypto delatum hoc animal, ferum  
 in primis & ab Oedipo interfectum, fabulæ locum de-

derit; alasque ob motus celeritatem eidem tributas, muliebri pectus ob similitudinem, & leoninum corpus propter innatam feritatem; sermonem vero illius animalis ad humanum accedentem, sed sono obscuro, ad ænigmaticum detortum. Neque mirum id esse, nam & multa alia Græcis (non Gentilibus hoc loco, ut vertit doctissimus interpres) morem esse in fabulam vertere: & ille hætenus. In eo itaque discrimen statuendum, quod fabulosæ omnino illæ fuerint Græcorum Sphinges, sicuti notat etiam Palæphatus; qualis nempe juxta Aufonianam descriptionem, *volucris pennis, pedibus leo, ore puella*, in obviis cum Augusti, & Chiorum nummis, tum in aliis simulachris Dianæ Ephesiæ, aut Galea Palladis, vulgo occurrit quum Ægyptias Sphinges ab iis diversas ac ἀνέμους, cum ex auctoritate veterum, tum ex monumentis in Urbe passim adhuc obviis, ac insuper ex Nummis etiam aliquot liceat observare. Quibus etiam accedit Ægyptii, & quidem luculenti scriptoris, Clementis nempe testimonium; qui nullas utique alas Sphingibus, sed totum corpus leonis, faciem autem hominis tribuit. Ita ut hinc errare pateat, tum qui non alias nisi alatas Sphinges credidere; tum qui inde omne hoc animantium genus continuo fabulosum statuunt. Nec juvat, quod vulgo tradunt antiquarii, ex Virgine ac Leone fictum ideo ab Ægyptiis, ut Nili sui incrementa hoc veluti symbolo adumbrarent: Notum enim, cum feracem monstris vel ignotis alibi animalibus Ægyptum & vicinam Æthiopiam, ut Strabo, Plinius, Ammianus, aliique observarunt, & juxta eosdem Theophylactus Simocatta, qui in specie de Nili animalibus ἀνθρώπων μορφῶς multa veteres tradit commemorasse; tum è media rerum natura, & obviis in ea gente animalibus, sym-

lib. v.  
Scromat.

Histor.  
lib. vii.  
cap. 16.



symbola ac figuras virtutum ac rerum cœlestium vulgo Ægyptios desumpsisse. Nec diffiteor tamen, illam mixturam hominis & bestię, Ægyptiis olim familiarem, ut præ aliis docet eximius apud Porphyrium locus, qui in aureo libello tradit volucrum & ferarum permixta ab iis cum hominibus corpora, ut ostenderent ex Deorum sententia, hanc quandam inter se communionem alere. Hinc Isis sub forma Leonis itidem, & cum facie muliebri occurrit nonnunquam in nummis Ægyptiorum, sicuti in quodam Antonini Pii, quem servat Gaza Medicea: Ut mittam petiæ quoque ab aliis mixturæ illius humanæ & ferinæ exempla; sicut adlati supra Amphipolarum & Nicomediensium nummi evincunt, in quibus Dracones cum humano capite visuntur. Sed ut modo è Philostorgio, Simocatta, aliisque notabamus, cum Æthiopię, Arabię, tum Ægyptii vel in primis Nili familiares accolæ id genus *ἀνθρωπομορφοι*, seu *ambigua hominum & belluarum formæ*, apud Ta-

De Abstin. lib. iv.

Annal. lxx.

citum: unde & propter novitatem animalium, jucundam in eo tractu terrarum suscepisse peregrinationem jam olim Severum, refert in ejus vita Spartianus. In eandem vero Simiarum id genus singularium classem, quibus juxta Sphingem, multa cum Homine & Leone communia, *κίβες* etiam (aliis *κίπες*) relatos à veteribus novi, Agatharchide, Aristotele, Strabone, aliisque; qui leoninam faciem, pantherinum corpus, priores autem pedes manibus, posteriores humanis pedibus similes tradunt. Neque tamen, ut verum fatear, unam semper iis formam adfingentes eisdem videas. Cebos certe inter Simias referentem observo Proclum in Chrestomathia apud Photium, ο' κηβος *Cod.*

*ἐν τῷ ΠΙΘΗΚΟΤ ἑδῶ*, *CEBUS est autem Simia genus,* *Biblioth.*

Lib. x i.  
Pag. 485.  
edit. Græc.  
Basil.

eodemque cum Simiis conjungentem Galenum, in eximio tractatu de usu partium, ubi docet, cur inferior maxilla, magna quidem Suibus, Asinis, Bobus, Equis contigerit, ἐλαχίστη δὲ ἀνθρώποις, καὶ ΠΙΘΗΚΟΙΣ, καὶ ΚΗΒΟΙΣ, καὶ Λυγξίν, minor vero Hominibus, & SIMIIS, & CEBIS & Lyncibus. Alibi vero eundem, Galenum legas cum Simiam, tum Cynocephalum, Sa-

Anatomic.  
lib. v i.  
pag. 167.

tyrum, Lyncem rursus commemorantem, ὡσπερ καὶ ὅλως ἀπορῆς Πιθήκῃ, Κυνοκέφαλον, ἢ ΣΑΤΥΡΟΝ, ἢ Λύγκα, ubi vero plane Simia indigenus, Cynocephalum, aut SATYRUM aut Lyncem desumendum. In quem magni auctoris locum, quum opportune incidissem, dum in ejus operum lectione versarer, haud dubitavi continuo, per *Satyrum* (ignotum alias feræ genus) ad Cebum eundem respexisse; ut liquere mihi videbatur ex superiori loco, ubi eadem animantia, excepto Cynocephalo, conjunxisse memineram. Rem vero mox confecit Strabo,

Lib. xvi.

qui non solum alicubi Sphinges, Cynocephalos & Cebos itidem conjungit, ΣΦΙΓΓΕΣ, καὶ Κυνοκέφαλοι, καὶ ΚΗΠΟΙ, & SPHINGES & Cynocephali, & CEBI; sed clare alibi cultum docet apud Memphitas Babylonios Cebum, non jam ut priores leonina facie, sed Satyro

Lib. xvii.

simili; ἐστὶ δὲ ὁ ΚΗΠΟΣ τὸ μὲν πρὸς ὧν ἐστὶν ΣΑΤΥΡΩ, τ' ἄλλα δὲ κυνὸς καὶ ἀρκτοῦ μετὰ ξύ; Est autem CEBUS facie quidem SATYRO similis, cætera vero inter canem & ursum. Unde etiam colligas, haud unam fuisse horum Ceborum speciem, aliam quippe leonina facie & pantherino corpore; aliam vero Satyrum facie referentem, (ut cætera mittam) & Satyrum proinde magno Gale-  
no nuncupatam. Quo etiam respexisse videtur Plinius, dum itidem juxta Galenum, Cynocephalos, Satyros

Lib. viii.  
cap. 94.

& Sphinges alicubi conjungit, *Esferatior Cynocephalis natura sicut mitissima SATYRIS & Sphingibus.* Neque ægre

ægre ferent opinor Medicorum filii, haud magis ipsorum, quam Criticorum parenti hoc loco, & alibi quandoque lucem aliquam adtulisse. Sicuti vero inter diversa illa Simiarum genera, Cebi isti ad virilem aut Satyrorum formam accedebant; ita Sphinges rursus magis ad muliebrem, ut supra tradentem Philostorgium, testem oculatum, videbamus, & arguunt antiquæ illarum effigies ære aut marmore insculptæ. Neque vero hæc evertunt aliquot Nummi sub Cæsaribus signati, & ad Ægyptum spectantes cum vulgatis etiam Græcorum Sphingibus, non virgineis solum, sed alatis; quales ejusmodi *παρθένιον σφίγγον*, ut Euripidi alicubi vocatur, <sup>In Phœnicis v. 813.</sup> occurrit in nummo veteri, cum inscriptione *ÆGYPTOS*, sed qui Romæ proculdubio percussus, non vero in Ægypto, ut existimabat Tristanus, sub Græco Sphingis habitu vulgo notiori, Provinciam illam veris alias Sphingibus abundantem designavit.



Sed ut demus aliquot id genus in Ægypto etiam percussos, quales utique occurrunt, fabulosas pro veris Sphingibus obtrudentes, cujus generis etiam suppeditat Mensa Isiaca; non ideo tot aliis veterum auctorum ac monumentorum testimoniis diversas apud Ægyptios Sphinges ceu Simias tradentibus, omnem continuo fidem valebunt derogare. Alatas quidem illas

Græ-

Græcorum Sphinges quod spectat, mirantur docti antiquarii, cur eas passim in Chiorum Nummis liceat videre expressas; quum nemo id veterum dixerit, & Sphingem in Thebano tantum agro habitasse fabulentur. Quasi vero fons & ratio omnium symbolorum aut insignium, quæ occurrunt etiamnum in veteri illa suppellectile, indicari aut erui hodie possent, aut vero res ejusmodi continuo dent nobis explicatas, pauci illi qui supersunt, priscæ historiæ aut locorum enarratores? Mirentur vero iidem haud potiori jure cur illo Sphingis signaculo usum quoque olim Augustum constet. Quod à Suetonio, Plinio, ac Dione observatum, non solum arguunt adhuc hodie hujus Cæsaris nummi, & signatus, ut Fulvio videtur, in Gente Carisia denarius cum Sphinge, sed expressa eadem cum Augusto ac reliqua ejus progenie, in incomparabili illo Cimelio Regiæ Gallorum Gazæ, de quo post Tristanum novissime egit Albertus Rubenius eo opere, cujus editione præclare meritum dicerem de his nostris studiis J. Georgium Grævium, ni ille propriis ingenii ac doctrinæ bonis dives, iis etiam litteras ac eruditos large liberaliterque demereretur. Cæterum en hic quoque Sigilli illius, seu Sphingis in nummo Augusti occurrentis effigiem.



Sed ut ad Chiorum Sphingem revertamur, quid vero obstat,

obstat, cur non statuamus continuo eandem tanquam fortitudinis & industriæ, juxta Plutarchum & Clementem apud Veteres symbolum, cum ab Augusto, tum à Chiis usurpatam? Nota certe abunde ex scriptoribus antiquis, Thucydide, Diodoro, Strabone, aliisque horum Insulariorum cum potentia mari quondam formidabilis, tum singularis quondam virtus ac industria; adeo ut omnium Ioniæ insularum nobilissima haud immerito Stephano nuncupetur. Nisi potius & illud placeat, Sphingem, tanquam in ænigmaticæ cujusdam & Oraculis allegoriisque involutæ sapientiæ symbolum à Chiis adhibitam videri. Neque id solum Ægyptiorum exemplo, quibus vulgo Sphinges ideo ante Templâ positæ, quod, juxta eundem Clementem, doctrina Lib. v. de Deo esset ænigmatica & obscura; sed & recepto quo- Strom. que apud alias Græciæ aut Asiæ urbes more. Sic à Phlegonte jam olim observatum, ut è Stephano Byzantio discimus, in priscis Gergithiorum Troadis Nummis, cum Sibyllam, tum Sphingem expressam; ἀφ' ἧς Γεργί- In voce θία ἡ χρησμολόγος ΣΙΒΥΛΛΑ, ἡ πρὸς τὴν πύλινον ἐν τῷ ΝΟ- Γίγν. ΜΙΣΜΑΤΙ τῆς Γεργίθου, αὐτὴ περὶ ἧς ΦΙΓΞ, ὡς φλέγων ἐν Ὀλυμπιάδων πρώτῃ. Inde vero explicandus mihi videtur denarius Gentis Carisiæ, qui hinc caput muliebri, illinc Sphingem exhibet.



Haud alia nempe illa Mulier, de qua silet Fulvius, quam Sibylla Phrygia, quam recepto, ut è Phlegonte audi-  
Ec mus,

mus, more una cum Sphinge exprimendam curavit Triumvir Monetalis Carisius, ita ut etiam ad signum Augusto familiare respexerit, quod monuerat Urfinus. Nota autem non Phrygia solum, sed Erythræa etiam Sibylla, quas duas solas, non autem decem vult existisse Martianus Capella, & postremam hanc Erythræam eandem cum Cumana contendit. Erythræ autem & Chios, vicinæ ac sociæ urbes, ut cum aliunde constat, tum ex errore Ammiani Marcellini, qui quod de Chio dixit Homerus, nempe superpositum illi montem Mimanta, id tanquam de Erythris ab eodem dictum refert, loci vicinia proculdubio deceptus. Hæc autem præclare illustrat Græcus Euripidis Interpres, Sphingem illam Thebanam, Socrati pro Vate aut Sibylla aliqua traditam narrans; *Σωκράτης ὃ ἐγχωρεῖα αὐτῷ φασὶ χρησμολόγον δύσγνωστα μανθάνειν*, *Socrates vero tradit Vatem illam fuisse indigenam, obscura proferentem Oracula.* Accedit insuper celebris illa Prodiçi Chii de virtute ac vitio fabulis & allegoriis involuta tractatio, & quam diserte Clemens refert inter illustria ænigmatum & allegoriarum exempla, quibus veritatem sacris litteris contentam, à Græcis Barbarisque frequenter traditam satis fuscè ostendit. Adeo etiam, ut brevī post factam doctoris illius Chii, ejusdemque allegoricæ doctrinæ mentionem, Sphingum usurpata eam in rem apud Ægyptios symbola, eodem loco moneat eruditissimus Patrum. Cui sententiæ de hac ænigmatica Chiorum Sphinge, videtur & hoc non parum suffragari: jactasse se imprimis hanc Insulam veri Fabularum & Allegoriarum parentis natalibus, unde & signatam accepimus illius Urbis monetam, illinc cum Sphinge, hinc cum Homeri effigie, cujus generis nummi nonnulli adhuc prostant, & qualem quoque adser-

Lib. xxxi.

Ad Phœnissas.

Lib. v.  
Scromat.

vat Gaza Palatina. Quo loco præterire non possum ingeniosam ac eruditam doctissimi Bocharti notationem; Sphingem nempe *φίνα* Bocotis dictam, (ut liquet ex antiquis Grammaticis, Hesychio autem *βίνα*) Schol. Hesiod. de muliere sagaci & per gryphos ac ænigmata, sui sæculi ingenia exercente, à voce Phœnicia *פיקה*, *Pikea*, aut *Phikea*, quæ apertum ac videntem notat, unde & Picus insignis olim apud Aborigines vates sit nuncupatus. Dum vero in eo versor, casu quodam incido in aliam Cl. Tristani ea de re conjecturam; nempe ideo Tom. 1. Comment. pag. 389. videri sibi signatam in Chiorum Nummis Sphingem, tanquam peculiarem notam ab iis impressam doliis illis aut vasibus, quibus forte vina Marcotica ab Ægypto delata continebantur, & quidem ad distinctionem, ut existimat, vinorum, quibus alias ferax erat eadem insula. Optassem equidem, ne excidisset nobili ac erudito antiquario inanis adeo ac omnino indigna reliqua Viri solertia & accuratione observatio. Quasi vero copioso præstantissimi vini proventu non abunde fuerit nobilitata hæc insula, (quod præter veterum testium nubem, Chia illa fictilia, quorum Athenæus Lib. 1. meminit, & in iisdem Chiorum nummis vulgo cum Sphinge expressa, continuo arguunt; nec diffitetur Tristanus), ut necesse habuerit à peregrinis, & quidem Ægyptiacis vinis celebritatem quærere monumentis id genus? Galenus certe, inter ea vina, quæ antequam aucta Romanorum potentia celebratum fuisset Falernum, pro præstantissimis habita commemoret, tria recenset Asiaticæ, Chium seu Arvisium, à loco Insulæ ubi nascitur, Lesbium & Tmolitum à colle Tmolo, nulla ibi Marcotici facta mentione. Immo idem paullo ante monuerat, in tantum vinum Falernum eo præstare quod vulgo in cauponis venale pro-



Lib. I.

stat, in quantum vino, quod in Ægypto nascitur. Eandem Chio & quidem Arvisio vino, præ aliis Asiaticis aut Insulariis palmam tribuunt eruditi illi compotatores apud Athenæum. Unde licet colligere, non quidem caruisse haud incelebri vino Mareotico Ægyptum, sicuti Barthio videbatur, quem jure eo nomine perstringit Trifanum; neque rursus eam fuisse hujus vini Ægyptiaci præ aliis præstantiam, ut Chii multum de eo debuerint esse solliciti, quibus longe optimum & commendatissimum domi nascebatur. Aut quasi etiam (ut demus his Insulariis frequentatam vini Ægyptiaci vecturam) ideo Sphinx non solum fuerit continuo imprimenda vasibus vino scilicet Mareotico onustis, sed digna res utique visa esset, quæ publice moneta nobilissimæ illius urbis, ad posteritatis memoriam perpetuo signaretur? Quidni eadem ratione Alexandrum, compotatorem utique strenuum, Sphinge pro signaculo usum dicat, ac illius proinde nummis additam nonnunquam, ut videmus, Sphingem, (quæ percussæ à Chiis nummi indicium) in memoriam scilicet aut custodiam vini illius Mareotici, quo forte præ aliis delectaretur? Haud aliter nempe ac frumentum in quodam Indiæ loco repertum, sigillo suo hunc Herodotus obsignasse, jumentisque impositum tradidisse, apud Arrianum legisse memini. Neque vero ideo Augustum, Sphingem sigilli loco dicet usurpasse, quem non Mareoticis, sed Rheticis vinis maxime delectatum Tranquillus refert. Aut quasi denique non liceat nobis, aliquanto magis probabiliter, immo certe confidenter statuere, vel ad fortitudinis ac industriæ, vel ad ænigmaticæ cujusdam & Oraculis allegoriisque involutæ sapientiæ studium indicandum, familiare in eam rem & sibi haud male conveniens Sphingis symbolum,

Lib. I v.  
cap. 111.

bolum, Chios olim opportune usurpasse. Sed quæcunque tandem fuerit ejus rei ratio, certe Sphingem signatam vidi in omnibus, quotquot versare mihi hæcenus licuit, nobilis illius Insulæ numismatibus. Hujus generis aliquot, præclara inprimis ac minus obvia, occurrunt in Cimeliarchio cum Palatino tum Mediceo, & in posteriori quidem nonnulla cum monetæ pretio, nempe ΑCΚΑΡΙΑ ΤΡΙΑ, aut etiam ΟΒΟΛΟΣ, & præterea cum singularis cujusdam pretii & raritatis epigraphæ, ΣΤΕΦΑΝΗΦΟΡΟΣ ΧΙΟΣ. Cujus attributi rationem, ut obiter hoc dicam, non adsequebatur in hac memoria versatissimus alias Cimeliarcha nuper Mediceus, Petrus Filton, qui à vini & frumenti copia, Cornucopiæ & Amphoræ symbolis in eodem nummo expressa, *Stephanephorum* cœu *Coronigeram* dictam hanc urbem existimabat. Alia enim longe causa hujus nomenclationis, quam cum aliunde, puta è Platone, Athenæo, Philostrato, tum inprimis ex Marmore Arundelliano, & Nummo quodam veteri, quem videbam nuper in Regia Gaza Parisiensi, præcipui magistratus constat existitisse, cui Religionis & sacrorum cura incumberebat: qua de re consulendi ad utrumque illud antiquitatis monumentum Cl. Viri Seldenus ac Tristanus. Illud vero indiētum haud licet præterire, Nummum ea de re sub Trajano Decio percussum, quem adtulit Tristanus, aliter ab eo descriptum, quam reperi in eodem vel simili numismate, quod possidet, ut modo innuebam, Regia Gallorum Gaza. Eadem nempe in utroque symbola hinc Decii Imperatoris, illic vero Bacchi & Ariadnes in Bigis Pantherarum, nisi quod Regius nummus præcuntem insuper habeat Cupidinem, epigraphen vero accurate mihi inspectam, ΕΠ. ΑΥΡ. ΑΠΦΙΑΝΟΥ ΑΘΗΝΑΙΟΥ ΑΡΧΙ.

ΚΑΙ ΣΤΕΦΑΝΗΦ. ΜΑΙΟΝΩΝ, hoc est, *sub Aurelio Appiano, Athenao, Pontifice & Stephanesoro, Maoniorum.*

Tom. 11.

Comment.

pag. 595.

Quam vero inscriptionem adfert Tristanus, ΕΠ. ΣΤΡ. ΑΨΤΙΑΝΟΥ ΒΑΧΑΡΑΤΟΥ Β. ΣΤΕΦΑΝΗ. ΜΑΓΝΗΤΩΝ, de qua potest consuli. Nollem equidem de fide nobilis antiquarii & de his nostris studiis bene meriti temere dubitare. At crederem facile, præter attritas vetustate litteras, eo inductum, ut Magnesiis hunc nummum tribueret, ob additum illud ΣΤΕΦΑΝΗΦΟΡΟΥ attributum, cujus in fœdere Smyræorum & Magnesium factam mentionem reperiebat in Marmore Arundelliano. Horum vero ΜΑΙΟΝΩΝ, sicuti scriptum in nummo Regio, plura memini me vidisse numismata; unum quidem cum Herculis effigie in Cimeliarchio Palatino, alterum vero in Gaza Reginae Christinae, cum capite muliebri velato & turrato, ac inscriptione ΜΑΙΟΝΙΑ, in averfa vero parte cum Fortunæ effigie, & epigraphe ΜΑΙΟΝΩΝ. Quod si revera similem nummum vidit Tristanus, qualem nobis descripsit, à Magnesiis sub eodem Decio & cum iisdem symbolis percussum; tum inde magis recepta in publicis monumentis horum Στεφανηφόρων auctoritas elucescit. Illud vero singulare habet superior Nummus Mediceus, quod non jam præfidi sacrorum, sed ipsi etiam Urbi tribuatur hoc nomen Στεφανηφόρων; adinstar nempe earum urbium, quæ Νεωκώρων appellationem, ædituis & sacrorum curatoribus propriam, ad se quoque derivarunt, & continuo in publicis Nummorum aliisque monumentis, loci aut Gentis nomini adscribere: ut obvia passim hujus rei exempla contestantur. sed hæc obiter.

SIRENUM vero genuina illa, quam iis veteres adscribunt, forma ex Nummis demum eruitur; superior  
nem-

nempe Virginis, reliqua, non in piscem, ut vulgo, sed in avem delinens, juxta Ovidianam descriptionem,

*Pluma, pedesque avium, cum Virginis ora geratis.*

Errat vero mea sententia Aldrovandus, qui adserit obiter Grammaticos Græcos à pectore ad superiora, avis vel passeris effigiem, inferiori vero parte, formam Virginis illis tribuisse: plane contra Nummorum & auctorum veterum fidem. Vellem ut Grammaticorum illorum loca adtulisset; quum & Eustathius, & Apollonii Scholiastes, & alii id genus nequaquam id tradant, nec ab Homeri, Apollonii, Ovidii, aliorumque descriptione discedant. Sed facilis fuit hic lapsus homini, qui omnibus aliis præfidiis potius, quam Græcis litteris instructus, apprime tamen instituto operi necessariis, præclarum alias & victurum opus adgressus mihi videtur. Errat enim gravius idem Aldrovandus, quum volucres id genus Sirenas haud plane fabulosas censet, earumque visa superioribus sæculis in Neapolitanis oris vestigia, quibusdam id tradentibus credit. Nimis certe credulus hic fuit, & Luciano confidentior; qui instituta quadam cum Sirenibus comparatione, continuo hanc addit cautelam, *si umquam tam* In Nigri-  
*men exstiterint, & τρεις ἀπὸ ἐξήκοντο.* no.  
Quis enim nescit, tres illius nominis Virgines Siculas, in totidem canora monstra à Poëtis conversas, fabulæ locum dedisse; quod præter alios docere illum potuisset Servius, *secundum fabulam tres in parte Virgines fuerunt, in parte volu-* Ad lib. v.  
*cres, Acheloi fluminis & Calliope Musa filie.* Æncid.  
Quod vero tradit idem doctissimus Grammaticus, unam voce, alteram Tibia, tertiam Lyra cecinisse, firmant adhuc ex parte nummi antiqui Neapolitanorum in quibus Parthenope Siren cum Tibia visitur, qualis ille qui in Gente Petronia Fulvianæ collectionis occurrit.

Hinc



Mytholog.  
lib. 1.

De Abst.  
L III.

Hinc nempe Augusti effigies, à quo instaurata Neapolis, illinc ut jam vidit Ursinus, Siren Parthenope. Ubi videas etiam gallinaceos pedes haud immerito Sirenibus à quibusdam ex antiquis tribui, sicut inter alios à Fulgentio; *Sirenes volatiles & inde gallinaceos pedes, quia libidinis adfectus omnia qua habet spargit.* Ingeniose vero doctissimus Bochartus nomen illud Sirenis, ab Hebræorum vel Phœnicum *Sir* seu *Cantico* derivat: nisi placeat potius Græcis, post metamorphosim dictas *Σειρῆνες*, à voce *Σείρη ὀρνιθόμορον τι ποῖον*, exigui volucris genere apud Hesychium, quo illas etiam Poëtæ vulgo induunt. Alas certe illis & cantum cum Musis communem tribuunt Veteres; unde Porphyrius, *τὰς Μύσας ἐπιέρωσαν καὶ τὰς Σειρῆνας.* Quin alatham etiam Sirenem, infra sellam sedentis mulieris spectare licet in nummo quodam Demetrii Soteris Mediceo, si fides habenda erudito nuper Admirandis Magni Ducis præposito: neque enim omnia & singula observare mihi licuit, quæ in tam ampla & divite penu omnis antiquitatis prostant. Recentium vero pictorum errorem in piscem eas convertentium, refellere poterant pictores antiqui apud Ælium; quem jam ante Antonium Augustinum jugulasse animadverti vestratem Annibalem Cæro, plurimæ elegantix Virum, in vernaculis Epistolis. Unde nollem amicissimum virum, & optime jam de hac antiquitate meritum, ac ulterius in dies meritum, vulgato illo errore deceptum, Nummum

Gen-

Gentis, ut existimat, Cossutia primum à se editum, in quo superne mulier, infra piscis, ad Sirenem detor-  
sisse.



Nereidos nempe alicujus figuram continuo hic agnos-  
cis, cujus generis, uti & haud dissimilem Amphitry-  
tes, ac Tritonum videmus passim in antiquis Græco-  
rum & Romanorum nummis. Consentanea iis quo-  
que Syriæ illius Dercetos effigies, quæ dimidia itidem  
parte mulier, à femoribus autem ad pedes piscis, à  
Luciano commemoratur. Unde frequentes etiam e-  
jusmodi figuræ, Mulieris nempe scopulo insidentis & De Rea Sy-  
ria.  
parte inferiori aquis immersa, in priscis Syriæ ac Me-  
sopotamiæ nummis occurrunt, de quibus alibi. In eun-  
dem etiam errorem incidisse observo vestratem Fortu-  
nium Licetum, qui in opere de reconditis veterum  
Lucernis novissimæ revisionis, ejusmodi Nereida vasi Lib. v s.  
insidentem, superne nempe mulierem, infra vero pi- cap. 35.  
scem, de Sirene Parthenope accepit; cujus tamen lon-  
ge aliam figuram paullo ante in denario gentis Petro-  
niæ vidimus. Equidem (ne quid dissimulem) popu-  
larem illum errorem, implumes, vulgo Sirenes traden-  
tium, tueri forte illud posset, quod apud Stephanum In voce  
Byzantium ac Suidam legas; Sirenas nempe, suscepto A'p'ie-  
cum Musis in Creta certamine, cantu inferiores de-  
prehenfas, præ dolore plumas abjecisse, indeque vi-  
cinum locum Apterae seu *Implumis* nomen consequu-  
tum. Cui rei aut fabulæ posset suffragari rarissimus il-

lius urbis nummus qui exstat in Gaza Medicea, illinc cum capite muliebri ac epigraphe ΑΝΤΕΡΑΙΩΝ; hinc cum figura quadam stante, sed obscura ob nummum injuria temporis male acceptum, & quam ad Sirenem ejusmodi implumem forte liceret cum Cime-liarcha Mediceo referre. Sed neque eadem desinens in piscem, ut vulgo Siren hodie traditur; ac ut verum fatear, potior hic longe auctorum illorum & monumentorum veterum ratio, qui haud aliter quam alas id genus Sirenas repræsentant, tum non alias earum sedes, quam in Sicilia & Magnæ Græciæ seu Italiæ oris vulgo adsignarunt.

Ut vero in hos Sirenum scopulos imegisse intelligas ipsos antiquariorum antesignanos, neque prætercundus hoc loco error Fulvii Ursini, qui cum in Gente Petronia traditam supra Parthenopes Sirenes effigiem erudite observasset, aliam tamén haud parum diversam, obviam in denario Gentis Valeriæ, de Sirene quoque explicavit.



Neque enim Siren, galeata hæc avis & spiculis armata, sicut Ursinus existimabat, aut vero Harpyia juxta Antonium Augustinum; sed STYMPHALIS, nota è scriptoribus ac Poëtis antiquis Arcadiæ volucris, de quo avium genere & ratione nominis Lucretius,

Lib. v.

— *uncisque timenda*


*Unguibus Arcadia volucres Stympbala colentes.*

quæ



quæ nempe homines invadentes, juxta Comicum, pinnis ferratis seu spiculis emissis advenas conficiebant, æreis autem crepitaculis juxta Apollodorum, aut vero crotalorum strepitu cum Diodoro, ab Hercule fugatæ Lib. 1. Biblioth. lib. v.

*Fixit & certis volucres sagittis.*

Hinc videmus Herculem, in veteri nummo Stymphaliorum, in memoriam scilicet hujus beneficii, signatum cum inscriptione ΣΤΥΜΦΑΛΙΩΝ ΣΩ, Σωτήρ  nempe, seu servatoris illius tractus. Unde etiam *Herculeas aves* vocat illas Stymphalidas Claudianus, quo non possumus dare meliorem superioris nummi interpretationem, Lib. 1 v. Consol. Philof.

*Audieram memorande tuas Stymphale volucres,  
Spicula vulnifico quondam sparsisse volatu.  
Nec mihi credibilis ferrata fabula pinna  
Visa diu, datur ecce fides, & cognitus Hystrix  
Herculeas affirmat aves.* In Hystriæccæ.

Agnoscis utique, *monstra hæc Stymphalia*, sicut vocantur Catullo, spiculis armata, & plane ad nummi fidem; quamvis Galeæ loco, cirrum iis in capite tribuentem Plinium norim; sed non mirum, armatam avem & ad prælia accinctam, Galea quoque à pictoribus aut cælatoribus antiquis ornatam. Ut certe haud parum sim lætatus in eandem de hoc Nummo sententiam incidisse quoque commendatissimæ famæ & eruditionis Virum, Nicolaum Heinsium nostrum; sicut ex litteris ejus ad virum omni laude virtutis ac doctrinæ ornatissimum Emericum Bigotium exaratis, haud ita pridem lubens percipiebam. Vides utique nihil fuisse huic monstro cum Sirene, præter alas, commune; quam non spiculis aut pinnis ferratis, sed aut Lyra In Manfium. Lib. x 1. cap. 37.

aut Tibia, ut supra videbamus, armant ac induunt Veteres; aut vero cum obscœnis illis Harpyis, si vel Apollonii vel Virgilio descriptionem de iisdem consulas, qui non spiculis rursus, sed contactu omnia fœdare illas docent. Adeo ut cum Pythia vate apud Æschylum exclamare liceat, haud esse diras illas volucres, quas utique aliter in tabula depictas vidisse sese meminerat,

In Eume-  
nid.

Οὐδ' αὖτε Γοργείοισιν εἰκάσω τύπῃς  
Εἶδον ποτ' ἤδη Φινέως γυρομυδίας  
Δεῖπνον Φερέσσης.

Signatas vero crederem (ut obiter hoc addam) has aves Arcadicas in denario hujus Valerii, vel in memoriam alicujus expeditionis in Arcadiam & vicina Stymphalo loca susceptæ; haud aliter ac à geminis id genus incolis, marinis monstis, Elephantibus, Camelis, Crocodilis, Maritimas, Africanas, Arabicas, Ægyptias victorias vulgo in nummis antiquis signatas nosti: Aut vero ad denotandam forte Familiæ originem, tanquam ex iis Arcadiæ locis in Italiam deductæ; consueto iterum Gentium Romanarum more, memoriam ejus rei symbolis id genus posteris prodendi, de quo alibi. A Sabinis quidem Romam translata gens Valeria, juxta Halicarnassensem, Sabini rursus à Pelasgis; Arcadia autem olim Pelasgia, ut vel ex Stephano liquet, nuncupata. Ut mittam Arcadis Euandri ejusdemque comitum in Latio sedem; aut stellam in vertice capitis, anteriori parte ejusdem nummi expressam, quo Stymphalis depingitur, in memoriam forte Arcadum *αἰετῶν*.

Lib. 1v.

SCYLLAM vero cum latrantibus canibus infima inguinum parte, obvius Sexti Pompeii denarius exhibet; figura ita Maronianæ descriptioni consentanea,

ut

ut illius nummi circa eadem tempora percussi interpres divinus Poëta extitisse videatur. De monstri vero hujus origine ac nomine, illud præter Grammaticos tradit Procopius; inde Scyllæ nomen ei inditum, Hisor. quod in ea freti parte magna sit *σκυλάκων* seu canum Goth. lib. piscium copia, quos catulos vocant. Alias idem mon- III. cap. 27. strum quoque exhibet singularis quidam Nummus à Tar-sensibus percussus, quem observabam nuper in Regia Gallorum Gaza, & cujus ectypum jam vulgavit Tristanus. CERBERUM autem, CHIMÆRAM, utrumque triceps animal & Poëtarum itidem figmentum, depictum, haud semel nosti in vetustis nummis. CERBERUM quidem cum Hercule ejus domitore in altera nummi parte, nummus Pisauriorum apud Goltzium & eidem geminus in Gaza Medicea repræsentat; sicut eundem Herculem, Cerberum percutere paratum exhibent nummi Perinthis & Conticæ Heracleæ sub Gordiano percussi. Qui utique egregie illustant id quod præter alios à Libanio traditum notaveram, De Vita sua & jam vidisse Tristandum postea deprehendi; domito Pag. 12. demum illo monstro, conditam ab hoc Heroë urbem sibi cognominem Heracleam; in quam alias deductum ex inferis ab Hercule Cerberum refert Diodorus; Eundem rursus tricipitem Canem cum Plutone, seu juxta sedentis pedes, spectare licet in Gaza Medicea, in nummo insigni Trallianorum, cum Antonini Pii effigie. CHIMÆRAM vero non solum ostendunt vulgares Corinthiorum nummi, una cum Bellerophonte, sed & alii etiam Scriphiorum, cujus rei causam ignorare sese fatentur eruditi antiquarii. Haud aliam vero existimarem, nisi deductam forte in ea loca à Corinthiis Coloniam; sicut de illo more inde vulgo petendi gentis insignia agetur paulo infra. Ab Athenien-

Lib. VIII. sibus quidem deductos primum novi Seriphios ex Herodoto; sed ita ut nihil obster, alio tempore eosdem à Corinthiis instauratos. Polydecten vero & Dictyn Seriphi conditores referri ab Apollodoro videas. Alias non Bellerophontem quidem Chimææ debellatorem, sed Perseum in Insulam illam appulisse memorant auctores, qui adlato Gorgonis capite incolas in lapides converterit. Ut non mirum sit proinde *Saxi Seriphii* nomine ab Annalium scriptore eandem denotari, sicut alias Origeni vocatur in opere contra Celsum, minima & ignobilissima Insula. Neque prætereundum hoc loco, observatum à me alicubi in penu antiquaria Pyrrhi Ligorii, quam habet Christina Augusta, nummum Hadriani, in cujus itidem averſa parte Bellerophon Pegaſo vectus, & Chimæra depinguntur, cum loci nota ΑΛΑΙΩΝ ΚΙΛΙΚΩΝ. Interpretem vero illius Nummi dabimus Stephanum Byzantium, qui in voce *ταρὸς* observat, lapsum in terram cum Pegaſo Bellerophontem, in solo hujus Ciliciæ Urbis oberrasse καὶ ΒΕΛΛΕΡΟΦΟΝΤΗΝ ἐν τῷ ΑΛΗΙΩ πιδίῳ πλανήσαναι. Idem vero in voce Α'λαῖ nōtaverat, urbem illam esse Ciliciæ, à qua dictum sit Α'λήιον πιδίον, & ad quam etiam spectat hic nummus. Conſona quoque his legas apud Hesychium, in voce Α'λήιον. Chimæram alias cum Ibide calcantem Crocodilum, videre licet inter editas Gemmas antiquas Leonardi Agostini. H Y D R A M autem, non jam triceps, sed septiceps monstrum, ejusdemque debellatorem Herculem, signatum quoque vidimus in variis Græcorum nummis, qui decantatos illius Amphitryoniadæ labores subinde ante oculos ponunt. Quo spectat præclarus quidam & plane singularis nummus Herculi Maximiliani, haud semel mihi inspectus in Gaza Christinæ Augustæ, & è

maxi-

maximorum, seu *Medaglioni*, quos vulgo appellant *vestrates* genere: in quo Hercules visitur Hydræ illius *πλυκεφάλου*, cum qua decertat victor, cum inscriptione **HERCULI DEBELLATORI**. Per Hydram autem, renascentem post tot funera, Christianorum gentem intendit designare novus hic Hercules; qui de prostrata scilicet eadem ac triumphata, cum Jovio suo Collega, hoc apud posteros monumentum voluit perennare. Gemina laus utrique Augusto impie quaesita jam olim in veteri lapide, quem adtulit etiam eminentissimus Annalium scriptor,

**DIOCLETIANVS IOVIVS ET  
MAXIMIAN. HERCVLÆVS  
CÆSS. AVGG.  
AMPLIFICATO PER ORIENTEM  
ET OCCIDENTEM  
IMPER. ROM.  
ET  
NOMINE CHRISTIANORVM  
DELETO QVI REMP.  
EVERTERANT.**

Vides utique eum lapidem, luculentum nummi hujus commentarium, & utrumque vanæ haud minus quam impiæ jactationis monumentum. Sic Julianum in Epistolis audias Constantium vocare, *πλυκέφαλον* Epist. xxiij.  
**ΔΡΑΝ**, *HYDRAM multorum capitum*; ut germanum illius Cæsaris in Christianos odium agnoscas. Ita improborum quoque supplicia, Hydræ renascenti comparat alicubi gentilis itidem Libanius; sicut alias In Basilico. Pro-  
*arefii æmulos sophista Eunapius*. Neque vero ad Hydram serpentem ab Hercule peremptum, ut vulgo mythologi, sed ad Hydram quandam mulierem sophisti-

In Euthy-  
damo.

Tom. 1.  
Orat. 111.  
in Julian.1.

ces peritam, & ab Hercule non citra opem Jolai fra-  
tris devictam retulit jam olim eam fabulam Plato.  
Quod proinde symbolum, Hydræ nempe nummo, de  
quo agimus, expressæ, haud male scilicet in Christo ad-  
dictorum sectam, & sociam utriusque Augusti in ea-  
dem debellanda operam, quadrare furentibus videba-  
tur. Alias adinstar hujus Hydræ, ceu Draconis vulgo  
cum septem capitibus depicti in iisdem nummis, ἐπι-  
κεφαλῆς Dracones apud Brachmannos existisse obser-  
vantem lego Damascium in vita Isidori apud Photium.  
Quamquam novem etiam capita videas alios huic Hy-  
dræ adscribentes, atque inter eos Gregorium Nazian-  
zenum, eo loco, quo apposite has ipsas quatuor, de qui-  
bus agimus, multicipes belluas commemorat ac descri-  
bit, & cujus locum proinde, ut luculentum sequen-  
tium Nummorum interpretem haud pigebit hic ad-  
ponere; τὴν ΤΑΡΑΝ ἣ ἐδὲς πῶποτε εἶπεν ἡμερον, ὅτι ἐννέα  
κεφαλὰς ἀντὶ μιᾶς πρὸςβάλλει· εἴ τι τῷ μύθῳ πιστεῖν· ἐδὲ τὸ Πα-  
ταρικὴν ΧΙΜΑΙΡΑΝ, ἐπὶ τρεῖς καὶ ἀνομοίαις, ὥς εἶναι φοβε-  
ρωτέρα· ἢ τὸ ἐν ἁδὲ ΚΕΡΒΕΡΟΝ, ἐπὶ πσῶπας καὶ ὁμοίαις·  
ἢ τὸ θαλάττιον κακὸν τὸ ΣΚΥΛΛΑΝ, ὅπῃ ἐξ ἐν κύκλῳ καὶ φθό-  
κιστος. Atqui HYDRAM nemo unquam mansuetam di-  
xit, quod novem capita pro uno proferret; nec Patavicam  
CHIMÆRAM, quod tria ac diversa, ut terrorem majorem  
adferret; aut illum apud Inferos CERBERUM, quod toti-  
dem & similia; aut SCYLLAM, aquoream pestem, quod sex  
in orbem, maximeque horrenda. Mitto quæ in hac descri-  
ptione non videntur satis consentanea iconibus horum  
monstrorum, quas exhibent nummi antiqui; ut quum  
vel Hydræ, ut diximus, novem, aut Scyllæ sex in or-  
bem capita tribuit, quum tria tantum ima inguinum  
parte eidem adscribant denarii Gentis Pompeiæ. Novi  
enim aut quam diversa nonnunquam de iisdem rebus  
tradant

tradant antiqui fabulatores; aut quantum sibi nonnunquam pictores ac cælatores jam olim indulserint in iisdem exprimendis; aut denique quam veniam mereantur, qui in talibus recensendis minus se præstant accuratos. Verum ut habeant otiosi, quo ad illas horum Monstrorum Imagines, veterum id genus Auctorum de iis loca, & Poëtarum, quas ferunt fabulas jucunde exigant, en cum SCYLLAM biformem cum latrantibus Canibus, tum tricipitem CERBERUM; CHIMÆRAM triformem; septicipem HYDRAM; qualia in antiquis Nummis, cum suis debellatoribus Bellerophonte aut Hercule depinguntur. Neque enim hæc antiquariis solum scribimus, aut iis quibus obvia id genus monumentorum supellex continuo ante oculos posita, & quibus proinde levia hæc & trita forte videbuntur.





Lib. vii. l.  
cap. 21.  
Lib. x. cap.  
49.

In Itinera-  
rio.

Tom. i. l.  
Comment.  
pag. 83.

GRYPHAS autem & PEGASOS, alata & fabulosa monstra, Græcorum & Latinorum nummi frequenter repræsentant, quamquam de postremis videatur dubitare Plinius, an eadem fictitiis vellet adnumerare: Æthiopiam enim multa similia monstra generare, pennatos equos & cornibus armatos, quos Pegasus vocant, alicubi agnoscit, at alibi, *Pegasus, equino capite volucres, & Gryphas aurita aduncitate rostri, fabulosos reor, illos in Scythia, hos in Æthiopia.* Ctesias vero in Indicis, veros id genus Gryphas agnoscere non veretur, ut alios mittam, quibus ad Euphratem traduntur inspecti, & proinde Εὐφρατῆσος γρύπες nuncupantur; aut Magistram Benjaminem, cui הנשר הגדול הקרא גרפון *magna Aquila Gryphes dictæ.* Marinos autem Gryphas, in caudam nempe tortuosam desinentes, videre licet in nummis Yeliton apud Goltzium. Quod vero hic minime licet præterire, occurrit apud Tristhanum nummus cum Gryphe & adscriptis litteris ΠΑΝ, quas ad Panem continuo refert, quem inde colligit priori nummi parte signatum, atque inde longam de Pane *ῥῆσις* instituit. At vero ab ea facile potuisset ibi supersedere nobilis antiquarius. Neque enim Panem, sed Panormitanos Siculos innuunt initiales illæ litteræ ΠΑΝ, ut mihi continuo liquebat ad primum nummi apud Tristhanum intuitum. Ita enim noveram signatos frequentissime Panormitanorum nummos. Et consultus mox Paruta id verissimum docuit, qui eundem inter Panormitanorum nummos refert.



Sicilia Pa-  
ruta &  
L. Agostini  
Tab. 1 x.

Idem vero ille nummus, quem expressum à Tristano reperiens. De barbata & hirsuta figura consule Augustinum Jueges in Annalibus Panormitanis, quibus traditos à Paruta nummos Panormi inseruit & explicavit. Gryphem quod spectat, & de quo hic sermo vertebatur, haud mirum eundem, qui Apollini, ut supra vidimus, sacer habebatur, frequenter nummis variorum locorum insculptum. Eundem certe crebro etiam signant nummi ejusdem Insulæ Syracusani. Vetus alias Panormi insigne, non Phœnicem existitisse, ut nonnulli crediderant, sed Aquilam, ex antiquis id genus Panormitanorum nummis colligit vir doctus in scripto vernaculo Antiquitatum Panormitanarum. Gryphis vero vulgo haud dissimiles PEGASUS I, quod nomen alias velocibus aut Circensibus Equis tributum itidem nosti; quo & adludit Aufonius, ex emendatione viri magni,

*Pegasus hinc dexter currant, ibi laevus Arion,*

*Funi sed quartum det tibi Castor equum.*

Sic alium Pegasus, multis quidem palmis nobilem, sed tandem ad pistrinum infelici fato condemnatum, & eo nomine cum Thessalia patria sua expostulantem legas in veteri Epigrammate incerti auctoris,

Σοὶ πάτερ, Θεσσαλὴ πωλοτέρφῃ μέμψιν ἀνάπλω,

ΠΗΓΑΣΟΣ ἐς ἀδίκῃ πέριμαλ' ὠπάσῃ.

Gg 2

Ne-

Neque vero multo felicius fatum nobilioris hujus, de quo agimus, Pegasi; à cujus fracto nempe calcaneo, & impresso ejusdem vestigio, caput Ciliciæ Tarsum denominatam tradit Polyhistor ille Alexander apud Stephanum Byzantium, & Avienus,

*Impressaque solo liquit vestigia calcis.*


A sessore vero ejus Bellerophonte, & inde orta pedis claudicatione, urbis etymon deducere malebat Thrax Dionysius, eodem Stephano auctore. Certe adhuc hodie rei seu fabulæ memoriam signare videtur impressus in Tarsensium nummo Mediceo, percussio temporibus Alexandri Severo, pes aut vero crepida. Haud aliter ac Lacedæmone olim locum quendam Sandalium appellatum tradentem lego Ptolemæum  
 Cod. exc. Hephæstionem apud Photium; ab Helenæ itidem Sandalio, quod illic exciderat, dum eandem Alexander persequitur. Σανδαλιῶπις alias dicta olim Sardinia, ut pro Σανδαλώπη bene apud Hesychium emendarunt viri docti, à figura, ut videtur, Sandalii. Cæterum ut Pegasi, sic Volucres dicti celeres id genus equi, qualis ille cui simulacrum aureum crexisse L. Verum Capitolinus refert, aut nonnunquam Phænices, Coraces, sicuti  
 Lib. v. r. Cleosthenis Equi apud Pausaniam; vel etiam Aquile, ut in veteri Epigrammate,

Ὅπρ' ἐν ἀελλοπιῶν λάμψας πλέον ΑΙΕΤΟΣ ἵππων  
 aut nonnunquam Aquilones, ut in faxis antiquis, & qua ratione Ventosos eisdem jam olim dixit Ovidius,

Faßt. 1 v.

*Primaque ventosis palma petetur equis,*  
 hoc est juxta Silium, de Equo itidem Circensi, & ventos post terga relinquit. Hyginus autem de Oenomao, Equos aquilone velociore habuit. Sed ut ad Pegasum redeamus, occurrit ille frequens in nummis Corinthiorum insigne, vel solus vel cum sessore Bellerophonte, modo  
 cum

cum Leone, modo cum Chimæra depugnante, inscr. COL. L. JULIA. COR. seu *Colonia Laus Julia Corinthus*. Quo etiam referendi duo denarii Gentis Cæciliæ, à diligentissimo hujus memoriæ investigatore Patino primum editi.



Neque enim illi, quod arbitrabatur Vir amicissimus, ad Duumviros ad frumentum emendum; sed ad Coloniam Corinthum ab illis Duumviris deductam, omnino sunt referendi: sicut CORINT. etiam nomen in priori alterius denarii parte expressum satis aperte denotabat. Unde etiam his denariis nomina & memoriam debemus eorum ducum, à quibus excitatum de novo clarissimum illud Græciæ lumen. Veneris autem caput in altera nummi parte cum Corinthi inscriptione satis arguit, quam venuste urbem eam vocarit elegantissimus Orator, omnium urbium quæ sunt, aut quæ fuerunt VENUSTISSIMAM, πόλιν τῇ εὐσυνεπείᾳ καὶ γαλήνῃ μύσαν ΕΠΑΦΡΟΔΙΤΟΤΑΤΗΝ. Ut mittam quæ de Veneris apud Corinthios fano & cultu è veteribus, Strabone puta, Pausania, aliisque jam nota: aut quod

Dio Chrysost. in Corinthiaca.

Stephanus  
de Urbibus.

Hefychius,  
Eustathius  
ad Iliad. B.

290.

Lib. 1x.

veteres Grammatici docent, κορινθιάζομαι idem esse quod εταυρεῖν, aut quod adhuc fœdus, τὸ μαρτυρεῖν. Ut proinde satis opportune moneta illa Corinthiorum Pegaso signata, πῶλⓈ iisdem juxta Pollucem vocaretur; καὶ ΠΩΛΟΣ τὸ ΝΟΜΙΣΜΑ τὸ ΚΟΡΙΝΘΙΟΝ ὅτι ΠΗΓΑΣΟΝ ἔχῃ ἐκπιτυπωμένον; PULLUS autem dicitur Nummus CORINTHIUS, ideo quod PEGASUM haberet insculptum. Ea autem voce, non pullus solum, ad quem ibi respicit Pollux, sed præterea merx illa Corinthiorum vendibilis, si Hefychium consulas, vocabatur; πῶλⓈ εταῖρα, πῶλⓈ γὰρ αὐτὰς ἔλεγον, οἷα Ἀφροδίτης πῶλⓈ. Unde & Euripides olim, πῶλⓈ ἐν Κορίνθῳ, εταυρίδων, (ut citatur eidem Polluci alia occasione hic locus) seu de Corinthiacis agens prostibulis, καὶ τὰς μὲν ἄξῃ πῶλον ἀνενδεῶς.

Illud præterea ex iisdem Pegasis, aut πῶλοις Corinthiacis colligas, cur in priscis Corcyræorum & Syracusanorum nummis, obvijs passim occurrat Pegasus. De postremis res obvia in Sicilia Parutæ à Leonardo nostro recensita; & nos quoque haud unum hujus generis nacti sumus nuperrime in illa ipsa Syracusarum urbe. Corcyræorum vero Nummum cum signato Pegaso Severi temporibus exhibet Gaza Medicea, & alterum cum Plautillæ effigie, παμειῶν Augustæ Christianæ. Corcyræ nempe sicut & Syracusarum Metropolis, quod Thucydides alique authores docent, Corinthus. Retenta autem vulgo à Coloniis ceu Filiabus, Matris suæ insignia, & eadem publicis monumentis, ad memoriam prodendæ originis, consueto more contestata; quod vel hæc nummorum supellex clarissime nobis antè oculos ponit. Hinc idem Pegasus in nummis Ennæ Siculæ Urbis signatus, quippe à Syracusanis, quod Stephanus tradit, conditæ. Neque aliud arguunt  
vel

vel frequens *Minotaurus*, in aliis Siculis urbibus, vel *Hercules* in Thasiorum, vel *Noctua* in Lebediorum Nummis, (ut sexcenta id genus mittam) nisi id quod aliunde etiam constat, à Cretensibus, Tyriis, Atheniensibus, eosdem illos populos propagatos. Ut vel inde satis liqueat, quantum lucis ad Geographiam veterem, & locorum origines emendandas, conferant id genus monumenta. Sed hæc alterius loci. Neque tamen Corinthi solum, aut Coloniæ ab ea deductarum, sed Africæ etiam insigne Pegasus videas in antiquis aliquot nummis, ob celerum nempe Equorum in ea regione proventum, ut bene jam monuit Cl. Tristanus. Præclarus autem alius quidam Antonini nummus, in quo apparet Mercurius Pegasus manu ducens; qui scilicet Aquilæ vice, alterum illum Ganymedem in cælum veheret. Quo spectat alter insignis à Cl. Seguino nuper vulgatus, qui eundem catamitum exhibet sublimem inter Gryphis alas vectum: aut similiter Pegaso raptus in cælum, ut Tristano visum, Augustus, ut Peireskio Marcellus, aut juxta Rubenium (cui & ego adfentior) Drusus Germanicus, in illa incomparabili Gemma Tiberiana. Honestiori utique vectura sublato in Deorum sedem, quam Vulcanus ille *νεγνίας*; quem Asino alato, in cælum à Baccho reductum, apud Aristidem legas. Mitto enim aut Comam Berenices ab eodem Equo alite in cælum deportatam, juxta Catullum; aut eodem vectam vel Auroram, vel filium ejus Hesperum, juxta Lycophronem, aliaque prisca monumenta, quod jam erudite observavit Belgarum par insigne, Gevartius ac Rubenius.

CENTAURI & MINOTAURI, ut feritate, ita sorte nascendi æquales, si Plutarcho credimus & Phlegonti Tralliano, qui ex promiscuis hominum & belluarum

In Bac-  
chum  
Tom. 1.

Lib. de spe-  
cial. legib.

In vita  
Pauli Ere-  
mitæ pag.  
138. edit.  
Froben.

rum congressibus nata hæc monstra credidere. Geminum legas in eam rem apud Philonem locum, qui ut Minotaurum ex Pasiphaes cum Tauro concubitu, ita ex infandis id genus hominum bestiarumque συνστάσις, tradit natos forte Centauros, Chimæras, aliaque id genus monstribus similia. Quæ ratio forte vel autoritas movit beatum Hieronymum, ut dum visum Eremitæ simile monstrum refert, in incerto ponat quæ de illius natura ac veritate dicuntur: quod alias refellit Lucretius,

*Ne forte ex homine & veterino semine equorum  
Conferri credas Centauros posse;*

More  
Nevoch.  
Part. I. cap.  
60.

& cum Lucretio, ut alios mittam, non Palæphatus solum, sed aliquanto majoris auctoritatis Galenus. Hunc enim videas aperte negantem ἰπποσκελῆ ejusmodi ἄνθρωπων, aut ἰπποάνθρωπων (ut hoc monstrum vocat, haud aliter ac Maimonides in præclaro opere, ס'ס אדם, hoc est, *Equum Hominem*) posse ex infandis id genus congressibus procreari, & Pindaro, utpote Poætæ condonandum, à quo traditum sit, homines quondam Magnesiis equabus mixtos; unde continuo natus sit mirabilis exercitus, matribus quidem inferne, supra autem patribus similis. Plura audies eam in rem disputantem, in insigni illo de usu Partium commentario. Ut certe non ferenda sit vestratis F. Angeloni credulitas, optimo jure à Cl. Tristano jam castigata, dum ideo Centaurum in Gallieni nummis depictum statuit, quod scilicet ejusmodi monstrum Populo Romano exhibuerit spectandum Gallienus. Equidem haud unius generis nummi ita Centauros illos exhibent depictos, præter residua adhuc veterum statuarum monumenta, ut fabulosa monstra facile sese prodant. Hinc marem etiam & feminam Centauros spectamus in pulcherrimo Num-

Lib. III.  
de usu Par-  
tium pag.  
392. edit.  
Græc. Basil.



Nummo Juliae Severi à Cl. Seguino evulgato, currum Liberi Patris trahentes, & feminam quidem infantem fistulam.



Reliqua quæ ad præclari hujus nummi explicationem faciunt, petere licet ex eodem Seguino. Bacchum quidem itidem cum Ariadne sedentem exhibet alius nummus Faustinae junioris, ab iisdem Nicænsibus percussus. Illud vero spectamus hoc loco Centaurorum ministerium, quale utrique præstant in superiori nummo; ut non mirum sit Centauros Baccho militantes, legere passim in Nonni Dionysiæis. Neque aliter Centaurus sagittarius occurrit comes Baccho adjunctus, aut Prusiae sub Bacchi habitu depicto, in antiquis hujus Regis nummis Mediceis. Similem quoque Centaurum exhibet in eadem Gaza Medicea nummus Antonini Pii Ægyptius: Ut inde liqueat mos vetus Centauros illo habitu in nummis signandi, quem à Gallieno repetitum arguunt varia ejusdem numismata cum Centauro id genus Sagittario, & inscriptione Apollinis. Sagittarius enim, quod jam viderunt viri docti, vulgo in Dianæ tutela & Apollinis. Baccho itaque juxta & Apollini Centauri illi in antiquis nummis aut monumentis adscripti, unde & Manilius illustratur,

*Et Phæbo sacer ades, & una gratus Iaccho*

*Crater, & duplici Centaurus imagine fulget.*

Alias idem quoque ministerium, quod Libero Patri in

H h

supe-

In Gaza  
Christinae  
Augustæ.

Vid. lib. v.  
xiv. &  
xxxiii.

Lb. i.

In Gaza  
Barberins.

superiori nummo, aliis quoque exhibentes cernimus hos *ἰν' ἀνθρώπων*. Sic Bigas Triumphales quas duo Centauri trahunt, memini me vidisse inter nummos Trajani Gazæ Farnesianæ. Victoriæ quoque cum Bigis Centaurorum notavi rursus in alio Trajani nummo Ægyptio. Centaurorum etiam Quadrigas eandem operam Herculi præstantium exhibet nummus M. Aurelii, cum inscriptione *TEMPORUM FELICITAS*. Quum tamen Centauros Herculem fugientes, suavi Sirenum cantu periisse tradat Ptolemæus Hephæstio apud Photium, & inde Sirenas dictas Lycophroni Centauricidas. Quemadmodum vero Bacchum & Ariadnen à duobus Centauris in superiori nummo Nicænsium, sic vel à duabus Pantheris ductos videas, ut in nummo Magnesium Trajani Decii, modo etiam à Satyro & Panthera ut in sequenti numismate, cujus cætypum mihi indulgit illustris antiquarius Franciscus Gottifredi.



Percussus ille nummus, ut vides, sub Antonino, Pio, ac ut licet augurari, in aliqua celebritate Bacchanalium. De Satyro vero aut Panthera Bacchi vehiculo subjunctis, trita omnia, & in superioribus etiam excussa.

De PHOENICE vero, res forte anceps cuipiam videri posset, an continuo in hanc fabulosorum animalium classem veniat adscribendus. Equidem illibenter,  
non

non Tacito jam dicam, Plinio, aliisque id genus auctoribus, sed tot sanctissimis Viris, Clementi, Tertuliano, Origeni, Cyrillo, Gregorio Nazianzeno, & geminis sermonibus cogimur dicam mendacii scribere, qui aut veram, aut dubiam vel *possibilem* saltem de Phœnice narrationem credere. Postremum certe videas omniscium Origenem haud refugientem in præclaro opere contra Celsum; quod ab aliis rursus nostri impu- Lib. IV. gnatum, qui nullum id genus animal *μὴν ἀδὲν* esse posse statuerunt, & quorum sententiæ lubentius & nos quoque suffragamur. An vero Græcæ vocis apud Regium Vatem homonymia, & Palma in Syagris renascens, cujus Plinius meminit, occasionem illi de Phœ- Lib. XII. nice fabulæ dederit, ut nuper observabat doctissimus cap. 4. Bochartus, fateor equidem haud mihi continuo probari. Ut enim demus sacros Christianorum Antistites, illa vocis *Φοίνικ* apud Regium cantorem ambiguitate deceptos; at certe nemo dixerit eandem imposuisse Herodoto, aliisque antiquissimis inter Gentiles scriptoribus, à quibus traditam, & non à se repertam illam de Phœnice narrationem, avide in suos usus pii Antistites transtulere; Eo nempe consilio, quo irrisum & explosum adversariis resurgendorum aliquando corporum Mysterium, familiari apud ipsos Gentiles symbolo, adumbrarent tuerenturve; quod primum omnium nec perfunctorie factum à vestrate Clemente in aurea illa ad Corinthios Epistola; quod cedro & auro omni præstantius aurei sæculi monumentum Britannico orbi, ab annis haud ita multis acceptum ferimus. Inde etiam Phœnices vulgo in Cœnotaphiis Martyrum depictos, tanquam resurrectionis symbolum, liquet ex Actis Passionis S. Cæcilæ, ut jam observarunt viri docti. Illud vero sanctissimorum ho-

minum institutum egregie vel firmant vel illustrent obvii passim in nummis consecratorum apud Romanos Phœnices; qui Gentilium sententiæ de Augustis suis è busto ad cœlum prosilientibus, & in novam eandemque æternam vitam adsertis, prodita symbola adhuc hodie conspiciuntur. Hinc solemnes illæ inscriptiones, depicto Phœnici adscriptæ, *ÆTERNITATI AUG.*; ne miremur *æternam avem* dictam jam olim Claudiano,

*Æternam ne perdat avem.*

aut vero illud Christiani Vatis apud Eusebium, post recitatam de Phœnice Gentilium narrationem,

Ἑλληνικῆς Ἑλλήνες ἑξάκις λόγοις

Πάθητι, λοιπὸν τὴν ἀνάστασιν σέβειν.

*Graci ergo Gracis fabulis se creditis,*

*Ne jam negetis suscitari mortuos.*

Unde Christianis etiam Cæsaribus idem novæ vitæ, vel novi quasi & fortunati quidem sæculi symbolum frequentatum. Præclarum inprimis ejus rei argumentum præbent obvii alias Nummi Constantini Junioris, in quibus Phœnix modo supra rupem, modo supra sphæram, ut in sequenti nummo, collocatus cernitur, cum memorabili illa inscriptione, *FEL. TEMP. REPARATIO*, seu *Felix Temporum Reparatio*. Cui insuper præmittemus insignem alium Nummum magni Constantini parentis, in cujus averfa parte occurrunt duæ figuræ cum Globo, supra autem Phœnix itidem radiatus, cum inscriptione illis temporibus familiari *GLORIA SÆCULI VIRTUS CÆSS.* Ejus autem iconem exprimendam curavimus beneficio viri commendatissimi nominis, Amplissimi Joachimi Camerarii nostri, præclari illius Nummi possessoris.

Ubi



Ubi videas nempe Phœnicem eadem figura, qua illūm nobis Herodotus, Plinius, Solinus, vetus Poëta apud Eusebium, Claudianus, aliique tradidere, Aquilæ nempe magnitudine cum plumbo apice seu corona radiata, quam in ejus descriptione *solis imaginem* vocat Achilles Tatius, ut facile inde sacrum soli animal & Horo in Hieroglyphicis, dictum *solis symbolum* adsequamur. Lib. III.

ACCEDUNT præterea alia quædam cælata in Nummis id genus monstra, quibus symbolorum aut Naturæ Interpretes, possunt industriam suam excitare aut ornare luculentius. Unum quod inter Hieroglyphica Ægyptiorum animalia retulerim, exhibet Nummus Medicus Hadriani, in quo cauda, corpus & pedes Leonis, pectus Crocodili, caput Isis cum flore, & desuper

De MON-  
STROSIS  
Animali-  
bus in  
Nummis.

Lib. viii.  
cap. 21.

Sphinx cum rota. Hæc enim omnia Ægyptium nummum satis arguunt, & mea sententia, juxta familiaria illis symbola, Lunæ concordem cum Sole in hæc inferiora virtutem, & recurrens statis vicibus Jovis sui Ægyptii incrementum. In vicina quidem Æthiopia haud unum agnoscit monstrum Plinius, ex variis id genus animalium formis concretum, collo etiam, cauda, pectore Leonis, cætera diversum. Neque alienus ab hoc loco Nummus quidam plane singularis Gordiani Pii à Nicænsibus in Bithynia percussus, in quo figura inequitans monstro, capite equino, cum brachio veluti loco dextri pedis baculum serpenti involutum apprehendente, priori sinistro pede humano, duobus posterioribus equinis, cauda vero instar serpentis inflexa. Eques autem ipse ornatus galea ac thorace, dextra coronam tenens. Ipsa vero monstri inscriptio haud minus singularis, ΠΠΠΟΝ ΒΡΟΤΟΛΟΔΑ ΝΙΚΑΙΕΩΝ. Sed operæ pretium est, ipsam rarissimi & plane singularis Nummi iconem conspiciendam dare, beneficio Christinæ Augustæ, cum aliis id genus ex Regia vere ejus Gaza depromptam.



Quid autem monstri alat hæc figura, fateor me juxta ignarissimos scire, neque ad quam vel histrioniam vel fabulam adludat hæc inscriptio, adsequi adhuc certo potuisse. Neque vel ex antiquis Strabo, vel Dio Chry-

solto-

sostrum, vel Memnon apud Photium, aliique, qui multa de hac primaria Bithyniæ Urbe, ejusque vel Conditoribus, vel Tutelaribus Diis, Hercule, Baccho, Nicæa, Naiade, cæterisque observarunt, vel quos consului, eruditi monumentorum id genus interpretes, faciem hic mihi prætulere. Si Arriani opus exstaret, quo τὰ μυστικὰ Bithyniæ complexus apud Photium traditur, aut Alexandri, Menippi, Demosthenis commemorata antiquis Grammaticis Bithyniaca, haberemus forte hanc rem magis explicatam. Quo loco mihi in solatium occurrit magni illius Herculis Musarum, Josephi Scaligeri confessio, profitentis tam multa in Nummis & inscriptionibus antiquis latere, quæ nos fugiunt, & ex quibus tot præclara ac recondita liceret eruere, si illa utique possemus adsequi. Alius quidem Nummus ejusdem Gordiani & ab iisdem Nicæensibus signatus, Bacchum eumque seniore[m] illum Barbatum exhibet, cujus cum \*Diodorus meminit, tum ad Demosthenem <sup>b</sup> Ulpia-<sup>a</sup> Lib. IV. nus, Pantheræ super incubantem; urbis nempe illius<sup>b</sup> Ad Orat. πρὸς τὴν πόλιν, ut supra notabamus, cum Victoriâ, quam γὰρ μὲν. gestat, & quæ ad Nicææ nomen videtur adludere.



Sed nihil Nummus ille ad priorem, neque magis alter Macrini Nicææ itidem percussus, cum figura in onstro simili, non Equo quidem sed Elephantii insidente, quem videbam nuper in Collegio Claromontano Parisiensi. Cebos quidem Simiæ genus, priores pedes manibus,



nibus, posteriores autem humanis pedibus similes habuisse, supra ex Aristotele & Agatharchide tradebamus. At non Simiam hic, sed Equum cum dextra & pede humano, eique insidentem Equitem licet intueri. Ne quid tamen hic intentatum relinquamus, crederem facile ipsum Gordianum designari illo emblemate Bithyniam peragrante, & quasi alterum Æsculapium, ceu gratum salutis auctorem conspicuum iisdem factum. Designati enim vulgo, ut nosti per Figuras Cæsarum Equestres, eorundem Adventus, & quidem aliquoties in residuis hujus Gordiani nummis. Instar vero præsentis Æsculapii exceptum à Nicæensibus arguere videtur baculus ille serpente involutus, familiare hujus Epidaurii Dii symbolum; cujus etiam, ut antea monebamus, præ numinibus aliis salutare & frequentatæ vulgo apud Græcos Epiphaniæ. Æsculapium certe Nicææ cultum, haud minus ac Epidauri liquet ex Nummo Antonini Pii, in quo Æsculapius cum serpente ac epigraphe ΣΩΤΗΡΙ ΑΣΚΛΗΠΙΩ ΝΙΚΑΙΕΙC. Ut mittam Accessum juxta Æsculapium, & in ejus æde cultum apud Epidaurios, in alio nummo eorundem Nicæensium obvium, sicut præclare eruit illum & explicavit Tristanus. Neque cuiquam mirum videbitur, apprehensum aut gestatum ab illo Equo Æsculapium, qui equorum simul & hominum salutem huic Deo Epidaurio curæ olim fuisse meminerit, & eundem proinde juxta Equestrem Neptunum, invocari ab Hierocle in præfatione Veterinariæ Medicinæ, Κεκλησῶ δ' ἡμῖν συμφορεῖς τῷ λόγῳ τῶνδε, ποσειδῶν τε ἵππειον, καὶ ὁ τῷ ἀνθρώπων γένει ΣΩΤΗΡΑΣΚΛΗΠΙΟΣ, ὃ πάντως πᾶσι ἵππων μέλει; *Invocentur vero & nobis operis hujus adjutores, Neptunus quidem Equestris, humani autem generis SERVATOR ÆSCULAPIUS, qui omnino etiam EQUORUM CURAM gerit.* Neque  
alias

alias à Gordiano abludens hujus Equitis effigies, maxime si Græcorum & Barbarorum nummorum rationem habeas, in quibus vulgo Cæsarum minus decoræ & inconcinniores formæ conspiciuntur, & adeo nonnunquam, ut fatente Cl. Seguino, Imperatores isti non vultu, sed solo nominis indicio agnoscantur. Ut certe id in eos quadret, quod de primis nascentis picturæ rudimentis observat alicubi Ælianus, adeo rudi & imperita arte efficta à pictoribus animalia, ut necesse haberent ad ea adscribere, hoc est Bos, Equus, Arbor. Accedunt vero firmandæ huic conjecturæ, aliorum quoque Cæsarum cum monstris cælatorum figuræ, in aliis barbaris & Ægyptiis nummis. Talis Hadrianus cum monstro Cynocephalo, in Nummo ejusdem Cimiarchii inelytæ Reginæ. Ut jam mittam Isidem monstro etiam insidentem cum Sistro, quam Faustina nummus exhibet in eadem Gaza. Sed hoc fateor turbare videtur inscriptio illa superioris Nummi, ΠΠΟΝ ΒΡΟΤΟΛΟΔΑΝΙΚΑΙΕΩΝ, quæ & sensum reconditum & vocem Helladi hætenus, quod sciam equidem, inauditam videtur continere. *Βροτοδαίμονας* quidem novi dictos Græcis post mortem cælo insertos, ut ex Hesychio constat; sicuti alias *βροτολοιζόν*, Martem Homero, quod nemo ignorat, Amorem autem in veteri Epigrammate, quod Argentario, in Anthologia adscribitur, nuncupatum. Unde haud difficulter licebat illas voces in nummo distinguere, & supplere ΠΠΟΝ ΒΡΟΤΟΛΟΙΓΟΝ ΔΑΙΜΟΝΑΝΙΚΑΙΕΩΝ, *Equum hominum perniciem, Genium Nicaensium*. At non continuo licebat adsequi, quomodo illud attributum huic Equo conveniat, qui Æsculapii salutare numen apprehendit, ac proinde salutis potius quam pernicii auctor statuendus. Facessant certe præ illo Equite ei

In select.  
Numism.

Lib. x. Var.  
hist. c. 10.

Lib. i.  
Epig. 77.

In Arcadi-  
cis.

Orat. I.

insidente, Bellerophontes, Persei, Antinoi, aliique in Pegaso, aut Gryphe sublimes; Hoc vero Equinum monstrum cum humano pede & brachio, quo Epidaurium Serpentem tenet, opportune mihi in memoriam revocat simulachrum illud apud Phigdenses Arcadas, cujus meminit Pausanias, Equino itidem capite, corpore tunica velato, una manu Delphinum, altera Columbam tractans. Aliud quoque in Syracusanorum nummis suppeditat Gaza Medicea, capite itidem Equino, cauda bifurca, stipiti incumbens, & Draconi cætera simile. Alterum rursus in iisdem videas alatum, Equino capite, cum duabus tibiis equinis, infra pectus caudam serpentinam. De quibus proinde usurpes illud Gregorii Nazianzeni, *Θηρίον ἐκ πολλῶν θηρίων συγκείμενον πολυειδές καὶ πολύμορφον* ex multis belluis constatam variam quandam & multiplicem belluam. Neque Serpens ille prætereundus, Equi dorso impositus, in rarissimo nummo Ægyptio Domitillæ Augustæ, Vespasiani Conjugis, quem vidisse contigit in Museo Lomeniano Cl. Patini, ac pro solita ejus comitate, illius cætypum ab eodem impetrare.



Similem etiam Nummum habet Gaza Medicea sub Domitiano percussam. Referendum vero illud monstrum ad hieroglyphica id genus Ægyptia, ex diversis animantibus vulgo apud eos conflare solita; sicuti ex Porphyrio supra videbamus, aliisque antiquis eorum monumentis paullo ante commemoratis, & de quibus iterum

iterum Nazianzenus Ægyptum alibi compellans, secunda nempe in Julianum Philippica; τ' ἄλλα π' ὅσαι παλαιοὶς ἢ γεγραμμέναις ἱερὰ σφραγίσματα καὶ ἀλλότρια; *aliaque quot-* Tom. 1.  
*quot conficta tibi aut picta animalia, è diversis generibus con-* Orat. 17.  
*flata & prodigiosa.* Ex his autem quæ supra adtulimus, abunde colligas, familiarem imprimis illigenti petitam à Serpente vel Dracone mixturam, ob divinitatem vel providentiam ei animalium generi passim apud eos tributam; ut ex præclaris & antiquis eorum Nummis luculenter demonstratum. Alias ut equitantem hic vides Serpentem, sic rursus Serpenti instar Equi vel Cameli inequantem samaclem, hoc est satanam, è libro Medrach tradentem legas Magistrorum doctorem in laudato supra opere. Cæterum plura id genus ex veterum Nummorum penu erui adhuc possent; unde iis qui monstra vel vera vel fabulosa congerunt, uberior materia diligentia & contemplationis suppeteret. Haud inanem illam insuper ad mysteria veteris sapientia, aut obscura nonnunquam auctorum loca illustranda, facile unusquisque intelligit. Ita quidem, ut abunde de illorum judiciis securus in posterum esse debeam, qui ad aliquam Naturalis Historiæ lucem nihil omnino conferre id genus monumenta hætenus credidere; aut qui meam hac de re sententiam, nimio cuidam erga Helenam, quam ornandam hic suscepi, studio & amoris videbantur forte tribuere. Equidem quando id veris & novis ferme probationibus non vicissemus, luculentos ejus rei testes ac præcones dare hic possem, in hoc ipso naturalis historiæ argumento, aliorum industriam & conatus quodammodo supergressos. Unus est Ulysses Aldrovandus in Herculco opere, qui Nummorum subsidium ad ejus illustrationem frequenter advocasse haud contentus, amplissimum alicubi hoc iis

Maimonid.  
 Mor. Nevoch. p. 11,  
 cap. 30.

Ornitho-  
log. lib. II.  
de Aquila.

testimonium præbuit; *Ut modo studiosi omnis Antiquitatis utilitatem aliquam ex nostris hisce Natura historiis percipiant, suis propriis ac aptis locis NUMISMATUM Imperatorum, aliarumque Familiarum antiquissimarum, & præsertim Aquila inscribuntur, utrumque latus declarare decrevi: Atque id eo lubentius factio, cum cognoscam hoc eruditissimo saculo in maximo haberi honore illa studia in quibus varia traduntur Historia, & PRÆSERTIM ILLA QUÆ AD NUMISMATUM, Marmorumque antiquorum lectionem spectant. MULTA enim sub eorum cortice LATENT MYSTERIA NATURÆ, quæ maxime & perscrutantium palato arrident animumque oblectant: Fateor equidem me EX HISCE STUDIIS MAXIMUM SEMPER FRUCTUM PERCEPISSE, atque hic inter alios authores Ænea Vici, Huberti Goltzii, Gulielmi Chouli Galli, Sebastiani Erizzi opera usum fuisse. Sed studia isthac inprimis promovet autopsia ipsa, ideoque tum Roma, Florentia, Ferraria, tum etiam in aliis locis apud Serenissimos Principes rarissima multa vidisse MIHI PLURIMUM PROFUIT. Quid potuit obsecro diu luculentius ad commendationem hujus mercis in hoc ipso contemplationis genere, idque ab homine nullo ad id peculiari consilio & tractatione adducto? suffragatur eidem clarissimum Gallix suæ lumen, & cum monumentis aliis reconditæ doctrinæ, tum novissimo de sacris Animalibus immortale, Samuel Bochartus. Ille enim lecta priori hujus libri editione, & de nova ista, quam adornabam certior factus, ab hoc inprimis singulare in Nummis cælatorum animalium argumento, immane quantum huic suppellectili pretium statuit, & quam inde magni nunquam satis æstimandæ utilitatis fructus percipi possent, suis ad me litteris haud ita pridem significabat. Superfedeo à verbis ejusdem commemorandis, quia cum mea laude conjuncta versantur.*

## DISSERTATIO QUARTA.

DE

## PRÆSTANTIA ET USU

## NUMISMATUM

## ANTIQUORUM.

**E**Quidem illum, de quo modo agebamus, in ipsius NATURÆ contemplatione, rei hujus antiquariæ usum ac præstantiam, haud leviter vel firmat, vel illustrat, quod neque in ornanda PLANTARUM Historia supervacua omnis hæc Nummorum, veterum supellex censeri debeat. Etenim qualis olim fuerit figura SILPHII aut LASERPITII Cyrenaici, decantatæ adeo apud veteres plantæ, nequidquam apud recentiores Herbarum collectores ac interpretes quæras; nec aliunde hodie quam ex Nummis disces. Hæc enim planta, quæ vel sola Cyrenaicam regionem per plura sæcula nobilitavit; unde & *Laserpiceræ* Cyrenas vocat Catullus, & cujus Laseris aliquot pondera in publico Populi Romani ærario recondita narrat Plinius, jam ante illius & Strabonis etiam ætatem, si fides eis habenda, apud Cyrenenses defecerat, cujus rei causam <sup>a</sup> hic in barbaros, <sup>b</sup> ille in publicanos transfert. Severi tamen ætate, Laseris illius Cyrenaici copiam adhuc Romæ superstitem extitisse, liquet mihi ex Galeno, qui in confectioe antidoti, quale sibi frequenter paratum docet, adhibendi inter alia *ἐν τῷ Κυπρωανῶ* diserte meminuit. Ne putes solum in libris simplicium, hujus Laseris in genere magnum auctorem meminisse; unde lo-

De SILPHIO Cyrenico in Nummis.

Libro XI.

Lib. VIII.

Cap. 3.

Lib. II. de

Antidot.

p. 440. edit.

Græc. Basil.



ca quædam viri nudi, ad Dioscoridem congefferant. Quod vero Anthesius, Aristophanis interpres, Tzetzes, Hesychius, Antides, olim tradiderant, Silphium in Cyrenensium Nummis vulgo signatum fuisse; manifeste etiamnum docent argentea & vetusta illius tractus Numismata, obvia in Cimeliarchiis antiquariorum. Unde etiam non piguit magnum Solini interpretem, nummos hujus generis, haud in uno Exercitationum Plinianarum loco producere, quo nobilissimæ illius plantæ vulgo ignotæ figuram ex iisdem repræsentaret; quod jam ante eum præstiterant duo Antonii, Piso & Augustinus in collectione Veterum Numismatum. Alteram quidem hujus Silphii figuram non parum diversam, ex antiquo Dioscoridis codice depromptam exhibet etiam idem *ὁ πένυ* Salmasius; sed ita ut adulterinam eandem, aliam certe quam Cyrenaicam fateri ei sit necesse, & priorem ex Nummis prolatam, germanam & genuinam agnoscere. Nam quod alias prioribus curis, nihil in hac Nummi figura simile Apio reperiebat; cui similia tamen hujus *Libyci caulis* (sicut

Lib. xiv. Antiphani vocatur apud Athenæum) folia, veteres auctores Theophrastus, Dioscorides, Plinius constanter tradidere, alibi postea producta accuratiori ex duobus aliis Nummis Silphii icone, feliciter retractavit; & sequens gemini nummi effigies deprompta ex Gaza Palatina hic ante oculos ponet.



Quod vero notat Tzetzes, in iisdem Nummis, non plantam solum, sed ipsos quoque signari Cyrenenses Sil-



Silphium Batto conditori suo offerentes (unde natum etiam proverbium βάτῃς σίλφιον) fateor in residuis hodie. Cyrenarum nummis nondum mihi observatum. Nec ideo tamen continuo illustri Scaligero accedo, falsi eo nomine Tzetzem arguenti; quod tamen pridem ante illum Græculum, levioris forte fidei, gravior ali-

In Canon.  
Isagog.

quanto testis Aristoteles tradiderat: sicut recte ex veteri Aristophanis interprete colligit Salmasius, ut nulla amplius supersit ratio dubitandi. Nec enim quia Nummi ejusmodi hodie non exstant, labat continuo illorum fides; quasi omnia id genus numismata superessent, quorum veteres meminere, & præsertim gentis Africanæ, aut etiam talia adhuc quotidie non eruantur, prioribus antiquariis & ipsi olim Scaligero ignota. Ut mittam nihil alienum aut insolitum, sed familiare potius in Nummis id genus symbolum denotari, ut nobilissimæ apud se planta caulem offerrent suo Conditori; haud aliter ferme ac vel Palmæ, vel Lauri ramos, vel Spicas etiam offerentes nonnumquam Cæsaribus videas feraces iisdem Provincias. Factum etiam illud Cyrenensium Batto & ejus progeniei Silphium offerendi tangit Hesychius, ubi simul meminit Nummorum cum caule Silphii in iisdem expressi;

βάτῃς σίλφιον. παροιμία ἔστι τῆς ὑπερβαλλούσας πρὸς ἐλεγκτοῦντων μετίνεσθαι ἢ δὸς τοῦ Κυρηνάικος ἔστι τῆς βατῆς δῶν μετὰ δῶναι ἐξαίρετον τὸ σίλφιον, ὃ πτίμηται πρὸς αὐτοῖς ὥστε καὶ ἐν τῷ νομίσματι ὅπως μὲν Ἀμμόνα, ὅπως ἢ σίλφιον ἐγκυχεράσθαι. Ad quod proverbium respexisse observo celebrem ipsius Cyrenæ Antistitem; Τρύφωνι τὰ δῶρα παρ-

εσκύλασαι μὲν, ὅπῃ σιλφίᾳ πολλὴν βάτῃς χάρις ἀκρίεις αὐτό. Tryphoni dona paravimus, Laserpicium Silphii copiosum, BATTI scilicet SILPHIUM audis. Locum vero Hesychii integrum adduximus, ut vindicaremus etiam illum à

repre-

Syneſius

cp. cxxxi.

reprehensione viri magni, qui postrema verba de Nummo Cyrenensium cum caule Silphii, nihil ad explicationem proverbii *Batti Silphium*, nec ad honorem Battii quicquam pertinere, ad Solinum tradit. Atqui nihil hic peccavit, aut alienum adseruit summæ accurationis Criticus; qui ubi rationem illius proverbii adtulisset, peritam ex more illo aut factò Cyrenensium, præstantissimum Silphium Batto, aut alicui ex ejus progenie offerendi, causam opportune adjungit, quod hæc planta in tanto apud Cyrenenses honore haberetur, ut eam etiam in altera Nummorum apud se percussorum arca signari curaverint; unde utique lux proverbio non mediocris accedebat. Nec minus etiam ibi lapsus est vir summus, dum eodem Hesychii loco deceptus, imberbis vultum ex Cyrenensium Nummo prolatum, pro Jove Ammone obtrusit; aut quum sententiam suam de priscis & recentioribus Cyrenensium Nummis ac figuris, in anteriori illorum parte expressis adtulit; qua de re uberius alibi dicendi crit locus. Battus enim, ut obiter hoc moneam, aut Ptolemæi Cyrenensium Reges vulgo depicti cum Silphio, quod de postremis etiam adnotasse video Virum variæ & reconditæ doctrinæ Isaacum Vossium ad Melam. Equidem fateor posse τὸν πέντε in sententiæ suæ patrocinium, præter Hesychium, Suidam quoque advocare, qui itidem in una Nummi parte Ammonem, altera Silphium signatum à Cyrenensibus tradit. Sed aut Suidas ipse cum Hesychio deceptus, qui pro Batto aut Ptolemæis, Ammonem in iisdem depictum credidit; aut quod longe mallet, alios adhuc Cyrenensium præter hos, quos hætenus viderunt antiquarii, nummos inspexere. Certe longe diversa Ammonis effigies, qualem è nummo veteri protulit idem celeberrimus

timus Vossius, & de qua nos alibi in sequentibus. Neque vero hic prætereundum, quod idem Suidas tradit, Ampeliotas Africanos Delphis caulem Silphii dedicasse; ut eximium quendam honorem habitum nobilissimæ huic plantæ vel inde facile adsequaris. Ut non mirum sit, traditam quoque videre ab Arriano Cyrenensium in custodiendo Silphio sollicitudinem, qui sepem illi obducebant, quo greges ovium inde arcerent, & ideo quidem, quod magni fieret apud eos Silphium, *ὅτι πολλὰ ἄξιον Κυρηνάϊοις τὸ Σίλφιον*. Unde etiam Lib. III.  
 Augustus inter blanditias illas, quibus Mæcenatem πρὸς αἰσχροῦ.  
 suum nonnunquam demulcebat, *Lasus Aretinum*, ca- Lib. II. Saturnal. c. 4.  
 dem ratione qua illum *Æbur ex Etruria*, aut *Tiberinam Margaritam*, teste Macrobio, solebat indigitare. Quin & illud haud pigebit addere, haud dissimilem valde huic Silphio Cyrenaico figuram ex horto Patavino expressam, in libro Prosperi Alpini de Plantis Exoticis vidisse me non ita pridem apud laudatum modo Isaacum Vossium.

Alterius vero Plantæ, nec minus olim nobilitatæ luculentam etiam figuram Nummi Veteres nobis sup- De Loto  
 peditant. **LOTUM** Ægyptiam intelligo, quem Lilio Ægyptia in  
 similem, immo Liliū Ægyptium, juxta Herodotum, variis  
 tradunt vulgo auctores, Theophrastus, Dioscorides, alii, & usibus variis ac dignitate in ea gente celebrem Nummis.  
 docent. At vero vulgo veteribus litem hic intendunt recentiores, qui illos ex una planta male duas effecisse existimant; neque enim revera aliam esse Loton illam Ægyptiam, quam Nymphæam albam. Hujus enim Loti duo esse genera solo colore discreta, unum rosacei coloris, quod idem sit cum Colocasía seu Faba Ægyptia; alterum flore albo & Lilio simili, quod nihil aliud sit quam Nymphæa Nilotica. Hæc inter alios viri ma-

gni ad Solinum sententia, quam pluribus ibi adstruere conatur. Sed ut largiamur multa habuisse hanc Loton, cum Nymphaea communia; puta originem in palustribus locis aut amnibus, florem Lilio similem, caput instar papaveris, haud tamen omnino easdem plantas exstitisse, constare poterit ex præclaris aliquot Ægyptiorum nummis, quibus frequenter cum flos Loti, tum Caulis, tum Fructus exprimuntur. Insignes hanc in rem duo qui sequuntur, quorum prior insuper Harpocratem exhibet digitum ori admoventem, alter Isidem Oro admoventem ubera.



Flos nempe ille expansus, cui insidet Harpocrates in priori nummo, haud alius quam Lotus, ut vel ex Plutarcho & Iamblichus liquet; sicut erudite jam monuit Cl. Tristanus. Aperte certe Iamblichus libro de Mysteriis Ægyptiorum; *si quidem Ægyptii fingunt in Loto sedere Deum supra lutum*. Sic iidem, auctore Plutarcho, Solem infantem è Loto prodeuntem depingebant, addita ejus rei ratione, *ὅθεν τὸ ἥλιον ἐκ ΛΟΤΟΥ νομίζουσι βρέφους ἀνιχνεύειν νεογνὸν, ἀλλ' ἔτιως ἀνατολὴν ἥλιος γράφεται, πῶς ἐξ ὑγρῶν ἡλίου γινόμενον ἀναψύειν αἰνιττόμενοι*; Neque putant Solem infantem recens natum è LOTO exiisse; sed sic ORTUM SOLIS PINGUNT, immunes, quomodo is ex humidis accendatur. Caulis autem, quem manu gestat, itidem Loti, qualem omnino describit Prosper Alpinus, meliora

Lib. de Isid.

lora de hac planta, ut ipse agnoscit, edoctus ab erudito Medico, à quo Plantas Loti in Ægypto decerptas, cum floribus, fructibus, caulibus, foliis, se accepisse proficitur. Consule librum ejus, si tanti videatur, de Plantis Exoticis. Loti itidem Caulis, quem præfert infans Orus in altero nummo, Isidis matris uberibus admotus; Ornamentum autem illud capitis cum Harpocratistum Isidis, Flos itidem Loti non expansus, quod non observavit Tristanus. Flores nempe in hac Planta candidis Liliis foliorum angustia proximi, multi ac densi, ut testis oculatus eosdem describit Alpinus; unde veteres etiam florem hunc non Lilio solum similem, sed nonnulli, ut etiam Herodotus, Lilium vocarunt. Unde jam adsequimur, non de Lilio, ut multi existimabant antiquarii, sed de hoc Loto explicanda illa capitis insignia, quæ frequenter in Ægyptiorum nummis occurrunt Lilio haud absimilia. Certe familiare fuisse Ægyptiis illud capitis insigne, sicut apud Græcos & Romanos Laurum vel Quercum, licet ex Heliodoro præterea colligere, apud quem præconum capita Niloo Loto redimita leguntur. καὶ τὰς πικρὰς Lib. x. φαλὰς τῷ Νειλαίῳ λωτῷ καὶ στίψαιτες. Huc spectat etiam sequens nummus, in quo juxta hieroglyphica Ægyptiorum symbola, de quibus fusc jam egerunt Viri docti, Isidis caput Hydriæ impositum cernitur, cum simili capitis ornamento.



Lib. 1 v.  
Hist. Plant.  
cap. 10.

Nonnunquam vero floris loco, fructum ipsum Loti adhibitum videas inter duo folia, quo nempe insignitus occurrit Orus in superiori nummo, cum Matre Iside depictus. Loti nempe hujus fructus magnitudo, quanta papaveris maximi Theophrasto traditur. Eodem etiam capitis ornamento Osiris decoratus in quodam Ægyptio Trajani nummo à Cl. Seguino evulgato, ut facile mihi primum Gallorum antiquariorum decus largietur.



Lib. de Isid.  
& Osirid.

Non Loti, sed Perseæ Ægyptiæ ceu vulgaris Persicæ fructum existimarunt nonnulli in nummis id genus signatum, moti auctoritate Plutarchi, qui inter stirpes Ægyptias, Perseam Isidi maxime consecratam tradit. Mitto illud, quod Perseam Ægyptiam, & vulgarem Persicam confundant; quas tamen diversas arbores fuisse ac inter se haud parum dissimiles, velle Theophrasto satis liquet, & vere etiam ab eruditissimis viris observatum. Certe Perseæ Ægyptiæ fructum figura oblongum & Amygdalæ modo describit Theophrastus; Plutarchus autem citato loco, cordis speciem, folium autem linguæ referre tradit. Unde factum etiam observo, ut Arabes vocem *كزب* cum arborem fructum ferentem instar dactyli, tum Perseam etiam interpretentur. Dactylorum enim sicut & Perseæ fructus figura vulgo oblonga; unde & nomen illud prioribus hæ-

sisse

fisse vulgo existimatur. Videant autem quam parum ea conveniant cum figura rotunda fructus, in commemoratis modo aut similibus nummis expressi. Coronam autem è Loto, Osiri familiarem, liquet insuper ex Plutarcho; qui refert Isidem ejus cum sorore congressum agnovisse, ex Corona Loti ab eodem apud Nephtyn relicta, καὶ πικνέρον ἰδῶσι, τὸ μὲν ΛΩΤΙΝΟΝ Lib. de Isid. ΣΤΕΦΑΝΟΝ, ὃν ἐκεῖν τῷ Νέφθω κατέλιπε. Locus autem signati superioris nummi, ut obiter hoc addam, singularis; nempe urbs Coptus, à qua lingua Ægyptia hodierna Coptica dici meruit, & quod oppidum à voce Ægyptia, quæ privationem notet ob Osirin ibi è vivis sublatum, derivat eodem loco Plutarchus. Cæteroquin diversum aliquanto à superioribus capitis ornamentum, in sequenti Galbæ nummo Ægyptio occurrit, quod an rursus ad Lotum referri possit, videbit ipse, qui hunc nummum aliosque id genus, quos possidet præclaros & selectos, propriis observationibus brevi illustrabit, Patinus noster.



Florem autem Loti frequentius inter capitis ornamenta receptum videas in antiqua illa Ægyptiorum nummorum supellectile. Nilum certe, præter supra commemoratam Isidem, alibi etiam Osiridem, eodem ornamenti genere non caruisse, præter alios arguit nummus Hadriani Mediceus. Illum enim ἀνθῆσι Νειλώοις, seu Nili floribus, quorum Heliodorus meminit, adnu-

Lib. 17.



mèrandum, jure Parenti suo hoc officium liquet præstitisse. Regibus vero & Reginis, ad Isis nempe & Osiridis exemplum, eundem honorem habuerunt Ægyptii; sicut nummi aliquot superstites adhuc hodie contestantur. Juncta enim eodem modo videas Ptolemæorum cum conjugibus capita, cum flore illo in vertice, aut cum diademate in ejusmodi florem desinente. Quo refero nummos aliquot hujus generis in Gaza Medicea mihi inspectos, quorum unum eruditus illius Cimeliarcha male ad Jovem Ammonem referebat. Talem etiam florem Arsinoë Philadelphi & alter Ptolemæus in capitis vertice apud Urfinum præferunt; prior ex Nummo aureo, alter ex Gemma veteri expressus. Neque enim audiendus vir doctus, qui in Notis ad has Fulvii Imagines, florem illum de Silphio, & non de Loto accepit, ac proinde à Cyrenensibus profectum utrumque hoc monumentum credit. Figura enim illius floris ibi expressa à Silphio longius discedit, de quo paulo ante egimus, & Lotum revera Lilio haud absimilem prodit. Quæ omnia certe egregie illustrent haud ignotum eruditis antiquariis Diodori locum, quo receptum tradit apud Ægyptios, Leonum non solum, Taurorum & Draconum, capita Regibus suis circumdare; sed Arbores etiam, Ignem & suffimenta in vertice eosdem gestare; cum ut his decore se exornent, tum ut stuporem aliis & superstitionem simul injiciant. Ex quibus præterea lucem aliquam fœneratur Athenæus, qui Coronas plexas ex floribus Loti apud Alexandrinos commemorat, quibus postea

*Antinoëarum* nomen suave poëta cujusdam commentum dedit. Ipsum certe Antinoum eodem Loti flore coronatum videbam non ita pridem in singulari ejus nummo incomparabilis Regiæ Gazæ Parisiensis. Immo

Lib. i.

Lib. xv.

mo etiam Animalium apud eisdem Ægyptios vel sacerdotum vel nobilium capita, haud absimili ornamento insignita nonnunquam observo in priscis ejusdem gentis nummis; cujus generis en tibi Serpentem signatum inter Ægyptia Hadriani Numismata, cum Sistro & Caduceo.



Serpens ille forma & magnitudine conspicuus, ac è majorum, ut videtur, illarum Aspidum genere, de quibus supra egimus. Ornamentum autem capitis, si Tom. I.  
Comment.  
pag. 498. Tri-  
stanum consulis, qui præclarum illum Nummum jam ante evulgavit, lucerna, & ex earum quidem genere, Lib. I X. quas in Pompa Isidis prælatas tradit Apuleius, *aureum* nempe *Cymbium in medio suo patore flammulam suscitans largiorem*. At certe florem potius esse, quam Lucernam aut illud Cymbium Apuleianum, cum abunde ex superioribus, tum ex accurato examine ipsius nummi liquere mihi videtur. Eo forte facilius referri posset prælatum capitis insigne in alio Serpente seu Dracone, insignis magnitudinis.



Primus olim protulit cum Erizzo, inter nummos ejusdem Cæsaris Hadriani, qui insigne illud capitis de crista aut caruncula interpretatur. Fortunius autem Licetus in novissimo opere de reconditis antiquorum Lucernis, multis capitibus eundem Nummum sibi illustrandum suscepit, & eo fine imprimis ut Lucernam, hujus Serpentis capiti impositam doceret. Mitto quidem indigna erudito antiquario, quæ adfert ad illustrationem & explicationem hujus rei; ut quum de Adriani consilio suam in Græca & Latina lingua peritiam ostentandi, mixta scilicet nummi epigraphæ ex Græcis Latinisque litteris  $\Lambda \Delta$ , nos vult certiores reddere; aut quum easdem numerales litteras festive sane interpretatur, *Lucernas Invenit Delta*, quæ certe nihil aliud sonant, ut vulgus antiquariorum novit, quam annum imperii Hadriani decimum quartum, quo percussus est hic nummus. Alias non jam florem aut Lucernam, sed Cristam revera aut carunculas præferre videtur alius nummus cum signato Dracone, & Caduceo itidem ac spica, cujus ectypum amicissimus Patinus nobis indulsit.



- Lib. XVII. Strabo uno vel altero loco refert magnos Dracones in Æthiopia occurrere, quibus superne herba nascitur, & Lib. XVI. quos haud injuria fabulosis alicubi adnumerat. Interpretes vero vulgo pro *nia* seu herba, *Νίεξ* ibi seu alas legunt, ac eorum fide, de volucribus scilicet draconibus hæc loca passim accipiunt viri docti. Ad illud vero draconum genus referre quis posset superiorem, modo expref-

pressum, ni opportunius liceret de carunculis explicare, quas alias huic draconum generi veteres tribuunt, Neque aliter magnus Galenus de Basilisco agens alicubi, tres in capite eminentias docet illum habere, *Ἰν τῇ κεφαλῇ τρεῖς ὑπεροχάς*. Diversi vero rursus à superiori-

Lib. de  
Theriaca  
ad Pison.  
p. 460.



Perseæ fructum inter duo folia signatum credit Tristanus in priori illo Dracone, qui Isidem repræsentat. At Perseæ Ægyptiæ fructum aliter describunt nobis veteres, ut paullo ante innumimus, oblongum nempe & amygdalæ instar, cui minus convenit illa fructus effigies duobus foliis inserti. Ut proinde melius Loto posset adaptari, cujus fructum instar Papaveris maximi eisdem docentes diximus. Alterum vero illud insigne appositum capiti Osiridis sub Dracone itidem adumbrati, frequenter signatum videas in Hieroglyphicis Ægyptiorum monumentis, de quibus consulendi illorum promi condi Laurentius Pignorius in Mensa Isiaca, & Athanasius Kircherus in suo Oedipo. Ad quæ referenda etiam sequens effigies, deprompta è penu antiquaria Viri eruditæ ac elegantis industriæ, Petri Bellorii nostri, quæ Ægyptium seu Isiacum sacrorum ministrum exhibet, cum solito illo capitis ornamento, subligaculo sacerdotibus Ægyptiis familiari, de quo Apuleius,

Lib. XI.  
Metam.

Oνειροcr.  
lib. I V.  
cap. 85.

leius, *sed Antistites sacrorum procures illi candido linteamine cinctum pectorale ad usque vestigia strictim injecti, & appositis cum florum aut fructuum primitiis, tum insuper Anseribus vulgo Isidi sacris, ac juxta Artemidorum, in Templis diversari solitis.*



[W. B. G. 1790]

Sicut

Sicut autem Serpentes & Dracones passim floribus id genus coronatos, ita Arietem quoque cum simili capitis insigni conspiciendum præbet Nummus Hadriani Mediceus; sicut alias Leonem radiatum Ægyptii aliquot nummi, ut eo nempe symbolo Solem nobis adumbrarent, ut jam viderunt viri docti. Neque vero huc spectant, aut *Olea* coronati frequenter in Romanorum & Græcorum nummis, vel Boves, non victimarum solum more, sed quod apud Barbaros susceptæ etiam pacis indicium, ut ex Ammiano licet colligere; Lib. xxiv. aut Equi vel jugales, vel defultorii, in Triumphi nempe aut etiam Circensis vel Olympicæ victoriæ signum; aut Elephantes cum corona vel capiti, vel dorso imposita, in duobus præclaris nummis Caracallæ, priori Mediceo, posteriori apud Erizzum; aut Cervus denique *Corona Hederacea* cinctus, unus scilicet è Mithridatis (Liberi Patris nomen & habitum mutuati ut infra videbimus) custodibus juxta Ælium, ac proinde in Lib. i v. cap. 40. ejusdem nummo signatus. Ita quidem, ut mihi jam non opus sit, *Laurum, Spicas, Populum, Apium, Quercum, Hederam, Oleam, Myrtum, Pampinum*, obvia cæteroquin in Nummis, & nota Deorum Dearumve, Regum, Cæsarum, Triumphantium, Bacchantium, Hieronicarum, & præterea Tripodum, Sellarum etiam Curulium decora vel insignia, in subsidium hujus contemplationis, quam commendare hic institui, advocare.

STROBILUM quidem ceu NUCEM PINEAM, De Nuce  
PINEA in  
Nummis. ac  
ejus usu in  
Mysteriis  
Gemiliis. tanquam vetus Vindelicorum insigne, videmus in vetustis aliquot Nummis, cum Augusti effigie in anteriori parte. En duos id genus, quorum unus solam Nucem id genus Pineam, alter sedentem ac turritam mulierem, Urbis symbolum, in cujus gratiam percus-

sus Nummus, exhibet, quæ dextra Strobilum itidem, sinistra Cornucopiam tenet.



Tab. xxvii.  
Mag. Græ-  
ciz.

Lib. v.

Marco enim Velfero lubenter adfentimur, qui eosdem Patriæ suæ & nobili Augusti Coloniae, unde nomen etiam meruit, vindicavit, ac à Pinus in eo tractu frequentia, petium Urbis ac Gentis insigne erudite adferuit. Nec mirum utique, quum & haud absimilem quoque Strobilum signatum videre liceat in priscis aliquot Græcorum Nummis, ob eandem nempe arboris illius copiam in eorum tractu. Hinc Mamertinorum nummus apud Goltzium cum Nuce Pineæ, addito Martis capite, & inscriptione ΑΡΕΟΣ, qui Mamers Oscanum lingua vocabatur. Quum enim passim laudetur veteribus Pix Bruttiorum, (unde etiam eorum nomen derivat doctissimus Bochartus) in quorum ditio- ne erat Mamertum; ita apud Urbem illam sylvam fuisse narrat Strabo ferentem optimam Pinum, quod jam viderunt eruditi antiquarii. Neque vero alia de causa signatum etiam reperio cum Delphino Strobilum in sequenti nummo Syracusanorum, quorum tractus non maritimus solum, sed ferax etiam illo arboris genere.





Occurrit præterea Nux id genus Pineæ cum symbolis aliis in præclaro Myrinæ urbis Æolidis nummo Mediceo, qualem etiam videre licet apud Tristanum, Tom. II. Comment. pag. 140. quamquam minus accurate expressum. Ut jam nihil dicam de Ærea illa Nuce Pineæ, vetusti ac singularis operis, quam in Mole Hadriani, obvio adhuc & jucundo spectaculo, lubentes sane hic intuemur. Neque vero celebritatem locis aut monumentis id genus inde quæsitam miraberis; qui, ut alia mittam, nobilem hanc Nucem in Liberi Patris mysteriis, procul dubio apud eruditissimum Clementem legisti, idque firmatum antiquo illorum mysteriorum interpretis Orphei testimonio,

ΚΩΝΟΙ καὶ ῥέμβοι, καὶ παίγνια καμπισίγνια.

In Protreptico.

PINEÆ NUCES, & trochi, & ludicra membra flectentia.

Unde etiam vidisti, ut opinor, non semel in antiquis Bacchantium, qualia plurima hic in Urbe supersunt, monumentis, Nuces id genus Pineas Thyrsorum fastigio impōsitas. Immo inde factum observo, ut κῶνοι etiam dicti sint iidem Thyrsi, quod erudite, ut solet, notat Hesychius, κῶνοι οἱ θύρσοι, καὶ οἱ ἐρέβιλοι, καὶ οἱ ἐρέμβοι. Sacer quoque & frequens hujus cum arboris, tum fructus usus in sacris Cereris. In iis enim Pinus Ramum infra lectum collocare soliti, & Pinus fructum ceu Conum simulacro Dæ adponere, idque ad indicandam generationis vetustatem. Docet id Stephanus in voce Μίλητος, cujus verba partim mutila, partim corrupta, ita supplenda censeo ac emendanda; οἱ γὰρ Ἀθῆναιοι ἐν πῆς θεομοφορίαις ΠΙΤΤΟΣ ΚΛΑΔΟΝ ὑποπύτω σιβάδα, καὶ ἐπὶ τῇ Δημητρίδος ἱερᾷ ΚΩΝΟΝ (non κλάρον) ΠΙΤΤΟΣ ἐπέθεσαν, διὰ τὸ δὲ χαῖον τὴν γῆρας. Strobilus nempe ceu Pinus fructus Græcis etiam κῶνος simpliciter, vel πίτυς seu πύρινος κῶνος dictus; ut vel ex

Lib. I I.

superiori Orphei versu, ac præterea ex Theophrasto, Athenæo, Hesychio, aliisque vulgo notum, idque propter figuram *κωνοειδῆ*. Athenæus quidem, *Θεόφραστον τὸ μὲν δένδρον πῶλον ἐνομάζει, τὸ δὲ καρπὸν ΚΩΝΟΝ*; Theophrastus autem arborem quidem Pinum vocavit, fructum autem CONUM. Ut vel inde liqueat, nihil causæ fuisse, cur nobilis & eruditissimus Senex novissimi Theophrasti Interpretes castigaret, qui obviam *πῶλης* vocem apud illum auctorem per Pinum reddunt, cujus loco Picem scilicet vertere debuissent; hanc enim esse *πῶλον*, Pinum autem *πίττω*. Illud enim in Theophrasto veluti peculiare observat Athenæus, ut quem Pinus fructum alii *πῶννα καρπὰ*, aut *πῶνιν κῶνιν* appellarint, ipse *κῶνιν* simpliciter, arborem autem ipsam *πῶλον* indigitarit. Et ita certe accepisse postremam hanc vocem Theophrastum, clarissime liquet ex peculiari capite, quo *πῶλης* & *πίττω* differentiam tradit: vulgo alias *πίττω* de Pinus apud Græcos, & *πῶλον* de Picē invaluisse, extra dubium utique, nec probationibus res indigebat. Ut vero ad Stephanum revertamur, lacunam in eodem sub initium superioris loci occurrentem, cum voce *Ἀθλωαῖος* supplevimus; non solum quod apud eos, ut omnes norunt, & ab iis orta sint sacra illa Dæ legiferæ Thesmophorica, quorum ibi mentio; sed etiam quod Miletus, ad quam refertur hæc à Stephano notatio, esset Colonia Atheniensium, sicut vel ex Herodoto constat; & quam alias à Pinuum copia, aut quod primum ibi nata esset Pinus, *πινυῶν* dictam, observat in eodem loco Byzantius Grammaticus. Præclare autem eundem ac superiora illustrat, qui & inde vicissim explicandus venit, singularis quidam Catinensium Nummus Mediceus, in cujus averfa parte figura occurrit nuda cum Ramo Pinus in dextra, ad pedes au-

tem

Lib. I I I.  
Hist. Plant.  
cap. 10.

Lib. I.

tem Nux Pineæ cum epigraphe ΚΑΤΑΝΑΙΩΝ. Ad ista enim Liberi Patris aut Cereris mysteria liquet continuo referenda eadem symbola, in quibus, ut modo è Stephano videbamus, cum Ramus Pinus, tum fructus ejusdem solebat adhiberi. Sacrum autem Baccho ac Cereri locum, non tam mihi fidem faciebant luculenta veterum ea de re testimonia, vel obvii ejus urbis nummi, modo cum Bacchi Bigis Pantherarum aut si mavis Tigridum vecti, modo cum Spicæ Deæ effigie, quam inspectus mihi coram loci situs, dum nuper Siciliam lustrarem. Unde etiam, ut ad aliorum quoque Numinum vel mysteria, vel symbola traductum eundem Pinus fructum intelligas, Æsculapius imberbis altera sceptrum, altera fativæ Pinus fructum tenens apud Pausaniam descriptus alicubi occurrit. Ex quo <sup>In Corin-</sup> us certe Pineæ Nucis in mysteriis ac Religione Gen-<sup>thiacis.</sup> tilium, nata illa Talmudicorum prohibitio, quæ in libris eorum legitur, <sup>In Avod.</sup> אלו דברים אסורים לבכור לנים; <sup>Sara.</sup> *Hæ res vetita sunt, ut vendantur gentibus, nempe NUCES PINEÆ, ficus alba, &c.* & addita mox ratione, quod vulgo eas ante Idola sua suspendant: quæ vides quam sint consentanea iis, quæ modo è Stephano aut Nummis de hoc more tradebamus. Equidem nugabantur suo more illi recutitorum Magistri, qui vocem אצטבלין, formatam è voce *ερίλα*, ut sexcenta talia, de fructu Cedri interpretabantur, quod erudite jam ad Maimonidem notavit magnæ quondam spes altera non Bataviæ solum suæ, sed remoti Orientis, Dionysius Vossius. De arbore vero ipsa Pinu Deæ Matri sacra, aut vero Pane, Pinu cornua præcincto, quam eidem etiam adjudicant hæc monumenta, non agimus hoc loco: trita enim omnia & pervulgata, nisi forte illud ex Arnobio minus obvium, hanc <sup>Lib. vi.</sup> Arbo-

Arborem statis diebus in Cybeles sanctuarium intro-  
mitti solitam. Cæterum sicut Miletum, ita Lampsa-  
cum quoque *πινύειον* olim dictam, à Pinuum copia, ob-  
servat itidem in voce illius urbis Stephanus. Haud ali-  
ter vero ac ipsum Pinus fructum, Vindelicorum vete-  
rum aut Mamertinorum insigne, exhibent antiqui  
nummi; ob frequentiam & celebritatem illius arboris,  
quæ Statio *Sylvarum gloria*, Plinio autem, *in maxima*  
*admiratione versari* traditur: sic LARICES etiam Pi-  
nui, vel eodem fatente Plinio, simillimas, nec alibi  
juxta eundem notas, quam in Padi ripa, depictas no-  
sti in denario gentis Accoleiæ apud Ursinum: in com-  
mendationem scilicet hujus arboris variis etiam usibus  
celebratæ, & memoriam originis horum Accoleiorum,  
quod jam præclare monuit Fulvius. Nosti enim con-  
suetum illum morem Græcis juxta & Barbaris sole-  
mnem, ab iisque ad Romanos etiam traductum, sicut  
vulgo feracia apud se Animalia, ita singulares quosque  
ac domesticos Flores, Plantas, Frutices, Arbores, ea-  
rumve Fructus, publicis id genus monumentis, ceu ge-  
nuina locorum illorum symbola vel insignia, commen-  
dandi. Id enim & *Silphii* Cyrenensium, & *Loti* Ægyptio-  
rum exemplo modo videbamus, & evincit ulterius no-  
ta & copiosa Nummorum veterum supellæx, in quibus  
*Abies* Germaniæ; *Apium* Selinuntiorum; *Olea* Athe-  
niensium; *Palma* non Tyris solum, Damasci, Judææ,  
Alexandriæ, sed Phœnicum præterea in Sicilia, Afri-  
ca & Hispania Coloniarum; *Spica* Italiæ, Siciliæ, Hi-  
spaniæ, Ægypti, Africæ; *Vitis Ramus* aut *Botrus* Chio-  
rum, Entellanorum, Thasiarum, aliorumque id genus  
locorum, optimorum vinorum proventu nobilium;  
*Dictamnus* Cretensium aliquot locorum; *Thuris Ramus*,  
ut infra videbimus, Arabum; *Malum Medicum* Partho-  
rum

Lib. x i i.  
cap. 10.

rum; *Manna* urceo inserta Hebræorum; *Rosa* denique (ut vulgo existimatur) Rhodiorum, vel insignia, vel quasi indices quidam conspiciuntur.

Ac Rhodiorum quidem obvios illos Nummos quod spectat, equidem vulgo in iis *R O S A M* insculptam, hodiernos videas antiquarios magno passim consensu statuere: quamquam haud adfabre factam nonnulli fateantur, ac proinde superiori sæculo, quidam Heliotropium, alii Rosolaccium eandem plantam interpretarentur. At vero Florem illum, non Rosam, aut posteriores has plantas indicare, sed Florem Mali Puniceæ seu *B A L A U S T I U M*, quo ad tingendas lanas utebantur olim Rhodii, nuper mihi coram adferebat recondata vir doctrina ac insigni ingenio Isaacus Vossius. Fundus illi hujus observationis, corruptus quidem sed emendatus ab eodem ex libris antiquis, Alciphronis locus; ἀφείς τὴ φορτίον αὐτοῖς ἐχθύσιν, ἀφείς ᾗ καὶ ἡμεῖς ἐν τῷ σκάφῃ, ὡχέοι δὲ τὴν λήμει καπηρείῃ ποὶ ΡΟΔΙΟΙΣ ΒΑΛΑΥΣΤΟΙ ΤΡΟΙΣ ἀναμιχθεῖς *Sarcinam vero relinquens piscibus, nobis etiam in scapha relictis, trajecit in lembum, permixtus remigibus quibusdam RHODIIS BALAUSTIORUM opificibus.* De hoc Flore autem Balauustio ad tingendas lanas opportuno, testis luculentus Plinius; *Sed circa Carthaginem Punicum Malum cognomen sibi vindicat, mox Flos BALAUSTIUM vocatur, & medicinis idoneus, & TINGENDIS VESTIBUS, quarum color inde nomen accepit.* Neque, ut verum fatear, id mihi continuo mirum videbatur, signatam nempe nummis Rhodiorum illius usus memoriam: qui memineram haud absimili ratione, Concham Purpuræ Tyriæ exstare in antiquis aliquot Tyriorum nummis, quales videas apud principes Gallorum antiquariorum Tristanum & Seguinum. Ut mittam productum ali-

De ROSA  
vel BA-  
LAUSTIO  
in Rhodio-  
rum Num-  
mis.

Nonnius  
ad Gol-  
tium.

Ant. Augu-  
stin. Dial.  
11.

Epistol. 11.

Lib. xiii.  
cap. 19.

Tom. I.  
Comment.  
pag. 98.

Lib. VI.  
Simplic.

Lib. XIIII.  
cap. 6.

Hesychius.

cubi ab eodem Trifano, Hierapolitarum nummum, in quo lanæ manipulum capiti Cereris impositum inde colligebat, quod præstantissima apud eos tinctura Straboni commendaretur. Accedebat mox Dioscoridis, quem consulebam, auctoritas; qui βαλαύσιον illud, seu agrestis Mali Punicæ florem describens, plura ejus genera recenset, ac inter alia περφυρῶν (ut Oribasius apud eundem legit, alii πύρρον,) καὶ ῥοδέχων, *purpureum & rosaceo colore*. Præterea quod florem illum agrestis Punicæ, similem adserat Cytino, seu flori sativæ Punicæ; qui certe cum flore in nummo Rhodiorum expresso haud male quadrare videbatur. Neque aliter Balaustium describit alicubi Galenus, nisi florem esse sylvestris Punicæ, sicuti sativæ Cytinum. Confudit quidem suo more Plinius utrumque hoc Mali Punicæ genus sativum & sylvestre, cum superiori loco, tum alibi, ubi Balaustium in genere vocari dicit flosculos in Cytino erumpentes, antequam Malum ipsum prodeat. Melius utrumque distinxit juxta Dioscoridem & Galenum, Hesychius. magnæ accurationis Grammaticus, βαλαύσιον εἰδῶσι αὖς φέρον ἄνθ' ἀρμίζον πρὸς θεραπείαν; *Balaustium species Mali Punicæ, florem ferens ad curationes opportunum, seu ut Plinius de eodem loquitur, medicinis idoneum*. Haud male vero hæc illustrent Arabes, quibus non solum طاء describitur Malum Punicum sylvestre, quod sine fructu florem profert, & ex quo Mel collectum exsugui tradunt; sed quibus etiam flos ille non solum جلنار, sed voce ejusdem ferme soni cum Græco βαλαυσίω, vocatur بلوسبطون. Unde satis liquet, haud de alio, quam de hoc Balaustio intelligendum esse Theophrastum in loco, quem minus adsequuti sunt viri docti, & qui aliquam inde lucem mutuatur. Ubi enim.



enim investigandum docet, an ex plantis aut arboribus quæ vulgo flores ante fructus emittunt, dentur etiam, quæ flores tantum steriles & sine fructu proferrant, mox id duobus exemplis firmat, ἐπεὶ γὰρ γεῖνια καὶ ἀμπελὶς καὶ ῥοαὶς ἀδυάτα πλειοκαρπεῖν· ἀλλὰ μὲν μέχρη τῶν θύας ἢ θύρεσις· Etenim genus quoddam & vitis & Punicæ fructum perficere nequit, sed ad florem usque generatio tantum pervenit. Magnus Heros Julius Scaliger, ex natura rerum ignota ait hæc genera. At quod Punicæ illud Mali genus spectat, quod non ultra florem procedit, non aliud, ut vides, quam hoc Balauftium, & Arabum eodem modo ab iis descriptum. Eleganter autem mox subdit Theophrastus floris illius descriptionem, quæ ad firmandam sententiam de Rhodiorum nummis multa videtur habere opportuna; γίνεται δὲ καὶ τότε τῶν ῥοαῶν αἰθρὸς πολὺ καὶ πυκνὸν· ἀνωθεν ὅλας τὸ ὄγκος πλατὺς, ὡσπερ ὁ τῶν ῥόδων, κάτωθεν δὲ στενὰ περὶ τὴν ἑξέως μικρὸν ὡσπερ ἐκ κλίμακος μὲν κύβιν· ἔχων τὰ ἀνω χαλωδή. Flos quoque Punicæ copiosus densusque est, superiori parte globosus, latus AD INSTAR ROSÆ; inferiori angustior est, à qua paulisper quasi Cytinus expansus in summo labiis multis præditus. Ita emendant hunc locum viri docti, quem paulo aliter expressit Gaza, & inde hanc suam emendationem firmant, quod flos utriusque Punicæ sativæ & sylvestris, maxime autem sylvestris, Rosam æmuletur. Ut non mirum proinde videri posset, si in Rhodiorum nummis obvium florem de Rosa vulgo acceperint antiquarii, qui revera esset flos sylvestris Punicæ. Sic Sidam herbam Niloticam, ita dictam à similitudine cum Malo Punico, quod Græcis Σίδη etiam vocatur, docet alibi Theophrastus, florem habere calici Rosæ similem sed majorem, πρὸς ἀνθὸς ὁμοίον ῥόδου κάλυκτι. Ut jam illud mittam, haud novum fuisse in hac Insula aliisve locis, ut arbores alibi frugiferæ,

Lib. 1. Hist.  
Plant. c. 11.

Lib. 1 v.  
Hist. Plant.  
cap. 11.



in iis steriles tantum flores emitterent. Certe Perseas arbores in Ægypto frugiferas, in Rhodo vero florere tantum nec fructum ferre observat Theophrastus. Sicut vero apud hos Insularios florem hunc agrestis Punicæ, è doctissimi viri sententia, sic ipsum Malum sativæ Punicæ signatum noveram in priscis aliquot nummis cum Dionysii Siculi Tyranni, tum Posidoniaton, quales videre licet apud Goltzium. Neque enim solum variis usibus celebrem apud Medicorum filios, sed mysticum etiam apud veteres fructum, juxta commemoratum paulo ante Strobilum, legisse non semel recordabar, haud abs re proinde antiquis id genus monumentis insculptum. Simulachrum certe Jovis Casii existisse Pelusii refert Achilles Tatius, gestantis Malum Punicum, *cujus ratio plane foret mystica*, καὶ ἡ ποίαις ἐ λόγῳ μυστικῆς. Unde etiam in Sacris Thesmophoricis ab ejus usu mulieres olim prohibitas docet alicubi Clemens Alexandrinus; ac ideo, ut licet inde colligere, opportune Proserpinæ à Plūtone Mali Punici granum ei datum, ne diu apud matrem remaneret, quod tradit Apollodorus. Alias nobilior adhuc usus ejus apud Persas, qui, referente Herodoto, Mala Punica argentea in armis gestare soliti; ut non mirum insignis hujus Mali donum magno Regi à rustico quodam oblatum, longe gratissimum accidisse. Sicut itaque fructum ipsum, non uno nomine veteribus celebratum, antiquis id genus monumentis haud frustra insculptum observabam; ita ejus florem traditis supra usibus apud Rhodios, ut liquet ex Alciphrone, commendatum, publica eorum moneta signari quoque meruisse, haud ægre largiebar. Immo quum iidem Rhodiorum Nummi, in altera Nummi facie, solis imaginem præferant, opportune indicabar idem doctissimus Vossius Arnobii locum

Lib. III.  
Hist. Plant.  
cap. 5.

Lib. III.

In Protrepheo.

Lib. I. Biblioth.

Lib. VI.

Ælianus  
Var. Hist.  
lib. I. c. 33.

cum

cum, ubi scribit, è genitalibus Agdestis prodiisse plantam Balauſtiis onuſtam; unde apparebat arborem hanc Atti, id eſt ſoli ſacram fuiſſe. At vero hæc omnia longe clariuſ ante oculos ponent tum Rhodiorum Nummi cum Sole & flore in iſdem vulgo ſignato, tum Cytini ſeu floris Mali Punicæ adſpectus, cui ſimile plane Balauſtium tradit Dioſcorides. Priorem è nummo Gazæ Palatinæ, poſteriore è Matthioli ad Dioſcoridem Commentario habes hic depiſtum.



Vide jam ac ſtatue, OCTAVI, cui ſententiæ lubentiuſ accedas; an ROSAM ſcilicet cum vulgò antiquariorum, an vero cum doctiſſimo Voſſio, Florem agreſtis Punicæ ſeu BALAUſTIUM (à quo βαλαυſτίγγης tinſtores illos Rhodios vocat Alciphron) nummiſ Rhodiorum traditum velis definire. Neque vero te vel

quemquam alium moveat, aut Rhodi à Rosa, ut Græco Pindari Interpreti, è quorundam sententia traditur, deducta nomenclatio; aut vero Eustathii, qui in eandem de Rosa illa Rhodiorum opinionem concessisse mihi videtur auctoritas. Notæ certe Grammaticorum veterum ineptiæ, in eruendis locorum nominibus, ex quavis nominum adfinitate continuo arreptæ, & à magnis viris sæpe jam ac feliciter profligatæ; quod & nobili huic Insulæ haud mirum quoque accidisse. Præterquam enim, quod alias Rhodi originationes, haud minus forte ineptas, tradunt nonnulli Grammatici, ut ὡς αὖ τὸ πλὺν ῥῆν, seu à *multa agitatione aquarum*, antequam insula illa emergeret; aut vero juxta Diodorum, à Rhode Nympha: sic aliunde etiam à Syriaca nempe aut Chaldaïca voce רוד *Ferod*, hoc est Draco, & per aphæresin רוד *Rhod*, ob Serpentum nempe & Draconum copiam, eandem deducebat doctissimus Bochartus. Certe eadem ratione ο'φίεσσα prius dictam, & serpentibus abundasse observant antiqui auctores & Grammatici, Diodorus, Heraclides, Hesychius, alii-que: Neque tamen inde soli Rhodo peculiare hoc nomen *Ophiussa* extitisse, ibi cum viro magno colligas; qui Lib. x. Me-

Lib. v. Ovidium, Cyprum per *Ophiussa arva* alicubi designantem, aut memoria lapsus, Rhodi nomen perperam Cypro tribuisse contendit, aut pro *Ophiussa* legendum *Amathusia*, audaci nimis conjectura, & quam nulli è veteribus libris agnoscunt. Nihil enim obstare debet, cur non & Cyprus dicta fuerit olim *Ophiussa*, sicut erudito non minus quam ingenioso vati indigitatur, quo nomine præter Rhodum, plura alia loca ita dicta observo non uno loco apud Stephanum de Urbibus; puta *Besbicum*, parvam insulam ad Cyzicum, *Cythnon* ac *Tenum*, duas è Cycladibus, *Libyam* seu *Africam*, ac præterea urbem

Lib. x. Me-  
tam. v. 229.

bem ad Pontum Euxinum *Tyram*. Quin etiam Plinius Lib. I v.  
inter insulas Cretæ vicinas, *Ophiussam*, quandam alicu- cap. 12.  
bi recenset. sed hoc obiter. Neque vero ideo hæc de  
Rosa, aut Rhodi vulgo inde deducta nomenclatione  
dicta quisquam putet; quasi varia ac nobilia quidem  
loca à cognominibus Floribus, Plantis, Fructibus ap-  
pellationem derivasse ignorem: sicut vere nonnun-  
quam eam inde eruunt prisca auctores & Grammatici.  
Illustrant id certe cum *Miletus* & *Lampsacus*, quæ πινυ-  
σαι, prius dictæ à *Pinus* copia, ut supra vidimus, tum  
insuper exempla Φύλων, *Cyparissi*, *Eleæ*, *Daphnus*, *Sy-*  
*carum*, *Cotinuse*, *Selinuntis*, *Tremithus*, *Rhamnusia*, *Cerasun-*  
*tis*, *Ericoussæ*, *Myrrhina*, quæ locorum id genus nomina  
haud male deducere videntur Græci Grammatici, à  
cognominibus apud eosdem Græcos arboribus aut  
plantis, *Cypresso*, *Oleæ*, *Lauro*, *Ficu*, *Oleastro*, *Apio*, *Terebin-*  
*tho*, *Spina Alba*, *Ceraso*, *Ericæ*, *Myrtho*. Sic *Stachas* planta  
in Cycladibus frequens, à qua & *Stachades* Insulas ad  
mare Ibericum derivat alicubi magnus Galenus, & a Lib. I. de  
Antidot.  
& apud Ammianum oppidum *Zaitha* in finibus Romani pag. 435.  
& Persici imperii, locus, qui *Oleæ arbor interpretatur*. Lib. XXIII.  
Immo ut *Rhodum* à *Rosâ*, sic *Cyprum* à flore aut arbusco *Cy-*  
*prio*, *Tralles* Ἀνθεών seu *floridam* prius dictam à copia  
florum ibi provenientium, observant iidem veteres  
Εὐνικαὶ collectores, aut interpretes. At vero, neque  
inter illa exempla à Plantis nempe ac Floribus quidem  
denominatorum locorum, relata videas, quod mini-  
me tamen fuisset prætereundum, claram hanc *Rho-*  
*dum*; puta vel à Stephano, qui aliquoties & ex profes- In vocibus  
so quidem hoc agit, aut ab ipso Eustathio, ubi in simi- Σουαί, Τρι-  
li argumento versatur. Neque etiam, ubi loca Rosetis μιδίς, &  
feracia vel nobilia commemorat Plinius, *Rhodum* re- alibi.  
censet; quod tamen vel sola nominis ratio inde scili- Ad Dionys.  
cet Periept.  
Lib. X X I.  
cap. 4.

cet petita, & Insulæ celebritas omnino suasisset; qui *Pranestinas, Campanas, Milesias, Trachinias, & Rhodo* viciniores, *Alabandicas*, aliasque id genus non omittit. Ut jam *Melitensem Rosam* Tullio, aut *Mida Rosetum* Tertulliano, *Rosam Hierosolymitanam, Pastanam*, pluresque id genus aliis commemoratas præteream. Neque insuper (quod huc inprimis facit) inter ea quæ Rhodi eximia nascebantur, & quorum meminisse observo nonnunquam auctores antiquos, Rosam relatam facile reperias. *Uvas passas & Caricas* Rhodiorum laudant non semel, ac inter alios Hermippus apud Athenæum: *Panaceam* eorundem non minus ac Tricarum vel Epidauri Andromachus Neronis Medicus apud Galenum; *Rhodiam Radicem* alii, quod in Rhodo nascatur: quamquam Dioscorides, & ex eodem Galenus illam videantur tantum in Macedonia agnoscere, & inde dictam, quod contrita Rosas redolet. Adde herbam *Helenium*, quam ab Helena dictam, in Rhodo frequenter provenire tradentem video Ptolemæum Hephæstionem apud Photium; *ᾠτὶ τῆς Ἑλενίης βοτάνης, ἣ ἐν Ρόδῳ φύεται*, de Helenio herba, qua in Rhodo nascitur. Sic & *Siliqua Rhodia* Theophrasto aliisque laudata; & *Crocinum Unguentum* è Rhodo nobilissimum, Apollonio libro de unguentis commendatum, referente Athenæo. Quibus insuper licebit addere, aut *Æruginem* ac *Cerussam*, peculiare Rhodiorum opus, auctore Vitruvio; aut *Ostrum* seu *Rubrum* illud, quod de hac Insula creari tradit idem auctor, & de quo mox plura; aut etiam *Balaustium* de quo agimus, & quo lanas itidem inficiebant Rhodii, nisi ex Alciphrone liquere videretur, aliunde illud ab iis petitum. De *Rosa* vero Rhodiorum, ut vides, ne *ῥόδον* quidem; si unum forte excipias Grammaticum, Græcum Pindari Interpretem, vocis homonymia

Lib. i.

Lib. i. de  
Antidor.  
pag. 428.Cod. c x c.  
lib. iv.Lib. iv. hist.  
Plant. c. 2.

Lib. x v.

Lib. v i i.  
cap. 12.  
Lib. v i i.  
cap. 3.

co, ut videtur, cum suis auctoribus adductum. Neque vero alia etiam de causâ patrocinari observo illi sententiæ Eustathium, & Rosam vetus Rhodiorum insignem agnovisse. Futilis certe, neque digna erudito alias Grammatico ratio, quam adfert ejus rei: Rosam scilicet, non solum Soli domesticam, sed & Rhodum Insulam, ob homonymiam vocis cum Rosa, Soli ideo sacratam; Pindarum enim juxta alios, sacram Soli Rhodum indigitare. En, ejus verba, ne quidquam interpretatione nostra videamur illi adfingere; ἰστέον ᾧ ὡς & Ad Odyss. E. p. 1527.  
μόνον τὸ ἀνθρώπου τὸ ῥόδον αἰκείωται τῷ ἡλίῳ, & ἔργον ἡ ῥοδοδάκτυ-  
λῳ ἡώς, ἀλλὰ καὶ ἡ ῥόδῳ ἡ νῆσῳ. ὡς τὴν πρὸς τὸ ἀνθρώ-  
που οὐμίαν. ἡλίῳ γὰρ ἱερὴν τὴν ῥόδον αἰετοὶ τί φασι καὶ ὁ Πίν-  
δαρος. Quid vero ineptius, quam ab homonymia vocis Rhodi cum Rosa, devotæ inde Soli urbis cultum arcessere? de quo inter alios Manilius,

*Tuque domus vere Solis, cui tota sacrata es.*

Lib. 1 v.

Quia scilicet Rosa in Rhodiorum nummis signata, ut videtur certe collegisse Eustathius, ideo etiam Solis effigies, quam passim præferunt Rhodiorum nummi, & supra etiam adlatus, iis quoque fuerit insculpenda? Quis vero nescit Phœbeiam Urbem, Solem jactasse Aristid. de Concord. ad Rhod. In Jove Tragædo.  
Ἀρχηγέτῳ; quem proinde ὡς ῥοδίῳ ἀρχεῖ compellat Jupiter apud Lucianum, non quod Insula illius Dei donum fuisset, juxta Pindarum, sed ob rationem à Plinio adlegatam, Rhodi nempe aut Syracusis nunquam tanta nubila obduci, ut non aliqua hora Sol cerneretur: quod Lib. 11. cap. 64.  
ipsum etiam de Alexandria observat Ammianus, nullo pene die incolentes hanc civitatem, Solem serenum non vident. Lib. XXI.

Adeo tamen, ut juxta Eustathium, nisi accessisset vocis hujus Insulæ cum Rosa homonymia, tota illa luce caruisset Phœbeia Rhodus; aut Phœbus ipse addictæ sibi sponsæ, ut Pindaro vocatur, amoribus, & admirabi-

1 Ἀελία  
τι, εὐμφορ  
ῥόδῳ. Ο  
lymp. v 11.

N n

li illo

li illo Colosso fuisset omnino privatus. Sed satis est ineptiarum. Illud autem inde colligas, quod hic spectandum veniebat, eam Rhodi à Rosa denominationem, & Rosæ inde in Rhodiorum Nummis depictæ petitam rationem lubricam valde, nec idonea ulla auctoritate stabilitam. Rursus vero florem illum agrestis Punicæ seu Balauſtium vel Purpurei vel Rosacei coloris, Dioscoridi commemoratum, ad tingendas Rhodiorum lanas valde opportunum fuisse, immo etiam familiare: sicut Plinium certe hunc ejus usum discrete tradentem jam ante vidimus. Quamquam alias occurrit Purpuræ Rhodiæ mentio apud Vitruvium, loco supra indicato, *Hoc Rubrum Rhodo etiam Insula creatur.* Phœnices nempe Rhodi olim incolæ; ut pluribus id ex auctorum veterum fide aliisque argumentis erudite adseruit celeberrimus Bochartus, qui proinde purpureo ac puniceo colore lanas inficiendi artificium sibi familiare videntur in eam Insulam intulisse. Purpureus autem ille color, seu puniceus & eximie rubens, (hæc enim vulgo apud veteres synonyma) non è Concha solum vel Tyria, vel Coa vel Laconica, aliorumque maritimarum locorum, aut etiam Rhodiaca, sed præterea è Florum & Herbarum succo, ad ejus imitationem, lanarum insectoribus frequenter parabatur. Ad utrumque morem respexit Tertullianus; *Nimirum enim Deus demonstravit succis Herbarum, & Concharum salivis incoquere lanas.* Ita florem quendam Purpureum apud Indos observat Ctesias, ex quo purpura Græcâ non inferior conficiebatur. Hinc itidem factam è radicibus tincturam apud Hierapolitas Phrygios, coccineam & purpuream æquare observat Strabo. De herbis quoque tradit in genere Plinius, Transalpinam Galliam, inde tyrium atque conchylium tingere; quod

alibi

Lib. VII.  
cap. 3.

Lib. de ve-  
land. mu-  
licrib.

In Indicis.

Lib. III.

Lib. XXI.  
cap. 2.



alibi rursus de vacciniis & purpura inde petita explicat, *Item vaccinia Italia in aucupis sata, Gallia vero etiam* Lib. xv. 1.  
*purpura tingenda causa*, ut omnino legendus ille locus cap. 18.  
 cum doctissimo Turnebo, & optimo codice Chiffletiano. Quæ firmat etiam Vitruvius, *Eadem ratione Vaccinium temperantes, & lac miscentes, purpuram faciunt elegantem.* Lib. vii. cap. 14.  
 Mitto jam aut Fucum illum Cretensem, è quo fiebant præstantissimæ olim tincturæ, & purpura quidem potiores, quamdiu erant recentes, ut diserte tradit Theophrastus; aut Coccum è granis Galatiæ, Lib. iv. hist. Plant. c. 7.  
 Africæ, Lusitanix, Imperatoriis, ut Plinius alibi loquitur, destinatum paludamentis, aut denique Byssinas Lib. xxi. cap. 2.  
 vestes purpureum colorem imbibentes, unde & byssum pro purpura sumi nonnunquam in veteri fœdere, docuerunt jam viri magni. Inter βάμματα itaque illa veterum, Ruber seu acutissimi ruboris color solitus in primis commendari, coque magis, quo ad purpureum propius accedebat. Hinc Hesychio κατὰ γὰρ ἐξ ἐρυθρῶ βάμματι. Sic hujus generis tincturæ celebratæ, quæ Sardibus fiebant, ut liquet rursus ex Hesychio, cujus locus emendandus; βάμμα Σαρδανικὸν (non Σαρδινικὸν) τὸ φοινικῶν, ἀλάφορα γὰρ τὰ ἐν Σαρδείοι βάμματα. Sardium nempe in Lydia illæ tincturæ puniceæ seu coccineæ coloris, non vero Sardinix Insulæ; ut ex hoc loco perperam colligebant viri docti. Id vero, quod pridem notaveram, & certe haud erat notatu difficile, à magno etiam Salmasio animadversum vidi in nova, quæ modo prodiit, Hesychii editione. Hinc itaque profectæ illæ vellerum tincturæ, & floridarum lanarum infectores, in quos passim insurgunt præci Ecclesiæ doctores, Clemens, Tertullianus, aliique, & Lib. i. de cultu femin.  
*medicamenta ex fucis, quibus lana colorantur*, quo loco tamen ne quid dissimulem, vocem *gena* pro *lana* omnino

reponendam cenſco: neque enim ibi agit graviffimus Cenſor de tinctura veſtium, ſed de pigmentis illis, quibus ſolita jam olim mulieres faciem inficere, aut genis ruborem conciliando, aut ſuperciliis nigrorem. Unde continuo addit, & illum ipſum nigrum pulverem, quo oculorum exordia produciuntur. Ita infra, ne de veritate hujus emendationis dubites, GENAS RUBORE maculant, oculos fuligine porrigunt, alibi, quæ cutem medicaminibus urgent, & rurfus alio loco, faciem moroſiorem lavacro macerant, & aliquo eam medicamine interpolant. Et plane in eundem ſenſum, de utroque more Clemens; καὶ ἡ ὀφρὺς τῶ ἀσβερίῳ ἀναματίζονται, καὶ ΨΙΜΜΥΘΙΩ ΤΑΣ ΠΑΡΕΙΑΣ ἐλεγχόμεναι; & ſupercilia fuligine illinunt, & FUCO GENAS terunt. Melius vero ibi interpres Ψιμύθιον per Ceruſſam vertiſſet, quæ eundem uſum præſtabat: diverſæ enim Plantæ, Fucus, Ceruſſa, Anchufa, ex quibus vulgo fiebant medicamina illa aut pigmenta muliebria, quibus genis ruborem conciliabant. Galenus certe, magnus & accuratus auctor, de ſimili mulierum cultu aut medicamine agens alicubi, ἀγχύση καὶ Ψιμυθίῳ καὶ Φύκι κεκαλωπιόμεναι, Anchufa & Ceruſſa, & Fucō ornata, ſeu illita. Quæſitus itaque jam olim impenſe in vultu æque ac in veſtibus rubor ex Plantarum & Radicum ſuccis, & quam in rem, ut vulgo jam notum, Fucus inprimis adhibitus (neque ille tamen unius generis) cum ad inficiendas purpuras, tum ad colorandas genas. Ad priorem vero uſum opportunum fuiſſe inprimis Balauſtium ſeu Florem agreſtis Punicæ, quo uſi tinctores Rhodii in lanis inficiendis, & purpureo aut puniceo colore imbuendis, facile utique licet colligere. Cui rei poterat maxime inſervire Balauſtium juxta Dioſcoridem vel Purpurei, vel alias Roſacei coloris. Roſæ enim inter alios colores

De Virgini-  
b. veland.

Pædagog.  
lib. 111.  
cap. 2.

In Prote-  
ptico.

colores vulgo puniceæ, de quibus, ut mittam obvia è Marone *punica rosea*, Propertius,

Eclog. v.

*Et dare puniceis plena canistra Rosis.*

Ut proinde non solum ex illo flore agrestis Puniceæ mel collectum exsugeretur, quem ejus usum supra tradentes Arabas innuimus; sed eximia illa etiam & purpurea tinctura peteretur. Ita ut vere in eam quadraret vetus illud Rabinorum proverbium, *אמר ברכו פניו*. *Pretiosum sit opus tuum instar Mali Punici.* Neque mirum proinde ab eodem opere dictos Alciphroni Rhodios tinctorum, *βαλαυσέγγες*. Sic à Purpurarum copia vel præstantia, loca quædam olim denominata leguntur; ut præter alia, Cythera *περὺρῶσα* Aristoteli dicta, auctore Stephano, *ἂν τὸ κάλλος τὸ ὡς τὸ περὺρον*. Grammaticus vero aliquis, ex eorum nempe genere, qui ineptas quasque verborum originationes undecunque venantur, ipsam etiam Rhodum inde dictam continuo argutaretur, nempe quasi *Ῥοῖδιον*, seu à pusilli Mali Punici genere, de quo Menander apud Athenæum, *Ῥοῖδια* Lib. xiv. *αὐτὰς ἀνέμασιν ἂν τῶν*, Rhodia ipsas ea de causa nominavit. Equidem ab hoc fructu, nobilem Hispaniæ urbem, prisca Illiberin vel Illiberrin, *Granatam*, à Malo Punico, vulgo *Granato*, nuncupatam tradunt; quam aliunde tamen, & à voce barbara *horreorum domum* denotante, derivantem video Alvarum Gomezium, & cui accedit Cl. Mendosa ad Concilium Illiberitanum. Ab iisdem Malis Punicis, quæ Græcis etiam *σίδαι* vocabantur, appellatum alias crederem, vicum quendam agri Corinthiaci *σιδῶν* dictum; cujus Xenophon, Plinius, Stephanus, alique meminere. Illum enim malis præstantissimis, iisque purpureis abundasse, docent varii auctores, apud Athenæum, Antigonum, Carystium, Nicander, Euphori- Lib. i. ii. on seu Archytas. Eadem utique ratione, qua alibi Si-

Lib. ii. de  
Gest. Franc.  
Ximenii  
cap. i.

Lib. c. r. v.

In Biblio-  
theca Re-  
ginæ Chri-  
stianæ.

dam dictam tradit ex Agatharchide idem Athenæus, regionem Malis Punicis feracem, de qua contendebant Boeoti ac Athenienses. Illud vero minime adhuc prætereundum hoc loco, duos mihi occurrisse nummos in Cimeliarchiis Galliæ ac Italiæ vestræ, cum iisdem Rhodiorum symbolis, Solis nempe, & in altera nummi parte Floris illius, de quo hic sermo. Unus nempe cum addita epigraphe ΣΤΑΣΙΩΝ. Hujus autem nominis urbs haud alibi hæctenus mihi lecta, quam apud Stephanum; sed qui in Persia, & quidem in magna rupe positam docet. Inter P. Ligorii collectiones antiquarias ineditas, observatus etiam mihi Nummus Elagabali, qui in averſa parte præfert Coronam Querneam, & inscriptionem ΔΗΜΟΣ ΜΗΤΡΟΠΟΛΕΩΣ ΣΤΑΣΙΩC. Quænam autem fuerit hæc Stasis Metropolis, fateor me satis adsequi non posse. Neque enim concedes opinor, extra Romani Imperii fines quærendam, aut è Perfide arcessendos nummos, cum Romani Imperatoris effigie percussos. Unde ut libere dicam, vereor ne vel nobis hic imponat Ligorius, vel sibi ab aliis imponi passus sit, perperam descripta hujus nummi epigraphe; cujus rei infinita occurrunt exempla in operibus illius ineditis, de quibus nostrum supra judicium protulimus. Stasin vero illam cum Rhodiorum symbolis, in Cypro forte investigandam crederem, Rhodo haud procul dissita, à qua nempe urbe dictus sit Stasinus ille Cyprius, cui Cypria poemata à Proclo tributa novi apud Photium. At vero Metropolim eandem Cypri, nemo facile ex fide nummi à Ligorio producti continuo statuet; quem Insulæ primatum Paphum olim ac Salamina, postea vero, ætate nempe Constantinopolitanorum Cæsarum, postremam ex iis tum Constantiam seu Justinianopolim dictam obtinuisse,

nuisse, aliunde constat. Alter vero Nummus cum iisdem Rhodiorum symbolis, Lutetiæ nuper admodum mihi inspectus inter Numismata Peireskiana, quæ jam possidet illustris Harlæus, cum loci nota ΖΕΙΝΩΝ: de quo loco altum adhuc magis apud antiquos & recentiores Geographos silentium. Omnino autem liquet ex additis symbolis, spectare juxta priorem Stationum, ad aliquam Rhodiorum Coloniam, aut Urbem vel Vicum, qui in ditione Rhodiorum fuerit. Plures enim deductas à Rhodiis, & quidem in Hispaniam usque Colonias, aliunde liquet. Et hæc quidem hætenus de Nummis nobilissimæ hujus Insulæ, ac symbolis vulgo iis insculptis; de quibus liberum sit lectori judicium, in quam velit sententiam concedere.

Sicut vero *Malum Punicum*, seu potius florem ejus *Balaustium*, in commemoratis modo Rhodiorum Nummis investigabamus; ita suavem alterius quoque Mali, olim adhuc nobilioris adspectum, liceat mihi ex eadem penu subministrare: Exhibet vero illud rarissimus & plane singularis nummus, quem possidet singulare Urbis & horum studiorum decus, Camillus Maximi; cujus beneficio eundem hic lectorum oculis subjiciemus.

De Nummo  
PARTHI-  
CO, & MA-  
LO MEDI-  
CO in eo-  
dem.




Nummus ille, ut continuo vides, Parthicus, & ex eorum genere, quos *Sagittarios* vocarunt olim Persæ, ut liquet ex Plutarcho; τὸ γὰρ Περσικὸν νόμισμα ΤΟΞΟΤΗΝ In Apothecion μου εἶχεν. Numisma vero Persicum SAGITTARIUM

nota

Lib. x. E-  
pist. 16.

*nota signatum est.* Immo, quod nummi ipsius adspectus, mihi aliquoties visi, satis arguit, barbarici ille seu Parthici metalli, cujus glebulam à se repertam continuo ad Trajanum Imperatorem, tanquam singulare quoddam Cimelium misisse se profitetur Plinius secundus, scripta eodem nomine ad ipsum Trajanum epistola; *Quod paullo tardius feci, dum requiro gemmam, quam sibi habentem imaginem Pacori, & quibus insignibus ornatus fuisset, subtractam indicabat. Volui enim hanc quoque, si inveniri potuisset, simul mittere, sicut glebulam misi, quam se ex PARTHICO METALLO adtulisse dicebat; signata est annulo meo, cujus est apophragisma, Quadriga.* Quid vero vel jucundius vel utilius, suavissime OCTAVI, quam simile quid oculis usurpare, quod magni muneris loco Terrarum Domino miserat, aut mittendum quærebat Romanus Præses, & qua de re per epistolam sollicitè adeo monere illum non dedignabatur? Geminum certe beneficium præstare agnosces hunc singularis raritatis Nummum, quale ex Gemma cum Pacori imagine quærendum sibi putabat Plinius. Ac de insigni quidem capitis, cui simile omnino videas præferre Parthum genuflexum in nummo Trajani inscripto REX PARTHIS DATUS, agetur in sequentibus alio loco, ubi insignes rursus Arfacidarum nummos proferemus. Notus præterea mos & habitus illius gentis, flexo genu dextro sagittandi in acie solitæ, & aliarum quoque gentium sagittariis haud inconventus. Talem etiam videas cum inter Thasiorum nummos apud Goltzium; tum in veteri nummo inter Panormitanos relato in Sicilia Parutæ à Leonardo nostro, nova nummorum accessione locupletata.

Tab. XIII.  
Inful. Græciz.



Hæc autem ipso adspectu, & vulgatis de illo more auctorum testimoniis, liquida satis & manifesta. Unde jaculum illud ante sinistrum genu protensum in priori nummo, revocat mihi in memoriam, aut Romanos in prælio quodam contra Parthos, duce M. Antonio, procumbentes in genua objectis scutis; aut Chabriæ Atheniensis ducis inventum, objecto genu scuto, projectaque hasta, impetum excipere hostium milites suos docentis. Arcus vero & amentatum jaculum in eodem Parthico nummo conspicua, solita gentis illius arma, ut vulgo notum, ac de Persis jam olim tradidit Arianus. De Arcu inprimis, notum ita propriam ac solennem fuisse Regum illorum armaturam, ut ex eodem à Dario una cum scuto amissio, & apud Alexandrum conspecto, eum continuo ut mortuum deflerent mater, uxor, & filia captivæ. In describendis Persarum armis, Pharetram etiam opportune addit Herodotus, qualem gestat pileatus miles in posteriori nummo depictus, ad sinistrum latus adpensam. Ad dextrum enim femur pugiones gestasse olim Persas idem auctor observat. Arcus autem ille in utroque nummo signatus, docere potest, quo jure Parthi Dionysio vocentur ἀγκυλόπῃσι,

Plutarchus  
in M. Anton.  
Cornel.  
Nep. in  
Chabria.

Lib. vii.

Arrianus  
lib. ii.

Lib. vi.

Πάρθοι ναιετάουσιν ἀγχοί, ἀγκυλόπῃσι.

Parthi degunt Martii, curvis arcubus utentes.

Unde conferri etiam potest cum iis, quæ de Parthici

O o

vel



Lib. xxi. vel Scythici Arcus (quem pro eodem sumit Ammianus Marcellinus) figura tradiderunt veteres, & quam non semper adsecuti sunt viri docti. Opportune quædam ea de re notantem vide doctissimum Isaacum Vossium ad Melam. Agnoscis utique hinc aperte, non corniculatam fuisse Arcus illius figuram, instar litteræ C; ut ex male intellecto Agathone colligebant viri docti; sed eandem incurvam quidem, juxta Dionysium & Melam, angulos utrinque extimos habuisse; cui proinde Arcui haud male Ponti figuram comparantes videas cum Melam, tum Ammianum. Sed in postremo miror mendum non animadvertisse viros longe eruditissimos, quod tamen totum loci sensum perturbabat, & aliam longe figuram huic Arcui tribuebat, ut fatetur etiam ad Melam vir doctissimus, quam vel auctores alii, vel ipsa indubia nummorum ac lapidum monumenta præferunt. Verba sunt Ammiani; *Cum Arcus omnium gentium flexis curventur hastilibus, Scythici soli vel Parthici circumductis utrinque* EXTRORSUS *pandis & patulis cornibus*; Ita enim legendum omnino statuo, non *introrsus*, quæ vox meras hic tenebras offundebat. Id vero quod depicti illi Arcus Parthici cum pandis extrorsum cornibus luculenter arguunt, innuebat etiam Terentianus,

*Ceu Parthus solet aut Scythes*

*Arcus cornibus EXTIMIS.*

Eadem quoque cum superiori, figura Arcus, quem Herculi passim tribuunt antiqua numismata; quippe cujus Arcum Scythicum itidem fuisse tradunt antiqui auctores. At vero hic non tam anterior, quam averſa pars Nummi illius Parthici spectanda occurrebat; quæ an florem repræsentaret, an fruticem, vel arborem, & qualem hujus generis Plantam, non significabant erudi-

diti

diti Urbis Antiquarii. Vidi etiam alibi, qui ad primum  
 Ægypti ad me transmissi intuitum, non Plantam, sed  
 Montem ibi cælatum existimarent, neque illos de ple-  
 be, sed è primo ordine Antiquariorum. Neque vero  
 Apollodorum, Arrianum, Quadratum, aliosque, quos  
 laudatos veteribus memineram, rerum Parthicarum  
 scriptores licebat mihi consulere, qui si temporum in-  
 jurya mansissent superstites, hærentem forte sublevas-  
 sent. Nobilem quidem & familiarem in Parthia flo-  
 rem Philadelphæum nuncupatum videbam in Apollo-  
 dori de rebus Parthicis apud Athenæum fragmento; Lib. xv.  
 sed quem ita describit, ut nihil ad illustrationem hu-  
 jus Nummi conferre mihi liqueret. Verum hic hæren-  
 ti occurrit opportune, haud aliud symbolum vel insi-  
 gne præclaro illo Nummo, quam fructus MALI ME-  
 DICÆ designari. Neque certe, ut id statuerem, una  
 me ratio impellebat. Primo consuetus ille mos tam  
 Græcorum, quam Barbarorum, abunde jam à nobis  
 illustratus, singulares quosque ac domesticos vel Flo-  
 res vel Plantas, monumentis id genus tradendi. Inter  
 Plantas vero seu Arbores præter cætera loca peculiares  
 & singularis olim raritatis, Medicam Malum relata  
 continuo noveram; & juxta eosdem auctores, Theo-  
 phrastum, Plinium, aliosque, non alibi quam apud Me-  
 dos & in Perside nasci. Adeo ut non mirum, si quem-  
 admodum Silphium suum Cyrenenses, Lotum Ægy-  
 ptii, Dictamnnum Cretenses, Malum Punicum alii, ita  
 quoque Malum hoc sibi proprium Medi seu Parthi  
 (nosti enim utriusque nominis communionem) ei-  
 dem memoriæ commendarent. Secundo, non raritas  
 solum, sed nobilitas & celebritas hujus Arboris, seu *Fel-  
 licis Mali*, quæ, ut ille ait, *inclaruit etiam carminibus*  
*Mantuanis*, & de qua Plinius, *Nec alia arbor laudatur in* Lib. xii.  
 Me- cap. 3.

*Medis.* Tertio, quo etiam spectat usus ejusdem apud Parthos, & ne promiscuum putes, Proceribus tantum apud eos consuetus; de quibus idem tradit haud uno in loco Plinius; eos commendandi halitus gratia, grana hujus Mali, & quidem solos usurpare solitos: *PARTHORUM populis hoc precipue & à juvena propter indiscretos cibos, namque & vino satent ora nimio, sed SOLI PROCERES medentur grano ASSYRIACI MALI, cujus est suavitatis precipua in esculenta addita.* Quod etiam alibi rursus monet; & quo respexit etiam divinus vates, agens de hoc Malo

Lib. x 1.  
c. 53.

Lib. x 11.  
cap. 53.

— *animos & olentia Medi*

*Ora fovent illo.*

Postremo denique, ejusdem Mali Assyriacæ vel Medicæ ac ejus Fructus descriptio, ita à Veteribus tradita, ut certe huic figuræ nummo expressæ haud parum consentanea mihi videretur. Arbor nempe, si illos audias, mediocris, brevi trunco, cujus rami longi, crassi, firmi, acutis spinis; Fructus autem, quos vulgo eosdem cum Citriis statuunt; quæ certe manifesto meam de hoc Nummo sententiam adserere mihi videntur. Neque vero illud valde me moratur, quod eam arborem lauro simillimam describat divinus poëta, aut quod vulgo eandem omnino cum vulgata Citro statuunt Herbarum Interpretes. Illud enim scio peregrinam fuisse arborem, & parum proinde cognitam in Italia aut alias in Romano orbe; quæ Plinii etiam ætate adhuc in sola Media aut Perside nascebatur; *sed nisi apud Medos & in Perside nasci noluit.* Immo neque ejus fructus nisi sero admodum, è Perside in Græciam transportatus; ut licet colligere ex Antiphone Comico apud Athenæum. Nihil mirum itaque, si de tam remota arbore & vulgo incomperta, multa secus tradiderint Romani

Lib. x 1 1.  
cap. 3.

Lib. 111.

scri-

scriptores, quos in descriptione plantarum exoticarum, licet minus remotarum, haud semel hallucinatos constat. Neque illud ita liquidum aut in confesso, quod vulgo creditur, eandem omnino fuisse arborem cum vulgata Citro; quamquam haud dissimilem fructum credatur protulisse. Certe id negabat diserte Apuleius in Commentariis illis, quos ex professo de Arboribus scripserat, sicut tradit Servius, *apud Medos na-* Ad Georg. lib. 11.  
*scitur quadam arbor ferens MALA quæ MEDICA vo-*  
*cantur; mox hanc plerique CITRUM volunt, quod NE-*  
*GAT Apuleius in libris quos de Arboribus scripsit, & docet*  
*LONGE ALIUD GENUS ARBORIS esse.* Sic in Italia pervulgatas jam fuisse Citros Plinii ætate, & Medicam Malum à Citro diversam eidem statui, haud male videtur colligere vir magnus ad Solinum. Sed ut demus libenter, Mali illius Medicæ fructum ad Citrium accessisse, à quo etiam non recedit ovata fructus illius figura in superiori nummo Parthico expressa; haud continuo sequitur eandem plane arboris aut fructus etiam figuram exstitisse, singularem illam adeo Medicam Malum cum Italica aut Europæa Citro. Notum enim, quam pro soli ratione variant nonnunquam eadem Arbores, aut Plantæ; ut jam olim monuit Theophrastus, *ἡ γὰρ τὰς χώρας ὡσπερ καὶ αὐτὰ τὰ δένδρα* Lib. 1.  
*διαφέρειν καὶ τὰς ἐργασίας ἐκείνων.* Hist. Plant. cap. 6.  
*Nam pro regionibus sicut & arbores ipsæ variant, cultura quoque inter sese distare, haud pro absurdo intelligi debet.* Quam meam de singulari hoc & rarissimo Nummo sententiam eo lubentius sum amplexus, quod eam probari omnino videam clarissimo Aulæ Electoralis & Athenæi Heydelbergensis Medico, Joanni Casparo Fausio nostro; cui ob singularem in Historia Plantarum peritiam, legendam hanc nostram notationem commiseram. Firmabat vero il-

Lib. I I.  
Meth. co-  
gnosc. sim-  
plic. cap. 11.

lam vir doctissimus, monstrosis aliquot Citriorum iconibus, quæ ab aliquot Botanicis observatæ, cum superiori fructu Mali Medicæ adfinitatem aliquam habere illi videbantur. Neque vero prætereunda hoc loco, quæ à Marantha de Malis Medicis alicubi commemorantur; quod nempe *Mala Medica operoso cultu ita efformant, ut & maris & femina sexu distinguant: rem certe admirabilem & visu jucundissimam. Maris enim pomum adnatum habet quoddam veluti infantis genitale ejusdem cum pomo corticis & coloris: femina muliebri pudendum ad veram ejus effigiem efformatum videtur, quo simile magis sculptor non fingat.*

De MA-  
LIS AU-  
REIS HE-  
SPERID-  
DUM.

Punicis vero & Medicis Malis, cur non & MALA HESPERIDUM AUREA liceat continuo subnectere, quæ cum Medicis eadem viri quidam doctissimi videntur statuere? Herculis nempe fabulam, de Dracone Arboris in Mauritania custode, ab eodem interempto, & adportatis inde in Græciam pomis aureis, signant antiqui aliquot nummi, cujus generis unum hic exhibemus.



Tom. II.  
Com. pag.  
285.

Percussus ille nummus sub Geta, & à Tristano etiam adlatus, sed sine ulla inscriptione aut nota loci, in quo signatus, qualem nullam adferit in eodem exstitisse. At vereor equidem ne obscuræ aut exesæ vetustate lit-

teræ

teræ ut alibi haud semel, ita hoc loco viri alias perspicacis oculos fugerint. Occurrit enim mihi similis omnino ejusdem Getæ nummus in Gaza Christinæ Augustæ, qui à Pergamenis percussus arguebat, & in quo hanc inscriptionem eruebam, ΕΠΙΣΤΡΑ.....ΝΟΥΣ. ΑΝΕΘΕ. ΠΕΡΓΑΜΗΝΩΝ Β. ΝΕΩΚΟΡΩΝ. Hoc est, *sub Pratore ..... Dedicavit, Pergamenis Bis Neocoris.* Solum nempe in eo Pratoris nomen, ærugine delctum occurrebat, de quo non anxie nobis laborandum. Cæterum haud absimilem quoque nummum, cum eodem Herculis habitu, & custode Hesperidum Dracone in arbore itidem pendente, ac insuper partario pomis Hesperidum repleto, quod in Pergamenorum nummo omissum, signarunt olim Tarsenses Gordiani temporibus, qualem servat Gaza Medicea. Inde vero continuo colligas, vana esse poëtarum figmenta, quæ de tribus tantum Hesperidum Malis vulgo fabulantur: quibus accedit Antiphanes Comicus apud Athenæum,

Φασὶν τὰ χρῦσαι μῆλα τῶν εἶναι τρία  
Μόν'.

Lib. III.

*Dicunt Aurea hæc Mala tria esse Sola.* Mitto jam reliqua, quæ hic ad decantatam fabulam spectant, aut ad natales & nomen pervigilis illius Draconis. Κηπερὸν eundem dictum Euphorioni Chalcidensi, auctor est Heliadius apud Photium, καὶ τὸν τὰ χρυσαῖ μῆλα τὸν ἑσπερίδων

Codic.

Φορῶντα ὅφιν Κηπερὸν ὀνόμασε; *Et serpentem aurea mala ferentem Κηπερὸν (seu horti custodem) nominavit.*

CCLXIX.  
Biblioth.

Mirum viros eruditissimos, vel Hoeschelium editorem, vel Interpretem Schottum, non observasse locum in mendo cubare. Neque enim ferebat Serpens Mala illa Aurea, sed hortum vel arborem eadem ferentem custodiebat, Κηπερὸς ea de causâ nuncupatus. At quid proclivius fuit, quam Φορῶντα in Φερεῶντα vertere; sicut omnino liquet

Cod. ex c.  
Biblioth.

Ad lib. iv.  
Æncid.

liquet eo loco legendum, & apposite ad custodis illius officium. Eundem vero Leonis Nemæi fratrem extitisse, tradit Ptolemæus Hephæstio itidem apud Photionem. Servium autem non moror, qui fabulam illam de hoc Serpente, & malis Hesperidum aureis, de gregibus ovium rufam lanam habentibus, & ab Hercule, occiso pastore illarum custode, abactis explicavit; & ideo quidem, quod oves Græcis *μῆλα* dicantur; à rubore autem lanæ auro similis, existimasse qui audierant, mala aurea in Africa nasci. Nugæ & somnia Grammatici. Neque, ut verum fatear, magis arridet alia viri longe eruditissimi, & cujus mira alias *ῥησις* in explicandis ex Oriente poëtarum fabulis, interpretatio, qui libro de Coloniis Phœnicum, Aurea Mala à dracone adservata, de opibus ab alio congestis interpretatur; ideo quod *malon* vel *melon* Arabice opes sonet, nempe *ἄλ.* Ut enim poëtarum fabulis adscribamus, quæ de horti vel arboris illius natalibus, custodia, malis revera aureis, Herculis victoria vulgo fabulantur; at certe arborem illius nominis obviam in eo tractu, & fructum ejusdem aurei coloris fabulæ locum dedisse, liquet satis manifesto ex iis quæ de hoc arborum genere & earum fructu vel Theophrastus, vel citati ab Athenæo auctores tradidere. *Ἐπειρίδα* enim, cujus Theophrastus meminit, non de herba aliqua cum Plinio, sed de malo Hesperidum intelligi debere, monuerunt jam viri docti. An vero hæc Mala cum Citriis eadem fuerint, ut Rex Juba litteris consignasse traditur apud Athenæum; an vero cum Aurantiis, ut alii ex nominis adfinitate & colore colligunt, non anxie hic nobis disquirendum putamus? Vir doctus ex Batavorum Asclepiadarum ordine, qui postremus Theophrastum luculentis commentariis illustravit, multus in eo est, ut illorum

Lib. v. de  
caus. Plant.  
cap. 25.

Lib. iii.



lorum refellat sententiam, qui cum Citriis vel Aurantiis eadem hæc Hesperidum Mala crediderant, ac ut eadem fuisse cum Cydoniis, vulgo Cotoncis probet. Sed vereor equidem, ut intentum obtineat. Cydonia mala à primaria Cretæ urbe denominata, ad quam nascebantur, & unde primum in Græciam adlata, sicut Medica, Punica, aliaque id genus à regionibus, quæ iisdem feraces erant, quemadmodum & de Cerasis constat, de Cerasunte Romam primum à Lucullo perlatis; de quibus præter alios, Hieronymus; *Unde & de* Tom. 1.  
*Patria nomen arbor accepit.* Hesperidum autem Malis Epist. ad  
hortus in Africa & ad Atlantem; unde in Græciam seu Eustock.  
ab Hercule seu à quovis alio adportata, idem etiam loci natalis nomen, è quo primum adducta, retinere. Si vero Cydonia & Hesperidum Mala eadem fuissent, cur non id uno verbo prodidissent veteres, qui utriusque arboris & fructus non semel meminere? immo cur de iis, ut diversis fructibus aut plantis, diverso etiam loco agit Athenæus, vel antiqui auctores ab illo producti? Multa certe in superioribus de Cydoniis con- Lib. III.  
fabulati erant eruditi illi convivæ, & quidem de aliis eorum speciebus, sicut de iis, quæ struthia vocabantur. In Græcia autem pridem nota erant, nec diffitebatur vir doctus, cum Cydonia illa, tum quæ Hesperidum Mala vocabantur. Hinc postrema cum Nuce Pineæ, aliisque id genus symbolis, in Bacchi mysteriis vulgo recepta tradit Orpheus apud Clementem loco cujus anterior versus supra jam indicatus, sequens autem iste,

Μῆλα τι χρῦσα καλὰ παρ' Ἑσπερίδων λιγοφώνων.

*Et Mala Aurea pulchra ab Hesperidibus canoris.*

In Protreptico.

cui æque proclive fuisset eadem à viciniore Creta accessere. An vero ideo hæc mala, ut obiter hoc mo-

Lib. III.

ncam, in Bacchi mysteriis locum habuere, quod Mala & reliquos fructus Bacchus invenisse crederetur, ut Neoptolemus tradit alicubi apud Athenæum? Alias vero, Hesperidum itidem Mala apud Lacedæmonios existisse, odore quidem grata, sed non edulia, *ῥοσμα* nempe καὶ ἄβρωτα, observat cum Pamphylus apud Athenæum, tum Hesychius inde emendandus, sicuti jam factum à magno Casaubono; *Ἐσπερίδων μήλα ἐν Λακεδαίμονι ἄβρωτὰ πῖνα μήλα*, pro quo prius vitiose legebatur; *ἐν Λακεδαίμονι βρωτὰ πῖνα μήλα*. Vides præter Pamphyli auctoritatem, quam proclivis & necessaria emendatio; una littera α à sine prioris litteræ in initium sequentis retracta. At doctus ille Medicus, Theophrasti commentator, vulgatam Hesychii lectionem præfert, ut suam de Malis Hesperidum pro Cydoniis sententiam tueatur; nec Hesychium ex Pamphylo, sed Pamphylum apud Athenæum ex Hesychio emendandum contendit, ubi βρωτὰ nempe pro ἄβρωτα sit reponendum: legendum proinde in Athenæo *ῥοσμα ἃ ἔσονται καὶ βρωτὰ, καλεῖται ἃ Ἐσπερίδων μήλα*, suavitè nempe olere & edulia, vocari autem Hesperidum mala. Absurdum enim fuisse, ut poma id genus ἄβρωτα Diis suis apponerent Lacedæmonii, quod tamen ex Timarchide paullo ante tradiderat Athenæus. Sed fallitur omnino vir doctus, nihilque certius petita à Casaubono Hesychii emendatione ex Pamphyli apud Athenæum verbis, & quam alias loci ratio plane suadebat. Neque enim ἐν Λακεδαίμονι, sed ἐν Λακεδαίμονι omnino ibi legendum constat; α illud proinde otiosum optime insequentem vocem retrahendum. Quid vero opus fuisset, aut Athenæi convivis, aut magnæ accuratationis Critico Hesychio, illud ut singulare de his Lacedæmoniorum malis adnotare, quod forent nempe edulia?

Digna

Digna res utique, quæ posterorum memoriæ prodere-  
tur, dari fructus, quos degustare ac edere liceat? At  
vero illud peculiare in hoc Malorum genere, & proin-  
de notatu dignum, quod odore quidem grata essent,  
non autem gustu vel sapore: quod ipsum de fructu Ma-  
li Medicæ observarat jam olim Theophrastus, τὸ ἡ μὴ-  
λον οὐκ ἐσθίεται μὲν, ὁσμον ἔχει πάνυ, *Pomum autem ejus non*  
*manditur, sed odore præcellit.* Hinc eadem etiam Hespè-  
ridum Mala non vulgo quidem in privatorum mensis,  
sed rite Diis à Lacedæmoniis adposita, ob odoris nem-  
pe præstantiam; sicut reliqua incensa, quæ iis eo no-  
mine adolebantur. Terrestrium enim erat Deorum,  
seu malorum potius Geniorum comestationibus & ci-  
bis delectari; quod ex <sup>a</sup> Iamblichō, <sup>b</sup> Porphyrio, ac <sup>c</sup> Origene contra Celsū haud uno loco mihi liquet;  
at vero Cœlestium, odore seu Arabicis lætari haliti-  
bus, ut loquitur Martianus Capella. Sed condonan-  
dum facile Medico, πικρὸν alias ἀντιεξίφ, si Theologiæ  
Gentilium mysteriis non fuerit continuo initiatus.

Neque vero PALMAM, tot usibus nobilem, & his  
monumentis toties insculptam, liceat hic inditam  
præterire. Equidem non adducam obvios Palmæ ra-  
mos, aut in Victoriæ manibus elatos, aut vero vasibus  
vulgo insertos, tanquam pretium victoribus; eosque  
modo unum, modo duos, modo plures, nonnunquam,  
& frequenter cum inscriptione ludorum, quorum præ-  
mia constituebantur, puta, ΑΚΤΙΑ, ΠΥΘΙΑ, ΧΡΥ-  
CΑΝΘΙΑ, ΟΛΥΜΠΙΑ, ΕΠΙΝΙΚΙΑ, ΣΩΤΗΡΕΙΑ,  
ΜΕΓΙΣΤΑ, ΑΡΙΣΤΑ, ΑΓΓΟΥΣΤΙΑ, ΣΕΥΗΡΙΑ,  
ΕΡΑΚΛΙΑ, ΣΑΚΡΑ, ΚΑΠΙΤΟΛΙΝΑ, ΟΕΚΟΥΜΕ-  
ΝΙΚΑ, ΙΣΕΛΑΣΤΙΚΑ, CERT. QUINQ. seu Cer-  
tamina Quinquennalia; quæ in præclaris nec obviis pas-  
sim nummis leguntur. Mitto etiam, Vasa cum insertis

Lib. I v.  
Hist. Plant.  
cap. 4.

<sup>a</sup> in vita  
Pythagor.  
cap. 4.

<sup>b</sup> Lib. II.  
de Abst.

<sup>c</sup> Lib. VII.  
& VIII.

De PAL-  
MIS, &  
varii ge-  
nerum ca-  
pitulorum  
in anti-  
quis Num-  
mis.

Lib. v.

id genus Palmæ Ramis, sive singula, sive plura, Mensæ frequenter imposita; juxta morem antiquum, quo victoribus Olympicis Coronæ supra Mensas collocatæ, ut refert Pausanias. Duo ejusmodi Vasa supra mensam imposita, quamquam sine commemoratis Ramis, exhibet inter alios præclarus nummus Caracallæ, cum memorabili inscriptione, SEPT. TYRVS METRO COLONIA ACTIA ERACLIA. Unde certe discimus ab Hercule Tyrio, noto loci Numine, dictos ibidem ludos Heraclios seu Herculanos. En præclari nummi iconem, quam beneficio Christinæ Augustæ hic inferendam duximus.



Cæteroquin tria etiam Vasa cum Ramis Palmarum, qualia frequenter alibi occurrunt, suppeditat nummus Valeriani Mediceus, inscriptus ΝΙΚΟΜΗΔΕΩΝ ΤΡΙΚΝΕΩΚΟΡΩΝ. Neque vero vel de origine hujus moris, Palmas victoribus in ludis tribuendi, quem ad Theseum refert Pausanias, vel de causa, è Plutarcho & Gellio pridem nota, quod sola hæc arbor opprimentibus non cedat, aut eadem eaque viridia semper folia retineat, trita & pervulgata omnibus commemorabo. Illud forte minus vulgatum, ejusmodi Palmæ Ramum Lacedæmoniis peculiari voce Σαεῖρ dictum; quod me docuit Hesychius, Σαεῖρ κλάδος φοίνικος, Λαίλωνες. Crederem facile, etiamsi nullam scirem aliunde Laconum & Judæorum cognationem, latere in hac  
 voce

voce vestigium Hebræorum vel Phœnicum שָׂרָר *sarar*, quod *principatum tenere* denotat, ob dignitatem nempe & usum hujus Palmæ, quo respexisse crederes Horatium,

— *Palmaque nobilis*

*Terrarum Dominos evehit ad Deos.*

Quin valde apposite hanc in rem Artemidorus alicubi auctor est, Principum liberos per Ramos Palmarum designari. Unde certe haud male collegisse videtur Trifanus, signatos in quodam Constantii nummo tres Palmæ Ramos, denotare tres Magni Constantini filios. At hic non tam excisos Palmæ Ramos, quam Arborem ipsam spectare intendebamus. Quum enim varia tradantur Palmarum genera veteribus, ac Theophrasto inprimis, qui haud perfunctorie de iis egit, aliæ nempe *Palma* pro natali solo *Sicula*, *Africana*, *Cretica*, *Cypria*, *Egyptia*, *Judaica*, *Phanicia*, *Syriaca*, *Babylonica*; aliæ autem ex iis humiles & depressiores, aliæ majores, aliæ rursus steriles, aliæ frugiferæ; & ex frugiferis aliæ communes, aliæ Caryotæ; singula hæc antiquariæ hujus penus contemplatio haud parum vel juvat, vel illustrat. Omnium certe, quæ modo commemorabamus, locorum Palmas, exceptis forte Babylonicis, signant adhuc antiqui nummi. Et steriles quidem Palmas, quales vulgo Italicas & Europæas agnoscit Plinius, Græcas alicubi Theophrastus ac Plutarchus, videas passim in SICILIÆ nummis Panormitanis, cujus generis plures exhibet Paruta. Babylonicas itidem steriles observat Theophrastus, ex quibus lectos & vasa conficiebant. Tales nempe, quarum Talmudici doctores meminere in Sanhedrin, ubi infrugiferas memorant Palmas Babylonicas, quæ scilicet ad aquas Babyloniæ amaras crescerent, ac ideo corruptæ ut fructum

Oneirocr.  
lib. 1. c. 72.

Lib. XIII.  
cap. 4.  
Lib. II.

Hist. Plant.  
cap. 3.  
Sympos.  
lib. VIII.

Sicula Palma.  
Lib. II.  
Hist. Plant.

cap. 8.  
Sanhedr.  
fol. 26. 2.

Lib. 11.  
Hist. Plant.  
cap. 8.

etum ferre non possent. Cæteroquin frugiferis Palmis abundasse Babyloniam, & inter alias quidem Regiis dictis omnium præstantissimis, quæ in horto Bagoæ nascebantur, observat Theophrastus, & ex eodem Plinius. Neque vero SICULAS steriles omnes fuisse, sed fructum etiam habuisse nonnunquam, licet immitem forte & immaturum, liquet ex aliis Panormitanorum nummis apud Parutam, qui frequenter Palmas exhibent cum adpensis Dactylis; consueto scilicet & peculiari hujus arboris more, quæ non fert fructus inter folia, ut vulgo reliquæ arbores, sed in summo trunco germen emittit cum pendentibus utrinque palmulis: Tres vero Palmas Panormitanis adscriptas, hic cælandas duximus, inter se aliquantum diversas.



Prior, ut vides, è Sterilium genere ac sine fructu, quales vulgo Europææ: Altera cum adpenso fructu seu Dactylis, & quæ vulgaris Palmarum id genus frugiferarum figura: Tertia reliquis humilior, quæ proinde videtur ex illo pumilarum genere, quale in Sicilia frequentissime provenire Theophrastus ac Plinius tradunt, & cui juxta Græcos ac Romanos, peculiarioria etiam nomina tributa videas in linguis Orientis, Rabinorum פלם Arabum autem النخلة & النخلة. Fructus etiam ejus haud parum diversus, ni potius Florem statuamus, ac ipsam arborem proinde nummo illi insculptam, è masclarum genere, quæ solæ eidem Theophrasto

phraſto ac Plinio, in ſpatha aut in palmite florere dicuntur. Neque vero florem ſolum, ſed fructum in maſcula agnoſcunt iidem auctores, & juxta illos Hero-  
 Lib. 1.  
 dotus; ut inde liqueret eam non ſterilem omnino aut infrugiferam ſtatuendam, ſicuti vulgo perhibetur. Certe apud Arabas à voce *مرءى*, quæ Palmam marent notat, ſit vox *مرءى*, quæ dactylos ſed viles innuit.

Quum tamen iidem auctores cum Græci tum Arabes, fecundas tantum Palmas foeminas diſerte agnoſcant, & ex inferſis adſperſive maris floribus feminas fecundari, & præſtantiores dactylos producere doceant, nulla maſculæ Palmæ fructus ratione habita; hinc vulgo etiam mares Palmæ infrugiferæ, & fructus ille, quem nonnulli iſdem tribuunt, ab aliis cum flore ejusdem haud immerito confunditur. Et quum vel maxime in Arabum ſcriptis, ob copiam & uſum ejus frequentem, utramque paginam faciant & Palma, & quidquid ad eam ſpectat, cujuſcunque ſit ſexuſ; hinc varia etiam legas apud eos nomina, quibus & maſcula Palma, ut maſtantum admiſſarius, & modus ille feminas fecundandi, & flos maris ſeu ſemen ejusdem in feminae ſpatham indi ea de cauſa ſolitum, exprimi conſuevere: quibus haud parum illuſtrantur, quæ à Græcis aut Romanis, ex aliorum relatione, ea de re jam olim obſervata leguntur. Neque vero male illum Palmæ hujus vel florem vel fructum ſignare mihi videtur Palma tertio loco expreſſa, diverſa utique à femina *βαλανοφόρω*, quæ ſecundo loco occurrit. Quod hanc enim ſpectat, haud ita ſteriles omnes Palmæ Europææ, ac proinde Siculæ, ut fructus plane non ferant, ſicut vulgo Italicæ aut aliorum locorum; ſed quarum fructus videtur immitis ſtatuendus, juxta maritimas quaſdam Hiſpaniæ Palmas, de quibus id tradit Plinius, aut ad maturita-




Lib. III.  
Hist. Plant.  
cap. 8.

Dialog. VII.

Lib. I.

tem non perveniens, sicut de Cypriis quibusdam observat Theophrastus, alibi autem in genere de Palmis in Græcia natis, & juxta eundem Plutarchus locis supra indicatis. Nisi illud etiam placeat, plerosque illos è Panormitanis Parutæ nummis cum Palma & Equo seu integro seu dimidio obvios, à Carthaginensibus, quod arguunt symbola & frequentes in iis Punicæ litteræ, signatos, & Africanis proinde potius quam Siculis adscribendos. In qua sententia fuisse jam olim video, virum hujus antiquitatis intelligentissimum Antonium Augustinum, qui nummos id genus ad Carthaginem refert. Certe vel signatum Equi caput satis arguit, aut Carthagine percussos, aut in Carthaginensium Coloniis (qualem Panormum scimus) cum solitis Metropoleos insignibus. Quod minus novum Panormi contigisse, quæ Regia erat Carthaginensium in Sicilia, hoc est juxta Polybium, βαρυνία πόλις τῆ Καρχηδονίων ἐπαρχίας. Eadem itaque Palmæ in nummis Panormi & Carthaginis, quamquam, ut vidimus, nec iis destituebatur Sicilia, ut non & proprias Palmas in iisdem monumentis cælasse nonnunquam credi possit. Certe peculiaris adhuc Palma occurrit in nummo Selinuntiorum: unde haud alio opus habemus interpretate, cur *palmis onusta* Silio, divino autem Vati *palmosa selinus* nuncupetur.



Et Palma illa quidem cum frugifera, ut cernis, tum è  
pumi-

pumilarum genere, cujus fructum Arabes peculiari voce *جيا* vocant. CRETAM vero Insulam, haud u- *Cretica.*  
no quoque Palmarum genere feracem, docet itidem Theophrastus. Hinc Palma juxta Aquilam signata in veteri & præclaro nummo Hierapytnæ urbis Creticæ, quem olim adnotaveram in Gaza Christinæ Augustæ, & cui geminum nuper forte apud Cl. Patinum inspectum, opportune hic inferendum duximus.



Prior Nummi pars caput turritum ac muliebre, notum in nummis cum Cybeles tum urbium symbolum notat. Aversa autem, cum Jovis (cujus natalibus & sepulchro celebris Insula) alitem, tum Palmam cum Dactylis præfert, locum insuper signati nummi *ΙΕΡΑΠΥΤΝΙΩΝ*, & Prætoris aut Magistratus nomen, *ΙΜΕΡΑΙΟΣ*. Hinc adserenda urbis hujus scriptura apud Strabonem, ubi pro corrupta lectione *ιερέα πύδνης*, Lib. x  
gnus Casaubonus restituendum putabat *Ιεραπύδνης*, probante id nequidquam nobili ac eruditissimo sene in Exercitationibus ad Græcos Authores nuper editis. Emendanda eadem apud Dionem, qui in rebus Cretensium ejusdem loci, sub nomine *Ιεραπύδνης*, Lib. xxxvi.  
minit. sed hoc leve. Urbis vero illius situm, ac rationem nominis docet nos Strabo; ad Pytnam nempe Lib. x.  
Idæ collem sitam, à quo sit denominata, ἀφ' ἧς *Ιεραπύτνα ἡ πόλις*. Etiam si vero Idam hunc *πλύδενδρον καὶ μεγαλόδενδρον* Eustathio alicubi vocari nescirem, haud mi- Ad Dionys. Perieget.  
rum utique vel novum occurrisset, Arborem in ejus-

modi nummo signatam videre. Collis autem hujus Pytnæ, & cognominis urbis nomen à Phœnicibus profectum, ex ipsa vocis formatione mihi continuo liquere videtur. Certe in plerisque Creticis, Phœnicium quid latere, idque se docturum alias, contestatur doctissimus Bochartus, eruditissimo opere de Coloniis Phœnicum; & ipsius Insulæ nomine Cretæ, ac urbis in eadem Itani exemplis interim firmat. sic *πύτνω* haud dubito præferre itidem vestigia vocis cum iisdem litteris radicalibus *πύτνω* vel *πύτνω*, qua in oriente *dirves pecorum* denotatur. Creta enim inter alia decora, pascuis & gregibus ferax, unde Dionysio *Πόλη* vocatur:

*Πολλὴ πειλαπρήν τε καὶ Πόλη, ἥς ὑπὲρ Ἰδῆ.*

*Magnaue pinguisque, & bona pascua habens, quam super Ida.*

Hinc in Ida Collis ille Pytna, pascuis id genus abundans, & ad quem posita urbs Hierapytna, à loci aut templi alicujus religione *sacra* insuper appellationem apud Cretenses nacta; sicuti pleraque Palæstinæ, Syriæ, ac Phœnices loca illud *ΙΕΡΑΣ* attributum frequenter sibi vindicare observo in antiquis & selectis nummis *Ælia Capitolina*, *Gadara*, *Cæsarea*, *Tyri*, *Sidonis*, *Gabala*, *Bybli*, *Apamea*, *Damasci*, *Selucia*, *Samosata*, (ut Animiano vocatur) qua de re alibi: Illud vero ferme præterissem, eundem hunc nummum Hierapytnæ signatum, reperiri inter nummos Siculos Parutæ, ut casum dum hæc scriberem observabam; quem nempe non ferendo errore, ad Himæram Siciliæ urbem refert, deceptus proprio Viri seu Prætoris, non loci nomine *ΙΜΕΡΑΙΟΣ*, quod recepto more, gentili *ΙΕΡΑΠΙΤΤΙΝΙΩΝ* additum, pro quo rursus male *ΙΕΡΑΠΙΤΤΣ* expreslit. Sed Parutam, qui nummum ipsum non viderat, in errorem induxit Erizzo, è cujus descriptione fatetur

fatetur se nummum illum ita cælandum curasse. Iste enim agens de Dea Syria, obvia in Philippi numismate à Syris Hierapolitanis percussio, nummum hunc, de quo agimus, à se visum describit, in quo Pinus scilicet occurrit cum adjacente Avi, epigraphæ autem ΙΕΡΑ ΠΙΤΤΣ; unde *sacram Pinum* efficiebat, aliisque litteris additis ΙΜΕΡΑΙΟΣ. Sed solenne Erizzo, nobili alias antiquario, graviter in citandis aut explicandis Græcis, quos adfert nummis hallucinari, & quem proinde caute in his legendum, nec ei temere fidem obstringendam novi. Magna quidem de his antiquitatis studiis benemerendi voluntate, sed exigua aut nulla etiam Græcæ litteraturæ peritia instructum, virum multarum alias imaginum, ad nummorum id genus explicationem sese comparasse mihi satis liquet: quod hætenus fatale plerisque fuit, si unum vel alterum excipias, qui in describendis vel interpretandis Græcorum nummis laborarunt. Quid statuas enim, cum aut Carra- rum notæ Mesopotamiæ urbis primariæ, & Romano- rum Coloniae nummum, proinde consueto more, ΜΗΤΡ. ΚΟΛ. ΚΑΡΡΗΝΩΝ, seu *Metropoleos Colonia* Discor. *Carrenorum* inscriptum de Colcharenis, Græciæ scili- *sopr. le* cet gente, (qualis nulla legitur eo nomine) interpre- *Medagl.* tatur? aut vero quum Magnesium Ioniæ nummum, *p. 700.* sub Gordiano percussum, & cum addito Prætoris Au- *quart. Edit.* relii Theodoti nomine, legit & explicat, *Anno primo* Pag. 66. *Theodoti Regis Magnetum*; quasi scilicet aut privatim a- *ibid.* lias, aut vero illo ævo, Magnesium civitas, quæ pri- dem Asiæ Proconsulibus parebat, Reges suos habue- rit? Mitto sexcenta id genus, quibus adnumeranda jam venit prava illa lectio & interpretatio hujus num- mi Hierapytniorum Cretensium, alio perperam vel ab eodem Erizzo, vel à Paruta detorta. Opportune enim

mihi non unus solum, sed geminus nummus inspe-  
ctus, ut supra innui, cum iisdem omnino litteris ac  
symbolis, quibus nihil clarius exprimi potuit, aut mi-  
nus tot errorum causam præbere. Immo alios etiam  
ejusdem generis adservat Gaza cum Palatina, tum Me-  
dicea, & in eo superioribus rariores, quod aliud pro-  
prium viri aut Magistratus nomen signatum habeant;  
nempe unus Palatinus & Mediceus  $\Xi\text{ΑΜΑΓΟΡΑΣ}$ ,  
alter itidem Mediceus  $\text{ΜΕΝΕΣΘΕΥΣ}$ ; & in quos  
proinde si incidisset Paruta, eosdem ad Himæram ur-  
bem procul dubio haud retulisset. Cæterum eadem in  
iis symbola; hinc nempe capitis turriti, illinc Palmæ  
& Aquilæ, cum inscript.  $\text{ΙΕΡΑΠΤ}$ . ac in uno etiam in-  
tegra,  $\text{ΙΕΡΑΠΤΤΝΙΩΝ}$ . Quod vero hic etiam mini-  
me reticendum, occurrit inter Marmora Arundellia-  
na, quæ cum Notis in Apologiam Apuleii vulgavit  
Cl. Pricæus, antiquum fœdus horum Hierapytniorum  
cum Præsiis, Cretensibus itidem, & quorum nummum  
possidet Christina Augusta, cum Cerere ac Bove, &  
inscript.  $\text{ΠΡΑΙΣΙΩΝ}$ . Observavi etiam fragmentum  
fœderis Hierapytniorum in magno Inscriptionum o-  
pere, ubi  $\text{ΙΕΡΑΠΤΤΝΙΟΙ}$  itidem inscribuntur; ne  
liceat de vera Nummorum hujus oppidi epigraphe du-  
bitare. Neque vero Palma in iis expressa, ex illo bifi-  
darum aut trifidarum genere, quas in Creta frequen-  
ter nasci observat Theophrastus. Ad postremas hasce  
trifidas referre quis posset Plantam peculiarem, expres-  
sam in nummo Camaræ apud Goltzium.

Thef. Grut.  
p. v.

Palma Tri-  
fida Creti-  
ca.  
Tab. In-  
sul. iv.



Camara, ut ex Ptolemaeo & Stephano scimus, urbs Cretæ. Ejusdem meminisse videtur Agatharchides apud Photium, si Schottum illius interpretem audimus; Cod. c c l.  
 ὅτι κίχρηται ὁ Συγγραφεὺς ἀττικιστῆς καί τι ὡς τῇ ᾧ cap. 30.  
 καμάρας λέξει. Quæ ita vertit Schottus, *hinc digressione facta auctor monet, se quamvis Attice loquatur; Camara tamen (urbis in Creta) dialecto familiariter uti.* Sed quum duplicem sensum admittat ille locus, certe longe potior ille mihi videtur, qui nihil aliud innuit, nisi Agatharchidem, etiamsi Atticorum more scribat, usum voce καμάρας, notæ alias significationis, sed quæ minus Attica videbatur. Neque enim Camaræ natus aut cæteroquin Cretensis Agatharchides, sed Cnidius, ut Diodoro, Josepho, Luciano, aliisque vocatur; neque etiam Cretensi usus dialecto, (quæ præter voces ἰδιόγλωσσας, quales plures apud Hesychium legas, Dorica ut plurimum fuit, sicut eruditis notum) ut satis arguit luculentum hujus Auctoris, quod apud Photium exstat, fragmentum, communi ferme dialecto conscriptum. Neque etiam illa Camaræ hujus inter Cretenses urbes nobilitas aut fama, (cujus obscura valde apud veteres, qui supersunt, mentio,) ut peculiaris dialecti ansam Agatharchidi præbere potuerit. Sed hæc obiter. Similem vero hujus oppidi Nummum habet Gaza Medicea; nisi quod loco crurium, quæ expressit Goltzius, aliud quid, aut duas nempe figuras, aut Pisces

videbatur signare ejusdem Cimeliarcha. Hæsisse autem me fateor aliquamdiu, cui frutici aut plantæ, eam quæ in nummo cum Goltziano, tum Mediceo occurrat, continuo adscriberem. Cretam quidem ἰδιόφυτον novi, & feracem plantis sui generis, aut selectis; adeo ut in ea Insula multi Botanici alerentur à Romanis Imperatoribus, & quotannis Romam mitterentur Ἀγγεῖα seu Vasa plena Creticis Plantis, quæ τὰ πλεπιά nuncupabant, nempe ἀπὸ τῆς λύγων (non λυγῶν, quod aliud sonat) εἶναι πλέγματα, quod è viminibus essent contexta.

Lib. 1. de  
Antid. edit.  
Græc. Bas.  
p. 424. 425.

Utrumque me docuit Galenus, ac præterea Plantas easdem è Creta vulgo adferri chartulis involutas, quibus singularum nomina adscribebantur; quasdam vero solam habere inscriptionem nominis, aliquas cum accessione soli aut campi, in quo proveniebant. Postremum quidem beneficium præstat nobis hic Nummus, de priori aliunde ratio ineunda. Quod si in voce Camaræ, natali solo, ut videtur hujus Plantæ, quærendum esset illius vestigium, *Cammarm* aconiti speciem

Lib. xxiii.  
cap. 3.

& à figura Cammari marini ita dictam docet Plinius, & quæ proinde huc non quadrat: ut mittam non *Cammarm*, sed κάμμορον Græcis appellatam, quod jam observarunt viri docti. Neque huc etiam spectat alia Planta κόμαρις, vel κόμαρ, quæ occurrit in Lexicis recentiorum Græcorum, quam eandem cum Halimo contendit vir summus ad Solinum. Sed neque majorem communionem cum planta expressa in nummo hujus urbis Creticæ habere mihi videbantur aliæ Plantæ ejusdem Insulæ, quas præ cæteris suo loco commendant nonnunquam antiqui scriptores Historiæ Plantarum, puta *Dictamnnum*, *Nymphæa*, *Chamedruas*, *Radix Idæa* (de cujus solo lis adhuc ambigua, an Creticum vel Phrygium), *Amylum*, *Sifer*, *Heraclium*, *Anisus*, *Poterion*,

Theophrastus,  
Dioscorides,  
Galenus,  
Plinius.



*Cupressus*, *Populus nigra*, *Trifolium*, *Seseli*, *Stachas*, *Fucus*, aut denique herba illa Ἀλμυρ, quæ Solino inter Cre-  
ticas sola recenferi meruit, quod admorsa nempe diur-  
nam famem prohiberet. Unde ratione subducta, ni-  
hil occurrit opportunius, quam Palmis trifidis adscri-  
bere superiorem plantam seu arborem, quæ peculiaries  
erant huic Insulæ. Palmam certe continuo videtur ar-  
guere truncus cum densis gradatisque corticibus, qui-  
bus Palmæ vulgo se faciles ad scandendum præbent :  
quod etiam de iis jam olim monuit Plinius, & quas ra-  
dices in caudice Palmæ prominentes, per quas con-  
scendi potest, Arabes peculiari voce *Ἰβ*, indignant.  
Modum autem, quem adhibent vel Arabes vel Ægy-  
ptii in scandendis Palmis, docuit jam nos olim Lucia-  
nus; cujus locum ea de re novissime illustravit insigni-  
Vir eruditione ac virtute, mihiq; unice venerandus Lib. de Dea Syria.  
senex, Palmerius à Grentemefnil. Nec alienum quod  
de bifidis his aut trifidis Palmis observat Theophra-  
stus, staturam caudicis à parte qua finditur vel quinum  
cubitus, paresque inter se prope partes ipsas adsurge-  
re. Neque prætereundum hoc loco, tradi eidem Pal-  
mas diversi admodum generis, fructu nempe, figura,  
magnitudine, foliis haud parum diversas; ne aliquod  
discrimen hujus Palmæ cum superioribus, aut vulgari-  
bus alias Palmis, multum hic negotii faceffat. Plinius  
quidem undequinquaginta Palmarum genera statuit;  
ac Arabes, apud quos frequens hæc arbor, longe plura.  
Si quis tamen Carduorum aliquod genus, aut Plantam  
aliam in illo nummo expressam malit, ubi veris id vi-  
cerit, haud difficulter ad sensum impetrabit. Neque  
vero solum trifidas, sed in quinos etiam truncos divi-  
sas Palmas in hac Insula agnoscit Theophrastus, sed cu-  
jus locus levi emendatione indiget, ἐν τῇ Λάπωνη (aut Lib. 11. hist. Plant. c. 8.

Λαππαίων) πινὰ καὶ πιντῆρες. Ita enim legendum nomen illius Urbis Creticæ, quæ Λάππα vocabatur, & cujus Gentile Λαππαίων, liquet iterum ex antiquo loci ejus nummo inscripto, ΑΣΤΛ. ΛΑΠΠΑΙ. seu Ἀστυλῶ Λαππαίων; unde insuper sacram eandem seu in-  
 violati soli, ut Livius alicubi explicat hanc vocem Ἀστυλῶ, exstitisse constat. Eadem urbs & Λάμπη dicta, auctore Stephano, sicut & Λαμπαίως illius incolas vocant cum <sup>a</sup> Polybius, tum <sup>b</sup> Dio Cassius, quorum iste eisdem una cum Cydoniis libertate aliisque beneficiis ab Augusto adfectos narrat. Alibi vero eadem urbs juxta indubiam Nummorum scripturam, recte Dionī Λάππα etiam vocatur. Occurrit quoque idem Lappæorum nummus apud Goltzium, sed in quo Asyli nomen tantum per ΣΤΛ. expressum, è superiori quem inspexi in Cimeliarchio Reginae Christinae, suppleri debet. His etiam adscribendus nummus insignis Domitiani, observatus mihi inter alios incomparabilis Regiæ Gallorum Gazæ, cum eadem inscript. ΛΑΠΠΑΙΩΝ. Creticis vero Palmis, CΥΠΡΙΑΣ jam subnectere liceat, quarum haud unum genus exstitisse observat Theophrastus, & ejus simia Plinius, qui inter alia folium ibi latius, fructumque reliquis rotundiorem tribuunt. Alias frugiferæ etiam vulgares Cypriæ, sed quarum fructus seu Dactyli, instar Ægyptiorum recentes consumerentur. Ejusmodi Palmam βαλανηφόρον, & cum latis, ut videtur, foliis, signat adhuc hodie Cypriæ urbis Lapethi nummus.

In Oza  
Christinæ  
Augustæ.  
Lib. XLV.

<sup>a</sup> Lib. IV.  
<sup>b</sup> Lib. I.

Lib. XXXVI.

Tab. IV.  
Insul. Græ-  
ciæ.

Cypria.



Gentile nempe loci nomen juxta Stephanum, cum  $\Lambda\alpha\pi\eta\theta\iota\varsigma$  tum  $\Lambda\alpha\pi\eta\theta\omega\varsigma$ , quod postremum hic in nummo exprimitur. Navium cæteroquin stationem & navalia habuisse hunc locum observat idem Stephanus; unde etiam nominis originem ex Oriente haud incommode deducit doctissimus Bochartus. Egregie vero id firmat Scylax, aut qui sub ejus nomine circumfertur, cui Phœnicum urbs eadem Lapethus vocatur  $\Lambda\alpha\pi\eta\theta\phi\epsilon\iota\nu\iota\kappa\omega\nu$ , ut recte ibi pro  $\Lambda\eta\pi\eta\theta\iota\varsigma$  emendat vir magnus If. Vossius, & unde simul liquere videtur, cur Palma in superiori nummo hujus Urbis depicta. Hanc urbem certe inter primarias Cypri existisse, ex Hieronymo præterea colligas, ubi de adventu Hilarionis in eam Insulam verba facit: præmissa enim Paphi mentione, addit, *hoc Salamina, hoc Curium, hoc LAPETHUS & urbes reliqua conclamabant.* Ita enim legendum ibi postremæ illius urbis nomen, pro quo *Lapithe & Lapetha* occurrit in Frobeniana editione & libris scriptis, quod jam vidit in Scholiis ad hunc locum Erasmus. Sic in Excerptis Polybii Peireskianis, corrigendum idem Urbis nomen  $\epsilon\nu \Lambda\alpha\pi\eta\theta\omega$ , pro quo  $\epsilon\nu \Lambda\alpha\pi\iota\theta\omega$  effecerunt viri docti ex corrupta codicis lectione  $\epsilon\nu \Lambda\alpha\pi\iota\theta\omega$ , ac moti procul dubio auctoritate Ptolomæi, apud quem itidem corrupte  $\Lambda\alpha\pi\eta\theta\omega$  vocatur. Cyprias Palmas excipient vicinæ, nec iidem, ut modo audivimus, dissimiles  $\text{ÆGYPTIÆ}$  *Ægyptia.*

Tom. I.  
Epist. in  
vit. Hilar.

pag. 197.

aut ALEXANDRINÆ, cujus generis unam habes in sequenti nummo.



Percussus ille ab Alexandrinis Ægyptiis, sicut arguit nummi inscriptio. Feracem certe Palmis fuisse illum tractum, aliunde satis liquet; sed cujus fructum partim viliorem, partim esui minus aptum describit Strabo, cujus locum, quia secus nonnullis acceptus, adscribemus; καθ' ὅλην τὴν Αἴγυπτον ἔφθινον αἰγυῖς ἐστὶν, καὶ ἐκφέρουσιν καρπὸν οὗκ ὀβρωῖον ἐν τοῖς περὶ τὸ Δέλτα τοῖς, καὶ περὶ τὴν Ἀλεξάνδρειαν, ὅ ἐν τῇ Θεβαΐδι φθινὴ ἄριστος ἢ ἄλλων φύεται· hoc est, Cum in tota Ægypto Palma sit è vilium genere, vel fructum ferat esui non aptum in locis apud Delta & Alexandriam, tamen in Thebaïde Palma omnium optima nascitur. Ex hoc loco collegisse videtur vir magnus ad Solinum, id quod non semel innuit, Palmas nempe in tota Ægypto steriles fuisse seu infrugiferas præter Thebaïcas, aut vero Alexandrinas, sed quarum posteriorum fructus non erat edulis. Neque aliter Strabonis Interpres priora illa verba verterat; Cum in tota Ægypto Palma sterilis sit: quum tamen id non dicat Geographus, sed vilioris aut minus præstantis Palmæ genus totam Ægyptum habuisse, excepta Thebaïde, in qua longe optimum proveniebat. Aliud nempe αἰγυῖς seu vile & plebeium, ut vocat Palmulas id ge-

nus

nus Plinius; aliud ἀκαρπν, seu sterile & infrugiferum: prioris generis Ægyptiæ Palmæ, præter Thebaïcas, posterioris Græcæ, aut alias vulgo Europææ. Certe non steriles quidem Palmas Ægyptias tradit fide dignus in primis auctor Theophrastus, sed earum fructus juxta alias Africanas, Syriacas, Phœnicias, virides adhuc ac recentes vulgo suaves & gustu quidem gratos, minime autem durare, ut recondi possint, sed protinus putrescere, ac proinde recentes consumi, exceptis qui in paucis aliquot locis arenosis proveniebant. Quod ipsum repetit adhuc alio loco, ubi docet recondi tantum posse è Syriacis Palmulis eas, quæ in convalli nascebantur, *quæ vero IN ÆGYPTO & Cypro & alibi gignuntur, hæc recentes omnes consumi*; *ἐν τῇ Ἰνδοῦ καὶ Κύπρου καὶ τῶν τοῖς ἄλλοις χλωρὴς ἐναλίσιαι.* Lib. I. Hist. Plant. cap. 8.

Inde itaque Straboni ἀγροὶς seu viles, vel ut Plinius loquitur de vulgaribus Dactylis, *plebeia Ægyptiorum Palmæ*, quod vulgo recondi & servari earum fructus non possent, & servati putrescerent, ac proinde recentes tantum ac virides comederentur, non vero quod plane steriles essent, aut ἀκαρπν. Sic idem Plinius: *Fructus Palmarum soli servati, qui in Judæa ac Cyrenaica Africa, non qui in ÆGYPTO, Cypro, Syria, & Seleucia Assyria.* Lib. XIII. cap. 4.

Excipienda tamen illi erant, præter Judæam ac Cyrenas, vel Convallis Syriæ palmaria, vel pauca illa loca arenosa Ægypti & Phœnicæ, in quibus Palmarum fructus non edules solum, dum adhuc recentes, sed servari etiam ac recondi soliti. Certe de Thebaïcis Palmulis, id alio loco innuit; *Thebaïdis fructus extemplo in Cados conditur, cum sui ardoris anima.* Ergo diversi ab his fructus Palmarum Ægyptiarum, qui recentes omnes consumebantur, neque proinde tamen, sicut perspicue jam intelligis, steriles istæ ac infrugiferæ.

Hinc etiam vel alii è neotericis, qui Ægyptum iustrant, vel Prosper Alpinus, cujus exstat opus de Plantis exoticis, & qui in Ægypto diu medicinam professus est, referunt maturas Palmulas in Ægypto autumnali tempore. Ut jam illud præteream, quod quum variæ sint Dactylorum species, quæ septuaginta ab Arabibus commemorantur, hinc multæ etiam occurrant ex iis ἀγλαῖς, seu viliores, quas pro divite sua copia, peculiaribus etiam vocibus indignant iidem Arabes, puta دقل & مراجل; unde tamen nemo dixerit sterilia aut infrugifera id genus Palmeta. Nec illud urgebo denique, quod Theophrastus agens alicubi de arboribus, quæ in certis regionibus frugiferae, in aliis steriles occurrunt, illustret id exemplis & Persæ extra Ægyptum, & Populi nigræ extra Cretam, Palmæ autem in Græcia sterilium; ubi opportunus utique locus fuisset id ipsum de Palma Ægyptia observandi. PHOENICEM vero Palmis etiam abundasse, vel sola nominis ratio videtur indicare, quod inde petatum multis existimatur; Tyrum certe Phœnices Metropolim, Patriam suam agnoscit Palma in Meleagri Epigrammate, quod extat inter alia inedita antiquissimi Codicis Palatini, qui Vaticanæ Bibliothecæ cum reliquis accessit,

Φοῖνιξ μὲν νίκαν ἐνέπει, πατέρα τι μετὰ χειρὶ  
ματρία φοινίκων τὴν πολὺ παιδα Τύρον.

*Palma quidem victoriam indicat, Patriam vero jactat  
Matrem Phœnicum liberis secundam Tyrum.*

Ut non mirum sit proinde eandem Urbem dictam Achilli Tatio Φυλιώνιον, quod Phœnicia urbs foret. Hinc frequens adhuc hodie Palma in Nummis Tyri, Aradi, aliorumque Phœnices locorum, sed quæ nihil singulare habet aut à cæteris diversum. Idem de SY-

Lib. 11.  
Hist. Plant.  
cap. 3.

Phœnicia.

Lib. 11.

Syriæ.

RIACIS Palmis licet statuere, cujus generis ostendunt præclari aliquot Damascenorum Nummi, olim inter plures id genus selectiores, ab incomparabili Peireskio collecti, & nuper mihi observati Parisiis apud illustrem Harlæum. Ex iis autem illud continuo colligas, haud frustra à Palmarum frequentia & nobilitate laudatam olim hanc Syriæ, ut in ejus Nummis vocatur, Metro-  
 polim, & quam proinde *ramis germinare* dixit Statius; neque male etiam inde posse illustrari, quæ de Nicolais Palmulis, à Nicolao nempe Damasceno ad Augustum missis, <sup>a</sup> Plutarchus ac <sup>b</sup> Athenæus tradidere, quorum patriam nempe cum Hierichuntem, tum Damascum agnoscit vetus Geographus, qui sub Constantio vixit. Neque vero debuit Tristanus, ad Pruna Damascena easdem Palmulas, quas ab hoc Nicolao sibi familiari, *Nicolaos* denominavit Augustus, promiscue detorquere; quum eas diserte *φοίνικας*, & *φοινικεθάλαντες* vocent illi auctores, quibus nihil cum prunis illis Damascenis commune, quæ *κροκύμηλα πὲρ ἐν Δαμάσκῳ* aut *Δαμασκῶν* à vulgo vocant veteres, Dioscorides, Galenus, Athenæus, aliique, qui eorum meminere, ac præstantiam præ reliquis laudant. Eadem etiam *βερίβυλα* nuncupata, colligi videtur ex eodem Athenæo, ac præterea ex Suida, aut ex Theocriti Scholiaste, quæ de re esto penes eruditos Botanicos judicium. Hujus vero generis DAMASCENA PRUNA, haud dubito signari in quodam nummo Damascenorum, quem duobus locis vulgavit idem Tristanus, opportune hic quoque inferendum. Quæ aliunde ad Nummi explanationem faciunt, nec sunt hujus loci, petat Lector ex ipso Tristani opere, nec suscepti laboris pœnitebit; saltem Pruna & Dactylos Damascenos, cum illo confundere & promiscue sumere caveat.

Vid. Athenæum lib.

<sup>a</sup> Lib. viii. Sympos. quæst. iv. <sup>b</sup> Lib. xiv.

Tom. i. Comment. pag. 231.





At dum non tam in Prunis, quam in Daëtylis Syriacis ac Phœniciis commemorandis versamur, sciendum postremos peculiari voce Phœnicibus dictos Σῆκας & Σηκοβάλανς. Hesychius, Σῆκλαι Φοινικοβάλανοι Σηκοβάλαν. π' αὐτὸ Φοίνικες. Salmasius ὁ πᾶν, ut ex nova Hesychii editione mihi constat, emendabat postremum Σηκοβάλαν; scilicet, ob eam quæ præcedebat vocem, Σῆκλαι. At quum æque hæc corrupta esse potuerit, crederem illam potius ex sequenti emendandam, neque in voce Σηκοβάλαν quidquam movendum, ob rationes quæ mox indicabuntur. Minus autem moror diligentem Medicum, qui postremus Theophrastum illustravit, & qui iis, quæ monenda erant in hoc Hesychii loco, prætermisiss, quæ sana erant male refingit; dum non Phœnicibus, sed recentioribus Græcis ita dictum Palmæ fructum interpretatur, & postrema Σηκοβάλαν π' αὐτὸ Φοίνικες, legendum putat Σηκοβάλαν π' αὐτὸ Φοίνιξ, vel, π' αὐτὸ καὶ Φοινίκις; quæ explicat de purpura, seu purpureo colore. Absurde & ab hoc loco aliena. Quum autem perspicuum sit ibi Hesychium, consueti more vocem peregrinam & Phœnicibus ac vicinis usitatam adtulisse, qua Palmarum fructum sibi familiarem, vulgo Græcis βάλανον aut Φοινικοβάλανον nuncupatum, indigitabant, certe inde etiam illius explicationem petendam liquet.

In-

Indictam vero reliquit eandem doctissimus Bochartus, in commemoratione earum vocum, quas tanquam Phœnicias apud Hefychium occurrentes, cum aliis id genus sibi explicandas suscepit. Ego vero Σῦκας & voce hybride Σηκεβαλάνης dictas existimarem Phœnicibus Palmulas, quæ in Convalle Syriæ Palmaria, aliisque Judææ Convallibus nascebantur. Πηϋ enim & Πηϋ Judæis, Phœnicibus, Assyriis *deprimere*, unde κπηϋ *fossa*, seu locus cavus valde ac depressus; βάλανⓈ autem, ut vulgo notum, Palmæ fructus, posterioribus Græcis δάκτυλⓈ dictus. Audiamus vero Theophrastum de locis Palmarum irriguis agentem, εἶναι ἢ πολλὰ πῖπτον ἐν τῷ ΑΤΛΩΝΙ, ἐν ᾧ καὶ τὰ ΦΟΛΝΙΚΟΦΥΤΑ πυγχάνει. τὸ ΑΤΛΩΝΑ ἢ τῖπτον λέγουν οὗτοὶ Σύρος, ὅτι ἀπὸ τῆς Ἀρεβίας μέλει τὸ ἐρυθρὸς θαλάσσης, καὶ πολλὰς φάσκων ἐληλυθέναι. τὰς δὲ ἐν τῷ ΚΟΙΛΩΤΑΤΩ πεφυκέναι οὗτοὶ ΦΟΙΝΙΚΑΣ. Tale autem in CONVALLE qua PALMARIA sunt exuberare; CONVALLEM illam per Arabiam usque ad Rubrum tendere mare, Syros adfirmare, ac plerosque qui inde venissent, referunt. Ejus itaque CONVALLIS PARTE CAVISSIMA PALMAS exoriri narrant. Et notandum adhuc inprimis, quod innuit rursus alio loco, ἡσσωμεζέας ἢ ΜΟΝΟΥΣ διώας φασὶν ἢ ἐν Συρίᾳ οὗτοὶ ἐν τῷ ΑΤΛΩΝΙ. Recondi autem ex iis (Palmæ nempe) fructibus qui in Syria nascuntur, illos tantum posse, quos PALMARIA CONVALLIS parit, volunt. Αὐλὼν vero Gazæ interpreti Convallis, & si Hefychium consulas, πῖφρⓈ hoc est Πηϋ, vel *fossa*, seu locus cavus & oblongus. Sic Plinius docet præter decantatas Hierichuntis Palmas, commendatas insuper quarundam Judææ convallium. Quamquam laudata & Archelaïde & Phasaëlide atque Liviadē, gentis ejusdem CONVALLIBUS. Hinc itaque cum Σῦκαί, tum

Lib. 11.

Hist. Plant.

cap. 8.

tum voce hybride (quales frequentes apud Orientales commerciis & communione Græcorum receptæ, sicut *ῥηδινίδες* *Tetramulin* de quadrigis Mularum, aliaque id genus) *Συκοβάλανος* dicti Phœnicibus ac Syris *βάλανος* seu Palmarum fructus, qui in id genus Palmariis Convallibus, earumque, ut diserte tradit Theophrastus, *CAVISSIMA* & depressiori parte nascebantur, & qui soli transportari inde & recondi solebant. Nisi vero potius Palmulas ita dictas statuamus à voce *ῥηδινί* *foucha*, quæ cum *natare*, tum *rigare*, seu *lavare* apud Orientales notat. Irriguis enim locis & multa aqua Palmas gaudere, Theophrastus ac Plinius docent. Quibus accedunt cum Strabo, qui nobile illud Hierichuntis palmetum totum irriguum tradit; tum Josephus, qui inde etiam celebratissimas ejus Palmas, apposite hic imprimis, *irriguas* vocat; *ῥῆγ φοινικὼν ἐπαρδάομενον* *ῥῆγ πᾶλὰ ῥῆγ γάστρι καὶ ῥῆγ παρηγεῖαις* *ῥῆγ φρεσ;* *PALMARUMQUE IRRIGUARUM genera tam sapore, quam nominibus varia*; docetque quæ in ripis Jordanis proveniunt, longe esse fertiliores, minus autem quæ ab eo sunt remotæ. Immo inde etiam, quod hic rursus palmarium, peculiare & vicinum Palmæ nomen apud Arabas, quibus *ساقى* *saka* non *rigare* solum, sed *Palmas aut vites colendas dare*, & vox *ساقى* *sakion*, cum *nubem* magnis guttis effusam, tum *Palmam* significant. Neque minus occurrunt aliæ adhuc Arabum voces, ab eadem radice profectæ, quæ & abundantem pluvia nubem, & locum Palmis feracem notant. Ut etiam inde liquere videatur, aliter sentire eosdem Arabas, quàm auctores, è quorum relatione tradebat Theophrastus, Palmas aquam scaturientem potius, quam pluviam quærere. Adferemus locum,

ut

Bell. Jud.  
lib. 1. c. 4.

ut leve simul in eo mendum ekuanus; Πιζήλιν (non Πιζήλ) ὃ μάλλον τὸ ναμαλῆαῖον ὕδαρ ἢ τὸ ἐκ ἑ δρός. Necessariam illam, utut levem & obviam emendationem totius loci contextus satis superque arguit, nec aliter legisse videtur illius interpretes Gaza. Vides autem, ut opinor, satis perspicue, ex eodem fonte profectum illud Arabum سقي *sakion*, & Phœnicum apud Hesychium Σῆκαι ac inde Σηκεῶλαροι de Palma & Palmæ fructu iisdem usurpatum. Unde etiam jam constat apud Hesychium, non postremam, sed priorem ex duabus illis vocibus emendandam, ubi Σῆκαι male pro Σῆκαι legitur. Ex his vero rursus lucem aliquam ac emendationem fœneratur corruptus Plinii locus, agens de communibus Palmulis; *Ex reliquo genere plebeia videntur, Syri & Juba Tragemata appellant; Nam in aliqua parte Phœnices Ciliciaque, populari etiam nomine à nobis appellantur Balani.* Multa hic mirantur viri docti, aut à Plinii mente aliena, aut mihi nulla admiratione digna. Ego hoc unum de quo silent, cur nempe agens de Palmulis seu Dactylis Plinius, moneat quo nomine scilicet Cilicibus vocarentur: quum tamen de Palmis Cilicum, nec ipse in superioribus aut alibi, nec Theophrastus meminerint, qui alias accurate agunt de vario illarum natali solo, & multi sunt in commemorandis Palmis Europæis, Asiaticis, Africanis. Unde nullus dubito, expungendam hanc Ciliciæ vocem, & ita legendum ac distinguendum locum; *Syri, & Juba Tragemata appellant. Nam in alia parte Phœnices Syriæque populari etiam nomine, à nobis appellantur Balani.* Hoc vult Plinius, Palmulas communes Syris quidem vocari Tragemata; à Romanis autem easdem Balanos appellari, nomine scilicet de hoc fructu populari etiam seu recepto in alia parte Phœnices ac Syriæ. Hæc ut vides ἀπό-

Lib. XIII.  
cap. 4.

λαβῆ, & cum doctissimo Grammatico consona, qui has Palmulas observat Phœnicibus dictas Σηκεβάλανες. Sed librarii, qui sensum loci non adsequebantur, & quibus molesta proinde videbatur ista de Syris aut Syria repetitio, continuo à vicina Cilicia auxilium petiere. Illud vero *in alia*, pro *in aliqua*, habent codices antiqui, ac inter alios Chiffletianus, quod notavit Dalechampius. Unde illud etiam recte admisit ὁ πένυ in Plinianis Exercitationibus, qui bis hunc locum tentat, cæteroqui irritò successu; modo illud *Ciliciaque* retinendo; modo quod absurdum ei videretur, vocari Plinio Balanos popularem Romanorum vocem, quæ tamen esset Græca, in vocem *Graciaque* mutando, & *Phœnices* ibi non de regione, sed de Palmulis interpretando. Et hæc quidem omnia, si quid judico, valde ἀσώχως, & contra Plinii mentem. Communes nempe Palmulæ exsiccatae scilicet, Dioscoridi ξηραὶ, dictæ Syromacedonibus Græca voce τερχήματα. Cujus appellationis fontem docet nos Xenophon agens de Babylonii palmulis; πὺς δὲ πινες ξηραίνοντες, τερχήματα ἀποτίθουσιν; Nonnullas vero exsiccatas pro bellariis reposuerant. Earundem rursus Palmarum fructus, iique vulgares, in alia parte Syriæ ac Phœnices appellati Βάλανοι: sicut præstantiores Palmulæ, voce ex Phœnicia & Græca coalescente, Σηκεβάλανοι, seu *irrigua*, ob rationes indicatas. Idem autem nomen Balanorum, Palmulis vulgo ex illo terrarum tractu petitis tribuerunt etiam Romani; nomen scilicet cum fructu, ut sæpe accidit, mutuando. Sic Plinius paullo ante agens de Palmulis alterius foli, nempe Orbis meridiani; *Ea breves, candidæ, rotundæ, acinis quam BALANIS similiores*. Balani itaque proprie communes Orientis Palmulæ seu *Dactyli*, sicut posteriori nomine Græcis tandem ac inde vulgo

Lati-

Lib. 1.  
cap. 129.

Lib. 11. de  
Exp. Cy-  
ri.

Latine loquentibus dicti. Quamquam non ita recentem hanc appellationem, ut volunt viri magni, possem ex Artemidoro colligere, qui Hadriani ac Pii temporibus vixit, & apud quem hæc reperio; αἱ Φοίνικες βάλανοι, αἱ περὶ αὐτῶν ΔΑΚΤΥΛΟΙ καλεῖνται; *Palmarum Balani, qui maturi DACTYLI vocantur.* sed, ut verum fatear, postrema ista existimarem omnino glossēma alicujus magistelli, qui priores voces Φοίνικες βάλανοι, ut passim Græcis olim dicti *Palmarum* fructus, ac una etiam voce Φοίνικες βάλανοι, per vocem de iisdem recentioribus demum Græcis familiarem explicandam sibi in ora libri credidit, unde ab imperitis librariis in textum postea recepta; ut sexcenta talia, quæ in optimos auctores utriusque linguæ, quod eruditis notum, irrepsere. Certe cum ante, tum apud auctores Artemidoro coævos, & etiam infra ejus ætatem, Athenæum, Galenum, & è Latinis Solinum aliosque, qui ex professo de Palmis agunt, & eorum fructibus, ignota adhuc illa Δακτύλων & *Dactylorum* de iisdem appellatio. Neque vero, ut ad priora redeam, mirari debuit vir doctus ad Theophrastum *Balanum*, quæ vox Græca est, *popularem* dici Syris ac Phœnicibus, haud magis certe quam *Tragemaia*, vocem itidem Græcam, & Syris tamen pro Palmulis, auctore eodem Plinio, haud minus usurpatam. Nec enim ignorare debuit, his gentibus linguam Græcam juxta vernaculam antiquam, *popularem* evasisse post Macedonum in Syria imperium ac sedem; adeo etiam ut publica monumenta Græca lingua vulgo consignarent; quod vel tot nummi illorum locorum omnium clarissime docent. Sicut vero aut *Palmaria* Convalles, aut illarum fructus irrigui Josepho dicti, ut vidimus, hoc est Σηκοβάλανοι celebres per ea loca; sic à *Palmarum* copia *locus Palmarum* qui-

Oncirocr.  
lib. iv. cap.  
20.



Beracoth  
fol. 31. 1.

dam dictus vicinus Babylonix, de quo occurrit mentio apud Talmudicos, *מפס ודרא צנייחא דבבל* *ab ostio fluminis usque ad locum Palmarum Babylonix*; & pars Arabix olim, (quod jam monuit doctissimus Bochartus) דקלא *Dikla* nuncupata. Ad quas præterea voces דקלא & דקל *Dikla & Dakkel*, quæ Palmam apud Syros & Assyrios indicant, sicut etiam apud Arabas دقل, crederem omnino recentiores Græcos adluisse, qui petitas ex eo tractu Palmulas, seu Palmæ fructus, δακτύλλας nuncuparunt. Quod enim vulgo viri docti, & juxta eos vir magnus ad Solinum, à digiti longitudine aut figura ita demum dictas existimant, haud mihi continuo probatur. Nam quum non Caryotides solum, quod largiuntur, sed reliquæ etiam Palmulæ, quas ab ea digiti figura Dactylos appellatas volunt, non unius generis aut figuræ tradantur, & quidem Plinio discrete, differre figura rotunditatis aut proceritatis, certe parum opportune Palmulis commune Dactylorum nomen hæsisset, rotundis nempe perinde ac proceris. Immo quum adhuc hodie Ægyptiis Palma seu arbor Dactylos ferens *Dachel* nuncupetur, haud possum satis mirari rursus eundem τένυ, illam ab hac voce δακτύλλας deflexam statuere? An fugit hic virum, infinitæ alias, ut ingenue fatemur, doctrinæ, communis illa & antiqua דקל *Dakkel* seu *Dachel*, hoc est Palmæ in Syria ac vicinis locis appellatio, ut eam præter Arabas, apud Ægyptios adhuc hodie permanentem, ab hac voce δακτύλλας, recentioribus demum Græcis pro Palmæ fructu (quod ipse alias contendit, & longe verissimum) usurpata, derivandam sibi putaverit? Quam proclivius certe & longe convenientius, ab antiqua voce & Palmæ natali solo propria, recentiorem Græcorum appellationem de illius fructu inde petito deducere?



ducere? maxime cum obvia occurreret ratio duplex illud κ in κ & τ permutandi, juxta solitas ejusmodi litterarum adfectiones haud solis Doribus usitatas, qui τ κ τρέπνις εἰς τ dicuntur Moschopulo, aliisque priscis Grammaticis, & cujus rei varia exempla iidem suppeditabunt. Qua ratione etiam ex *Dakkel* factum Græcorum Δάκκλ, & Gallorum *Datte*, de eodem Palmæ fructu. Sic vicissim τ Orientalium in κ Græcorum conversum, ut ex תכלה *Taela*, factum Græcorum κάχλα vel κάχλη, quod viderunt jam viri docti. Neque vero feliciter alibi, usitatum iisdem Ægyptiis *Tamar* pro sicco Palmæ fructu, deducit itidem ὁ πένυ, à Græca voce τράχημα; quum tamen haud ignoraret, illud ipsum תמר *Tamar* commune esse Palmæ nomen apud Hebræos, & apud Arabas. Immo quum constet in specie Arabas, juxta modernos Ægyptios, denotare hac voce, non promiscue quosvis Dactylos, sed ficosos tantum & servari idoneos. Hujus generis vero tulisse inprimis vel inclytam Palmis JUDEAM haud *Judæica*. ignoras. Equidem inter regiones præstantissimis Palmis feraces, & quæ Romanis accesserant, primas illi genti vulgo deferunt, & quidem locis circa Hierichuntem, Strabo, Plinius, Galenus; nisi quod Plinius, ut supra vidimus, addit alias quasdam Judææ Convalles, ut Anthelaidis, Phasaelidis & Liviadis; quod ex parte firmat etiam Josephus, qui Phasaelidis palmera Livix Augustæ testamento à Salome relicta commemorat; ut vel inde eorum præstantiam facile adsequamur. Hinc vero Palma vulgo Judææ symbolum in antiquis Romanorum nummis. At vero quod Strabo innuit, duplex erat illa Palma apud Judæos, sicut & in Ægyptia Thebaïde, Caryota scilicet & Communis; Διτῆρος Lib. xvii. ἢ ἐστὶν ἐπὶ ἐν τῇ Θηβαϊδί, καὶ ὁ ἐν Ἰουδαίᾳ, ἐπὶ ἄλλῃ, καὶ ὁ

Bell. Jud.  
lib. ii. c. 8.

Lib. xvii.

*Communes.* Καρυωτός. Communem illam Palmam cum Dactylis nempe seu vulgaribus Palmulis signant vulgo nummi Vespasiani ac Titi, cum JUDÆÆ CAPTÆ epigraphæ.



*Caryota.*

Eadem Palmæ hujus figura, ut vides, cum frugiferis vulgaribus, quas vel aliorum locorum Nummi, vel traditæ ab Historiæ Plantarum scriptoribus icones representant. At CARYOTAS illas Palmas omnium præstantissimas, & fructus ferentes cum magnitudine tum figura à communibus diversos, qui nobis ex iisdem Herbariis, quos vocant, ante oculos posuerit, fateor me nondum reperisse. Unde rem haud opinor ingrati me facturum censeo, si eandem obviam in præclaro nummo, & qui fere in omnium antiquariorum manibus versatur, ostendam. Nummus est sub Nerva percussus, in memoriam sublata vexationis, qua Judaici ritus jure aut injuria accusati graviter muliebantur; cum illa proinde memorabili inscriptione, FISCO JUDAICI CALUMNIA SUBLATA.



Pal-

Palmam hic cernis Judææ symbolum, & quidem ferentem fructus, cum magnitudine tum figura ab aliis diversos. Neque illi certe alii, quam Caryotides, Isidoro *Nucales*, qui inter Judaicos eminebant, & ad quos respexit Poëta,

*Hoc lenitur spūto Fani Caryota Calendis.*

Immo haud alii, qui eam decantato adco Hierichuntis Palmeto celebritatem conciliarunt; unde illud Cleopatrx ab Antonio insignis cujusdam muneris loco datum, ab eadem cum aliis possessionibus magna mercede impetrasse sibi locari Herodem, refert Josephus. Bell. Jud. lib. 1. c. 13. Eo autem magis huic memoriæ præ aliis commendari merebantur, quod non vulgares sed rariores etiam essent apud ipsos Judæos; idque gentis illius versutia, qua hanc Palmam Caryotam & Balsamum, quo pretium augeret, non permittebat nasci in pluribus locis. Docet id alicubi Strabo agens de Ægyptiorum rebus, nec absimili versutia ab iis adhibita in Bybly Ægyptia, quo reditus inde itidem augerentur. Lib. xvi 1. Præter hanc rationem, quam innata gentis avaritia suadebat, crederem etiam accessisse solitam ejusdem *Φιλαυτίαν*; ut quod apud se optimum & vix alibi nascebatur, aliis gentibus inviderent, idque nonnunquam sub idololatriæ Gentilium obtentu. Certe de Palmulis hanc apud Talmudicos prohibitionem legas,

*אף דקל טב וחצב ונקליבם אסור לכפור לעא* Etiam Palmulas bonas, & Hederam, & Nicolaos non licet vendere gentibus. Avod. Sara. 1. in Mischna. illud per *Hederam* reddimus, quæ solita est ejus vocis, juxta doctissimum Buxtorfium, apud Talmudicos significatio; quamquam ad aliquam Palmæ seu Dactylorum speciem videatur hoc loco referenda. Media enim ponitur inter Dactylos & Nicolaos, utrumque Palmæ fructum. Sed ut vulgo permiscet omnia

omnia illi doctores, forte nativa illa *Hedera* significatio hoc loco relinquenda, quæ ideo prohibita gentibus vendi, quod nempe in Bacchi mysteriis frequens esset. Talia enim quæ vulgo idololatriæ gentilium inservire putabantur, vetita iisdem venundari; qua de re pleni Talmudicorum libri, & adlatum supra Nucis Pinæ exemplum satis docet. Alias triduo tantum ante festa Gentilium prohibita iis vendi res omnes ultra diem duraturæ; ut docet nos Magistrorum Coryphæus, peculiari de Idololatria Commentario. Immo idem alicubi negat, fructus ad quæstum interdictos, licet idolorum cultui destinatos, quamdiu necdum eis oblatis sint. At vero specialis hæc & indefinita circa Palmulas, easque præstantissimas, Talmudicorum prohibitio: ex qua utique illum fructum, tanquam suavitatis & raritatis præcipuæ, in sacris etiam Gentilium præcipuum quendam locum habuisse, haud obscure licet colligere; ni aperte id de eodem testaretur Plinius; *Nam quos ex his (Palmæ fructibus) honori Deorum dicamus Chydaos appellavit Judæa, gens contumelia numinum insignis.* Chydaos nempe per contemptum, quasi viles seu vulgares; quo nomine Palmulas id genus dictas, liquet præterea ex Dioscoride, ex quibus maturis vinum Palmeum fieri docet. Frustra ergo Plinium exagitat vir doctus ad Theophrastum; quasi præ ira & odio in Judæos ita fuerit abreptus, ut quid ageret aut scriberet, ignoraret: quod optimum enim in suo genere, honori Deum tribui, non quod vile & abjectum. At id non ex sua, sed ex Judæorum Hellenistarum sententia dicebat Plinius, & in quos proinde tanquam in Numina, & omnem eorum cultum contumeliosos invehitur. Et quum pro *Chydaos* absurde idem vir doctus obtrudat apud Plinium vocem *idius*, an quæso vox ea Hebraea

Mos. Mai-  
mon. c. 9.

§. 1.

Cap. 7.

§. 20.

bræa magis aut Chaldaïca priori illa Chydæorum, quam proinde à Judæis inditam præfractæ pernegabat? Datas autem honori Numinum Palmulas, quod aperte tradit Plinius, & haud obscure innuebant sua illa prohibitione Talmudici; firmare præterea videtur nummus Damascenorum, à Cl. Tristano alicubi vulgatus, in quo occurrit mulier nuda lancem Dactylis plenam serpenti adponens, quæ vulgo Dæx salutis symbolum in antiquis nummis. Per *Nicolaos* vero, quorum mentio in illo Talmudicorum præcepto, Palæstinæ Caryotas, de quibus agimus, intelligendos, liquet abunde ex doctoribus Gemaricis, qui hanc vocem נקלס seu *Nicolaos*, alibi in Mischna Talmudis Babylonici occurrentem, per vocem קרייתא seu *Caryotam* explicant, quorum utraque Hebræis quidem esset peregrina, posterior tamen notior in terra Israël. Hanc doctorum de illis vocibus sententiam legas apud doctissimum Buxtorfium, in voce קרייתא. Inde vero jam indubie colligas, *Nicolaos* illos Palmæ fructus ad Augustum missos, & ita ab eo denominatos, non Dactylos communes, sed revera Caryotas fuisse, quibus nomen illud *Nicolaorum* adhæsit; male proinde ab Isidoro *Nicolaos* & *Nucales* seu Caryotas distingui; *Alii Thebaïci, qui & Nicolai, alii Nucales, quos Græci Καρυώτες vocant.* Immo inde liquet, non in Græciæ solum, sed in Orientis etiam linguas, & usum transiisse hanc *Nicolaorum* de his Palmulis appellationem; ex quibus agens de iis Plutarchus haud parum illustratur, πὲς μεγίστας καὶ καλλίστας τὰ φοινικεῖα καλάνων ΝΙΚΟΛΑΟΥΣ ἐνόμεασε, ἢ μέγχε νῦν ἔσταις ἐνομάζονται. *Maximas & pulcherrimas Palmulas NICO-*

Tom. I.  
Comment.  
pag. 230.

Sympos.  
lib. VII.  
quæst. 4.

*LAOS nominavit, sicque ETIAM NUM DICUNTUR.* Apud Arabas vero, quibus Palmæ & earum fructus tam varias sortiuntur appellationes, eundem usum ho-

rum Nicolaorum obtinere videas vocem haud remotam نحل de Palma præstanti ac selecta (apposite plane

Lib. II. de  
Exped. Cy-  
ri.

ad παλαίχλης palmulas, quarum Xenophon meminit) à radice quippe נחל Hebræis נַחַל seu *nachal*, quæ *secrevit* & *elegit* apud eos notat. Ex quo fonte itaque, eam *Nicolaorum* de Palma apud Talmudicos appellationem profectam posset quis forte arguere, ni obstarent cum aperta illa Plutarchi & Athenæi de origine hujus vocis testimonia, tum ipsorum Talmudicorum doctorum confessio, eam vocem ut plane peregrinam, & ignotæ sibi significationis profitentium. Ut jam mittam opportunum hic *Caryota* exemplum, & adlegati supra *Strobili*, ac sexcentarum id genus vocum, quæ è Græcia & Latio in eorum usum & sermonem paulatim irrepsere. Neque vero superiora potest infringere citati apud Suidam scriptoris auctoritas, qui de Palmulis silens, Placentas à Nicolao Damasceno ad Augustum missas, *Nicolaos* ab eo dictas tradit. Sed facile scriptorem illum cum Plutarcho, Athenæo, Plinio, ac insuper cum Talmudicis doctoribus conciliabimus; qui nomen hoc *Nicolaorum*, non Placentis, sed Palmulis tribuunt; si dicamus Placentas illas ab hoc Nicolao ad Augustum missas, procul dubio ex his Caryotis confectas. Tales certe Placentæ è καρύοις, (unde Caryotarum nomen) olim usitatæ, & peculiarem etiam inde appellationem nactæ. Hesychius, καρύων, παλακὴς ἔχων κάρυα. Immo ejusmodi è Dactylis aut Caryotis Placentas, fuisse jam olim inter præcipuos Orientalium cibos, liquet adhuc ex non una voce Arabica, qua edulium delicatum ex butyro & Dactylis confectum indigitant; qualis الوقد item موخف. Tam Caryotæ itaque quam Placentæ ex iisdem constantes, & ab hoc Nicolao







sum in eandem cum Plinio sententiam descendisse non solum Hermolaum Barbarum in Corollariis suis ad Dioscoridem, sed etiam virum magnum, in nova accessione nobilissimi operis de Idololatria Gentilium, verum aliud agendo procul dubio, neque re satis accurate expensa. Cæteroquin vinum hoc Palmeum inebriandi vim habuisse, ex Hieronymo præterea colligas, in Epistola ad Nepotianum; *SICERÂ* *Hebræo sermone omnis potio nuncupata, quæ INEBRIARE potest, sive illa quæ frumento conficitur, sive pomorum succo, aut quum favi decoquuntur in dulcem & parvam potionem, aut PALMARUM FRUCTUS exprimuntur in liquorem.* Hæc autem omnia rursus valde illustrat sequens apud Chrysostomum locus, quem satis opportune in meis

Tom. 1.  
Epist. 2.  
pag. 16.

Tom. 1. ad  
cap. v. Es.  
pag. 1058.  
elit. Savil.

ex aureo Auctore Excerptis reperio; *ΣΙΚΕΡΑ ἢ ἐπιπύρα Φησὶ τὸ ΦΟΙΝΙΚΩΝ ΤΟΠΟΝ, ὃν ἐπιτίθουσιν, πωτίζοντες τὴν καρπὸν καὶ κατὰ θλώπεις εἰς ΟΙΝΟΝ μεταχρηματίζοντες φύσιν. ΚΑΡΩΤΙΚΟΝ ἢ ἐστὶ τὸ ποιεῖν καὶ μέθης ἐργασίαν.* *SICERAM* autem hic vocat *PALMARUM SUC- CUM*, quem adservant, pressum & contritum fructum in *VINI naturam transformantes.* Est autem illud *CAPIT- GRAVE*, & ad *EBRIETATEM* provocans. Aliud nempe aurei Oratoris *καρωτικόν*, seu *Xenophontis* ea de *κεφαλαλγῆς*, aliud *καρωπῆς*. Inde vero crederem ad *Palmam* arborem, & *Caryotam* inprimis, è cuius fructu & succo, auctore Plinio, præcipuum id genus vinum in Oriente parabatur, respexisse *Maimonidem* sequenti illa sua lege; *אילן שיה וגוים כשמרין אתפחותו*

De Idolol.  
cap. vii. 11.  
§. 7.

*ואומרים שהם מוכנים לעשות שר לבית כום פלני ועושין כהן שבר ושותים איתו הרי זה האילן אסור בהנאה* : *Arbor sit cujus fructus custodiebant gentiles, distantes eos servari ad faciendam inde potionem pro huius vel illius Idoli delubro, si de*

de potione ex iis confecta biberint die festo, usus illius arboris interdicatur. Ex illo autem Palmei vini usu in Oriente, profectæ communes illæ Arabum voces, quæ custodire *Palmetum aut Vineam, Palmarum & Vineæ custodem, Palmas aut Vites colendas dare* ex æquo significant. Neque vero Judæam solam ac Thebaïda, sed Babyloniam insuper ac ulteriorem Orientem, Caryotis illis feracem fuisse, ex Diodoro ac Strabone abunde licet colligere; quam prærogativam etiam inter Fortunatas Insulas, Canariæ tribuit alicubi Plinius. Apud Strabonem quidem legitur, *Palmam Judæorum Caryotam, & πλὴν κρείττωνα & βαρύτεραν, non multum meliorem quam Babyloniam*; at crederem omnino ibi legendum, *& πλὴν χερότερων, non multum inferiorem*; quod longe & scribendi usui, & veritati convenientius. Babylonica enim Palmæ, juxta Theophrastum, & inter illas quidem Regiæ, omnium præstantissimæ cum magnitudine, tum virtute. Unde & selectos Palmarum fructus apud eodem Babylonios, eosque magnitudine & pulchritudine mirabiles, non in promiscuo quidem usu familiaræ, cui vulgares relinquebantur, sed Dominis tantum servatos docet alicubi Xenophon. Quin & Ananich, scriptor è recutitorum gente, ac proinde hoc loco fide dignus, auctor est *שׁוּק* vocari in Oriente Palmæ speciem in Perside proveniente, præstantiorem Palmis, quæ nascuntur in Palæstina. Et de Palmis hætenus tam Caryotis, quam Communibus, quæ in antiquis Nummis signantur.

Lib. v r.

cap. 32.

Lib. xv r.

Lib. i r.

Hist. Plant.

cap. 2.

Lib. i r. de

Exped. Cy-

ri.

Alias quidem Plantas haud vulgares eadem adhuc latifundia possent nobis suppeditare. Neque enim Palmas suas solum Palæstina, sed cum Urnam, cui MANNA imposita, tum VIRGAM AARONIS exhibet adhuc in variis Nummis, qui aut Hebræis seu

Assyriis, aut frequenter Samariticis litteris signantur.  
Utriusque generis hic habes.



Menor  
Enaiim  
pag. 171.

Nihil aliud innuunt litteræ diverso caractere utroque nummo expressæ, nisi *Siclus Israël*; & *Hierosolyma sancta*. Posterior cum litteris Samariticis, idem omnino cum eo, quem repræsentat & describit R. Azarias, & quem se Ferrariæ nactum tradit: ובביתותה מטבע הנו' ראיתי כחוב באותות דלעילא שקל ישראל ובאמצעו צרצת שד עליה אשר לרעתי דל שקל דוד ומצד אחר ירושלים הקדושה או ירושלים קדושה ובאמצעו מטח בעל שלשה פרחים כפי אלו הוצורות משני עבצו ולבי אוכר לי כי חרב נחמני צל שכה אל וכתב שקל השקלים תחת שקל ישר אל. *In circuitu autem moneta vidi scriptum litteris superne quidem SICLUS ISRAELIS, in medio Urna cum litteris שד supra positis, quod meo iudicio est SICLUS DAVIDIS. Ab altero latere Feruschalaim hakaduscha, aut Feruschalaima Kaduscha, seu HIEROSOLYMA SANCTA. In media Virga tribus floribus insignita hac ab utroque latere forma. Dicit autem mihi cor meum R. Nachmanidem pia memoria oblivione scripsisse fakel hafekelim pro sekel Israël, seu Siclus Israël.* Quæ alias ad Siclos id genus Hebræorum spectant, ita jam accurate excusserunt viri docti & litteraturæ Orientalis callentissimi, Waserus, Willalpandus, Schikardus, Waltonus, Hottinguerus, aliique, ut non occurrat

currat hic ulterior de iis dicendi locus. Hoc unum monere liceat, plures id genus nummos Samariticis litteris inscriptos & cum aliis etiam symbolis, suppeditare Cimeliarchium Mediceum. Neque vero pretiosas suas merces hic nobis invidit Sabæa. THURIFERAM certe ARBOREM, quanto usu olim sacram & nobilitatam scimus, tanto, vel fatente Plinio, ignotam ejus Lib. xii. faciem, neque ab ullo Latinorum, penetrata licet à cap. 14. Romanis Arabia, traditam. At cum Ramum illius arboris, tum CALAMUM præterea ODORATUM ex præclaro Trajani nummo opportune eruit felicissimæ indaginis antiquarius Tristanus.



Arabiam nempe à Trajano in formam Provinciæ redactam signat hic nummus, ut vel innuunt litteræ ARAB. ADQ. seu *Arabia Adquisita*. Provinciam autem illam consueto more repræsentat mulier cum Camelo, dextra Ramum, sinistra Calamum tenens. Ramum autem illum esse arboris Thurem ferentis, cum proprium Arabiæ decus suadet, tum similitudo cum Lauri foliis, qualem illi Arbori tribuit Theophrastus, Lib. i x. *δαφνοειδὲς καὶ λεύκον ἐστὶν*, *Thuris folium laurinum leveque*. Plinius autem; *Cortice lauri esse constat; quidam* Hist. Plant. cap. 4. *folium simile dixerunt*. Alii quidem, juxta eosdem auctores, folio pyri sed minore, aut lentisco similem hanc arborem tradunt; quæ nec multum abludunt à Lib. xii. cap. 14. *superiori*

riori effigie. Virgas etiam Thuris suo tempore ad Romanos commease tradit Plinius, sed ramusculis vacuas, ut licet ex eodem facile colligere. Quo etiam referendus mihi videtur Ramus ille, quem Rex Arabum Aretas supplex manibus præfert in antiquo & insigni denario Gentis Æmiliæ.



Jerem. vi.  
20.

De reliqua Nummi explicatione consuli potest Ursinus. Calamum autem, quem sinistra præfert mulier Arabiam repræsentans in superiori Trajani nummo, eundem esse cum CALAMO ODORATO, celebri itidem Arabum merce, erudite probavit Tristanus. Ita ut superior nummus utrumque illud repræsentet, de quo olim Propheta; *Ut quid mihi THUS de Saba adfertis, & CALAMUM SUAVE OLENTEM de terra longinqua?* Quid jam DICTAMNUM memorem, herbam Cretæ, quod nemo nescit, peculiarem, & quam præferunt non semel illius Insulæ Numismata, sicut præter alia, in singulari Paphiorum nummo Mediceo? An vero expressi in nummis Cauloniaton Italiæ vel Magnæ Græciæ ramusculi, eandem plantam repræsentent, ut existimabat Goltzius, fateor me dubitare, ac ad vulgarem lectionem lubentius referre. Mitto jam Coronam ex HYPOGLOSSO seu LAURO ALEXANDRINA, qualem in præclaro Myrinæorum nummo observavit itidem Cl. Tristanus. Quamquam autem vulgo diversæ illæ plantæ statuuntur, quod Dioscorides, Galenus, alique diversis locis de iisdem agant, ita

Tom. II.  
Comment.  
pag. 141.

ita tamen utramque describunt, ut vix certe magnum inter eas discrimen fatearis. At vero illud ob stare mihi videtur, ne continuo cum Tristano, Laurum Alexandrinam in eo nummo signatam putem, quod hanc diserte tradant Theophrastus, Dioscorides, aliique, fructum seu baccam in medio folio gerere instar rusci; at in nummo illo quem videas apud Tristano, fructus extra folia è pediculo pendeat. Decepisse videtur Tristano secus producta à Matthiolo (quod ei nonnunquam solemne) figura hujus Lauri Alexandrinæ, nec consona cum iis quæ de hoc frutice veteres & è recentioribus etiam nonnulli tradidere. An advocabo hic præterea **FICUM RUMINALEM**, quam cum pastore Faustulo, Lupa ac gemellis signat obvisus Gentis Pompeiæ denarius apud Urfinum, & alius inter Incerta ab eodem relatus?



Immo eandem etiam ære incisam una cum foeta sue signari credidit Erizzo, in sequenti nummo Adriani.



Scrofa, quam ibi cernis multos foetus enixam, ea nempe

Vu

pe



pe quam sibi juxta Vatum præfagia, circa Laurentem agrum repertam, Junoni immolavit Æneas, & ad cujus repertæ locum, Lavinium ab eo condita, & mox in vicinia ab Ascanio Alba. At nihil ei cum Ficu Rumnali commune, quæ ad Romuli & Remi natales, & Romæ condendæ auspicia, ut vulgo notum, spectabat; & cum Lupa proinde ac gemellis, non cum hac foeta sue signanda veniebat. Non alia itaque hæc Arbor in superiori nummo statuenda, quam ILEX, sub quo arborum genere reperiendam hanc suam præfagebant Æneæ Helenus ac Tiberinus:

*Cum tibi sollicito secreti ad fluminis undam*

*Littoreis ingens inventa sub ILICIBUS Sus*

*Triginta capitum fetus enixa jacebit.*

Et certe alia longe Ficus Rumnalis figura in superiori nummo, alia hujus Ilicis; ut mirari satis non possim, quid nobilem antiquarium impulerit, ut illas arbores inter se, & discretas pluribus sæculis historias aut fabulas improvide confuderit. Neque vero parum hæc illustrent præclari quidam nummi, mole & raritate insignes, qui eandem suam foetam exhibent, cum symbolis insuper Æneæ Anchisem ferentis, & superne Lavinio; aut cum Ænea & Ascanio navi egredientibus, & ardente Ilio. Prior nummus itidem Hadriani in Regia Gallorum Gaza, posterior Antonini Pii in Cimeliarchio Christinæ Heroïnæ mihi visus. An denique hic alias Plantas vulgo haud ignotas ulterius commemorabo? puta vel NYMPHÆAM ALBAM, Fluviorum imaginibus nonnunquam adpictam; aut APIUM, frequens in Selinuntiorum nummis, & à quo Urbi nomen; unde præterea Plutarchum illustramus, qui tradit alicubi Selinuntios Delphis aureum Apium dedicasse.

Lib. Et apud Delph.

Mererentur forte opportunius in hunc censum referri va-



ri varix adhuc Plantæ exoticæ, quibus signatos nonnunquam alios Nummos memini me vidisse, sed cum obiter & aliud nonnunquam agendo, tum quorum cætropa non possidemus, ut hic certo liceat aliquid de iis pronuntiare. Talis forte vel Commagenorum in Syria nummus, cum adpicto flore seu herba, & Cleopatrx alicujus effigie in anteriori parte; aut Antiochi Evergetis, cum flore itidem aut herba in averfa nummi area, quos in illustribus Italix vestrx Cimeliarchiis aliquando me vidisse recorder. Priorem cum addita Nummo epigraphæ ΚΟΜΜΑΓΗΝΩΝ, eandem Plantam facile crederem cum herba in illo tractu celebri, & à natali solo COMMAGENE itidem dicta, (sicut *Herba Medica, Sinopis, Rhodia* vel *Idea Radix*, aliæque id genus) ex qua præstantissimum & quantivis pretii medicamentum parabatur, quod impense laudat Plinius; Alioquin celeberrimi usus est ad hoc in COMMAGENE Syria parte cum Cinnamo, Casia, Pipere albo, HERBA quæ COMMAGENE vocatur, obrutis nive vasis, odore jucundo, utilissimum ad perfrictiones, convulsiones, cæcos ac subitos dolores, omniaque quæ acopis curantur, unguentumque pariter ac medicamentum est. Et de his hætenus. Quamquam ni alio nos vocaret instituti operis ratio, haud alia deessent etiamnum, ex quibus adfertam vindictamque Nummorum in hoc contemplationis genere utilitatem liceret adhuc pluribus evincere.

In Gaza  
Christinæ  
Reginæ.

In Gaza  
Medicæ.

Lib. xxix.  
cap. 3.

DISSERTATIO QUINTA.  
DE  
PRÆSTANTIA ET USU  
NUMISMATUM  
ANTIQUORUM.

**S**ed forte majus erit operæ pretium, à brutis Animantibus, aut Plantis, ad nobiliorem rerum gestarum HISTORIAM oculos convertere; qui frequentior solet esse & quidem immensus hujus Nummorum tractationis campus. Neque tamen sollicitam quandam & operosam hujus rei probationem à me exigis hoc loco, OCTAVI præstantissime, quod nec unius est Dissertationis argumentum; & de quo, ut ingenue fatear, minus etiam videtur hic mihi laborandum. Vix enim hæc res hodie ullam habet dubitationem apud eos ipsos, quos vel nullo, aut levi admodum usu antiquariæ hujus supellectilis vulgo instructos videas. Ut mittam felicem multorum industriam, hic jam luculenter præluxisse, quorum curæ & lucubrationes in hoc genere talium cupidis passim ante oculos versantur. Quamquam, si meam quoque symbolam, ad aliquam suscepti argumenti illustrationem liceat obiter conferre; non una certe ratio, singularem & mirificam quandam Nummorum utilitatem in hoc genere, continuo suadere mihi videtur.

*Causa utilitatis Nummorum in HISTORIA.*

Primam equidem subministrat illa injuria, vel temporum vel Barbarorum, vel epitomatorum, quos vocant, quæ mancam & mutilam magna sui parte Historiam

riam priscæ ætatis ad nos hodie transmisit. Nec enim ullus ignorat, quota pars Historicorum veterum ex illa publica litterarum calamitate superstes evaserit; aut quam laceri præstantissimi quique ex iis hodierna die occurrant. Ruinas utique in iis agnoscas veterum operum aut ædificiorum, passim hic etiamnum obvias; in quibus modo atria & vestibula, modo diætas & larium, modo laquearia & fastigia desideres: aut si mavis familiare exemplum Navis alicujus decumanis fluctibus quassatæ, in qua vel puppim, vel latera, vel proram frequenter requiras. Unde præclara multorum opera, quæ in colligendis reliquiis, aut refarcienda id genus jactura laboravit, in tantum laudem industriæ vel invenit, vel meretur, in quantum priscis illius naufragii tabulis eadem inniti consuevit. Altera ratio occurrit, illa crebra repugnantia apud Historiæ veteris scriptores Græcos & Latinos in rebus etiam gravissimis, ut nescias quibus nonnunquam acquiescere, aut quorum judicia & autoritas pluris apud te valere debeant. Ita confusa aut discrepantia sæpius apud eos tempora, patriam, nomina, aliaque præcipua rei gestæ momenta videas; ut dum in iis conciliandis aliquot Criticorum ingenia se exercent, eadem ab hoc conatu saniorum crebrius deterreant diligentiam. Id jam olim agnovit non aliarum solum partium scriptor luculentus, scribens contra Apionem; sed & facti sunt Joseph. lib. 1. haud illibenter testes domestici, qualis aut Dio Chrysostomus, qui observat multa incerta & repugnantia Orat. x1. occurrere in historia superiorum temporum; quod & Strabo jam ante illum monuerat, priscos scriptores de Lib. vi11. iisdem rebus scribentes haud parum inter se dissentire. Nec id præterit optimus censor Fabius, qui Livium frequentissime dicit dubitare, & quo teste *alii ab* Lib. 11. In-  
*aliis* stit. cap. 4.

*aliis historicis dissentiunt*; cujus quidem rei argumenta nullus adhuc hodie luculentiora dabit vel crebriora illo ipso Romanæ Historiæ principe Patavino. Hæc autem hodie tolli non potest aut argui diversitas, nisi ope & præsidio illorum, quos ut indubiæ fidei testes, secure hic liceat convenire. Tertia ratio ex eo potest intelligi; quod multa iisdem Historiarum aut Annalium conditoribus, vel odio, vel amore, vel incuria sint perperam tradita; quæ emendari hoc tempore, aut revinci, nisi publicis quibusdam tabulis non possunt. Adeo ut non continuo existimem à livore profectum illud Vopisci judicium quod hic opportune sese mihi inges-

1a Aureliano.

*fit: Neminem scriptorum, quantum ad historiam pertinet, non aliquid esse mentitum, prodente me, quin etiam in quo Livius, in quo Sallustius, in quo Cornelius Tacitus, in quo denique Trogus manifestis testibus convinceretur.* Nec incom-

Curtius lib. ix.

mode rationem hujus rei tradit, ipse fidei non usque adeo exploratæ Historicus; quo teste scilicet, *tanta componentium rerum monumenta vel securitas, vel par huic vitium credulitas fuit.* Quarta accedit, quod omissa multa sint & præterita diligentissimis alias scriptoribus, quæ tamen ad summam rei gestæ, aut historiæ integritatem, momentum non leve conferre videbantur. Nec enim ulli facile, utut accurato & sedulo historiarum conditori, ea felicitas hætenus contigit, omnia scilicet vel adsequi vel tradere in amplissima nonnunquam materia, aut ab illius ætate longo temporum intervallo submota. Id vero supplere demum possunt reliqua Lapidum Nummorumve ejusdem ævi monumenta; in quibus publica fata populorum, aut gesta cæteroquin digna posterorum memoria, opportune fuerunt consignata. Qua ratione jam olim gravissimus auctor Polybius, ex ærea Tabula ab Hannibale descripta in Ita-

Lib. 111.

lia,

lia, & Lavinii reperta, fatetur sese fidem rerum gestarum depromere. Unde & apud Dionem Prusæum, Orat. x. Ægyptius quidam haud vane jactat, partim in Templis, partim in Columnis scriptam apud eos præcipuam priorum temporum memoriam. Adeo ut Livius etiam in dubiis rebus & vetustate incompertis, ad Lib. i v. cap. 20 inscriptiones antiquas non dubitaverit continuo provocare. Quinta denique superest, obscure aut obiter multa passim iisdem scriptoribus tradita, quæ nova & dilucida cujusdam expositionis face indigent, ut legentium oculis quodammodo subjici possint, & eorum aviditatem luculentius explere. Ac talium immensa quædam seges in Historiæ veteris latifundiis sese offert, quorum usus vel voluptas vix commode posset hodie percipi, nisi aliunde lux illis & evidentia quædam major accederet, aut annisi essent veteres, æs, argentum,

— *impressisve aurum animare figuris.*

Optimus enim, juxta Plutarchum, scriptor Historiæ, De Gloria Atheniens. qui ita eam texit; ut picturas omnino referat; & ad quam evidentiam nisum præ cæteris Thucydidem tradit, ut auditorem nempe tanquam spectatorem redderet. Hæc autem singula in veteri Nummorum suppellectile adjumentum quoddam præcipuum, & singulare præsidium agnoscere, non pœnitendi certe beneficii accessio censeretur.

AD HISTORIAM EXTERNAM minus conferre hic Nummi iis videbuntur, qui Romanos solum tractant, & vix aliis peregrinis, Græcis nempe & Asiaticis vulgo pretium ponunt. Haud una tamen in iis se offert Nummorum utilitas, seu in tradendis Regum vel Ducum apud Græcos aut Barbaros *Appellationibus*, seu in illustrandis præclaris eorum *Natalibus* & *Factis*. Ita ut vicem hodie fungantur illorum Clypeorum, qui in  
tem-

*Stirps Ma-  
cedonum &  
Alexandri.*

*Constant.  
Porphyro-  
gen. Them.  
l. II.*

*In Catasta-  
fi.*

templis ad memoriam rei gestæ adpendi olim consue-  
verant, & ad quos crebro provocant antiquæ historiæ  
enarratores. Apud MACEDONAS quidem, funda-  
tores amplissimi illorum imperii, ab HERCULE  
Leonida genus derivasse, vel eorundem imagines in  
Nummis obviæ cum Leonis exuviis etiamnum ar-  
guunt. Quod ipsum tradit ex eorum fide, non è vul-  
go, sed vere natus in ostro Imperator; qui exuvias leo-  
nini capitis stirpis auctorem referentes, Macedonum  
Regibus familiares, & quibusvis apud eos coronis ac  
gemmis potiores scribens, addit, *καὶ μάρτυρ ἀξίος τοῦ*  
*αὐτοῦ νόμισμα ἔσται Μακεδόνος Ἀλεξάνδρου, πιαυότη ἐκείνου καλ-*  
*λωπιζόμενον*, ac TESTIS hujus rei fide dignus est NUM-  
MUS Alexandri Macedonis ejusdem figura insignitus. Vides  
hic utique eruditissimum Cæsarem, ad Nummos, tan-  
quam ad indubium originis illius ac moris indicium  
secure provocantem. Hic vero vir doctus illius editor,  
ipsum profert ALEXANDRI Nummum cum illis  
leonis exuviis, detracta etiam omni galea capiti ad-  
aptatis; quod postremum singulare & minus obvium  
in iisdem numismatibus credit. Idem vero capitis in-  
signe in antiquioribus etiam AMYNTÆ, & PHI-  
LIPPI Nummis adhuc hodie intuemur, ut præteream  
Phaetram & Clavam, quæ tum in ejusdem Amyntæ,  
Philippi, Alexandri, tum posterioris PHILIPPI nu-  
mismatibus, ejusdem originis fidem faciunt. Ut fac-  
ile videas, non frustra esse omnino, quæ de antiqua  
HERACLIDARUM in Macedonia sede, prisce au-  
ctores magno consensu tradidere. Idem certe hic  
Nummi, quod Tabulæ veteres apud Synesium præ-  
stant; quas tradit successionem Regum ab HERCULE,  
suo tempore adhuc apud Cyrenenses arguisse.  
Neque aliter eadem leonina pelle amictum Polynicem  
legas

legas apud Hyginum, quem alias Urſi pelle induunt Tragici; quam ut illâ Thebanam originem argueret. Jactata nempe paſſim apud Veteres, neque ab unis Ne-  
 potibus, illa Hercules ſucceſſio; quem (ſolemni ad-  
 huc temporibus noſtris inſania, Gentem ſuam ab anti-  
 quis Regnorum aut Imperiorum Conditoribus deri-  
 vandi) generis ſui auctorem talium aucupes paſſim re-  
 ferebant. Unde etiam eoſdem à Socrate apud Plato-  
 nem exploſos videas, & illis opportune inculcantem,  
 vigefimum ab Hercule, etiam quinquageſimum repu-  
 tare debere illud eſſe fortunæ. Quod autem Heracli-  
 dis pellis Leonina toties in veteribus Nummis obvia,  
 idem Tydeo pellis Aprina præſtitit; qua auctore Hy-  
 gino opertus itidem incedeſſet, quo à Caledone Apri  
 interfectore genus ſe ſuum derivare indicaret. Si vero  
 Philoſtratum audimus, non inane ſolum fuit generis  
 inſigne hæc pellis leonina, ſed ſingularis cujuſdam vir-  
 tutis & præſtantix. Traditenim ille, ſed fide Sophiſti-  
 ca, Ajacem adhuc infantem leoninis illis Hercules exu-  
 viis involutum, in eaque parte factum invulnerabi-  
 lem. Antiquiſſimis nempe mortalibus primo è foliis  
 arborum, mox ex animalium exuviis quæſita corporis  
 tegumenta; de quibus Lucretius,

*Pellibus & ſpoliis corpus veſtire ferarum.*

Lib. v.

Hinc, quod notum, & pelliti olim Patres conſcripti,  
 & ferarum pellibus induti, Mauri, Germani, aliæque  
 horridiores gentes, veteribus commemorantur. Immo  
 progreſſu temporis, non ſolum gentibus minus cultis,  
 idem vulgo habitus retentus; ſed iis quoque, qui hor-  
 ridius aut ſimplicius vitæ genus profeſſi, ſe ad priſcam  
 illam ſimplicitatem componebant: quales nempe aut  
 ſanctiſſimi illi Viri, Elias, Eſaias, Zacharias, Servatoris  
 Præcurſor, aut Gentilium etiam Heroës, de quibus

Strabo lib.  
 xv. l.



Ad lib. 1.  
Argon.  
v. 324.

aperte id testantem video Apollonii Scholiastem, Δέγμα ἃ ὁ μὲν σύνητες γὰρ πῆς Ἡρώσι τὸ δερμαλοφορεῖν. *Pellis quidem; consuetum Heroibus pellem gerere*: aut sapientiæ studiis apud eosdem Gentiles clari, sicut de Dione oris aurei constat, quem sæpe leoninum exuvium gestasse Suidas & Photius tradunt. Inde etiam priscis Christianorum Ascetis, simile quæsitum corporis tegumentum; qui nempe sæculo renunciantes, vel ex arborum foliis, vel ex ferarum pellibus indumenta sibi conficiebant. Talis vel Paulus ille Eremita, qui authore Hieronymo, *contextis palmarum foliis vestiebatur*; aut Hilario apud eundem, *sacco membra coopertus, & pellicem habens ependyten*; aut Simon ille Monachus, de quo refert Isidorus Pelusiota, *ἡ σίσυρα σκώπτεισι γομὴν ἐν ἀμπίχεται*. *ex caprinis pellibus contexta vestis qua amictus est, nudum esse ostendit*. Scilicet his insignibus, seu animalium exuviis, sicut Macedonum Reges sese Herculis traduces, ita isti se Eliæ, aut Joannis successores contestari cupiebant.

De Cornu-  
tis Nummis  
Alexandri  
Magni.

Sed splendidiorum adhuc Natalium, qui Alexandrum Herculis non tam traducem, quam fratrem probarent, CORNIGERI ejusdem in Nummis habitus fidem facit; qui illum scilicet Jovis Ammonis filium non minus arguit, quam inscriptio ejusdem apud Philostratum, ΑΛΕΞΑΝΔΡΟΣ Ο ΔΙΟC; aut altera apud eundem, PATRI AMMONI. Unde & Alexandrum, non alio nomine designat Ovidius in Ibi;

Lib. de vit.  
Apollon. 1.  
cap. 6.

*Quam qui CORNIGERO de Jove natus erat.*

Ita ut eodem illo habitu se adhuc hodie conspiciendum in Nummis præbeat, quo illum Clemens Alexandrinus depictum refert; quo teste scilicet, *voluit autem*

In Protre-  
ptico p. 36.

*& Alexander Ammonis filius videri, & CORNUTUS insculpi à Statuariis.* ἐβύλετο ἃ καὶ Ἀλέξανδρος Ἀμμωνος υἱὸς εἶναι,

εἶναι, καὶ ΚΕΡΑΣΦΟΡΟΣ ἀναπλάττειται πρὸς τὴν ἀγαλμα-  
 πειῶν. Quo cultu etiam frequentasse illum convivia  
 innuit Ephippio apud Athenæum; indutum nempe Lib. vi.  
 Ammonis veste, CORNUBUS, Clava præterea &  
 pelle leonina. Eodem nempe quo frater Bacchus in-  
 stituto; cui ideo Cornua adscribit alicubi Diodorus, Lib. iiii.

quod Cornigeri Ammonis esset filius; quibus certe ge-  
 neris insignibus nescio an aliquis hodie Natales suos  
 aut Patrem ambitiose adeo probari vellet. Ut tamen  
 non mirum sit amplius, cur Æra Alexandrina apud  
 Arabas Epochæ *Alexandri Bicornigeri* dicatur, ut obser-  
 vat illustis Scaliger; aut cur ille ab iisdem ذوالقرنين

DULKERNAIM, Δίκερως nempe seu *Bicornis* voca-  
 ri soleat. Ita enim Heros ille cum in Alcorano, tum in  
 aliis scriptis Arabum vulgo designatur. Si vero ratio-  
 nem hujus appellationis ab iis quæras, continuo au-  
 dies ita dictum, quasi nempe Orientis & Occidentis  
 domitorem. Id certe tradunt præter alios & Glossator  
 eorum Gieuhari, & clarissime in compendio Astro-  
 nomico & Nautico Achmad ben Magad, Cl. Selde-  
 no citatus ad Origines Eutychianas, cui vocatus eo  
 nomine DULKERNAIM, seu Bicornis Alexan-  
 der, quod, ut habent Arabica, *Orbis totius Rex erat à Cor-  
 nu seu plaga Orientali, usque ad Cornu seu plagam Occiden-  
 talem.* Consona iisdem lego apud Abul Pharagium,

وسمي ذلكرنن ابو غفرني الشمس الشمس وعمما المشرق Dyn. v.

appellatusque est Dhulkarnain, id est, duo habens  
 Cornua, quod duo Solis cornua adsecutus esset Orientem &  
 Occidentem. Neque etiam Græcis scriptoribus ignota  
 illa Orientis & Occidentis Cornua, arguit præter alia  
 Κέρως Ἐσπερίων, seu *Cornu Occidentale* apud Diodorum Lib. iiii.  
 de Africæ regione usurpatum, cui præerat Amalthea. pag. 102.

Verior tamen & simplicior meo judicio hujus denominationis ratio, quæ scriptores illos Arabas fugisse videtur, petita nempe à cornuta hujus Alexandri effigie; quam vocis originem apposite cum altera illa de Orientali & Occidentali plaga indicavit etiam ὁ Ἀλεξανδρινός Goli, meus olim in hac lingua informator. Immo neque Alexandri solum apud Arabas, sed quasi ejus, si Diis placet, superstitem adhuc Nepotum retenta alibi in Oriente appellatio. In provincia certe quadam Balaxiæ, singulos Reges tanquam ab Alexandro genus ducentes, ZULKARNEN, (DULKERNANIM verius) seu *Bicornigerum* dici refert Paulus Venetus. Horum autem omnium ratio lateret ferme nos hodie, ni opportune Cornigerorum cum Alexandri, tum successorum Numismata appellationis hujus causam & fontem indicarent.

Lib. 1. cap. 25.

De Cornutis Nummis Successorum Alexandri, aliisque ejusdem generis.

Lib. v. pag. 360.

Transiere enim ad ejus Successores, una cum imperii dignitate, eadem quoque Capitis insignia; quo se utique vel oris & habitus similitudine, necessarios quasi & legitimos hæredes probarent. Hoc studio certe incensum Philippum, penultimum Macedonum Regem, narrat Polybius; illum serio nempe in id per totam vitam incubuisse, ut ex cognatione Alexandri & Philippi videretur, quod arguit adhuc hodie depicta ejus in nummis effigies cum leoninis Herculis *ἑρηνία* exuviis. Neque enim solum projectam Alexandri cervicem, & levitatem oculorum in aliquot Hæredum ejusdem imaginibus spectamus, quod adnotaverat jam olim Plutarchus; verum etiam leoninam pellem, & CORNUA ARIETINA, quæ Ptolemæorum, Lysimachi, aliorumque in nummis capita etiamnum decorant. Nec jam an ARIETINA illa, ut modo innui, vel HIRCINA Cornua fuerint, admodum laboro;

in Pyrrho.

boro; quod sollicitum habuit virum doctum in notis ad Græca Goltzii numismata, ob Plutarchi Caprina Pyrrho tribuentis auctoritatem. Utriusque enim generis, nempe de CAPRIS & ARIETE cornutos, ut vocat illos Tertullianus, in his monumentis videas In Apolo-  
getico. (ut de TAURINIS jam nihil dicam); quæ nec gra-  
vissimi auctoris fidem minuunt, nec ideo eadem inter se confundi patiuntur. Tryphonis certe nummum cum HIRCINO Cornu protulit Willalpandus, cujus cætypum etiam è Cimeliis Christinæ Augustæ depromptum infra subjiciemus. Equidem non uno Cornuum genere insignes occurrunt in antiquis nummis Gentilium, DII, FLUVII, HEROES. De DIIS, ita jam olim illa distinxit Porphyrius in aureo libello, ut JOVI Arietina, PANI Hircina, LIBERO autem PATRI Taurina præbeat Cornua, De Absti-  
nent. lib.  
III. ἔταω δὴ καὶ οἱ Ἕλληνες τῷ μὲν ἑὶ Διὸς ἀράλματι κελεύωσιν ἵψαν κέρας, ταύ-  
ρα δὲ τῷ Διονύσῃ, τὸ δὲ Πᾶνα ἐξ ἀνθρώπων καὶ αἰγὸς σωέθηκαν.  
Ita vero Græci, Jovis quidem simulacro Arietis Cornua, Bacchi vero Taurina adaptarunt; Panem autem ex homine & Capra composuerunt. Quo nomine etiam hos Gentilium Deos suggillat alicubi Arnobius; Lib. VI. sed quid ego Diis datas  
falces & fuscinas rideo? quid CORNUA & galeros? Ac de JOVE quidem seu AMMONE καλοῦσιν trita videntur omnia; nisi quod haud vulgarem ejus effigiem ex antiquo Cyrenensium nummo protulit doctissimus Isaacus Vossius, in eruditissimis notis ad Melam, & eandem ex emendato Curtii loco præclare adseruit.



Neque piguit hic eandem effigiem lectorum oculis subjicere, quod diversam rursus figuram Jovis itidem Ammonis in aliis nummis antiquis signari haud ignorem. Talis certe, quem apud Cl. Seguinum inspectum, ejusdem beneficio hic vulgamus.



Ammonem, ut vides, aperte arguit non tortum solum Arietis cornu, sed vel sola inscriptio  $\Theta \epsilon \omicron \varsigma \text{ ΑΜΜΩΝ}$ , *Deus Ammon*. Signatus autem ille nummus à Mytilenæis Lesbi incolis, ut liquet ex averfa nummi parte, & in memoriam quidem concordiae & communionis cum Pergæis. Unde autem oriatur illa discrepantia in tradenda figura hujus Ammonis aperiendum. Juppiter nempe sub Ammonis nomine & Arietis forma cum Afris, tum Græcis etiam cultus. Prior ille vulgo celebrior, sede nobilissimi Oraculi sacratûs, ac Libyci Dei nomine passim dictus. Dionysius,

$\text{καὶ πρὸς τὸ λιγύχαιο θεῷ ψαμάθῳ ὑπὸ πολλῶ.$

*Et Templum Libyci Dei in arena multa.*

Et Nonnus,

Βῆλ. Θ. ἐφ' Εὐφρατίῳ Λίβυς κεκλημένος Ἀμμων.

Lib. x l.

*Belus ad Euphratem Libycus vocatus Ammon.*

Dionys.

Sic Propertius,

*Hoc neque arenosum Libyci Jovis explicat antrum.*

Lib. iv.

Quæ loca in re alias haud obscura ideo adtulimus, ut eadem opera Suidæ medicas manus præstaremus, apud quem legitur Ἀμμων ὄνομα θεοῦ Ἑλληνικῶ. Eruditissimus Reinesius explicabat *Dei Gentilis*, non *Græci*, juxta Portum, quem eo nomine perstringit. At uterque fallitur. Legendum enim omnino, Ἀμμων ὄνομα θεοῦ Λιβυκῶ, quod vulgo Ammonis, ut videmus, adtributum. Neque certe Suidam in explicanda Ammonis voce, de hoc Jove Libyco mentio effugere poterat. Celebris itaque passim non apud Afros solum, sed apud Græcos aliosque hic Libycus Juppiter, quam-

Eleg. i.

quam vulgo minus nota esset ejus effigies, quod satis innuit Curtius, *Id quod pro Deo colitur, non eandem effigiem habet, quam vulgo Diis artifices accommodarunt. Umbilico maxime similis est habitus, smaragdus & gemmis coagmentatus.* Postremum observat etiam Diodorus.

Lib. iv.

Lib. xvii.

Huic vero consentanea illa effigies superioris nummi ab ipsis Afris percussi; quo referenda etiam illa Afri Scriptoris, hunc Jovis habitum ridentis, *Si nudo Jovi cornua detrahat.* At vero non Afris solum, sed

Arnob.

lib. vi.

Græcis etiam cultus Juppiter Ammon, eique simulacrum cum Arietinis cornibus erectum, figurâ in reliquis consentaneâ illi, quam vulgo Jovi Græci artifices commodant. Tale simulacrum apud Megapolitanos Arcadas observat Pausanias, ἀγάλμα Ἀμμωνος πρὸς τῇ οἰκίᾳ πῶς τετραγώνῳ ἐρμαῖς ἐκασμῶν, κέρατα δὲ τῷ κεφαλῇ ἔχων κεμῶ. *Ammonis simulacrum domi quadratis Mercuriis simile, Arietis cornua capiti habens adposita.* Cujus

Lib. viii.

jus

jus Ammonis simulacrum *πλεῖστον* opportune exhibet sequens marmor, quod inter Illustrium imagines ab Achille Statio superiori sæculo vulgatas spectatur.

Illustr. Vir.  
&c. Rom.  
1569. n°. 47.



Agnoscis utique quam præclare Pausaniam illustret, è quo vicissim explicandum veniebat hoc Marmor. Inde etiam lucem mutuatur Nummus ille à Mytilenæis percussus, cum adposito Dei ipsius Ammonis nomine.  
Nihil



Nihil enim singulare habebat Græcorum Ammon præter Arietis cornua, ut innuebat Pausanias, & liquet ex residuis statuarum & nummorum id genus monumentis, non vero peculiarem illum habitum umbriculo similem, & ex smaragdis ac gemmis coagmentatum, quem Libyco tribuunt Diodorus & Curtius, ac vindicat eidem Cyrenensium nummus. Immo inde factum observo, ut quum Libycus Ammon, quantum nomine & fama pervulgatus esset apud veteres, tantum ob itineris molestiam incredibilem, vulgo ab hominum conspectu remotior ageret, inde etiam minus notam ejus effigiem sub illo Græci Ammonis *κεροπρωώπυς* habitu, veteres nobis aliquoties adumbrarint. Certe cum alias in denariis aliquot Gentium Romanarum, tum in pluribus nummis Ægyptiis sub Trajano, Hadriano, aut Antoninis percussis, occurrit aliquoties Serapidis aut Jovis Ægyptii caput cum Cornu Arietino, ad Græci Ammonis formam depictum. Quin non Juppiter solum, sed JUNO etiam AMMONIA apud Elcos culta, ut in Eliacis observat itidem Pausanias. Ad quam spectare videtur sequens nummus Pyliorum apud Goltzium, quod jam vidit Nonnius.



Haud vero prætereundum, inde etiam factum, ut Juppiter Bœotiiis *καραιὸς* vocaretur. Hefychius, *καραιὸς ζῶς ὡς βωιωτῆς, ἔτω κροσαγορεύεται ὡς μὲν πνεύσας φασὶ λέγειν ὡς ἔστιν ἔτι καὶ πρὸς τὸ πνεύματι*. Neque enim apud Arcadas

solum, sed cum Lacedæmone, tum etiam Thebis cultus hic Ammon *κεκοσµωπ*; unde delubri hujus  
 Lib. I x. Rei apud Thebanos meminit alibi Pausanias. *καραις*  
 autem Thebanorum, factum ex Hebræorum vel Phœnicum, quorum erant coloni, *כר*, quibus ovinum genus, & *כרים* Aries etiam bellicus in veteri fœdere vocatur. Frustra itaque à capite seu à voce *κάρα*, quod *sublimis* nempe foret hic Juppiter, hoc ejus adtributum derivabat, quamquam dubitanter & ex aliorum fide, Hesychius. Mitto vero causas vulgo notas, quas cum Historici, tum Grammatici & Mythologi veteres juxta ac recentiores adtulere, cur Arietina cornua huic Jovi tribuat antiquitas. Plures enumerantem vide Servium aut Hyginum, quos nihil moror. At meo  
 Ad Æneidos I v. judicio longe verissima & reliquis potior, quam adfert  
 In Euterpe. antiquissimus auctor Herodotus; Arietina scilicet facie depictum Jovem Ægyptiis, à quibus Ammonii hauserint eorum coloni, *Ἀμμών* enim ab Ægyptiis Jovem vocari; quod firmat etiam Plutarchus, libro de  
 Lib. v. Ifide, ac præterea Origenes contra Celsum. Notus certe cum vetustissimus mos Ægyptiorum sub animalium figuris Deos suos effingendi; tum præcipuus Arietis apud eosdem cultus, ut fecunditatis symboli. Unde ab iis primum translata Arietina facies ad Deorum hominumque parentis symbolicam effigiem. Neque vero solum Juno Ammonia, sed *SISPITA* etiam seu *LANUVINA* in Latio culta, non jam *κεκοσµωπ*, sed *Τετρακέρας* vel *Αἰγοκέρας*, cum *CAPRINIS* nempe Cornibus, cujus effigies obvia in denariis Gentis Papiæ, Prociæ & Rosciæ apud Urfinum; Talia etiam *PANI* & *SATYRORUM* gregi vulgo tributa; cujus generis præclara Marmora passim hic licet intueri. Neque vero fictis Gentilium simulacris, Cornutos  
 id

id genus Capripedes continuo adscribendos tradentem novi Hieronymum, qui & talem Paulo Eremitæ occurrisse, aliumque sub Constantino Cæsare Alexandriam perductum narrat, & quem universo mundo teste defendi ibidem adserit. Consulat eum si velit Lector, longior enim narratio, quam ut hic eam intexamus. At vero non Hircina jam, aut Arietina, sed TAURINA Cornua, ISIDI, BACCHO, FLUVIIS adposita videas in antiquis eorum simulacris. De ISIDE consulenda Hieroglyphica Ægyptiorum monumenta, & qui in iis explicandis laborarunt viri docti. Galeam certe Isidi è Bovis capite à Mercurio datam auctor est Plutarchus. BACCHUM quod attinet, inde liquet non frustra illum *ταῦρον* & *ταυροκέρατα* dictum à poetis antiquis, quod alicubi Athenæus observat; quibus certe nominibus apud Euripidem aliquoties designatur; & quo etiam respexit alicubi Plutarchus, Bacchum innuens, *ἄξις ταῦρε*, bubulis nempe, ut de Jove alicubi Arnobius loquitur, *cohone statum cornibus*. Hinc eundem etiam *Tauri* seu *Tauriformis* nomine & habitu apud Cyzicenos cultum, idem etiam Athenæus notat; *Κυζικῶν δὲ καὶ Ταυρόμορφον ἱδρυται*. *Cyzici Tauriformis etiam statuitur*. In cujus proinde honorem institutum in eadem urbe festum *ταυροχολία* licet ex Hesychio colligere, *ταυροχολία ἐορτὴ ἐν Κυζικῶ*. Sic apud Ægyptios Bacchi simulacrum Tauri forma extitisse, apud Argivos autem *βεργύλεω* eundem dictum, auctor est Plutarchus. Hujus vero Bacchi *ταυροκέρατα* memoriam servant adhuc antiqui aliquot nummi. Unum alia occasione supra protulimus, vulgatum jam à Cl. Seguino, qui Bacchum cum Iside vehiculo insidentem exhibet cum bijugibus Centauris. In eo enim videas minuta Cornua, quasi primum prodeuntia, quæle nempe cor-

Tom. 1. in  
vita Pauli  
Eremitæ  
pag. 238.  
edit. Froben.

Lib. de Iside.

Lib. 1.

In Bacchicis v. 362. & 406.


In quest. Græcis.

Lib. v.

De Isid. & Osirid.

In Imagi-  
nibus pag.  
574.

nu è Bacchi temporibus erumpens observat alicubi Philostratus. Huc referendum etiam caput imberbe cum Cornu Taurino, & corona è pampino, quod insuper satis arguit nummi inscriptio, ΔΙΟΝΥΣΟΣ ΣΩΤΗΡΟΣ ΜΑΡΩΝΙΤΩΝ. Talem certe cum prædicto Cornu, adnotavi inter nummos argenteos Principis Augustini Chisii, tuo beneficio mihi inspectos. Et quo spectare etiam mihi videtur imberbis Ταυροκέρας in sequenti nummo Megaræ in Sicilia percusso.



Cultum per ea loca Liberum Patrem satis arguit cum situs vino ferax, tum inde frequentes Botrus, obvii in nummis locorum adjacentium Entellæ, Naxi & aliorum. Hinc & alius nummus ΜΕΓΑΡΑΣ ΤΒΛΑΣ dictæ, non autem Τελαίας, ut existimarunt viri docti, in quo figura stans cum Scypho, quem effundit. Notua vero, ut obiter hoc dicam, in averfa nummi parte signata, in memoriam nempe deductæ in ea loca Colonix à Theocle Athenienfi, ut ex <sup>a</sup> Thucydide & <sup>b</sup> Strabone liquet. Aliquando vero eundem Bacchum, non δικέρωτα jam, ut vocatur alicubi Aufonio, sed uno Cornu insignem depingunt nobis antiqua id genus simulacra, sicut in sequenti nummo Agyrinæ, urbis itidem Siculæ, cujus pars averfa Minotaurum exhibet.

<sup>a</sup> Lib. vi.

<sup>b</sup> Lib. vi.

Ep. xxviii.



Scilicet juxta Horatium,

*Te videt insons Cerberus aureo Cornu decorum.*

Nisi forte quis malit GERYONEM illo nummo designari, quem ut Heroëm religiose ab Agyrinensibus cultum observat civis ejusdem loci Diodorus; idque Hercule procurante; ὁ σαύτως ἢ καὶ τὸ βούνῃ τῆς ἀπολυπῶ- Lib. IV.  
 θεῖσιν ἵχνεσιν πλὴν ἀπὸ ἐαυτοῦ προσσημασίας ἀποδείξῃς, τίμῃ κα-  
 θέρωσεν ἥ ῥα Γηρύονι ὁ μέγας ἔνυ πρῶτον ὡς τῆς ἐγχα-  
 ρείας. Notas item boum ungulis expressas de se appellavit; at-  
 que tum ad eam Heroi Geryoni consecratam dedit, quam nunc  
 quoque religiose incolæ colunt. Unde etiam liqueret, haud  
 frustra Taurinum Cornu illi tribui, quem à Boum cu-  
 stodia celebrem antiquæ fabulæ repræsentant, & quo  
 interempto, Boves Herculem abegisse memorant. Ni-  
 si obstare illud videatur, quod parum figuræ tricorpo-  
 ris hominis, qualem vulgo hunc Geryonem depin-  
 gunt fabulæ, quadret superior effigies. Ex ipsa vero  
 Nummi inscriptione ΑΓΥΡΙΝΑΙΩΝ, Stephanus  
 obiter emendandus, apud quem Ἀγυρίων & Ἀγυρίωνος,  
 pro Ἀγυρίων & Ἀγυρίωνος perperam legitur. Cur vero  
 Taurina Cornua Baccho tributa, varia adferunt vete-  
 res; aut ad natales demonstrandos, quod Cornigeri  
 Ammonis esset filius, juxta Diodorum; aut quod bo- Lib. III.  
 bus sub jugum ductis primus sementem fecerit eodem  
 auctore; aut à vini ferocia, quod nimio vino homines  
 truces fiant, cum Festo & veteri Interprete ad Hora-  
 tium; aut denique, quod Cornibus usi sint antiqui ad

pocula, unde Bacchum Cornigerum depictum, & Ad Iliad. n. Ταῦρον poëtis dictum adferit Athenæus, cui plane con-  
 pag. 917. sona apud Eustathium legas. Cornu certe antiquitus  
 poculi loco fuisse adhibitum, docet etiam alter Home-  
 Ad Iliad. 9. ri Scholiastes, qui vulgo Didymus creditur, πρὸς δ' ἄρα  
 v. 189. Δρεθλώαυ τὴν τ' ποτηρίων χοῆσιν, κέρρασιν ἔπνον· ita enim po-  
 strema emendanda, pro quo corrupte legitur εἰς κέρρα  
 ἔπνον, quod vidit etiam eruditus & florentis spei juve-  
 nis Gilbertus Cruperus in Crepundiis ineditis, qui ἐν  
 κέρρασιν ἔπνον eodem loco legendum statuit. Auctor  
 quoque Etymologici MS. qui Photius Patriarcha exi-  
 stimatur, & apud eruditissimum Marquardum Gu-  
 dium nostrum mihi inspectus, κέρρασαι, τὸ πάλαι γὰρ κέ-  
 ρρα εἶπνον, ὅθεν καὶ ἡμεῖς, τὸ αὐτὸ πινυμεν. Neque aliter vel  
 Athenæus, vel Eustathius, locis supra indicatis, quam  
 solitos veteres κέρασι πίνειν. Inde vero Ταῦροι dicti viden-  
 tur pincernæ apud Ephesios; Hesychius Ταῦροι οἱ ὠρεῖ  
 E' φεσίοις οἰνοχοῖ· quamquam non in Bacchi, sed Neptu-  
 Ad Iliad. v. ni sacris ita appellatos apud Eustathium legam, ὅτι κα-  
 pag. 1205. ραὶ E' φεσίοις, οἱ ἐν τῇ δ' Ποσειδῶνι ἐορῇ οἰνοχοῦντες ἡύθεοι  
 Ταῦροι ἐκαλέοντο. Immo non Pocula solum, sed Taurina  
 etiam Tympana Bacchantium apud Claudianum,  
 In sudant tonsis Satyri, TAURINAQUE pulsæ  
 Baccharum Bromios invitant TYMPANA remos.  
 Quin Liberi Patris exemplo, LIBERAM etiam &  
 CEREREM cum Cornu Taurino signare videntur  
 varii Siculorum nummi, in quibus caput muliebre oc-  
 currit cum spicis & Cornu Taurino è temporibus e-  
 rumpente, aliquando etiam sine spicis; cujus rei indi-  
 cia suppeditebant inprimis aliquot Panormitanorum  
 Num. 130. numismata apud Parutam. Obvium autem & liquidum  
 149. &c. ex superioribus, cur vel frugum Mater, vel Bacchi so-  
 cia, eodem illo Taurino insigni decorentur. Immo  
 non Baccho solum, aut commemoratis modo Deabus,  
 sed



sed FLUVIIS etiam Taurina Cornua tributa vulgo à Poëtis nosti, ut vel Eridano à divino Vate,

*Et gemino auratus taurino cornua vultu Eridanus.*  
aut Tiberi vestro à Claudiano, — *taurina levantur* In Conf.  
Prob. &  
Olyb.

*Cornua temporibus rancos sudantia rivos.*  
quomodo & *Tauriformis Ausfidus* dictus Horatio, & Mo-  
sellæ *taurina frontis honorem* adscribit Ausonius. Hunc Idyll. 1x.

vero morem fluvios sub Taurina effigie depingendi, ad  
certos quosdam populos restringere videbatur loco  
haud ignoto Ælianus; Βασιν μὲν ἐν εἰκάδεσσιν οἱ Στυμφά-  
λαιοι μὲν τὸ Ἐρεσῖνον καὶ τὸ Μετώπῳ, Λακεδαιμόνιοι δὲ τὸ Εὐρώταν, Var. Hist.  
Σικυωνίοι δὲ καὶ Φλιάσιοι τὸ Ἀσώπον, Ἀργεῖοι δὲ τὸ Κηφισόν. *Bobus* cap. 33.

*quidem similes faciunt Stympthalii Erasinum & Metopen, La-  
cedemonii Eurotam, Sicyonii & Phlasi Asopum, Argivi Ce-  
phissum.* Ejus vero moris vestigia, & quidem latius usur-  
pati, licet in antiquis quoque nummis observare. Sic  
ACHELOUM cum Taurino cornu depictum exhibent  
vetusti nummi Ambraciotarum & Acarnanum, quos  
male Nonnius ad Minotaurum refert. Vulgo enim iste  
barbatus, ille imberbis, cujus hic habes ectypum.



Ad Acheloum certe referendum fluvium in eo tractu  
celebrem, vel ex Strabone præterea colligas, Οἱ δὲ εἰκά-  
ζοντες ἐξ αὐτῶν τάλητες, ΤΑΥΡΩ. μὲν εἰκότα λέγεται τὸ ΑΧΕ-  
ΛΩΝ Φασὶ, καθάπερ καὶ οὐτὶ ἄλλες ποταμοὺς, διότι τὸ ἔχων,  
καὶ τὸ καὶ πρὸς ῥέεθρα καμπῶν αἰς καλῶς κίεσθαι. *Qui autem ex  
fabulis verum colligunt, TAURO similem forma ACHE-  
LOUM aiunt, ut & alios fluvios, ob strepitum & flexus abveo-*  
*rum.* Lib. 1.



*rum, qui Cornua dicuntur.* Neque vero prætereundum, id de Acheloo superiori nummo expresso, jam animadvertisse Laurentium Pignorium in Expositione Mensæ Iliacæ. At bicornem etiam RHENUM, videre licet in sequenti nummo Postumi.



Ratio autem obvia hujus rei, quod nempe in duo brachia scindatur; unde & Crines pro fluminum brachiis apud Aëtium, quod ad Solinum jam observavit Vir maximus. Duas vero causas illius moris reddit Strabo loco paulo ante commemorato; primam ob strepitum aquarum, alteram ob flexus alveorum: quam postre-

Ad Iliad. n. pag. 917. *καμπύ.* Priorem vero, cum ob strepitum, tum ob vim aquarum, reperio apud Euripidis Scholiastem, qui in

Ad Orestis vers. 1380. *Επεικώς ἡ σὺν ΠΟΤΑΜΟΙΣ ΤΑΥΡΟΓΡΑΦΟΙΣ ἔζωγράφει καὶ ἔλεγον, ἴσως ἐπὶ τῷ ἀπλησίως τῷ μυκήματι τῶν παύρων ἢ ἀπὸ χησίδων ὕδατος πρὸς τὴν σφοδρῶς ῥέουσαν ποταμοῖς διὰ τὸ βίαιον τῶν ὑδάτων, ὥστε τὴν γλῶττιν ἀφ᾽ ἑαυτῆς περιεμπίπτοντα ὡς τοῖς κέρασιν οἱ ταῦροι.*

Hinc & OCEANUS Fluminum Pater Ταυρόκρανος dictus Euripidi, ἡ πύλον, ὠκεανὸς δὲν Ταυρόκρανος ἀγκάλας. *An per Pontum, quem Oceanus habens Taurinum caput cubitis etc.* Unde & NEPTUNUS Hesiodo ταῦρεσσιν ἐννοεῖται, Hesychio autem ταῦρεσσιν, ταῦρεσσιν ὁ Ποσειδῶν; quin & festum illi sacrum ταυρία eidem doctissimo Grammatico, ταυρία ἑορτὴ τις ἀγομένη Ποσειδῶνι; & Pin-

cernæ

cernæ in ejusdem festo ταῦροι apud Ephesios, ut paullo ante monuimus. Ad hunc T A U R U M Neptunum referendum videtur sequens Marmor, quod barbatum senem exhibet, cui frons turgida duobus Taurinis cornibus, barba autem vulgo hispida, qualis Neptuno in antiquis id genus monumentis tribuitur.



Immo hinc videas etiam Patrem Vatum de fluvio Xantho haud frustra alicubi tradentem,

Iliad. 9.

— μῦμχως ἦντι Ταῦρ.

Pag. 1233.

*mugiens instar Tauri*, & in eundem locum Eustathium observantem, ex mugitu illis communi factum, ut Tauros Mari & Fluviis immolarent veteres, quod ibi innuere voluerit Homerus: Ita certe apud Plutarchum legas, Lucillum transitus causa, Taurum Euphrati sacrificasse. Horum vero vel Deorum, vel Fluminum exemplo, CORNUTI etiam in antiquis nummis HEROES, ALEXANDRUM puta, ut supra innuimus, ejusque SUCCESSORES. Neque vero illi uno Cornuum genere insignes. ARIETINA quidem gestasse ALEXANDRUM vidimus, in cognationis memoriam cum Ammone *κροποσσάπῳ*, & illius exemplo, LYSIMACHUM, aliosque, ex Herois illius Hæredibus. Cujus moris ratio & hæc forte dari posset, quod sicut Diadema à Persis, ita etiam Arietina Cornua ab iis mutuatus sit Alexander. Equidem illud capitis ornamentum Persarum Regi, suo ævo tribuentem video Ammianum, ex veteri forte consuetudine depromptum; *aureum CAPITIS ARIETINI figmentum interstinctum lapillis pro diademate*. Rex Persarum equidem per Arietem Cornigerum designatur apud Danielelem, & Darius alio loco per Arietem Cornutum. Hinc & illud Petri Chrysologi de Persarum Regibus sui temporis, *Nunc impositis sibi Cornibus, quasi viros se esse doleant, effeminantur in Lunam*. At vero, ad *κροποσσάπῃς* istos Alexandri hæredes, spectare etiam liquet sequens Marmor, quo duo capita occurrunt juncta virile & muliebre, ac prius quidem cum insigni Cornu Arietino spectandum venit.

Lib. XIX.

Cap. VII.

v. 10.

Cap. VIII.

v. 26.

In Hortis  
Medicis  
prope Vil-  
lam Julii  
III.



Crederem facile unum è P T O L E M Æ I S , & quidem Cyrenarum Regibus, una cum Coniuge illo Marmore expressum ; juxta consuetum illis gentibus morem, Ægyptiis inprimis & Cyrenensibus, Reges suos ac Reginas una junctis capitibus effingendi ; cujus rei alia occurrunt. in sequentibus exempla, & firmabit interim

iste Nummus Mediceus, Cornutam rursus utriusque Conjugis imaginem præ se ferens, ni sculptoris incuria Cornua sint pro floribus expressa, quibus ornata sæpe Ægyptiorum Regum capita alibi jam diximus.



Neque vero male Cornu illud Arietinum Cyrenarum Regem ornabat in superiori Marmore, vicini Ammonis exemplo, qui non ignoras illud Poëtæ pervulgatum,

*Laserpiciferis jacet Cyrenis,*

*Oraculum Jovis inter astuos.*

At non Arietina solum, sed TAURINA etiam CORNUA gestasse videas aliquot ex Alexandri hæredibus, ut SELEUCUM, cujus rei causam tradit Appianus, quod sacra quondam faciente Alexandro, fugientem Taurum cornu apprehendisset; quod Politianus male ad Lyfimachum transtulit. Id enim diserte de Seleuco refert Appianus; nec etiam Taurinum, sed Arietinum Cornu spectatur in obviis Lyfimachi nummis. Tale etiam apud Lutatium, Mithræ simulacrum, vultu Leonis, Persico habitu, utraque manu reluctantis Tauri cornua comprimens; quomodo & Hercules Acheloum domans, apud Poëtæ vulgo & in nummis etiam depingitur. Sic figura nuda cornubus apprehendens Taurum inspecta mihi in nummo Gazæ Barberinæ, ex eo numismatum genere, quæ vulgo *Crotoniatis* vocant. Unde etiam ad hoc Seleuci factum, quod refert Appianus, adludere videtur sequens nummus, qui

In Syriacis.

Miscellan.

cap. LXXIX.

qui hinc Seleucum Regem, illinc Taurum cornipetam exhibet.



Aliam vero causam adfert Libanius; Seleucum nempe In Antio-  
chico. pag.  
311.  
ex ære apud Athenienses exstare cum Taurinis Corni-  
bus; Τιμῶσι ἐνθὺν χαλκῇ πὺν ΣΕΛΕΥΚΟΝ ΤΑΥΡΟΤ  
ΚΕΡΑΤΑ τῇ κεφαλῇ προσέντες, τὰ πρὸς τὸ γνώρισμα τ'  
ἰῆς. *Statua ærea SELEUCUM honorant, TAURINA*  
*CORNUA capiti ejus adaptantes, illudque propter Ius*  
*insigne.* Ius certe simulacrum juxta Isidem *Βεκέρων* seu  
*bovinis cornibus* Herodoto vocatur; unde etiam auctor Lib. 11.  
est Philostratus, statuam ei in antiqua Nino positam, Lib. 1. de  
cui ab utroque tempore parva prominebant cornua: Vit. Apol.  
Apollonium etiam plura de ea Statua reputasse & colle- cap. 3.  
gisse, quam vulgo existimabant illius urbis Sacerdotes.  
Haud aliter nempe ac Hyllum Herculis filium, Cor-  
nu parvum ad lævam capitis partem adnatum habuisse  
refert Ptolemæus Hephæstio apud Photium, Neque  
etiam prætereundus DEMETRIUS POLIORCE-  
TES Antigoni filius, quem cum Taurino cornu è tem-  
poribus prodeunte exhibet sequens Nummus.



Zz 3

Non

Non ferendus autem Nonnius, qui hunc Nummum aliosque ejusdem Regis, ad alium Demetrium, Antigoni nempe Gonatæ filium, & Macedonum Regem transtulit; quum omnino, ut aliunde etiam constat, ad nobiliorem illum Demetrium Poliorcetem sit referendus. Nequidquam etiam hærent eruditi antiquarii, an Arietinum, an Hircinum, an Taurinum Cornu eodem nummo sit expressum. Taurinum enim omnino statuendum est, illudque à Demetrio usurpatum Liberi Patris exemplo, cujus cultum & morem æmulatus à <sup>a</sup> Diodoro & <sup>b</sup> Plutarcho traditur; quod ipsum etiam de Patre ejus Antigono refert <sup>c</sup> Herodianus. Adco ut ΤΑΥΡΟΚΕΡΩΣ non minus dici debuerit hic Demetrius, quam Attalus ille Apollinis oraculo vocatus eo nomine apud Pausaniam legitur. Alias geminum Cornu Taurinum cum Elephantis proboscide, AFRICÆ symbolum constituere videas in denario gentis Norbanæ; idque ut facile licet augurari, ob frugum copiam, unde & Africæ quasi *terra Spicarum* nomen cruebat alicubi doctissimus Bouchartus. Neque vero Arietina solum vel Taurina, sed HIRCINA etiam Cornua antiquorum Regum capitibus adposita nonnunquam videas. De Hircino Cornu obvio in nummo ΤΡΥΦΟΝΙΣ supra monuimus, & infra adhuc alia occasione visuri sumus. De ΠΥΡΡΩ itidem indicatum, gestasse illum Hircina Cornua; unde etiam agnitus legitur apud Plutarchum, deposita nempe insigni Galea; καὶ τῆς τραχηλὸς κέρας, & *Hircinis Cornibus*. At vero omnium clarissime id evincit nummus ANTIGONI vulgo TUTORIS Macedoniæ Regis, cujus caput ornatum Cornibus Hircinis, iisque prominentibus & Clypeo inclusum, è Museo Christinæ Augustæ depromptum hic exhibemus.


Simi-

<sup>a</sup> Lib. xx.<sup>b</sup> In Demetrio.<sup>c</sup> Lib. i.

In Photiciis.

In Pyrrho.





Similem etiam possidet Gaza Palatina & Medicea. Macedonum autem Regem satis arguunt Clypei illi cum stellis, quales itidem videas in nummis Antipatri apud Goltzium, aliisque inscriptis, ΜΑΚΕΔΟΝΩΝ ΠΡΩΤΗΣ, unde utique adsequimur consuetum Regionis illius symbolum. Ad Antigonom autem Gonatam spectare non posse superiorem nummum, sicut dubitare videbantur cruditi antiquarii, satis evincunt nummi illius Gonatæ cum adscripto nomine à Goltzio producti, & ab isto non parum diversi. Unde superest, ut illum Antigono Tutori adscribamus, cujus nota cum Arato & Achæis contra Lacedæmonios societas, multisque Græcorum monumentis celebrati fama & virtus. Ut non mirum sit, in aversa nummi parte, Palladem videre armatam, quæ dextra Clypeum tenet, sinistra autem Fulmen vibrat. Neque vero te fugit opinor, inde etiam profectum morem illum Regum aut Heroum *κερατοφόρων*; quod sicut norunt viri docti, olim Galeæ militares, præfixa vulgo ad terrorem haberent animalium Cornua. Id certe de Thracibus observat Herodorus, æreas habuisse Galeas & desuper Bovis Aures & Cornua. Sic de Gallis Diodorus, in more illis positum, ut æreas haberent Galeas cum magnis appendicibus, quibus vel Cornua adfixa, vel Avium aut Quadrupe-

Tab. Græc.

xxxviii.

Tab. Græc.

ead.

Lib. vii.

Lib. v.

drupedum facies adjunctæ. Hinc & alibi docet, ideo Ammoni tribui caput Arietinum, quod hoc signo ornatam in bello Galeam gestasset. Hinc & Hastis etiam Capræ Cornu præfixum apud Æthiopas, Herodotus itidem & Strabo alicubi adnotarunt. Servium autem

Ad lib. xii.  
Æneid.

Hefychius  
κίερα κίερα  
κίερα, Auctor  
Etymolog.  
MS. κίερα  
τὸν κίερα,  
&c.

mitto, quem ratio hic fugit, apud quem *Cornua Crisla* divino Vati commemorata sunt Comæ, ideo quod Cornua sint proprie Cincinni ob adfinitatem vocis *κίερα*. *κίερα* certe Græcis de capillis promiscue dici haud ignoramus, sicut Cornua apud Satyricum,

*Casariem madido torquentem cornua cirro,*

& quomodo apud Arabas قرني de Cirro seu demisso seu torto sumi notant eorum Lexicographi: at alia ratio hujus vocis, ubi de Galeis aut Cornibus veterum Heroum agitur. Quam melius itaque ex linguis Orientis potuisset hujus rei fontem eruere; quibus, ut omnes hodie sciunt, eadem voce *Cornu*, *Corona*, *Potentia*, ac *Splendor* vulgo nuncupantur. Unde Cornu Regium insigne apud Phœnices, & Hebræorum קרן seu *Cornu* Chaldæis Interpretibus aliquoties מלכות seu *regnum* redditur, ut vidit illustris Grotius, & *Cornua* pro *Regno* & *Regibus* passim in veteri Fœdere. Certe vel ex cornuta Alexandri, Seleuci, Lyfimachi, Demetrii, Antigoni, Ptolemæorum, aliorumque id genus effigie satis jam liquet, cur per decem Cornua decem nempe successores Alexandri è Syria puta aut Ægypti Regibus designentur apud Danielelem; *Et habebat Cornua decem.*

vii. 7.

vii. 24.

Item, Porro CORNUA decem ipsius Regni, DECIM REGES erant. Unde clarius etiam adsequimur, cur à divino Revelationum Auctore dictum, *καὶ τὰ δέκα ΚΕΡΑΤΑ* à εἶδες, *δέκα ΒΑΣΙΛΕΙΣ ἔσονται*; *Et decem COR-*

Apoc. xvii.  
12.

xiii. 1.

*NUA qua vides, decem sunt REGES.* Alibi autem, *Et video ex mari bestiam adscendentem, qua habebat capita se-*  
*ptem,*

ptem, & CORNUA DECEM, & in CORNIBUS  
 suis DECEM DIADEMATA. Ut non mirum etiam,  
 vel Cornua aurea, Coronæ vicem testantia prælata in  
 pompa Philadelphi apud Athenæum; vel Cornua in-  
 ter auguria imperii nonnunquam relata; ut à Capito-  
 lino inter alia portenta, quibus illud Antonino Pio  
 superos præfagiisse ostendit, *Et post Consulatum in viri-  
 dario Taurus marmoreus, Cornibus ramis arboris accrescenti-  
 bus adpensus est.* De MOSE vero, cui & vulgo Cornua  
 in Nummis ejusdem & Simulacris, sed recentioris fa-  
 bricæ, tributa, res nota ex homonymia vocis  $\text{קַרְנִים}$ , quam  
 cum vulgo alii Interpretes de radiante & splendente  
 Mosis facie explicant loco Exodi  $\text{πολυθρῦλλον}$ , Vulga- Cap. xxxiv.  
 tus expressit, *quod cornuta esset facies*: unde nata illa pi- v. 29, 30.  
 ctorum & calatorum de adfingendis Mosis cornibus  
 præpostera industria. Quamquam & Hieronymum  
 haud ignorem, Cornutam revera effectam Mosis fa- Ad cap. lx.  
 ciem existimantem; neque alienum ab illa senten- Esaix.  
 tia illustrem Grotium, qui inde factum observat, ut  
 Mneues, qui apud Ægyptios cum cornibus colebatur,  
 ipsi Aben Esdræ non alius credatur à Mosè. Neque  
 tamen dissimulandum, præter vulgatum Interpretem,  
 reliquos omnes, Græcos, Samaritanum, Syrum, Chal-  
 dæum, Arabem, de radiis & splendore vultus Mosis  
 eundem Exodi locum simpliciter interpretari; quibus  
 certe accedit fide dignus interpres Paulus, cui per  $\text{δίξαν}$  11 Cor. iiii.  
 $\text{ἐπεσώπην}$  redditur juxta nempe LXX Interpretes, <sup>7.</sup>  
 $\text{διεδόξαν ἡ ὄψις ἐν γλώσσῃ. ἐπεσώπην αὐτῆς}$ , & quod ex-  
 plicat Chaldæus Paraphrastes  $\text{כַּמְּצִיחַ אֶרֶץ פָּנֵי יוֹרְקָא}$   
*quod multiplicatus esset splendor gloria vultus sui.* Quo re-  
 spexisse etiam videtur Photius Patriarcha in Etymo-  
 logico MS. cujus supra meminimus,  $\text{κεφαλῆς ὅτι ἀφ' ὧρα, πλὴν τεύχεα &c. καὶ τὴν ΔΟΞΑΝ, καὶ κεφαλὴν. Fa-}$

etiam autem Cornuti Mosis & *τομογίης* mentio, revocat  
 etiam mihi in mentem antiquum Catinensium num-  
 mum, quem CHARONDÆ, patriæ suæ aliarumque  
 adhuc urbium Legislatori, tribuebat vir doctus in E-  
 pistola edita ad Cl. Seguinum. Quam sententiam dum  
 inde adstruit diligens antiquarius, quod vulgo divinis  
 honoribus adfecti sunt legumlatores, & Zaleuci exem-  
 plo evincit, firmare luculentius poterat Iamblichi te-  
 stimonio, qui de Charonda id nominatim observat,  
 divinos cum honores à Civibus suis consequutum. Sed  
 ut ingenue dicam, SILENUM omnino referre mihi  
 videtur producta à viro docto & expressa illo Nummo  
 effigies; quem frons calva, simus nasus, reliqua facies,  
 ipsum denique Cornu, verum Bacchi nutritium, satis  
 superque arguunt. Neque aliter effingunt illum anti-  
 qua marmora, quibus hic toties insculptus occurrit,  
 nisi quod Cornutus aliquando, alumni & Satyrorum  
 exemplo, nonnunquam sine Cornibus occurrat. Ad  
 quem Silenum etiam haud incommode referendus vi-  
 detur Cornutus itidem & barbatus senex in alio Cati-  
 nensium Nummo, quem inter reliquos ejus loci vul-  
 gavit Paruta.

De vita Py-  
 thag. c. 30.



Haud mirum vero eundem in nummis Catinensium  
 signari, quibus non semel Bacchus alumnus insculptus,  
 & quorum ager, ut alibi jam diximus, totus Cereri &  
 Libero

Libero Patri sacer. De CORNU vero AMALTHEÆ, quo ceu abundantix & fecunditatis symbolo, nihil frequentius signant Romanorum Nummi, & cum Dearum quidem ac Virtutum effigie, res vel pueris nota. Cur vero hoc nomen κίρας Ἀμαλθείας, tertiæ è renatis Job. XLII. Jobo filiabus tribuerint LXX Interpretes, pro quo<sup>14.</sup> *Keren Happuc* habet textus authenticus, Vulgatus autem *Cornu Stibii*, fratri meo in Historia Jobi, quam paratam habet, disquirendum relinquimus. Alias veterum aut recentiorum de eodem loco expositiones mitto. Mihi, ut ingenue dicam, haud displicet Chaldaei Paraphrastis interpretatio de splendore gemmæ, significationi utriusque vocis apud Hebræos consentanea; τῷ קר nempe de *splendore*, τῷ פך autem vel פך de *gemma*. Equidem ad formam virginis commendandam, omnino videtur adlusisse impositum hoc ei nomen; cui etiam deducta illa à splendore gemmæ, seu lapilli appellatio egregie quadrat. Nec aliter adhuc hodie cum Coraliis, Margaritis, alio denique pretiosi lapilli genere, formarum spectatores aut præcones eadem conferre consuevere. Accedit ratio mercis Arabicæ, quæ illius tractus feminis & nobilioribus quidem, cum olim tum adhuc hodie familiaris, scilicet ut Erythræis lapillis, de quibus passim poëtæ, seu rubri maris spoliis se exornant,

*Nec minus Eois pectus variare lapillis.*

Quæ rursus virgini Arabicæ, & quidem summo loco natæ, ceu petiæ inde illius appellationi apprime conveniunt. Qui de *Stibio* cum vulgato Interprete vocem eo loco explicant, minus id mihi probant. In Fuco enim muliebri, tria illa jam olim recepta haud ignoro, Purpurissum, quo genis aut labiis ruborem; Cerussam, qua candorem ori aut collo; Stibium vero, quo nigro-

Tom. 1.  
Epist. ad  
Furiam  
pag. 81.

rem oculis illibant. Unde *orbes Stibio fuliginatos* vocat alicubi Hieronymus, qui eadem hæc, quæ modo innui, ita in fucō muliebri distinguit. At cultus ille, quo infuscantes nativum decus, ora oculosque depingebant, inter lasciviæ muliebris argumenta vulgo ipsis Gentilibus habitus; unde turpe jam illud olim visum poëtæ,

*Naturæque decus mercato perdere cultu,*

*Nec sinere in propriis membra nitere bonis.*

Ut equidem minus mihi fiat verisimile, inde virum sanctum & gravem, filix nomen & commendationem quæsisse. Immo levem certe gratiam hodie inirent, qui à pigmentis id genus muliebribus, Veneres suas laudandas sibi aut appellandas crederent. Nisi forte illud placeat, à splendore nigrorum oculorum, hanc Sancti Herois filiam indigitatam; quod egregie certe illustrat vox *קק* pro *splendore faciei*, seu *radius* è facie micantibus, à Mose aliisque scriptoribus sacris frequenter adhibita. Nigri autem oculi maxime nitentes, & vulgo olim inter prima formæ munera; unde & Græcis *κυανόφρυες* & *μελανόφρυες* dictæ id genus Veneres. Quia autem Stibio nigror ille, ubi nativus deficiebat, procurabatur; hinc vox *קקק* quæ *Stibium* frequenter notat, de ipso nigrore sumi potuit; haud aliter certe ac apud Arabes, è quorum gente hæc Virgo *μελανόφρυς*, vox *ك* tam de *Stibio* quam de ipsa *nigredine oculorum* dicitur. Et hæc obiter, ne vel indicta plane nobis abiret nobilis Virgo, Cornu nomen præ se ferens, & si fides Græcis Interpretibus, Cornu Amalthææ, toties in hac nummaria supellectile obvium. Quî autem aut quando factum, ut quod eximium olim honoris ac dignitatis insigne habebatur, ludibrii & contumeliæ argumentum etiam apud vilissimum quem-



quemque tandem evaserit, nihil adtinet hic operose  
disquirere. Id certe non heri primum aut hodie rece-  
ptum, satis liquet ex Artemidoro, apud quem desti-  
nato cuidam proco, & ex Ariete cui insidebat lapso,  
futuræ mox conjugis adulterium portendi auguratur  
nonnemo his verbis, ὅτι ἡ γυνὴ σε προδοῖ καὶ τὸ ΛΕΓΟ-  
MENON ΚΕΡΑΤΑ αὐτῇ ποιήσει. *Quod Uxor tua ma-*  
*chabitur, & QUOD DICI SOLET CORNUA tibi*  
*FACIET.* Quæ postrema satis indicant id vulgatum  
σῶμα, jam ante Artemidori ætatem proverbii loco  
invaluisse. Ut non mirum sit, sequutis postea sæculis,  
Andronicum Comnenum Imperatorem, Cornua in  
infelicium maritorum ludibrium suspendere solitum,  
quorum toros adulterio fœdarat, ut liquet ex Niceta,  
& jam vidit in originibus patriis vir ingenio & erudi-  
tione insignis Ægidius Menagius. Immo id in He-  
bræorum Apologis jam olim exstare, tradentem video  
Drusium; ut qui nempe haberet uxorem adulteram, Ad Exod.  
illi vulgo adfingerent duo cornua, quod rursus in Quæ- x x x i v.  
stionibus Hebraicis ita explicat; *Cæterum reperimus e-*  
*tiam secundum priorem sensum in libro Ebræo, qui Masal*  
*Cadmoni vocatur cap. 26. פיר קרן quod significat cutem*  
*faciei cornutam, de eo cui uxor adultera erat.* Et de Cor-  
nutis Veterum Nummis hætenus in eorum gratiam,  
qui meam de illis sententiam aliquoties efflagitarunt;  
quibus dum satisfactum cupio, liceat mihi adaptare  
hoc ingeniosissimi Nasónis, quamquam alio respi-  
ciens, votum,

— & nondum cornua sumpsisti

*Nec mihi sumendi causa sit ulla velim.*

Equidem nec à Diis solum & Heroibus Natales aut In-  
signia, sed NOMINA etiam ac APPELLATIONES De variis  
Cognomini-  
bus successo-  
rum Ale-  
xandri.



Orat. LXIV.

Neque enim Jovis illa vel Herculis cognatione contenti, ni Deorum etiam titulos & honores aperte invaderent. Unde perstringit alicubi Dio Chrysostomus, illam eorundem in adoptandis Nominibus vanitatem, qua *Ceraunos* seu *Fulmina*, *Aquilus*, *Poliorctes*, immo *Deos* quoque, inepte non minus ac impie se ipsos nuncuparunt. Tales utique adhuc hodie in antiquis nummis adparent Ptolemæi, Seleuci, Antiochi, Demetrii, Tryphones, alique, non solum cum splendidis NICATORIS, NICEPHORI, MAGNI, EUSEBIS, EVERGETIS, PHILOPATORIS, EUPATORIS, PHILOMETORIS, PHILADELPHI, AUTOCRATORIS etiam seu *Imperatoris* Cognominibus; verum etiam cum ambitiosa, SOTERIS, EPIPHANIS, CERAUNI, DIONYSI, THEOPATORIS, DEI quoque citra ulla ambages appellatione. Ita quidem ut iis maxime occurrunt insigniti, qui magis in Deum sacrilegi, aut in proximos impii, aut in socios perfidi exstiter, aut alias cladibus magis quam victoriis nobilitati leguntur. Quæ recepta tamen in Oriente inanis & superba titulorum nomenclatio, ad posteros quoque eorum aut hæredes transiit; ut adhuc hodie obvia in iisdem oris exempla satis superque arguunt. Diverfus vero à Dione Chrysostomo Sophista Libanius, qui eadem cognomenta jure desumpta à patris Syria Regibus alicubi contendit, & inde de præclaris singulorum moribus faciendum judicium secure pronuntiat. Ut jam in hunc censum non referam, minus decoras, aut alias à Regionibus quibus imperitabant, deductas appellationes, PHYSICONIS, AULETIS, LATHURI, HIERACIS, SEDETIS, ZEBENNIS, CYZICENI, quas insuper eorundem Alexandri Hæredum Nummi exhibent. Illud vero vel bene-

In Antiochico.

beneficium vel commodum adfert ampla illa Cognominum id genus supellex in Numismatibus antiquis adhuc frequens, ut confusos vulgo inter se Antiochos, aliosque barbaros Reges distinguere, aut illustres eorum appellationes, de quibus silent ferme Auctores, ex iisdem deprehendere liceat.

ΝΙΚΑΤΟΡΟΣ quidem nomen, SELEUCO in *De Cognominibus* Nummis antiquis tributum occurrit, quos ad illum *Nicatoris, Nicatoris, Nicatoris* vulgo referunt Antiquarii, à quo SELEUCIDARUM *in variis* incepit series & regnum; & quod illi à victoriis potius, *Nummis.* quam à Nictore cæso inditum refert \* Appianus. At intercedere illud videtur, quod Epiphanis cognomen- *In Syria-* tum iisdem Nummi præferant, scilicet ΒΑΣΙΛΕΥΣ \* In Syria- *cis.* ΣΕΛΕΥΚΟΥ ΕΠΙΦΑΝΟΥΣ ΝΙΚΑΤΟΡΟΣ; quale demum ab uno ex Seleuci hujus successoribus Antiochis primo usurpatum innuere videtur idem Appianus, & de quo Epiphanis nomine paullo infra. Nicatoris quidem cognomentum primus intulit SELEUCUS, Regum post Alexandrum maximus, auctore Arriano; cui mortuo Templum *Nicatorium*, tanquam *Lib. v. l. 1.* Heroi exstructum tradunt iisdem veteres. Firmat id *περὶ ἀνδρ.* præclare Strabo, qui scribit Antiocheneses, Seleucum *Lib. x. v. 1.* Nictorem ut Heroa coluisse, & in Casio monte apud Seleuciam festum ei diem egisse. Quo respexisse etiam Hesychium obiter observo, *Νικάτωρ ἦρως ὃν καὶ πρῶτος πνὴς*, ubi perperam antea *Nicanor* legebatur, errore in scriptis & editis veterum libris familiari. Nec audiendus est proinde illustris Scaliger, qui observata hac nominis varietate, *Nicanorem* tuetur auctoritate Nummorum, in quibus ΣΕΛΕΥΚΟΥ ΝΙΚΑΝΟΡΟΣ, (à *Animad. ad Euseb. p. 128.* Goltzio scilicet deceptus) Nictorem vero dialecto Macedonica dici demum existimat. Non semel, ut obiter hoc dicam, alienis oculis virum incomparabilem num-

Pag. 313.

In Gaza  
Reg. Gall.

L. v. c. 20.

In Hadria-  
no.

nummos veterēs inspexisse deprehendo, quorum alias fidei & auctoritati plurimum solet & merito quidem, tribuere. Ita ut vel unum hoc adferam, forte mihi dum hæc scriberem oblatum; nummum citat in iisdem Eusebianis, COL. JUL. AUG. PEL. BER. scilicet, *Colonia, Julia, Augusta, Pella, Berytus*; Ubi cur Pella vocetur Berytus, dicit se non magis scire, quam quare Berytus Beroë. At facile poterat prius illi dubium eximi. Nummi enim illius inscriptio, COL. JUL. AUG. FEL. BER. seu *Colonia Julia Augusta Felix Berytus*; quod jam olim notarat Plinius, *Berytus Colonia, qua Felix Julia appellatur*. Sicut rursus videas in aliis Nummis Gazæ Medicæ & Lomenianæ COL. JUL. AUG. PELLA. Ita ut inter diversas illas duas urbes, nulla fuerit proprii nominis communio, quæ ex prava nummi lectione viro magno negotium faceſſebat. A primo autem illo Nicatore, Heroum consecratorum more, urbs Syriæ *Νικατορείς* denominata, quæ rursus inter nummos Vespasiani occurrit apud Goltzium cum inscriptione ΝΙΚΑΤΟΡΙΤΩΝ; Factum vero postea, ut illud Nicatoris cognomentum, ambitiose etiam nonnulli ex Herois illius successoribus usurparint. Talis DEMETRIUS Soteris filius, cui idem nummi veteres largiuntur, ΒΑΣΙΛΕΥΣ ΔΗΜΗΤΡΙΟΥ ΘΕΟΥ ΝΙΚΑΤΟΡΟΣ, qui corrupte apud Josephum, Justinum & eundem Scaligerum in Excerptis Græcis, Nicator hætenus vocatur. Eadem vero ratione NICEPHORI nomen ANTIOCHO DEO, Alexandri Balæ, ut videtur, filio adhæsisse, docet rarior ejus nummus cum inscriptione ΒΑΣΙΛΕΥΣ ΑΝΤΙΟΧΟΥ ΘΕΟΥ ΕΠΙΦΑΝΟΥΣ ΝΙΚΗΦΟΡΟΥ, quod vix aliunde constare existimem. Exemplo scilicet Jovis Nicephori, cujus Spartianus alicubi meminit, & à quo

quo urbs dicta videtur Nicephorium circa Edeffam sita, juxta Stephanum; ni forte hunc Antiochum Nicephorum, conditorem illius loci, liceat ex eodem nummo colligere. Immo non solum Nicatores aut Nicephori, sed ΚΑΛΛΙΝΙΚΟΙ etiam dicti quidam è Seleuci posteris, Herculis nempe exemplo, cujus se traduces profitebantur, & cui *Callinici*, & *Alexiaci* cognomina inter primos tributa refert alicubi Aristides. <sup>In Hercule.</sup> Notus vero error Ammiani, qui Seleucum illum Nicatorem cum Callinico confundit, dum priorem cum Arsace fundatore Parthici imperii superatum scribit, <sup>Lib. XXIII.</sup> cui *victriarum celebritas* hoc indiderat cognomentum. Neque enim Nicator, sed Pronepos ejus Seleucus Callinicus ab Arsace devictus, ut viderunt jam ad eum locum Viri docti, & de quo occurrit itidem nummus, ΣΕΛΕΥΚΟΥ ΚΑΛΛΙΝΙΚΟΥ ΒΑΣΙΛΕΩΣ. At præter eundem Callinicum, quartum vulgo in serie Regum Syriæ, idem etiam cognomentum usurpasse video DEMETRIUM PHILOMETOREM in antiquo nummo amplissimi Camerarii nostri, cujus inscriptio ΒΑΣΙΛΕΩΣ ΔΗΜΗΤΡΙΟΥ ΦΙΛΟΜΗΤΟΡΕΥΕΡΓΕΤΟΥ ΚΑΛΛΙΝΙΚΟΥ.



Ad quem Demetrium spectet hic Nummus difficile videtur hodie statuere, quum utriusque appellationis *Philometoris* & *Callinici*, alicui è Demetriis tributum, nulla quod sciam occurrant alibi vestigia; sicut nec alias Demetrii *Philopatoris*, aut *Philadelphii*: qualia tamen cogno-

menta Ptolemæorum aut Antiochorum exemplo gestasse quoque Demetrios video in antiquis & selectis eorum nummis. Tales certe inter numismata Peireskiana observati mihi Parisiis, apud illustrem Harlæum, inscripti nempe præter Demetrium Nicatorem supra commemoratum, ΔΗΜΗΤΡΙΟΣ ΘΕΟΣ ΦΙΛΟΠΑΤΩΡ ΣΩΤΗΡ; alius ΒΑΣΙΛΕΥΣ ΔΗΜΗΤΡΙΟΥ ΦΙΛΟΜΗΤΩΡ ΕΥΕΡΓΕΤΟΥ; tertius denique, ΔΗΜΗΤΡΙΟΥ ΘΕΟΥ ΦΙΛΑΔΕΛΦΟΥ: quæ utique quantivis neque satis æstimandi pretii cimelia lubenter hic evulgamus, quæ præterita historiarum & annalium conditoribus, Regum illorum cognomen ita accurate signant. Quum autem duo in Syriæ Regum serie Demetrii vulgo ab auctoribus statuuntur; unus *Soter* dictus; alter filius ejusdem *Nicator*; quibus tertius addi potest ex Josepho & Appiano Demetrius *Eucærus* Antiochi Eusebis filius; ex superioribus nummis licet colligere, *Soterem* dictum etiam *Philopator*; *Eucærum* vero Philippi fratris exemplo, *Philadelph*i cognomen sibi quoque vindicasse: nempe juxta nummum ejusdem Philippi à Goltzio productum, & Scaligero quoque citatum in Eusebianis, ΦΙΛΙΠΠΟΥ ΕΥΕΡΓΕΤΟΥ ΦΙΛΑΔΕΛΦΟΥ. At quis fuerit Demetrius ille Philometor, qui Callinicus itidem exemplo alterius Seleuci vocatur in nummo supra expresso, & qualem vidit etiam Goltzius, parum liquere videtur. Neque enim idem cum Nicatore, qui solus illius nominis superest in serie Regum Syriæ; neque vero ad filium Antigoni Demetrium Poliorcetem, aut alterum Demetrium Mæcedonum Regem & Antigoni Gonatæ successorem referri debet; quorum alia vulgo effigies in antiquis eorundem nummis. Barbatus nempe Demetrius Nicator, ut vel apud Goltzium videas; Poliorce-

liorctes autem alio vultu, quem supra expressimus cum cornu taurino, quem alias à singulari erga parentem Antigonom pietate *φιλοπάτωρ* vocat Plutarchus. In Demetriio. Unus videtur superesse Demetrius Poliorcetæ filius, ab Arsinoë in Cyrenarum Regni possessionem missus, sed Justin. lib. xxv. c. 3. mox tanquam matris adulter à Berenice filia, cui desponsatus erat, interfectus. Ad Soterem alias Demetrium, vulgo Duodecimum in serie Seleucidarum, referendi sunt alii nummi à Phœnicibus Tyriis aut Sidoniis percussi; quales vidi in Gaza Medicea, cum inscript. ΔΗΜΗΤΡΙΟΥ ΒΑΣΙΛΕΩΣ ΣΙΔΩΝΙΩΝ, aut ΔΗΜΗΤΡΙΟΥ ΒΑΣΙΛΕΩΣ ΤΥΡΙΩΝ; pro quo postremo apud Goltzium corrupte legitur, ΤΥΡΙΩΝΟΣ, quasi *Tyrion* nempe dictus fuerit ille Demetrius. Neque vero eosdem ad peculiarem aliquem Sidonis aut Phœnicum Regem Demetrium referre debuit nobilis Gazæ illius custos. Phœnice enim, cujus Metropolis Tyrus & Sidon, pars & appendix Syriaci Regni Seleucidarum. Ad quem Soterem Demetrium referendus etiam sequens nummus.



Juxta vero antiqua illa Nicatoris aut Callinici cognomen, inde etiam sequiori ævo inter titulos Persarum Satrapæ ΝΙΚΗΤΗΣ apud Simocattam legitur. Qua Hist. lib. iv. cap. 17. ratione nempe apud Romanos jam olim, INVICTI occurrunt Cæsares dicti in antiquis aliquot nummis, ut SEVERI INVICTI AUG. P. FIL. in nummo Getæ, & INVICTUS AUGUSTUS COS. III. in

alio Alexandri Severi, apud Trifanum. unde adposi-  
te Manilius de Augusto,

Lib. I.

*Sit pater invictus patria, sit Roma sub illo.*

Certe ipsi ROMÆ adtributum INVICTÆ iidem  
quoque Nummi nonnunquam largiuntur; ut aureus  
Prisci Attali, INVICTA ROMA ÆTERNA; alius  
Alexandri Tyranni, INVICTA ROMA FELIX  
CARTAGO. Quin sicut Nicatoris cognomen  
Seleuco, ita Victoris prænomen magno Con-  
stantino usurpatum; ut rursus ex ejusdem num-  
mis liquet; in quibus VICTOR CONSTANTINUS  
MAX. & ad ejus exemplum Filius Constantius, VICTOR  
Terra Marique CONSTANTIUS inscribitur  
apud Ammianum, qui alibi JULIANUM ejus suc-  
cessorem VICTORINUM per ludibrium dictum ob-  
servat. Notæ vero ejusdem generis VICTORIÆ, NI-  
CE, CALLINICE, AGATHONICE, frequentes  
mulierum appellationes, quas tradunt antiqua mat-  
mora.

Lib. XVII.

Lib. XV.

*De Cogno-  
mine ΣΩ-  
ΤΗΡΟΣ  
in variis  
Nummis.  
Origin.  
lib. XII. c. 1.  
Lib. V I.  
περ. α' α' α'.*


ΣΩΤΗΡΟΣ vel SERVATORIS cognomen PRO-  
LEMÆO LAGI à Rhodiis primum concessum, num-  
mi ejusdem repræsentant; quod illi utpote Syriæ ever-  
sori præter fas omne tributum contendit Josephus, &  
quale aliis pluribus dein cum Lagidis, tum Seleucidis  
adhæsit. Notat vero Arrianus, eundem juxta quosdam  
SOTEREM dictum, quod vulneratum & jacentem  
apud Mallos Alexandrum objecto scuto protexerit, sed  
falso; neque enim illi pugnæ interfuisse Ptolemæum,  
ut ab ipsomet memoriæ proditum est. Id vero illi co-  
gnomen, quocunque tandem jure aut titulo delatum,  
cum BERENICE conjuge commune apud Ægyptios  
evasis; unde ΘΕΩΝ ΣΩΤΗΡΩΝ nomine post mor-  
tem ambo consecrati; ut non solum ex monumento

Adu-



Adulitano, de quo paullo infra, licet colligere, sed præterea ex Inscriptione veteri, & Porphyrii Excerptis Pag. 201. in Euseb. apud Scaligerum. Quo nempe nomine Æsculapius & Salus ΣΩΤΗΡΕΣ itidem vocantur in alia Inscriptione Thes. Grut. MLXXIII. 5. ne antiqua; aut quo elogio Patres Conscriptos Prusias Bithyniæ Rex in aditu Curiae olim salutavit, Polyb. Exc. Leg. xcvi. ΘΕΟΙΣ ΣΩΤΗΡΕΣ, sicut eodem Antigonom ac Demetrium prosequuti sunt olim Athenienses; aut denique Plutarch. in Demetr. juxta Phari inscriptionem ab Architecto Sostrato Cnidio expressam, ΘΕΟΙΣ ΣΩΤΗΡΕΙΝ. Unde etiam Heros vocatur alicubi Straboni idem Ptolemæus, Strab. xvii. & Lucian. Qu. Consc. Hist. Lib. xvii. non aliter ac Seleucus Nicator cum eidem auctori, tum Hefychio, ut modo videbamus: ad eum enim referri debet, quod tradit Geographus, Elaiticam Præfecturam dictam à fratre Ptolemæi primi, non autem ab Heroë. Heroës enim vulgo habiti primi Urbium aut Imperiorum conditores; quales ambo illi cum Seleucus, tum Ptolemæus. Hæc autem SOTERIS, de qua hic agimus, appellatio, à JOVE SOTERE desumpta, (quibus nominibus illum apud veteres cultum, satis liquet, ac testes passim obvii) inde ad Conservatores aut Benefactores Urbium vel Populorum, civium adulatione aut metu passim translata, ut præter alios docere potest Eusebins, Hist. Eccl. l. vii. c. 18. ὡς εἰς τὴν παλαιῶν ἀπαρχοφυλάκων οἷα ΣΩΤΗΡΑΣ ἐθνικῇ συνθηκῇ παρ' ἑαυτοῖς τὰν πρῶν εὐδοτῶν τ' ἔτερον; *Quippe prisca illi, absque ullo discrimine, cum-ctos de se bene meritos Gentili quadam consuetudine tanquam* SERVATORES colere hujusmodi honoribus consueverant. Inde nempe in Seleucum, Antigonom, Demetrium, Gelonem, aliosque collatum ab Atheniensibus & Syracusanis hoc nomen; ut cum ex Diodoro, Plutarcho & Athenæo constat, tum satis arguunt conjuncta vulgo apud Græcos scriptores ΕΤΕΡΓΕΤΟΥ ΚΑΙ ΣΩΤΗ-

POΣ cognomina, quæ & Samaritani Antiocho Deo tribuunt apud <sup>a</sup> Josephum, & Nilo etiam alicubi <sup>b</sup> Julianus ac <sup>c</sup> Heliodorus. Frequenter vero non vivis solum, sed mortuis & consecratis delatum hoc ΣΩΤΗΡΟΣ nomen, sicut de Antigono Tutore observat Polybius, *τοιγαρὺν ἔμεινεν ἐκείθῃ παρ' αὐτὸν τ' καὶ ἐν Εὐεργέτης, ἀλλὰ καὶ μετὰ θάνατον ΣΩΤΗΡ* *quapropter non solum eodem tempore vocatus est Euergetes, sed etiam post mortem SERVATOR.* Deorum enim apud illos hæc propria fuit appellatio, qui Ἀνακτὲς, hoc est Σωτῆρες, dicti, juxta Græcum Euripidis Interpretem, Ἀναξ κυεῖως Σωτήρ; unde Deos proprie utroque hoc nomine, homines vero κατὰ ζήτησιν vocari innuit, Ἀνακτὰς αἰς δούλους Σωτῆρας. Hinc non mirum præter JOVEM ΣΩΤΗΡΑ, paullo ante adlegatum; aut præter NEPTUNUM, quem ΣΩΤΗΡΑ dictum apud Herodotum legas, scilicet, ut de se loquitur apud Lucianum, pro virili σῶζων ὄντων πολεμίων, *servans navigantes*; aut præter CASTORES, (quos ΣΩΤΗΡΑΣ omnibus dici observat Strabo, eadem nempe qua Neptunus de causa) insuper APOLLINEM, ÆSCULAPIUM, BACCHUM, HERCULEM, tanquam benefica numina, sub eadem ΣΩΤΗΡΩΣ nomenclatione olim cultos; ut præter Pausaniam, aliamque veterum testium nubem, docent adhuc evidentius antiqui nummi. Tales vel Lapitharum in Thessalia inscripti ΑΠΟΛΛΩΝ ΣΩΤΗΡ, cujus generis unum hic è Gaza Palatina, ob nummi elegantiam celandum duximus.



Qui Nummus, ut obiter hoc dicam, egregie illustrat, id quod à priscis Grammaticis traditur, ac inter alios ab erudito Apollonii Rhodii Scholiaste, hos Lapithas dictos *ὑπὸ Λαπιθῶν καὶ Στίλβης νύμφης*, à *Lapitho Apollinis filio*, ac *Stilbe Nympha*. Hinc enim Apollo cum Stella, quæ ad Stilben adludit, illinc Apollinis Lyra. Neque aliter ab hoc Apollinis filio eisdem Lapithas deducebat Diodorus; non vero à Lapitho Periphantis filio, ut apud Stephanum ex Epaphrodito traditur. Cæterum juxta Parentem Apollinem, alter ejusdem clarior filius, SOTER itidem inscriptus in Nummis Nicæensium, *ΣΩΤΗΡ ΑΣΚΛΗΠΙΟΣ*, aut *ΣΩΤΗΡΙ ΑΣΚΛΗΠΙΩ ΝΕΙΚΑΙΕΙΣ*, in nummo Regiæ Gallorum Gazæ. Cujus Æsculapii exemplo, dicti passim Medici *Σωτῆρες*, ut præter Lucianum aliosque, apud Aristænetum de Panacio Medico, *Σωτῆρα τὸν ἄνδρα προσεῖπον*, *Servatorem virum vocantes*; & quos proinde titulos *Medici* & *Soteris* conjungentes videas Chosroëm Persarum Regem in Epistola ad Mauritium Imperatorem, *ἀναγορεύωναι πύμας κλίσας καὶ ΣΩΤΗΡΑΣ καὶ ΙΑΤΡΟΥΣ* *τὸ Περγῶν πολιτείας*; *renuntiari vos Conditores, & SERVATORES, & MEDICOS Persarum Reipublicæ*. Præter ÆSCULAPIUM vero aut ejus adscelas, *ΣΩΤΗΡΕΣ* itidem BACCHUS & HERCULES; ille in nummis Maronitarum, *ΔΙΟΝΥΣΟΥ ΣΩΤΗΡΟΣ ΜΑΡΩΝΙΤΩΝ*, iste autem in nummis Thasiorum, *ΗΡΑΚΛΕΩΣ ΣΩΤΗΡΟΣ* quomodo & hic Heros in aliis adhuc nummis, puta Stympthaliorum Arcadum inscribitur. Quam appellationem eidem Herculi, non ut belluas conficienti, sed ut Tyrannorum everfiori, eximie alicubi vindicat aurea Dionis facundia; quæ ob similia beneficia generi humano præstita, *SERVATOREM* cum jure dictum commemorat. Unde factum,

Ad lib. 1.  
Argon.  
v. 42.

Lib. 17.

Lib. 1. E.  
pist. xlii.

Hist. Theo-  
phili Si-  
moc. pag.  
185. edit.  
Reg.

Orat. 17.

In Orat.  
Funebr.

Orat. de  
Corona.

In Verrem.  
11.

In Flac-  
cum.  
Thes. Grut.  
c v. 9.

Plut. in De-  
metr.  
De legat. ad  
Caium.

Excerpt.  
Legat. edit.  
Reg. p. 183.

Orat. 111.

ctum, ut ejus exemplo Athenienses eadem appellatione fuerint insigniti, auctore Demosthene, καὶ μὴ καὶ τῇ Ἡρακλέους παίδων ὡς τῆς ἄλλης ἴσωσι ΣΩΤΗΡΕΣ ὠνομάσθων, quin etiam inter Hercules Liberos, qui alios servavit, SERVATORES dicti sunt. Quem titulum iisdem Atheniensibus in Panegyrico vindicat Isocrates. In Thebanis autem eundem suggillat Græcus Orator, qui Philippum Macedonem, gravem saluti Græcorum Regem, eodem SERVATORIS titulo cohonestabant. Quo nomine quoque Tullius Verrem exagitat, eodem titulo à Siculis decoratum. *Itaque cum non solum Patronum istius Insula, sed etiam SOTERA inscriptum vidi: Syracusis heu quantum est! ita magnum, ut Latino uno verbo exprimi non possit. Is est enim SOTER, qui salutem dedit; & quæ ibi plura rationem hujus nominis illustrant. Græcorum enim more, ad Romanos quoque vel Præsides vel Augustos transiit usus illius appellationis, quam Augusto etiam tribuit Philo, ὁ ΣΩΤΗΡ καὶ εὐεργέτης Σεβαστός & firmat vetus Inscriptio, ἱερεὺς θεᾶς Ρώμης καὶ Σεβαστῆ ΣΩΤΗΡΟΣ, Sacerdotis Deæ Romæ & Augusti SERVATORIS, ad exemplar nempe Sacerdotis annui ΣΩΤΗΡΩΝ Antigoni & Demetrii ab Atheniensibus, ut Plutarchus refert, instituti. Sic alibi rursus de CAIO idem Philo, ὁ ΣΩΤΗΡ καὶ εὐεργέτης εἶναι νομιθείς. Hinc eandem quoque Athenienses decernunt HADRIANO, in præclaro Nummo inscripto, ΟΛΤΜΠΙΟΝ ΣΩΤΗΡΑΤΟΝ ΕΥΕΡΓΕΤΗΝ. Ita sequutis temporibus Rex Regum Chosroës, sed auxilii indigus, litteris ad Mauritium Imperatorem scriptis, eum ΣΩΤΗΡΟΣ nomine cum epithetis aliis compellat; sicut Romanos in genere, ut paullo ante vidimus, ΣΩΤΗΡΑΣ vocare non crubescit. Julianus vero Cæsar, Eusebiam Augustam, conjugem Constan-*

tii,

tii, ΣΩΤΕΙΡΑΝ etiam vocat. Mulieribus enim nonnunquam tributum hoc nomen, exemplo BERENICES supra indicatæ, aut alterius ex eadem Lagidarum stirpe, non SOSPITÆ, sed *Ægypti feralis Erynnis* CLEOPATRÆ, cui tamen ΣΩΤΗΡΟΣ cognomen nummi etiam largiuntur. Ita enim legam potius vel ΣΩΤΕΙΡΑΣ, quam cum Tristano ΣΩΤΗΡΑΣ. Σωτήρ enim & Σώτῃρα ex æquo Græcis *servatrix* in casu recto, non autem Σωτήρα. Hinc Venus Σωτήρ in Inscriptione veteri, Ἀφροδίτῃ θεᾷ παναγιάδῃ καὶ ΣΩΤΗΡΙ. Thef. Grut. LIX. I. Quod autem antea recte conjeceram, evicit postea idem Cleopatrarum nummus mihi inspectus inter alios Regiæ Gazæ Parisiensis, inscriptus ΘΕΑΝΩΤΗΡΑ; pro qua priori voce male ΟΩΑΝ legerat idem Tristanus. Neque dissimilis error viri incomparabilis in Eusebianis novissimæ revisionis, ubi fide similis Nummi hanc Cleopatram Ægyptiace *Θεωσανώτῃρα* cognominatam tradit. Alias idem ΣΩΤΕΙΡΑΣ cognomen occurrit adhuc hodie in præclaris aliquot Nummis: quo scilicet præter Minervam apud Athenienses, DIANA Syracusis, CERES Apamæ, PROSERPINA Cyzici colebantur; ut ostendunt selecta illorum locorum numismata, vel ΣΩΤΕΙΡΑ tantum inscripta cum Dearum illarum effigie, vel ΚΟΡΗ ΩΤΕΙΡΑ, ut in sequenti nummo Cyzicenorum.

In addend.  
ad Græc.  
Euseb. pag.  
430.

In Gaza  
Christinæ  
Augustæ.



Ccc

Quæ

Quæ illustrent utique lapides antiqui, in quibus aut eidem Proserpinæ, SANCTÆ, SERVATRICI; aut alias FORTUNIS, SALUTARIBUS, inscripta elogia: exemplo nempe APOLLINIS SALUTARIS, ut vocatur iste in nummis Volussiani. Quod Σωτήρης attributum, cum FORTUNÆ etiam tribuit Pindarus, Σώτηρα Τύχη; tum alicubi THEMIDI; alibi etiam MEDEÆ, tanquam navis Argo servatrici. Ut jam illud præteream, inde Soteria vel Σωτήρεια, dictos olim ludos in Deorum honorem celebratos; ut liquet rursus ex præclaro nummo Ancyranorum, percussio temporibus Caracallæ, ΑΣΚΗΓΕΙΑ ΣΩΤΗΡΕΙΑ ΙΣΘ. ΠΥΘΙΑ ΑΝΚΥΡΑ. Mitto vero hic notos ex libris juris civilis, loci vel locorum servatores in celebrioribus oppidis constitutos, qui saluti civium eorumque commodis consulerent: seu ut Porphyrius alicubi loquitur, ὁ σωτηρίας τῶν πόλεων περιεσώτης. Unde insuper satis liquet, quam meliori titulo ac jure non unius Urbis aut Populi, sed universi generis humani liberatorem antiqua Hellenistarum pietas SOTEREM salutavit.

Od. Olymp. xii.  
viii. xii.

In Museo  
Cl. Seguni.

Lib. iv. de  
Abstin.

De Cognomine  
ΕΠΙΦΑΝΙΣ  
in variis  
Nummis.

De Incredul.

Lib. i. ii.

ΕΠΙΦΑΝΟΥΣ familiare in iisdem Numismatibus nomen occurrit, quo præsentis in Mysteriis Deos, Gentiles olim prosequabantur. Unde etiam Epiphaniæ frequentes & salutare eorum adparitiones dictæ; ut eruditis notum. Hinc Lucianus agens de Hephæstione ab Alexandro consecrato, somnia ejusdem, Epiphantias quasdam, aliaque ejusdem vaticinia ab adulatoribus refert jactata, quo juvenili Alexandri cupiditati indulgerent. Ita ut eundem Heroibus illis vel Divis continuo adscriberent, de quibus in genere ait Polybius, πικρὴν Ἡρώας τὴν καὶ θεὸς ἐπιφανομένους. Inde autem ad Reges Alexandri successores, tanquam manifestos



& conspicuos quosdam in terris Deos, Hephæstione certe haud inferiores, & tum magis visibiles, translata eadem appellatio; ut præ aliis nummus ANΤΙΟΧΙ clare exprimit, cum utroque titulo ΘΕΟΤΕΠΙΦΑΝΟΥΣ. Quod ipsum firmat egregie Appianus, qui In Syriacis. Antiochum narrat Epiphane dictum, quod expulsus à patrio regno tyrannis, quasi patrius & domesticus Rex illis adparuisset, βασιλεὺς οἰκείῳ ὠφθη. Qua ratione certe apud Libanium dicuntur Cæsares Constan- In Basilico. tius & Constans, suis Provinciis ἀντὶ πατέρων φανέντες, aut apud Claudianum,

— venerabilis illi,

De Bello  
Gildon.

Ceu Numen PRÆSENSQUE vocor.

Epiphaniæ enim illæ Gentilium, quod observo, & hic ad rem facit, maxime de patriis ac domesticis Diis & eorum manifestatione vel præsentia (ut Tullius illam vocat) sumebantur; ut præter alios, auctor mihi Dio Chrysostomus, qui tradit vulgo credi conditores He- Orat. roas ac Deos, ut maxime eos decet, adire frequenter <sup>xxxiii.</sup> suas civitates, & maxime festis ac solemnibus diebus, aliis autem non conspicuos. Neque vero inanes habitæ ejusmodi Epiphaniæ, sed qualis hujus Antiochi apud Syros suos præsentia, efficaces & salutari quodam auxilio præditæ; quæ nempe aut ægris salutem, aut afflictis solatium, aut laborantibus præsidium portendere consueverant. Hinc (ut tria hæc beneficia paucis complectar) Isis culta apud Ægyptios ob ægrorum in adparationibus curam, teste Diodoro, ἀλλὰ τὸ ἐν θρησκείᾳ ἐπιφάνειαν; & Philippo Medico ob sanatum Alexandrum <sup>Lib. i.</sup> grates habebant veluti præsentī Deo, auctore Curtio. Hinc rur- <sup>Lib. v.</sup> sus tradit Eunapius, Antistitem à Juliano Cæsare missum in Græciam calamitatibus afflictam, κατὰ πρῶτον θεοῖσιν ἀποπέμψων φανέντα. Diodorus vero celebriorem re- In Maxi-  
mo.



Lib. v.

Lib. III.

II. C. I. V. 2.

II. C. XII.

V. 22.

In Thalia.

In Proxeno.  
Lib. I. C. 3.

Lib. XII.

fert Deorum Samothraciæ Epiphaniam, ob admiranda quæ præstabat in periculis auxilia; & Polybius, consternatis Pœnis Heroëm quendam *Ἐπιφάνεια*, viam iis docet per Alpes indicasse. Ut vel inde satis liqueat, cur eodem sensu quo *Ἐπιφάνεια*, ita *παρασία* quoque non solum pro *præsentia* Numinis, sed pro *efficacia* quoque usurpetur in Epistola Divi Petri; aut cur apud Macabæorum scriptores, non semel *Ἐπιφάνεια* præclarum Dei factum notet, ut jam vidit ὁ πάνυ Grotius. Unde perspicuum etiam, cur tot gaudiis & acclamationibus prosequerentur Gentiles hanc domesticorum suorum Numinum apparitionem, ut Syri ad conspectum hujus DEI EPIPHANIS ANTIOCHI; aut Memphitæ apud Herodotum, qui ad Dei sæpe apud suos manifesti præsentiam, Ægyptios refert ingenti gaudio delibutos festos etiam dies agere. Præsentiam enim illam, non votis solum sed sacrificiis etiam, & vario mysteriorum apparatu consueverant elicere, quo respexit Euphronius, καὶ προσεῖχεν ὡπερ ἀντικλήτω ἢ ἀνδρὶ πνῆες παραγµαλείας φανέντι θεῷ, & adhesit tanquam sponte vocato, & citra prævias quasdam sollicitationes præsentī Deo. Ubi nempe eam adparitionem intelligit, quæ sponte à Deo concessa, citra operosiores adparatum, quo solebat eadem provocari. Sacra enim Instituta à Gentilibus ad impetrandas vel celebrandas illas domesticorum Numinum adparitiones, cum aliunde, ut tentatis Tullo sacrificiis apud Livium, tum ex Athenæo licet colligere; qui refert Demetrium Phalereum, fratre Himeræo ab Antipatro trucidato, illius Epiphania celebrasse, ὡς πρὸς Ἐπιφάνια τὰ ἀδελφεῖς ἦσαν. Quæ sacrificia scilicet ad indicandam fratris EPIPHANIAM & quasi in Deos relati præsentiam seu manifestationem instituebat Demetrius: haud aliter ac illo Epiphaniæ argumento, consecra-

secrationem Hephæstionis mentiebantur, amici Alexandri. Ut videas, mi OCTAVI, non hodie primum, vel veris vel fictis adparationibus, fidem divinitatis quæsitam, ac suum Divis cultum ea hominum opinione invaluisse. Eadem vero sacra ΘΕΩΦΑΝΙΑ etiam dicta, ex Philostrato observo; ubi Lacones interrogati, an ob præsentiam Apollinis Tyanei Theopha<sup>n</sup>ia agitant, εἰ καὶ Θεοφάνια ἐπ' αὐτῷ αἴξουσιν. Unde Lib. I v. cap. 10. paret Εἰς Θεοφάνιας & Θεοφάνιας voces de ipsa adparitione; Εἰς Θεοφάνια vero seu Θεοφάνια usurpata pro festis in eorum memoriam aut desiderium agitari solitis: quod discrimen etiam scriptoribus aliquot Ecclesiasticis observatum videas, quibus alias τὰ Θεοφάνια aliquando etiam Θεοφάνεια non jam de Christi vel Magorum adparitione, sed de Christi Baptismo frequenter usurpantur; ut præter Chrysostomum aliosque, liquet ex Balsamone in Bibliotheca Juris Canonici: quo sensu etiam dies Baptismi Εἰς Θεοφάνιας ἡμέρας vocatur in Constitutionibus Apostolorum. At vero hujus ANTIΟCCHI exemplo, qui hoc nomen DEI EPIPHANIS in Nummis adhuc præfert, idem quoque legimus Caium Cæsarem ambivisse. In Eusebii certe Chronico ex versione Hieronymi, dicitur Caius Petronio Præfecto Syriæ præcepisse, sibi statuum poni Hierosolymis, sub nomine JOVIS OPTIMI MAXIMI. Hæc autem postrema in Eusebianis Græcis Scaligeri exprimuntur, ΔΙΟΣ ΕΠΙΦΑΝΟΥΣ, hoc est juxta eundem Scaligerum, Jovis Illustris; pro vulgata scilicet cognominis hujus Epiphanis apud Interpretes significatione. Ita tamen ut hujus appellationis dignitatem aut vim vocis non videatur mihi adsequutus; qua meo judicio instar JOVIS PRÆSENTIS & manifesti, absens etiam Caius à Judæis suspici Hierosolymis ac adorari impie

Genethl.  
Maximia-  
ni.

voluit. Geminio nempe instituto, quo eosdem Jovis titulos & honores ambiens Diocletianus, *conspicuis & PRÆSENS JUPPITER cominus invocari voluit*; aut quo passim Cæsares *præsentes Dii* seu Epiphanes, apud Poëtas ac Oratores invocantur, immo Diis etiam manifestiores; sicuti de Augusto loquitur Ovidius,

*Ut mihi Dii faveant, quibus est manifestior ipsis.*

In Præfat.

& Valerius Maximus, qui ejus rei causam adfert; *quod cetera divinitas opinione colligitur, tua PRÆSENTI fide, paterno avitoque sideri par videtur.* Familiare vero id præ aliis Caio, ut absens etiam præsentis Dei instar coli vellet; unde sicut in Templo Hierosolymitano id fieri jussit Romæ constitutus, ita ejusdem Roma absentis sellam in Urbis Templo positam Patres adorasse, & argentum, ex more introducto sub Augusto, quasi præsentis obtulisse auctor est Dio. Tangit alias &

Lib. LIX.

De Legat.  
ad Caicum.

commemorat pluribus hanc Caii vefaniam Philo, qui eandem refert Inscriptionem statuae, quam volebat sibi Hierosolymis dedicari, sub titulo nempe ΔΙΟΣ ΕΠΙΦΑΝΟΥΣ ΝΕΟΥ ΓΑΛΙΟΥ. quæ felicitas revera paullo ante eidem, sed ingratae Urbi contigerat, in conspectu unici & veri vel ΔΙΟΣ vel ΘΕΟΥ ΕΠΙΦΑΝΟΥΣ. Neque vero ideo, quod inter ἀοράτους seu in-

Plutarch.  
Quæst.  
Rom.

visibiles Deos primum locum Jovi adscripserit Theologia Gentilium, minus hoc illi ΕΠΙΦΑΝΟΥΣ seu PRÆSENTIS cognomen ex ejusdem placitis convenire quisquam existimet. De his enim alioqui non conspicuis Diis, nec *φανομένους* instar Solis & Lunæ, Epiphaniæ illæ Gentilibus proprie dicebantur; tanquam de singularis cujusdam & aliis inconcessi beneficii prærogativa, ut supra ex Dione Prusæo vidimus. Hinc frequens etiam Deorum PRÆSENTIUM aut etiam PRÆSENTISSIMORUM mentio in Inscriptionibus

bus antiquis, seu quod eodem redit, ΘΕΩΝ ΕΠΙΦΑΝΕΣ ΤΑΤΩΝ; quod & Constantino tribuit Orator Anonymus, *quando illum dabitis diem, quo PRÆSENTISSIMUS hic DEUS omni pace composita*. Tales nempe Dei Epiphanes præcipue à Germanis nostris olim culti; quos tradit Cæsar, Deorum numero eos solum ducere, QUOS CERNUNT, & *quorum opibus aperte* Comment. lib. v. 1. *juvantur*, Solem puta, Vulcanum, Lunam. Ex his autem facile adsequimur, cur eam vocem Epiphaniæ, non ad fictam aut inanem, sed ad veram vel ΘΕΟΦΑΝΕΙΑΝ vel salutaris syderis adparitionem, primis Christianæ Reipublicæ Triumviris manifestati, Societas Christiana jam olim traduxerit. Ad hanc vero ΘΕΟΥ ΕΠΙΦΑΝΟΣ appellationem, Antiocho in ejusdem Nummis, aliisque dein tributam, respexisse patet Chosroëm Persarum Regem apud Simocattam, Lib. 1 v. qui inter inanes titulos, ambitiosum quoque illum præfert, *inter homines Deos*, ΘΕΟΣ ΕΠΙΦΑΝΕΣΤΑΤΟΣ. A primo vero Antiocho Epiphane dicta videtur urbs Epiphania, ex qua oriundus Euagrius, & de qua præter Geographos adeundus Josephus. Quod vero non Antiq. lib. 1. cap. 7. prætereundum hoc loco, familiare illud ΕΠΙΦΑΝΟΣ cognomen, non LAGIDIS solum & SELEUCIDIS, hoc est notis Alexandri Hæredibus evasit; sed ad NICOMEDES Bithynios, TIGRANES Armenios, & Parthorum ARSACES ac VOLOGESES transit: quod vix aliunde, quam ex residuis eorum Numismatibus nobis liquet. Donec posteriori ævo, non ΕΠΙΦΑΝΕΣ solum, sed ΕΠΙΦΑΝΕΣΤΑΤΟΙ dicti horum successores Persarum Reges, ut modo vidimus; quando scilicet ΕΠΙΦΑΝΕΣ dicti eorum Præfecti, ut vel arguit una inscriptio litterarum Varami Satrapæ, apud Theophylactum Simocattam.

H. A. lib. iv.

KE- cap. 7.

De Cogno-  
mine KE-  
PATNOT  
Et de Ful-  
mine in va-  
riis Num-  
mis.  
In Atticis.

Ad Iliad. A.  
pag. 862.

Saturnal.  
lib. 1. cap. 6.

In Imagi-  
nib.

Lib. xv 1.  
cap. 5.

KEPATNOT seu FULMINIS cognomentum,  
PTOLEMÆUM Soteris filium majorem, & fratrem  
Philadelphigestasse, præter Auctores, Nummus ejus-  
dem docet, ΠΤΟΛΕΜΑΙΟΥ ΚΕΠΑΤΝΟΥ. A cele-  
britate vero seu vi ignea fulminis, nomen hoc illi ad-  
hæsisse tradit Pausanias; Memnon autem apud Pho-  
tium, ab importunitate morum seu vācordia. Sicut a-  
lias apud Eustathium lego, *Κεραυνόν* quendam à voraci-  
tate dictum, quod impetuosè in mensas irruens, eas-  
dem plane consumeret; quemadmodum alio iterum  
sensu, sed in sequiorem itidem partem, Alexander  
Annæo nostro alicubi dicitur, *Terrarum fatale malum*  
FULMENQUE. Unde mirum videri posset, hoc con-  
tumeliæ, juxta Memnonem, vocabulum, non à malevo-  
lis solum, aut joco militari, huic Ptolemæo tribui, sed  
etiam in nummis ejusdem signari. Quod Caios & An-  
toninos Bassianos in Caligulæ aut Caracallæ nomini-  
bus haud videmus usurpasse. Quamquam enim A-  
ULETIS, PHYSCONIS, & HIERACIS minus decoræ  
appellationes in Ptolemæorum numismatibus etiam-  
num obviæ firmare Memnonis sententiam possent;  
quod frequenter nempe, *nec honor nec injuria, sed casus*  
*fecit hac nomina*, ut Macrobius docet in Asinæ & Scro-  
fæ cognominibus contigisse, quæ nobilissimis apud  
Romanos viris adhæserunt; aliunde tamen potius, &  
à Jovis FULMINATORIS epithetis, juxta *Soteris*  
aliaque cognomina inde petita, lubet istud quoque  
CERAUNI derivare: quod firmat etiam Lucianus,  
qui Ægyptios præ gentibus aliis Deorum cognomini-  
bus usos docet. Id vero illustrat eximius Justinus  
de Cleárcho Heracleæ Tyranno, qui Jovis filius credi  
voluit; *filium quoque suum CERAUNON vocat, ut Deos*  
*non mendacio tantum, verum etiam nominibus illudat.* Ita  
eodem

eodem nomine insignitus occurrit unus è Seleucidarum genere, Callinici nempe nepos & Magni Antiochi frater, quem CERAUNON etiam dictum observat in Chronico Eusebius. Propiorem vero hujus nominis rationem liceat mihi ex Appiano eruere, qui Seleucum Nicatorum in condenda Seleucia ad mare, sequutum refert augurium fulminis, & ideo Fulmen in eadem urbe haud aliter ac instar Numinis consecratum, καὶ θρησκύεισι καὶ ὑμνεῖσι καὶ νοῦ ΚΕΡΑΥΝΟΝ, *In Syriacis, colunt ac celebrant etiamnum FULMEN.* Ex quo lucem fœneratur Hefychius, qui Jovem sub CERAUNII nomine Seleuciae cultum observat, ΚΕΡΑΥΝΙΟΣ ἑμβροῦλος καὶ Ζῆς ἐν Σελδκία. Hæc autem mire illustrent, cum antiquus Seleucensium Nummus, cum Seleuci conditoris effigie & Fulmine alato in aversa nummi parte, ac epigraphæ ΣΕΛΕΥΚΕΩΝ.



Tum duo insuper sequentes Nummi, uterque cum Fulmine mensæ imposito, & prior quidem sub Pio Cæsare percussus, cum inscript. ZEYC ΚΕΡΑΥΝΙΟΣ; alter itidem cum ipso nomine Seleucensium, CELEYKEΩΝ: quos vere Regia Gazæ Christinae Augustæ nobis suppeditavit.





Ceraunius nempe Juppiter Seleucensibus haud aliter ac FULMINANTIS, FULGERATORIS, TONANTIS denique nominibus Romanis cultus; sicut præter Inscriptiones antiquas & unam quidem JOVI SANCTO BRONTONTI, firmant etiam obvii & frèquentes Nummi cum epigraphe JOVI TONANTI, aut sequens JOVI FULGERATORI inter aures Diocletiani obvius.



Hinc & nota Jovis Ales Fulmen passim tenens in aliis Nummis, juxta Manilium,

Lib. i.

*Assueti volitans gestat seu fulmina mundi*

*Digna Jove & caelo, quod sacris instruit armis.*

& idem Fulmen Providentiæ Deorum in iisdem symbolum: sicuti clare liquet ex nummis, quibus Fulmen insculptum, cum inscript. PROVIDENTIÆ DEORUM. Neque vero JOVEM solum CERAUNION, sed MINERVAM quoque Fulmine armatam exhibent nobis antiqua numismata; quale supra expressum ANTIGONI Tutoris, in cujus averfa parte Pallas depicta fulmen vibrans, scilicet juxta Poëtam,

*Ipsa Jovis rapidum jaculata è nubibus ignem.*

Quo referri etiam debent alii nummi, in quibus Noëtua Fulmen unguibus tenet; idem utique huic Dææ, quod Jovi Aquila ministerium præstans. Nempe juxta Etruscorum libros, certa Numina præter Jovem possidentia fulminum jactus; inter quæ potissimum Minerva, ut ex iisdem & Varrone pluribus docet Servius.

Ad lib. ii.  
Æneid.

Quo respexisse etiam videtur præclarus Nummus & è maxi-



maximorum quidem genere, qui occurrit in Gaza Cardinalis Buoncompagni, sub Severo percussus, in quo spectare licet Vulcanum Jovi fulgura temperantem, ante autem stantem Minervam. His vero Numinibus, Manubias seu Fulminum jactus possidentibus, adscribendus etiam HERCULES; cujus ut alia mittam exemplum, fulminantis figura occurrit in nummo Bruttiorum. Ut non mirum sit ejus *ἀνέμοιο* ac æmulatorem Alexandrum, Fulmen manu tenentem olim ab Apelle depictum: quamquàm eo nomine à Lysippo reprehensum, ut alicubi Plutarchus refert. Horum itaque Numinum exemplo, non Ptolemæi solum & Seleuci dicti Græcis CERAUNI, sed Romanorum etiam Cæsares, TONANTES & FULMINANTES, ut de Augusto Virgilius,

In Gaza  
Medicea.  
Plin. lib.  
xxxv. c. 10.  
Lib. de Isth.  
de.

—— *Cæsar dum magnus ad altum*

*Fulminat Euphratem bello.*

alibi autem de eodem Naso,

*Et jacit invita fulmina rara manu.*

aut de Jove ac Domitiano Martialis,

*Adspice Tarpeium Pallantiniunque Tonantem;*

sicut tonare etiam ROMA apud Claudianum,

*Seu Cælum seu Roma tonat.*

Hinc Fulmine etiam nonnunquam armati CÆSARES in selectis eorum Nummis, tanquam Joves Latii; qualis AUGUSTUS cum Corona radiata Fulmine & Stella, ac inscr. DIVUS AUGUSTUS PATER, in aversa vero parte, Castrum, & inscript. AUGUSTA EMERITA. Ita inter ejusdem Augusti Nummos à Nerva restitutos, unum videas cum Fulmine ac inscriptione DIVUS AUGUSTUS. Sic iterum in Gaza Medicea, TRAJANUS visitur dextra Fulmen, sinistra hastam puram tenens, retro Victoria coronam capiti ejus imponens,

In Gaza  
Medicea.

In Gaza  
Christinae  
Augustæ.

ponens, cum solita epigraphe, S. P. Q. R. OPTIMO PRINCIP. Cui geminum eadem suppeditat inter nummos Hadriani, in qua figura dextra Fulmen, sinistra hastam tenet, cum inscriptione DIVUS TRAJANUS AUG. PARTH. PATER. Qua ratione nempe Fulmen in dextra Julii Cæsaris collocat antiquum Epigramma,

Antholog.  
lib. v. c. 1.  
Epig. 16.

Δεξιτερῇ δὲ Κερωνὲν ἀγρίλλειο χεὶρ ἀκμήζων,

οἷα Ζῶς νέεσθαι ἀλλ' ἐν Αὐσονίοισιν ἀκμάων.

*Dextra vero Fulmen ornabat manu ferens,*

*Ut Jupiter novus alius in Ausoniis audiens.*

Ut mittam quod de Caio refert Tranquillus, quod plerumque aurea barba Fulmen tenens sit conspectus. Ex his vero possunt etiam illustrari frequentes in aliis LAGIDARUM & SELEUCIDARUM Nummis Aquilæ Fulmini insistentes, & duæ nonnunquam cum expansis alis & Fulmine, ut in quodam PTOLEMÆI numismate; ut nihil de ALEXANDRI EPIROTÆ, PYRRHI, AGATHOCLIS, HIERONYMI, aliorumque id genus Regum aut Tyrannorum Nummis dicam, cum signato in iis Fulmine, tanquam manifesto Providentiæ ac Imperii symbolo. Quo spectant etiam cum aureus Nummus ANTONINI PII, in Cimeliarchio illustrissimi Colberti nobis inspectus; in quo figura sedens spectatur cum Fulmine & hasta, inscript. autem IMPERATORI; tum alii sub Caracalla aut Maximiano signati, in quibus non jam Aquila aut Noctua, sed Leo radiatus Fulmen ore gestat. Aliud vero statuendum de Alcibiadis symbolo, quem in Clypeo nullum aliud insigne gentilitium expressum gestasse refert Plutarchus, præter Amorem

In Alcibiade.

\* ΚΕΡΑΤΝΟΦΟΡΟΝ.

De Cognomine Dio-

At vero Deorum Cognominibus non solum, sed Nominibus etiam occurrunt nonnunquam insigniti; ut

ut DIONYSI seu Liberi Patris adsumpto vero nomine ANTIOCHUS unus è Grypi filiis, ANTIO- NYSI in  
variis  
Nummis.  
ΧΟΥ ΕΠΙΦΑΝΟΥΣ ΔΙΟΝΥΣΟΥ, de quo Josephus

aliique possunt consuli, & cujus Nummum in superioribus adduximus cum Elephante *λυχνόφωρον*. Adnotavit id jam olim Lucianus, qui Deorum appellationes observat ab hominibus petitas; cujus rei exemplo sint Pro Imagi-  
nibus.

DIONYSI, Hephæstiones, Zenones, Posidonii; quæ nec in nominum solum sed cognominum etiam vicem, ut hoc loco, transiere. Ita & THEMISO HERCULES apud Athenæum, & MENEKRATES JUPITER apud Ælianum, & NICAGORAS MERCURIUS apud Clementem, peculiari loco, ubi Reges & privatos etiam Deorum nominibus olim appellatos docet; quod & observat etiam alicubi Servius: In Protre-  
ptico.

*Antiqui Reges nomina sibi plerumque vindicabant Deorum, &c.* Immo quo honore prostibula etiam sua & publicarum libidinum victimas decorarunt Græci, ut de PHILE & LAMIA VENERE ex Athenæo eruditis Ad Æneidos v. 11.  
Lib. v. 1. &  
xiii.

notum. Nec mirum sacris vulgaris hujus Dææ assidue operatas, ab eadem nominis decus reportasse; quum à Deo scilicet, à quo honorem adepti, nomina jam olim mutuatos veteres, ex Plutarcho noverim; unde alium Athenæum, alium Apollonium, alium etiam De Oracul.  
defectu.

DIONYSIUM dictum observat: qui locus mire hæc & superiora simul illustrat. Transiere vero illius infantiæ exempla ad Romanos; unde in antiquis monumentis, ac Nummis vel imprimis, obviæ inscriptiones, ROMULO AUGUSTO, HADRIANO HERCULI COMMODIANO, JOVIO GALERIO; sicut aliunde JOVIUM DIOCLETIANUM, & MAXIMIANUM HERCULEUM dictos accepimus. Eadem nempe ratione SILVIUS ÆNEAS jam olim

dictus apud Poëtam, unus ex divi Æneæ posteris,  
 ——— & qui te nomine reddet

## SILVIUS ÆNEAS.

Ita referri huc etiam debent frequentes in iisdem nummis vel JUNO, vel CERES, vel VENUS AUGUSTA, cum Dearum nempe habitu & Augustarum effigie; ut præterea ex obviis earundem statuis licet hic passim observare. Ut mittam frequentia in lapidibus veterum petita à Diis Deabusque *Mercurii, Saturni, Phæbi, Dianæ, Palladis*, aliaque id genus nomina; aut Cypriæ cujusdam Reginæ, quam Ἀρτώ seu *Latonam* dictam commemorat Lucianus. Unde equidem liquet, incautius aliqui adseruisse τὸ πένυ Salmasium, apud Græcos pauca, immo nulla nomina extare, quæ sola solidaque Dei aut Deæ appellatione censerentur: nullos enim dictos *Apolines, Junones, Veneres, Tychen* seu Fortunam, sed immutatis nominibus, *Apollodoros, Herodoros, Aphrodisia, Euty-chios*, &c. quæ certe cum loco supra indicato sui sæculi eruditissimus Clemens, cum copiosa monumentorum veterum supellex nimium refellunt, dum eadem ipsa ac solida Deorum Dearumve nomina, ut modo etiam audivimus, viris mulieribusque frequenter tribuunt. Immo sicut hominibus Deorum, ita Diis quoque ac Deabus indita virorum ac mulierum cognomina, ut *Jovis Agamemnonis Spartæ, & Stratonicedis Veneris*, ab uxore Antiochi Soteris apud Tacitum, & in Marmoribus Arundellianis. Sic apud Leucadem, Actium, aliisque in locis, frequentata Tempia ΑΦΡΟΔΙΤΗΣ ΑΙΝΕΙΑΔΟΣ, juxta Dionysium Halicarnassensem. Ita Romæ *Jovis Augusti, Apollinis Augusti*, & similium non obscura appellatio in antiquis elogiis. Ipsum vero *Dionysi* cognomen, præter adlegatum ex Nummis *Antio-*  
 CHUM,

In Imagin.

Ep. ad Menag. de Herod. Infant.

Lib. 1.

CHUM, novissimum, juxta Josephum, genus à Seleuco ducentium, unum quoque è PTOLEMÆIS gestasse, ex Eusebio aliisque liquet; sed qui minus recte in Chronico Eusebiano, & vulgo apud Chronologos DIONYSIUS pro DIONYSUS vocatur. Verum ejus nomen, ut alterius Antiochi de quo egimus, ΔΙΟΝΥΣΟΣ; sicuti in Porphyrii fragmentis, aliisque Græcis Excerptis apud eundem Scaligerum vocatur: quam-  
In Euseb. P. 61.  
 quam in nonnullis etiam, sed minus accuratis & graviorum errorum plenis, ΔΙΟΝΥΣΙΟΣ dicitur. Ejusdem quoque mentionem reperio apud Lucianum, καὶ Non temer. cred. Calumn.  
 ὡς πτολεμαῖον τῷ Διονύσει Πικλημένῃ, & apud PTOLEMÆUM cognomento DIONYSUM, ac sub eodem adductum olim in extremum capitis periculum Demetrium Platonium, ob neglecta Bacchantium solemnia; ut vel inde colligas, quam bene nominis illius mensuram implevit hic Dionysus. Ejusdem etiam meminit Clemens Alexandrinus, sed cujus lo-  
In Protreptico.  
 cus in mendo cubat; ΠΤΟΛΕΜΑΙΟΣ δὲ ὁ τέταρτος ΔΙΟΝΥΣΟΣ καλεῖται, καὶ Μιθριδάτης ὁ Ποντικός Διόνυσος καλεῖται. PTOLEMÆUS autem quartus, vocabatur DIONYSUS, & Mithridates Ponticus ipse quoque Dionysus. Quid audio, Ptolemæum Quartum dictum Dionysum, qui Eusebio in Chronico ac Porphyrio in fragmentis Undecimus, & in alia Græca Scaligeri collectione Duode-  
Pag. 373  
 cimus, hinc vulgo penultimus Lagidarum statuitur; quibusdam etiam recentioribus, etsi minus recte, postremus, Cleopatrarum nempe Cæsaris & Antonii Frater, (quod & adserunt Græca quædam Scaligeri Excerpta, sed inerudita) cujus Parens revera citatis paullo ante  
In Euseb. P. 61.  
 auctoribus traditur. Neque vero alius Dionysus occurrit in serie Lagidarum, & quartus Ptolemæus vulgo Philopator, cujus frequens apud Veteres mentio, & quem

Lib. vii.  
cap. 56.

quem alias *Gallum* etiam dictum & *Tryphonem* apud Plinium legas & Etymologici Auctorem, nusquam vero, quod sciam, Dionysum. Vel itaque Clementis illud *μνημονικὸν ἀμάρτημα*, quod miror non observasse viros doctos, qui illum notis suis & animadversionibus illustrarunt, vel quod malo de Ægyptio & longe eruditissimo scriptore opinari, corrupti ibi ejus codices, & loco *πταβι* vel *ἐνδέκα* aut *δωδέκα* restituendum. Confusa enim vulgo hæc posteriorum Lagidarum historia, dum in constituendo Ptolemæi Lathuri seu Soteris successore dissentiunt Chronologi, quem alii hunc DIONYSUM ejus filium statuunt, alii rursus aut sororem Cleopatram (diversam ab Antonii Cleopatra) aut duos Ptolemæos Alexandros Euergetis Nepotes eidem præmittunt. Nisi placeat forte opinari tuendæ vulgari apud Clementem lectioni, sicut *Gallum*, ita *Dionysum* quoque dici potuisse quartum Ptolemæum: *Gallus* enim dictus juxta Etymologici Auctorem, quod instar Gallorum Matris Dæ, notis seu stigmatibus foliorum hederæ esset compunctus, eos enim in Dionysiis continuo hedera coronatos: *Γάλλοι δὲ φιλοπάτωρ Πτολεμαῖος διὰ τὸ φύλλα κισσῶ κατσίχθαι ὡς οἱ Γάλλοι. αἰεὶ γὰρ ἔξ Διονυσιακαῖς πλεῖστές κισσῶ ἔστεφανόντο*. Ab eo itaque Hederæ usu, & simili in Dionysum seu Bacchum studio, DIONYSI quoque, aliorum, quos enumeravimus, Regum exemplo, cognomen mereri potuisset. MITHRIDATEM vero, DIONYSUM quoque dictum, recte observavit Clemens, quod notaverat olim Tullius, *Mithridatem Deum illum, Patrem, Conservatorem Asiae, illum DIONYSUM, BACCHUM, Liberum nominabant*, ac præter Appianum, innuit etiam

In voce  
Γάλλοι.

Orat. pro  
Flacco.

Or. xxxvii.

Lib. i.  
symp. qu. 6.

alicubi Dio Prusæus. Causas quoque illius appellationis eidem tributæ tradentem audies Plutarchum in

Quæ-

Quæstionibus Convivalibus. Neque aliter P T O L E -  
 M A I de quo egimus exemplo, qui non Dionysus so-  
 lum, sed *ὁ ἑνὶ Διονύῳ*, seu *Junior Bacchus* dictus, ut  
 præter Porphyrium, aliaque Græca Scaligeri Excer-  
 pta, liquet præterea ex Menandro Protectore; ita  
 M. A N T O N I U S omni ejusdem Dei cultu adsumpto,  
 hedera, pampino, M I N O R D I O N Y S U S olim nun-  
 cupatus: quem cultum præter <sup>a</sup> Plutarchum & <sup>b</sup> Dio-  
 nem, aliquot nummi adhuc hodie eidem tribuunt, & <sup>ton.</sup>  
 Augustum vitio ei vertisse accepimus. Immo ut ille <sup>b</sup> Lib.  
 Osiridis seu Bacchi habitu, ita ejusdem Regia conjux <sup>xlviii.</sup>  
 Cleopatra, cum stola Isidis in publicum prodiens, oc-  
 currit apud eundem Plutarchum. Solemnis nempe  
 hæc Regum Asiæ aut Ægypti insania, ut Liberi Patris  
 cultum & nomen adsumerent. Hinc in pompa Ptole-  
 mæi apud Athenæum, Alexandri & Ptolemæi statua <sup>Lib. v.</sup>  
 cum aureis coronis hederaceis prælatæ: Hinc A N T I O -  
 C H U S E P I P H A N E S hedera revinctus in præclaro  
 nummo Gazæ Medicæ; unde illustratur Hippolytus  
 in libello de Antichristo, ab insignis doctrinæ Gudio  
 nostro primum vulgato, qui hunc Epiphanem obser-  
 vat inter alia Judæis imperasse, καὶ κίονες ἐστὶ φανερὰς  
 περὶ Διὸς τῷ Διονύῳ, & hedera coronatos pompam agere Li-  
 bero Patri. Hinc caput quoque A N T I O C H I D I O -  
 N Y S I, cujus supra meminimus, radiatum simul ac he-  
 dera coronatum in præclaro nummo Gazæ Farnesia-  
 næ, ut Solem nempe & Bacchum eodem symbolo ex-  
 primerent. Conjuncta nempe Solis & Bacchi numi-  
 na, ut velex Macrobio liquet, qui Solem & Bacchum <sup>Lib. i. Sa-</sup>  
 eundem probat; quod firmat etiam alicubi Servius, <sup>turn. c. 17.</sup>  
*unde eundem Solem, eundem Liberum, eundem Apollinem vo-*  
*cant*, ac insuper Dio Chrysostomus, qui tradit Rho-  
 dios, Solem, Apollinem, & Dionysum seu Bacchum <sup>Ad Georg.</sup>  
 eun- <sup>Orat. xxxi.</sup>



Lib. I. I.

Lib. I.

eundem reputare; quibus consentanea etiam legas apud Arnobium. Eodem alias Bacchi hederati, ut cum Tertulliano loquar, habitu insignitus etiam occurrit ANTIGONUS apud Herodianum, quem egregie iterum illustrat Nummus Mediceus hujus Antigoni, primi Asiae Regis inter successores Alexandri, in quo caput ejusdem barbatum ac hedera revinctum visitur, in averſa autem parte figura nuda navi insidens. Similem hujus Antigoni nummum hic damus è Cimeliarchio Cl. Seguini.



Pag. 670.  
Legat. ad  
Caium.

Eundem morem æmulatum filium ejus DEMETRIUM supra innuimus; sicut M. Antonii exemplo, CAIUM quoque Imperatorem, modo Liberi Patris, modo Herculis, modo Jovis etiam habitum simul cum eorum nominibus sibi vindicasse, tradentem novi Dionem in Excerptis Constantinianis, & quod Philo pluribus etiam commemorat. Eandem etiam vesaniam in ELAGABALO notat Lampridius; *junctis & Tigres LIBERUMQUE se vocans, eodemque habitu, quo Dissipunguntur, quos imitabatur.* DIONYSI itaque totidem seu Bacchi, Caius ac Elagabalus; haud aliter ac Antiochus, Ptolemæus, Mithridates, Antigonus, Antonius modo enumerati, quibus addi potest Perseus postremus Rex Macedonum, hedera itidem redimitus in antiquo marmore apud Ursinum. Ut non mirum videri debeat eos ad exemplum hujus Dei sese libenter composuisse,

fuisse, cujus florens juvenia, insignes triumphi, longæ peregrinationes, vitæ hilaritas, hos illi vel cultores vel æmulos cum Reges tum Augustos conciliarunt. Immo hinc factum, ut sub ejusdem tanquam juvenis & pulchri imagine multi olim fuerint privata religione culti & consecrati. Unde nova illa nupta apud Apuleium defuncto in flore ætatis conjugē, & *imaginem defuncti, quam ad habitum DEI LIBERI formaverat, adfixo servitio divinis percolens honoribus, ipso sese solatio cruciabat.* Meta-  
morph. lib.  
VIII.

Immo nec superbis Deorum cum Nominibus tum Cognominibus contenti hi Asiæ aut Ægypti Reges, ni ipsa quoque DEI appellatione (quo nempe Cœlitibus nihil reliquum facerent) vivi & in terris etiam num agentes fruerentur. Adeo ut impletum videatur in successoribus votum Alexandri, qui ut tradit aureus Orator, Deus esse nolisset post mortem, nisi aliorum Deorum Rex esset. Quo nomine exagitat eosdem præclarus auctor, quod moriendi necessitati obnoxii, Immortalis Dei appellationem inepte sibi vindicarent. Hinc illa ΘΕΟΥ nomenclatio, cognominis loco ab ΑΝΤΙΟΧΟ Seleuci Nicatoris Nepote primum usurpata; ut vesaniam illam arguit adhuc hodie ejusdem Nummus cum inscriptione, ΒΑΣΙΛΕΥΣ ΑΝΤΙΟΧΟΥ ΘΕΟΥ; & alterius ΑΝΤΙΟΧΙ Nicephori, ΑΝΤΙΟΧΟΥ ΘΕΟΥ ΕΠΙΦΑΝΟΥΣ ΝΙΚΗΦΟΡΟΥ. Sic DEMETRIUM ΝΙΚΑΤΟΡΕΜ ejusdem impietatis reum probant illius numismata, ΔΗΜΗΤΡΙΟΥ ΘΕΟΥ ΝΙΚΑΤΟΡΟΣ, immo alios etiam DEMETRIOS in serie Seleucidarum, juxta præclaros Nummos Peireskianos supra adlegatos, ΔΗΜΗΤΡΙΟΥ ΘΕΟΥ ΦΙΛΑΔΕΛΦΟΥ & ΔΗΜΗΤΡΙΟΣ ΘΕΟΣ ΦΙΛΟΠΑΤΩΡ ΣΩΤΗΡ. De appella-  
tionibus  
DEI &  
DEM in  
variis  
Nummis.  
Græcæ ac  
Romanæ.  
Dio Chrys.  
Orat. IV.

Ut minus novum accidat,  
Ecc 2 eodem

In Gaza  
Medicea.

In Cimel.  
ill. Harlæi.

codem etiam nomine alterum Demetrium Poliorcetem ab Atheniensibus nuncupatum, quod Plutarchus & Athenæus tradunt; ita quidem ut solum eum verum Deum agnoscerent, reliquos autem aut dormire, aut abiisse peregrè profiterentur. Unde etiam nonnullam lucem mutuatur Actorum & Josephi locus, ubi Herodes Agrippa Deus à circumfusa multitidine proclamatur; juxta morem nempe in vicina Syria, aliisque Orientis partibus pridem familiarem. Adeo ut illius exempla ad Mulieres quoque summi fastigii diffusa paullatim fuerint, ut BERENICES, ARSINOES, CLEOPATRAS; quod vix aliunde tamen, quam ex Lapidum Nummorumve monumentis licet hodie colligere. De BERENICE Ptolemæi Lagi Conjuge supra vidimus, eam ΘΕΩΝ ΣΩΤΗΡΩΝ nomine una cum marito apud Ægyptios consecratam. De eadem insuper, sicut & de ARSINOË illius filia, fidem facit præclarus Nummus cum duobus capitibus junctis in utraque parte, & inscriptione ΘΕΩΝ ΑΔΕΛΦΩΝ.



Prior nempe nummi facies PTOLEMÆUM & BERENICEM, posterior liberos exhibet eosdemque Conjuges, PTOLEMÆUM PHYLADÉLPHUM & ARSINOËM, sicut indicabam nuper, ut nosti, fori hujus antiquarii régulo Francisco Gottifredi, ab eodem de illius explicatione consultus, & ejus beneficio primam præclari nummi notitiam debeo. De PHYLADÉLPHO certe & ARSINOË explicandam illam  
 cpi-

epigraphen ΘΕΩΝ ΑΔΕΛΦΩΝ, continuo suadebat infans ejusdem Ptolemæi erga sororem amor, quem & adsumpto PHILADELPHI nomine, & nefariis nuptiis, templis præterea, aliisque divinis honoribus professum memincram; tum obvia ejusmodi appellationum apud eosdem Ægyptios exempla. Adco ut quod sola ductus conjectura monueram, ac ut verissimum continuo arripuit laudatissimus senex, indubitatum postea deprehenderem ex lectione monumenti Adulitani, quod ex vetustissimo codice edidit jam olim Cl. Leo-Allatius. In eo enim præclara legitur Ptolemæi Euergetæ, filii hujus Philadelphi, inscriptio, quam præteritis diebus frustra quæsitam, vir optimus ac omnis Romanæ antiquitatis intelligentissimus Benedictus Mellinus noster opportune subministravit. Ita autem se habent prima infer. verba; ΒΑΣΙΛΕΥΣ ΜΕΤΑΣ ΠΤΟΛΕΜΑΙΟΥ ΤΙΟΣ ΒΑΣΙΛΕΥΣ ΠΤΟΛΕΜΑΙΟΥΤ ΚΑΙ ΒΑΣΙΛΙΣΣΗΣ ΑΡΣΙΝΟΥΗΣ ΘΕΩΝ ΑΔΕΛΦΩΝ ΤΩΝ ΒΑΣΙΛΕΩΝ ΠΤΟΛΕΜΑΙΟΥΤ ΚΑΙ ΒΑΣΙΛΙΣΣΗΣ ΒΕΡΕΝΙΚΗΣ ΘΕΩΝ ΣΩΤΗΡΩΝ ΑΠΟΓΟΝΟΣ. Et hic quidem versabamur in secunda editione hujus operis quum opportune duo alii testes exceptione majores accessere. Prior est similis nummus aureus drachmalis à Petro Seguíno clarissimo Galliæ antiquario novissime vulgarus, in eleganti sua selectiorum Numismatum congerie, & quem iisdem Ptolemæis eorumque conjugibus impurat. Posterior est idem Nummus itidem aureus, sed majoris ponderis ac uncialis, cujus ectypum è Gaza depromptum viti alti fastigii, sed ingenii ac indolis sublimioris, Cumilli Maximi, eodem curante ac diligenti antiquitatis investigatore Petro Bellorio nostro, ad me opportune admodum transmisisti.



Lib. XXXVII.  
cap. 3.

Lib. XIII.  
Antiq. c. 6.

Non commode autem, ut obiter hoc dicam, doctissimus Allatius vertit ΘΕΩΝ ΑΔΕΛΦΩΝ in superiori monumento Adulitano, *Deorum fratrum*, quod ut de Dioscuris recte, ita de Philadelpho & Arfinoë dici Latine non potuit, exemplo appellationis Græcæ ἀδελφῶν communis utrique sexui, sed vertendum *Deorum fratris sororisque*. Quamquam non ignorem, Reges Ægypti dici Romanis scriptoribus de regnante utroque conjuge, ut apud Livium, *Legati ab Ptolemao & Cleopatra Regibus Ægypti*, & mox de iisdem, *Gratia Regibus acta*. Solemne nempe in Ægypto, ut Reginae tanquam consortes supremi fastigii, in publicis solemnibus ac monumentis una cum maritis compellarentur exprimerenturve. Ita Ptolemæi Philometoris & Sororis etiam ejusdem ac conjugis Cleopatraz juncta simul nomina in litteris ad Oniam Judæum apud Josephum. Ex his vero adsequimur, non solum Philadelpho & Arfinoë hanc ΘΕΩΝ ΑΔΕΛΦΩΝ appellationem tributam; sed eandem etiam ad Parentis utriusque ΘΕΩΝ ΣΩΤΗΡΩΝ exemplum, de utroque conjuge fratre & sorore formatam. Immo si Græcum Theocriti Interpretem consulamus, communis etiam illa fuerit Parentibus Soteri & Berenice, superioribus Nummis expressa ΘΕΩΝ ΑΔΕΛΦΩΝ inscriptio. Tradit enim ille, hanc Berenicem Lagi fuisse filiam, ac ut inde licet colligere, conjugis proinde sororem, Lagi itidem, ut omni-

omnibus notum, filii; Βερενίκην λέγει τὴν Λάγην μηδὲ θυγα- Ad Idyll.  
 τέρην, γυναῖκα δὲ Πολεμαίην & Σωτῆρα. An vero diversi xvii.  
 fuerint hi Lagi utriusque parentes, quod in nuperis Theocr.  
 Exercitationibus existimat nobilissimus Senex à Gren-  
 temesnil, cui observatus etiam hujus Interpretis locus;  
 an vero in aliorum de his Berenices natalibus silentio,  
 continuo fides huic Græculo sit habenda, non magno-  
 pere jam erimus solliciti, & totum hoc eruditi lectoris  
 judicio libenter commitemus. Illud certum eam no-  
 menclationem ab Apolline ac Diana gemino Numine  
 desumptam, juxta morem Ægyptiorum jam nobis Lu-  
 ciani & Nummorum fide abunde declaratum; aut si  
 mavis à Jove & Junone, quorum auctoritate & exem-  
 plo, has Ptolemæi & Arsinoës nuptias defendit in præ-  
 claro alias Idyllio Theocritus. Qua ratione nempe  
 C A T U M legimus in Dionis Excerptis, quo revera se Pag. 670.  
 Jovem probaret, cum sororibus suis inprimis rem ha-  
 buisse: unde & easdem in averfa nummi parte signari  
 curavit, qui obviis adhuc hodie apud antiquarios.  
 Neque aliter ac Philadelphi & Arsinoës in superiori-  
 bus Nummis, ita Jovis & Junonis juncta nonnunquam  
 capita videas in aliis antiquis numismatibus, ac Epi-  
 rotarum inprimis, cum apud Goltzium, tum in Gaza  
 Palatina & Medicea. Immo Goltzium geminam num-  
 mi de quo agimus inscriptionem vidisse, postea ex e-  
 jusdem Thesauro deprehendi; sed quam ad Apollin-  
 em ac Dianam referre illi placuit. Sic alteram inscri-  
 ptionem Ægyptiæ observo apud Gruterum, cum Thef.  
 iisdem vocibus ΘΕΩΝ ΑΔΕΛΦΩΝ, & in ultima lapi- MLXXIII.  
 pidis parte, ΣΤΝΘΡΟΝΟΙΣ ΕΝ ΑΙΓΥΠΤΩ ΘΕΟΙΣ, 7.  
 quæ postrema vulgo de Osiride & Iside Ægyptiis usur-  
 pata ad Philadelphum itidem & Arsinoën, sanguine,  
 folio, & eadem superiori appellatione junctos, haud  
 male



male quoque referri possent. Hanc vero DEORUM nomenclationem utrique mortuo demum tributam, liceret ex Diodoro colligere, qui alicubi observat, Reges adhuc superstites Deorum quidem honoribus cultos ab Ægyptiis, non tamen sub Dei appellatione, excepto Dario Xerxis patre, cui soli id fuerit concessum; *τηλικαύτης τυχῆν πμῆς, ὡς δ' ὑπὸ τῶν Αἰγυπτίων ζῶντα μὴ δὲν προσερδωθῆναι μόνον τῶν ἄλλων βασιλέων, tantum honoris consequutum, ut etiam vivus ab Ægyptiis DEUS solus ex aliis Regibus vocaretur.* Hunc divinum alias Regum apud Ægyptios, seu superstitem seu jam defunctorum cultum, præter Lucianum aut Diodorum, Philo pluribus alicubi exponit, & ad quem respexit Lucanus noster,

Lib. 1.

Legat. ad  
Caium.

*Summus Alexander Regum, quos Memphis adorat.*

Ipsam vero Arsinoëm DEI appellatione cum conjuge insignitam in superioribus Nummis, cultam quoque post mortem nomine VENERIS ZEPHYRITIDIS, ex Callimacho apud Athenæum, Catullo, Hygino, ac Stephano de Urbibus adnotarunt jam viri magni. Et ut juncta hic vides utriusque conjugis capita, in signum mutæ necessitudinis & concordie, ita conjunctas quoque amborum statuas in Odeo Atheniensium observat Pausanias; qui alibi ejusdem Arsinoës statuam in Helicone dicatam tradit. Ab eadem vero dictæ aliquot urbes Libyæ & Ægypti ARSINOES, quod observat Stephanus, & ad quas referendi forte plures nummi à magno illo Peireskio collecti, & observati mihi apud illustrem Harlæum, cum inscriptione ΑΡCΙΝΟΗΤΩΝ. Quamquam & Syriæ aliarumque adhuc Regionum cognomines urbes, apud eundem Stephanum videre liceat; sicut & plures eo nomine Ægypti, Syriæ, Macedoniæ, aut Cyrenarum Reginas accepimus. Ad alteram certe ARSINOEM spectat  
alius

Lib. x1.

In Atticis.



alius Nummus cum capite velato, gemino cornucopiæ & inscriptione ΑΡΣΙΝΟΗΣ ΦΙΛΑΔΕΛΦΟΥ, Lyfimachi nempe conjugem & hujus Philadelphi filiam, qualem expressit in imaginibus Ursinus, & nos aureum ac argenteum aliquoties vidimus in illustribus Cimeliarchiis. Idem tamen hujus Arsinoës cum priori fatum, si fides Memnoni apud Photium, qui tradit eam post Lyfimachi nuptias, fratri etiam, Ptolemæo nempe Cerauno nupsisse. Diversa rursus alia ejusdem gentis & fastigii ΑΡΣΙΝΟΕ, soror itidem & conjux Ptolemæi Philopatoris, de qua Polybius in Historia, Lib. xv. & in Excerptis Valesianis. At vero alteri adhuc ΑΡΣΙΝΟΕ consecratæ Templum erectum narrat Pausanias, Lacænæ nempe, non Ægyptiæ, & sorori uxorum Castoris & Pollucis; hoc est totidem rursus ΘΕΩΝ ΑΔΕΛΦΩΝ: Ut fatalem quandam in hoc Arsinoës nomine cum hujusmodi appellatione communionem videas. At vero præter Ægyptias ΒΕΡΕΝΙΚΗΜ & ΑΡΣΙΝΟΗΜ, aut etiam CLEOPATRAM Antonii, ΘΕΑΝ ΣΩΤΗΡΑ dictam in ejusdem Numismate supra jam adlegato, STRATONICA Syra uxor primo Seleuci, dein Soteris Antiochi, ΘΕΑ pari ratione vocatur in Marmoribus Arundellianis. Quæ appellatio alterius Antiochi, Grypi nempe Matri CLEOPATRÆ tribuitur in ejusdem Nummis, ΒΑΣΙΛΙΣΣΗΣ ΚΛΕΟΠΑΤΡΑΣ ΘΕΑΣ ΚΑΙ ΒΑΣΙΛΕΩΣ ΑΝΤΙΟΧΟΥ, quorum ectypum hic habes è Gaza Palatina.



Pag. 371.

Lib.

XXXIX. C. I.

Lib. v.

Pag. 401.

Quod illustre scilicet monumentum pietatis hujus Antiochi in matrem Cleopatram; ut intelligamus, cur eidem Regi in Nummo præponatur cum *DEÆ* attributo, aut cur idem Antiochus non *GRYPPI* solum, sed *PHILOMETORIS* etiam cognomine in Græcis Scaligeri Excerptis ad Eusebium vocetur. Cur vero Mater hæc Cleopatra nummo addita cum filii effigie ac titulo *DEÆ*, abunde licet ex Justino colligere; *alter cui propter nasi magnitudinem cognomen GRYPPO fuit, REX à MATRE hætenus constituitur, ut nomen Regis penes filium, VIS autem omnis IMPERII penes MATREM esset:* quæ tamen ab eodem veneno postea extincta, quod filio præparaverat. Quod vero ferme exciderat, referendum ad Stratonices paullo ante commemoratæ non maritum sed filium *ANTIOCHUM*, nomenclatio illi tributa in Fœdere Smyrnæorum & Magnetum inter vetustissima Marmora Arundelliana, *ΘΕΩΣ ΚΑΙ ΣΩΤΗΡ*. At corrigendus, ut obiter hoc dicam, Memnon apud Photium, ubi Seleucus Asiam filio *Αντιόχῳ* commendasse dicitur; quum non Antigonus tamen, sed Antiochus hujus Antiochi *DEI* parens, Seleuci filius & successor exstiterit: quod ut tralatitium, miror eruditissimum Schottum præteriisse. Nec tamen intra *Ægyptios* & *Syros* eadem se continuit infania, ut non ad vicinos etiam aut hæredes eorum potentiæ Reges transierit; Ita *MITHRIDATES* superstes etiamnum divinis honoribus à civitatibus cultus, & *ΘΕΟΣ* præterea appellatus apud Athenæum legitur; sicut etiam apud Tullium loco jam supra adlegato, *Mithridatem DEUM illum*, ac quod expressit uberius Diodorus in Excerptis Valesianis, legatos singularum civitatum decretis publicis cum *ΘΕΟΝ ΚΑΙ ΣΩΤΗΡΑ* declarasse. Idem de *PHRAATE* Parthorum Rege obser-

observat apud Photium Phlegon, *Φεράτης* (non *φεράτης*) ὁ *Φηικληθεὶς* ΘΕΟΣ, *Phraates cognominatus* DEUS. Unde successores eorundem Persarum Reges, non Fratres solum Solis aut Lunæ, & participes syderum dicti; ni manifestiorem adhuc DIVINÆ & Humanæ naturæ communionem indicarent. Liquet id ex Epistola Chosroæ Hormisdæ filii, *Χοσρόης βασιλῆος βασιλέων ἀρλουάρχης τοῖς ἀνθρώποις σωτήρι*, ἐν ΘΕΟΙΣ μὲν ΑΝΘΡΩΠΟΣ ἀρχὴς καὶ αἰώνιος, ἐν δὲ θεοῖς ἀνθρώποις ΘΕΟΣ *Ἰππὸφάνεσσι*; *Chosroës Rex Regum Pacificus, Homini- bus salutaris, inter DEOS quidem HOMO bonus & æternus, inter DEOS autem HOMINES, DEUS præsentissimus.* Agnoscis impiam ad unici servatoris ΘΕΑΝΘΡΩΠΟΥ, & sacra Christianorum mysteria adlusionem. Hinc de Persarum Rege apud Heliodorum, *ΘΕΩ βασιλεῖ π. μεγίστῳ*, DEO *Regique maximo.* Immo Athenienses jam olim & Græci reliqui, præter Antigonum ac Demetrium supra memoratos, T. FLAMINIUM ob libertatem redditam, non ΣΩΤΗΡΑ solum sed ΘΕΟΝ etiam declararunt. Id certe ex præclara ejusdem Gemma eruit vir doctus ad Ursini Imagines. Hinc ad Patres Conscriptos translata quidem à Prusia Rege appellatio, quam supra memoravi, ΘΕΩΝ ΣΩΤΗΡΩΝ; sed & Nummi passim in Græciæ Asiæque civitatibus percussi, cum inscriptione, quam iidem adhuc hodie exhibent, ΘΕΟΝ ΣΥΝΚΛΗΤΟΝ, seu DEUM SENATUM. Quo referri possunt alii nummi earundem urbium, in quibus ut postea Cæsarum vultus, ita tum libera adhuc Republica signatus vulgo amplissimus ordo sub laureati capitis effigie, & cum inscriptione ΙΕΡΑ ΣΥΝΚΛΗΤΟC, seu *Sacer Senatus.* De quo more senatum effingendi audiendus Dio, *Τετα- Lib. LXVIII.*

νῶ ἢ ὅτις ἐκείνῳ, πρὶν αὐτὰρχῆσαι πρὶν αὖτε, ἰδὼν δ' ἀνδρα

πρεσβύτερον ἐν ἡματιῶν καὶ ἐοικῆτι πατριάρχῳ ἔπι τῇ ΣΤΕΦΑΝΩ ἐσολισμῶν οἷα πα καὶ πλὴν ΓΕΡΟΥΣΙΑΝ γεφρασι. Trajano autem prius quam imperium adipisceretur, visum est in somnis, virum jam grandem natu, tunica togaque praetexta & CORONA insuper ornatum, qualis pingitur SENATUS. Sed en ejus effigiem, qualis vulgo occurrit in Græcis ac sequentibus Smyrnæorum nummis, cum inscriptione ΙΕΡΑ ΣΥΝΚΛΗΤΟΣ seu *sacer senatus*, in priori facie utriusque numismatis.



Neque licet hic præterire alium eorundem Smyrnæorum Nummum, observatum mihi in Regia Gallorum Gaza, in quo capita occurrunt Senatus & Liviæ cum inscriptione ΣΕΒΑΣΤΟΥ seu *Augusti Senatus*, nempe ΣΕΒΑΣΤΗ ΣΥΝΚΛΗΤΟΣ ΖΜΥΡΝΑΙΩΝ ΙΕΡΟΝΥΜΟΣ; in averſa autem parte Templum itidem & inscript. ΣΕΒΑΣΤΟΣ ΤΙΒΕΡΙΟΣ ΕΠΙ ΠΕΤΡΟΝΙΟΥ. Qui præclarus Nummus Smyrnæorum cum Liviæ, Tiberii ac Senatus mentione, ac Templi præterea effigie, præclare certe illustrat, quæ apud Annalium scriptorem leguntur de certamine civitatum Asiæ in statuendo Templo Tiberio, *Matrique ejus ac Senatui*. & prælatis tandem, quod alibi indicat, Smyrnæis: quam proinde victoriam & Templi dedicationem hoc Nummo posterorum memoriæ prodidere. Unde insuper elucescit, & ipso facto probatur Tiberii moderatio, qua de admissio ejusmodi Templo, decreto ab urbibus Asiæ, in hunc modum alibi loquebatur: *Placitum jam*

Tacit. Annal. IV. c. 15.

Cap. 56.

*jam exemplum (Augusti scil.) promptius secutus sum, quia* Annal. iv. cap. 37.  
*cultui meo veneratio SENATUS adjungebatur.* Eadem

autem AUGUSTI, (qualis in Nummo illo Smyræo-  
 rum Senatui tribuitur) quæ SACRI appellatio, &  
 vel ideo haud male amplissimo ordini conveniens,  
 quod Senatus, ut notum, haberi alibi non potuit, nisi in  
 Templo & loco per Augures consecrato. Quamquam  
 veram causam tam honorificæ appellationis, vel DEI,  
 vel SACRI, vel AUGUSTI etiam SENATUS,  
 passim à Græcis aut Asiaticis nuncupati, & signati e-  
 tiam publicis eorum monumentis eruere liceat ex Po-  
 lybio; qui tradit Senatum Romanum in præcipua ve-

Lib. viii.

neratione fuisse apud Græcos & Reges Barbaros, quod  
 solo ejus nutu res Romanas regi existimarent, sicut in-  
 nuit etiam alicubi Aristides, ita ut mere Aristocrati-

Orat. de  
Roma.

cam judicarent formam Reipub. Romanæ. Unde Na-  
 bis Tyrannus Flaminium compellans apud Livium, &

Lib. xxxiv.  
cap. 31.

*loquens de Lycurgo; nosler legumlator non in paucorum*

*manu Rempubl. esse voluit, quem vos Senatum appellatis.*

Pag. 818.

Hinc idem Polybius alibi in Excerptis, refert omnes  
 Asiæ populos Romam Legatos misisse, cum spes suas  
 omnes in senatu haberent sitas; hoc est, juxta Tul-

Lib. ii. de  
Offic.

lium, *Regum, populorum, nationum portus erat ac refugium*

*Senatus.* Opinio autem illa & fiducia inde profecta,  
 quod penes Senatum jus viderent mittendarum lega-

tionum; de redditibus præterea, aliisque impensis ita-  
 tuendi, ut innuit eodem loco supra adlegato gravissi-

mus auctor Polybius. Quibus liceat adjungere hæc O-  
 ratoris verba de Deiotaro. *Is Rex, quem Senatus hoc no-*

*mine sæpe honorificentissimis decretis appellavisset, quique il-*  
*lum ORDINEM ab adolescentia gravissimum SAN-*  
*CTISSIMUMQUE duxisset.* Unde factum jam adse-

quimur, cur DEUS vel SAGER SENATUS ab ob-

noxiis Regibus dictus, sicut à civitatibus ante, ac etiam aliquamdiu post dominationem Cæsarum, in eandem Nummis signatur; qua ratione & DEOS vocat Senatores, ævo adhuc suo Claudianus,

In vi. Cons.

*En quales memini turba verenda DEOS;*

Honor.

& SACER ORDO etiam appellatus à Theodorico

Var. lib. iv.

apud Cassiodorum, *constat eum de se præsumere, qui &*

cap. 25.

SACRI ORDINIS *cupit fastigia prævenire;* & SACER SENATUS itidem ut in superioribus Nummis, apud Juvenalem,

Satyra xi.

*Conjugium quaras, vel SACRI in parte SENATUS  
Esse velis.*

quomodo & *sanctum Senatum* Carthaginensium dixit divinus Maro,

*Fura Magistratusque legunt, sanctumque Senatum.*

Hinc & Apologeticum Iuliani, inscriptum *Imperatori* *κῆν* *ΙΕΡΑΤΕ ΣΥΝΚΛΗΤΩ*, sacroque Senatui, totique populo Romanorum. Unde factum, ut Senatus sui exemplo, & juxta Judæorum Metropolim, ROMA ipsa *sacra* & *sacratissima* passim dicta fuerit; quod illi & novæ dein Romæ Byzantio ut peculiare adtributum, Cæsarium Constitutiones passim largiuntur. Immo contingit, ut eadem juxta amplissimum Ordinem, divino etiam nomine & cultu fuerit adfecta; unde ΘΕΑ ΡΩΜΗ non semel in priscis nummis occurrit appellata, sicuti à Poëta TERRARUM DEΑ *gentiumque ROMA*: scilicet postquam juxta Manilium,

Lib. i v.

*Italia in summa, quam rerum maxima ROMA*

*Imposuit terris, COELOQUE adjungitur ipsa.*

Præclarus præ Nummis aliis cum hac appellatione, aut unus æreus Christinæ Augustæ, in quo caput muliebre cum inscriptione ΘΕΑΝ ΡΩΜΗΝ ΚΑΛΗΝ; aut alter Medicæus, in quo caput turritum cinctum diademate,

mate, ΘΕΑΝ ΡΩΜΗΝ, in averſa vero parte, caput laureatum itidem & regium præterea vinculum, ΘΕΟΝ CΤΝΚΛΗΤΟΝ. Quo referendum mihi videtur illud *nomen blaſphemia*, quod ſeptem capitibus inſcriptum geſtaſſe legitur beſtia aut mulier in ſacro Revelationum Apoc. XIII. 1. & XVII. 3. libro; & quod alias Hieronymus ac Proſper ad *Urbis Æternæ* appellationem retulerunt, Romæ cum alibi, tum in ejuſdem Nummiſ itidem familiarem. At cum vix ante Antoninorum tempora eadem occurrat in monumentis antiquis, quorum ævo demum templum URBI ÆTERNÆ erectum accepimus; longe utique probabilius, immo extra dubium meo iudicio poſitum exiſtimarem, ad illud DEÆ nomen reſpexiſſe ſacrum ſcriptorem, ROMÆ pridem & potiſſimum à Græcis Aſiæ urbibus paſſim additum; ut vel clariſſime arguunt venerandæ iſtæ Nummorum reliquiæ. Hinc Ara etiam Romæ dicata occurrit in priſcis Elogiis, & Sacerdotum *Deæ Romæ & Auguſti* in iſdem mentio, (ut jam ſupra vidimus) ἱερείας ΘΕΑΣ ΡΩΜΗΣ καὶ Σεβαστῆ Σα- Theſ. Græc. C V. 9. τῆς Θεῆς. Ut non mirum proinde cur Claudiano ſæpe ut Dea invocetur, *ô Numen amicum*; aut *diva potens*, alibi,

*O Dea, nec legum ſus eſt occurrere matri.*

In v. 1.  
Conf. Honor.

aut cur *tonare* illa eidem dicatur, quod jam ante innui. Hinc & Senatui ac Romæ ut DEO & DEÆ Tempſa jam olim ab Urbibus Aſiæ decreta, ut vulgo notum; ac Senatui quidem etiam ſub Cæſarum dominatione, recenti adhuc ſcilicet nec dum oblitterata illius ordinis, cui adſueverant, veneratione, ut paulo ante è Tacito vidimus. De Templo vero Romæ ſimul & Auguſto decreto, obvia res, cum aliunde, tum ex vulgari Nummo cum Templi effigie & inſcr. ROM. & AUG. ſicut alias de Urbis Templo Claudianus,

*Conveniunt ad teſta Deæ.*

In 1. Conſ.  
Stil. l. 11.

Qui



Annal. IV.  
56.

Qui honos pridem huic Deæ Gentium habitus à civitatibus Asiaticis, ac primum omnium à Smyrnæis, ut eo nomine se jactant apud Tacitum; *seque primos Templum Urbis Romæ statuisse M. Porcio Consule &c. stante adhuc Punica urbe.* Neque mirum proinde aut novum, eundem honorem quondam aut SENATUI, aut URBİ tributum hominum non solum sed *Deorum* etiam genitrici juxta Rutilium, ab iisdem populis exhibitum quoque CÆSARI BUS rerum dominis, iisque vivis etiam, nec dum DIVIS. Hinc non pauci Asiaticarum civitatum & Coloniarum nummi, cum ΘΕΟΤ & ΔΕΙ appellatione, in honorem AUGUSTI, LIVIÆ, aliorumque percussi: juxta Appianum nempe, qui tradit viventem adhuc Augustum ab Urbibus Diis fuisse adnumeratum. Quod firmat etiam Victor Schotti, & Horatius de eodem,

Lib. v. Bell.  
Civil.

— *præsenti tibi maturos largimur honores,*

*Furandasque tuas per nomen ponimus aras;*

& quibus adstipulantem vide Servium ad illud Poëtæ; *Namque erit ille mihi semper Deus.* Ubi notanda eruditi Grammatici glossa: *Id est & post mortem & dum vivit.* Alii Imperatores post mortem in numerum referuntur *Deorum*; Augustus *Templa vivus meruit*; quod & in eodem prudentes arguisse monet Annalium scriptor. Inter plures autem id genus Nummos Græcarum civitatum, qui ΔΕΙ appellationem Augusto tribuunt, unus occurrit mihi nuper Amphipolitarum Macedonum, inter collectos olim à doctissimo Sirmondo nummos, cum inscr. ΘΕΟΣ ΚΑΙΣΑΡ ΣΕΒΑΣΤΟΣ, in averſa vero parte Europa tauro insidens, & inscr. ΑΜΦΙΠΟΛΙΤ. Hanc tamen ΔΕΙ vel ΔΟΜΙΝΙ appellationem sibi tribui præſenti non est paſſus, ut Philo de eodem refert. Certe nummus Tarræconenſium in Hispania,

In Collegio  
Claro-  
montano.

In Flac-  
cum.

nia, post mortem ejus signatus cum inscr. DEO AUGUSTO; quam renovavit itidem Gallienus, cujus aureum nummum singularis raritatis notavi in Cimeliar-  
chio Regio Parisiensi, cum capite Augusti laureato, & inscr. DEO AUGUSTO; in anteriori vero parte cum Gallieni ipsius effigie, ac inscript. GALLIENUS AUG. At vero eandem appellationem inter ejus successores, sed Augusti nominis & fastigii dehonestamenta, CAIUM ac DOMITIANUM impie videmus ambivisse. De CAIO etiam si non adessent, præter domesticos testes, ejusdem Philonis ac Josephi testimonia; quorum iste eundem Templis & Altaribus per totum orbem, excepta Judæa, cultum docet; vel fidem faceret sequens Nummus ab Iliensibus percussus, olim Lomeniani nunc Regii Gallorum Musei, & cui similem habet Gaza Christinæ Reginæ; in quo hinc Caius & Augustus cum inscr. ΓΑΙΟΣ ΚΑΙΣΑΡ ΘΕΟΣ ΑΥΤΟΚΡΑΤΩΡ ΣΕΒΑΣΤΟΙ, seu *Caius Deus Caesar Imperator Augusti*; illinc vero Romæ & Senatus capita, ac Pallas erecta cum hasta & ægide, ac inscript. ΘΕΑ ΡΩΜΗ ΙΕΡΑ ΣΥΝΚΑΗΤΟΣ ΙΑ. h. e. *Dea Roma sacer Senatus, Iliensium*.

Origin.  
lib. xviii.  
cap. 10.



Vides ut superiora simul illustret, quæ de Romæ divinitate diximus ac veneratione Senatus, apud urbes Asiaticas, etiam sub priorum Cæsarum imperio. Similem DOMITIANI vefaniam arguit adhuc hodie ejus  
Ggg num-

Orat. XLV.

nummus, in quo stans Imperator, ante figuræ in genua lapsæ eum adorantes conspiciuntur. Equidem Cæsarem illum DEI nomine, non à Statio jam forte aut Martiali, sed ab universis Græcis appellatum, præ aliis docet simul & sugillat Dio Chrysostomus. At vero inusitata & singularis quædam nominis hujus inscriptio, quæ AURELIANO tribuitur, in nummo æreo, inspecto mihi in urbe Galliæ principe apud illustrem Sevium, nempe DEO ET DOMINO NATO AURELIANO AUG. Nummi ipsius *αὐθεντία* extra omne dubium posita apud præclaros Galliæ antiquarios, & mihi quoque, si me principibus Achivis inserere liceat, talis omnino visa. Sed en rarissimi & unici nummi ectypum, quod petenti lubenter indulsit Vir, qui non solum *floret ære vetusto*, sed & Regii ærarii inter alios cura, & fide sæpe in arduis probata.



Dio lor.  
lib. v.

Non ergo adscititius, aut post mortem demum factitius iste DEUS, instar eorum, quos exagitat non semel Momus apud Lucianum: quamquam nec Cretenfis esset, qui juxta Diodorum plerosque Deos apud se natos prædicabant. Alias idem etiam DEI nomen, CARUM Augustum gestasse, non auctor solum Calpurnius, sed ejusdem Nummi inscripti, DEO ET DOMINO CARO AUG. similis aurei effigiem, deprompti è Cimeliarchio illustrissimi Colberti, habes hic beneficio omni laudis genere ornatissimi Carcavi; cujus fidei ac industriæ & Mæcenatis simul sui, & augusti insuper Regis vere Regia & incomparabilis Num-

Nummorum juxta ac Librorum Gaza feliciter commissa est.



Perperam autem vir incomparabilis, ad Carum defunctum jam & consecratum similes nummos refert, quum desint tamen ibi solita consecrationis vel nomina vel symbola. Equidem præter rationes alias, & coætaneos auctores, qui docent Carum adhuc superstitem id nomen adfectasse, ut jam olim ad Juliani Cæsares monui, *DIVI* non *DEI* nomen consecratis olim Augustis perpetua quadam observatione tributum constat in Romanis id genus monumentis; ut præter Auctores, vulgo etiam è Nummis notum. Immo hinc ipsius *CARI*, mortui tum & consecrati, superstites adhuc Nummi, cum *DIVI* elogio & Aquila aliisque consecrationis notis, ac inscr. *DIVO CARO PER-SICO*, aut *DIVO CARO PARTHICO*; ut qui nempe vivus adhuc *DEUS*, sed privata magis ambitione dictus sit, post mortem demum publica auctoritate *DIVUS* vocaretur. Græca enim fuit *ΘΕΟΥ*, ut notum, seu in Deos post mortem relati Imperatoris, non vero Romana appellatio; quamquam vel à Coloniis, vel à Gallieno, eandem defuncto quoque Augusto tributam supra notavimus. Sed de Consecratorum nominibus aut symbolis agetur alibi, & peculiari, si Deus annuat, opere, quod adfectum habemus de Consecratione veterum tam Gentilium quam Christianorum. Hic enim spectamus non defunctos, sed superstites divinis nominibus adfectos in antiquis id genus monumentis.

Animadv.  
ad Euseb.  
pag. 242.

mentis. Inde vero profectus paullatim mos ille inprimis sequioris ævi haud ignotus, ut *Numinis*, *Eternitatis* ac *Perennitatis*, aut similibus vocibus compellarentur Romanorum Cæsares; ac eorum Edicta, *Immortalis Lex*, *Oraculum*, *Cæleste Judicium*, *Sacra littera*, *sacræ responsa*, *divinum arbitrium*, apud Symmachum aliosque passim efferantur; sicut & *sacras* eorum *aures*, videre apud eundem licet. Unde jam olim Martialis, cui & *sacra Cæsaris aure* frui alicubi dicitur,

Lib. VII.  
Ep. 99.

*Numen habet Cæsar, sacra est vis, sacra potestas.*

De Cogno-  
mine M A-  
GNI in  
variis  
Nummis.

Minus vesana hic forte aut importuna MAGNI appellatio, à Provinciarum aut rerum gestarum amplitudine desumpta, nec Alexandro solum, sed ejusdem Successoribus nonnunquam concessa. ANTIOCHO certe, celebri non tam ampliata, quam imminuta à Romanis magnitudine, MAGNI tamen appellationem jam olim adhæsisse, si non aliunde, utique ex ejusdem nummis constaret, inscriptis ANTIOXOY ΜΕΓΑΛΟΥ ΒΑΣΙΛΕΩΣ. Eadem quoque in alterius ANTIOCHI EPIPHANIS nummo occurrit à Commagenis percussio, ΒΑΣΙΛΕΥΣ ΜΕΓ. ANTIOXΟΥ ΕΠΙΦΑΝΗΣ ΚΟΜΜΑΓΗΝΩΝ. Ptolemæum Lagi, alias Soterem, Magnum etiam vocat Justinus; ita tamen ut cognomen illud continuo gestasse, inde argui non possit, quod nec Nummi, Lapidés, vel antiqui Auctores docent. Ptolemæo tamen ejusdem Nepoti eam tribuit Monumentum Adulitanum supra adlatum, ΒΑΣΙΛΕΥΣ ΜΕΓΑΣ ΠΤΟΛΕΜΑΙΟΣ. Quam eandem quoque appellationem patri ejus Philadelpho largitur Demetrius Phalereus apud Josephum, in fronte litterarum, quas ad eum scribit, ut Ptolemæis familiarem redditam agnoscas. Transiit vero illa frequentius ad Arsacidas, quam ab antiquis Persarum

In Gaza  
Christinæ  
Reginæ.

Lib. xvii.  
cap. 2.

Lib. xii.  
Origin.  
cap. 2.

farum Regibus, ut vulgo notum, sunt mutuati; unde  
 & Xerxes ΜΕΓΑΣ vice cognominis in Græcis Scali-  
 geri Excerptis ad Eusebium vocatur, & Artaxerxes se  
 Magnum Regem inscribit cum apud Esdram, tum in  
 capite litterarum apud Josephum. Hinc apud Græcos  
 scriptores solo nonnunquam ΜΕΓΑΛΟΤ nomine,  
 omiſſa etiam Regis aut alterius nominis mentione,  
 eosdem designari videas; ut apud Isocratem de Arta-  
 xerxe rursus; ὁ ΜΕΓΑΝ πρῶτον κατέλυεν  
 Περσῶν, MAGNUM vero cognominatum subvertere  
 tentabis. Quamquam Persarum & Medorum Reges,  
 qui ne minimam partem Asiæ tenerent, inique se Ma-  
 gnos Reges nuncupasse, visum fuerit Alexandro, ut au-  
 ctor est Arrianus. Eandem tamen iis peculiarem, aliis  
 autem inconcessam observat Dio Chrysostomus eo lo-  
 co, quem vidi postea illustri Brissonio quoque adno-  
 tatum, ὅθεν δὲ καὶ ΜΕΓΑΣ ΒΑΣΙΛΕΥΣ κέκληται ΜΟ-  
 ΝΟΣ ἐκείνῳ; Unde etiam & MAGNUS REX solus  
 ille vocatur. Hinc consueto more non Artabanus so-  
 lum apud Herodianum ΜΕΓΑΣ βασιλεύς vocatur,  
 sed Caracalla etiam litteris ad eum scriptis, ΜΕΓΑ-  
 ΛΟΤ βασιλέως filiam ambire sese profitetur: scilicet ut  
 sub blanda honoris & adfinitatis illius specie incautum  
 eundem opprimeret. In Nummis tamen Severi A-  
 BGARUS Edessæ Regulus MAGNUS etiam vocatur,  
 ΑΒΓΑΡΟΣ ΜΕΓ. ΒΑΣΙΛΕΥΣ; quod in ludibrium  
 Parthorum Registribus ei à Severo existimat Tri-  
 stanus. At alia penitior, quæ cum aliisque antiqua-  
 rios fugit, ratio hujus appellationis; quod nempe E-  
 dessenorum Reges vulgo ABGARI, hoc est Magni  
 Arabum lingua vocarentur: eorum autem Filii Ase-  
 RARI seu Parvi; ut diserte in Catalogo Gassaniorum Re-  
 gum videre licet apud Orientalis litteraturæ callentis-

simum Pocokium. Et certe hoc ABGARI familiare Edessæ Regulis nomen, (de quo jam supra quædam monuimus) haud aliter ac Ptolemæis vel Antiochis in vicina Syria & Ægypto, egregie firmant plures eorum Nummi sub Marco, Severo, & Gordiano obvii. Unde omnino corrigendum patet Lampridii locum in vita Severi, ubi *Persarum Regem Abgarum subegisse* dicitur:

Ad M. Aurel. pag. 52.

qui locus haud immerito suspectus magno Casaubono, alibi tamen ut genuinus ab eodem adseritur. Ejusdem erroris conscius hodie Victor Schotti de Severo itidem, *subactō Persarum Rege Abgarō*; in quibus locis vocem *Persarum* omnino expungendam liquet, ac restituendam ejus loco *Edessa* aut *Edeffenorum*, quorum Regulis proprium Abgari nomen, non Persis; unde etiam

Pag. 710.

Abgarus Εδέσσης ἀρχων vocatur in Dionis Excerptis Peireskianis, ubi male Αἰδέσσης scriptum occurrit, quod alibi jam monui. Præterea obscura tum erat Persarum mentio, quum Parthorum adhuc floreret imperium, quibus erant obnoxii, & à quibus devictis PARTHICI cognomen, quod Nummi eidem tribuunt, retulit Severus. Accedit adnexa mentio apud Lampridium devictæ Arabiæ, cujus portio quædam erat Edeffenorum

Annal. lib. xlii. c. xlii.

Regnum, ut vel ex Tacito colligas; *Rexque Arabum Abgarus advenerat*, & mox, *quod spretum fraude Abgari (non Abbari) qui juvenem ignarum & summam fortunam in luxu ratum, multos per dies attinuit apud oppidum Edessam. Quæ omnia certe haud valde recondita miror eruditissimis interpretibus ad hunc Lampridii locum non animadversa, & quorum præclaram quandam & majorem lucem acceptam ferimus nummis Abgarum sub eodem Severo referentibus. Nec minus Occo arguendus, cui Abgarus in Gordiani Pii-nummo obviis, pro Parthorum Rege traditur, quo tempore rursus mu-*

tatis



tatis vicibus Parthia Persarum imperio accesserat. Unde etiam postea Persicæ ditioni finitima evasit hæc Edessa, Romani alias juris facta, (immo Romanorum, ut vel nummi arguunt, Colonia) sicut utrumque legitur in Historia Gotthica Prisci Rhetoris, τῇ Ε' δέσση Ρ' ω- Edit. Reg. μαίων πόλις, προσέκειτο τῇ Πέρσων χώρῃ, *Edessa Romanorum* pag. 74.

*oppido, finitima autem Persarum ditioni.* Quæ vicinia forte Persarum, Lampridio ac Victori illo ævo imposuit, si errorem eum non librariorum, sed Auctorum incuriæ malit quis imputare. Cui Edessæ, ut obiter hoc addam, hoc alicubi testimonium perhibet Chrysostomus, πόλιν μὲν ἀγροικωτέραν τῇ πόλεω, ὡς εἰσέειραν τῇ, *urbem* Tom. v. *multis quidem agrestiore, magis autem piæ.* Quod vero Orat. lxxv. pag. 478. edit. Savil. illam MAGNI appellationem adinet, ut eam quoque minorum gentium Dynastis ac Regulis usurpatam scias, hinc Chaganus Dynasta litteris ad Mauritium Imperatorem scriptis, *Magnum Dominum* se ipsum in iisdem indigitat, τῷ βασιλεῖ τῇ Ρ' ωμαίων ὁ Χάγανος ΜΕ- Theoph. Simocat. pag. 190 edit. Reg. ΓΑΣ ΔΕΣΠΟΤΗΣ. Unde non mirum eundem hunc ΜΕΓΑΛΟΥ ΒΑΣΙΛΕΩΣ titulum Cæsaribus frequenter ab auctoribus tribui; ut ab Oppiano etiam Scvero & conjugi Julix sub initium elegantissimi operis,

τὸν μεγάλῃ μεγάλῳ Φυλάσσει Δέμνα Σεβήρῳ.

& passim Diocletiano, Constantino, Constantio, Arcadio, Justiniano, ab Eusebio aliisque scriptoribus Christianis, Gregorio Nazianzeno, Synesio, Procopio, aliisque; quale & summo Jovi tribuit Venus apud Poëtam,

*quem das finem REX MAGNE laborum.*

Sicut nempe inter Deos Gentilium alii MAGNI, ita inter Reges, De DIS MAGNIS obviæ passim Inscriptiones antiquæ, & de quibus Manilius, DI quoque MAGNOS *Quasivere DEOS.* Unde clamor ille Ephesiorum.

AG. XIX.

34.

Serm. Sacr.

11.


D. de re-  
quir. ab-  
sent. l. 1.In Miso-  
pogone.De Num-  
mis ARSA-  
CIDARUM.

siorum in Aëtis, ΜΕΓΑΛΗ ἡ Ἀρτεμὶς Εφεσίων, M A G N A *Diana Ephesiorum*; cui similis plane in vicina & æmula urbe Pergamenorum apud Aristidem clamor, τὸ πλῦμνητον δὴ τῶν βοώντων ΜΕΓΑΣ ὁ Ἀσκληπιῶν, *celeberrimum illud clamantium*; M A G N U S *Æsculapius*: ut vel inde consuetum id genus acclamationis morem adsequaris. Caracallam vero inter Romanos Cæsares illud M A G N I cognomen sibi vindicasse, liquet mihi ex Marciano Jurisconsulto, *Divi Severi & ANTONINI M A G N I rescriptum est*. Magnus nempe ille Antoninus exemplo Alexandri, quem scilicet æque ac res ab eo gestas in ore semper habuit, ut in ejus vita notat Spartianus. Alias idem M A G N I prænomen sibi ultro à Senatu delatum respuisse legimus alterum illum Alexandrum Severum, in ejus vita apud Lampridium. At Julianus alicubi de seipso, καὶ πῶτα ΒΑΣΙΛΕΥΣ ἀνέων ΜΕΓΑΣ, & hac IMPERATOR *audiens MAGNUS*. Ita nempe vocati frequenter Cæsares illo ævo, ne æmulis Persarum Regibus inferiores dignitate viderentur. Unde & illud ΜΕΓΑΛΟΥ attributum paullatim etiam ad Cæsarum Palatinos translatum, ut ΜΕΓΑΝ ΔΟΜΕΣΤΙΚΟΝ, aliosque Aulæ Proceres. Cæteroquin non jam M A G N I, sed M A X I M I appellatio Constantino in ejusdem Nummis concessa: repetito nempe usu ex priori more, quo M A R C I, C O M M O D I, S E V E R I, A N T O N I N I, alique M A X I M I A R M E N I A C I, P A R T H I C I, G E T I C I, in eorundem Inscriptionibus vocantur.

Augustiorem adhuc R E G I S R E G U M appellationem Parthorum Regibus non vulgo solum auctores, sed rariores etiam A R S A C I D A R U M Nummi largiuntur; quos adferre hic obiter, haud ingratum erit opinor vel inconsultum. Unum observavi in Thesau-

το Mediceo, ΑΡCΑΚΟΤ ΔΙΚΑΙΟΤ ΕΤΕΡΓΕΤΟΤ  
 ΚΑΙ ΦΙΛΕΛΛΗΝΟC ΒΑCΙΑΕΩC ΒΑCΙΑΕΩΝ.  
 Alterum Florentiæ itidem inspexi in Museo Gaddia-  
 no, cum fugientibus & exesis litteris, ΑΡCΑΚΟΤ ΕΠΙ-  
 ΦΑΝΟΤC ΦΙΛΕΛΛΗΝΟC. Tertius in Gallorum  
 Metropoli apud Cl. Seguinum mihi adnotatus, cum  
 conjunctis inter alia Epiphanis & Euergetis cognomi-  
 nibus, ΒΑΣΙΛΕΩC ΒΑΣΙΛΕΩΝ ΕΠΙΦΑΝΟΤ. ΦΙ-  
 ΛΕΛΛΗΝ. ΔΙΚΑΙΟΤ ΕΤΕΡΓΕΤΟΤ ΑΡCΑΚΟΤ.  
 Quartus vero hic in Urbe, penes Virum de summati-  
 bus Augustinum Chisium adservatur, reliquis adhuc  
 meo judicio rarior, & supra obiter indicatus; unde  
 corruptum vulgo apud auctores Græcum Vologesis  
 nomen restituebamus, ΒΑCΙΑΕΩC ΒΑCΙΑΕΩΝ ΒΟ-  
 ΛΑΓΑCΟΤ ΕΠΙΦΑΝΟΤC ΚΑΙ ΦΙΛΕΛΛΗΝΟC.  
 Geminum quidem vidisse Goltzium colligo, sed cujus  
 veram lectionem, ut sæpe alias, non est adsequutus;  
 ita ut apud eundem divinari illam potius, quam conjici-  
 cere liceat. Ad hunc enim refero, quem sub corrupto  
 nomine ΑΝΟΤΑΑΓΑC pro ΒΟΛΑΓΑCΟΤ cum E-  
 pithetis reliquis *Epiphanis*, *Philellenis* & *Regis Regum* ad-  
 duxit. Nec felicior idem fuit in eruendo nomine ΑΡ-  
 SΑCΙC, pro quo ΑΡCΑΝΟΤ in ejusdem Thesauro  
 perperam legitur: sed en tibi duorum è prædictis ΑΡ-  
 SΑCΙC Nummis icones: Altera nempe è nummo  
 Mediceo modo indicato deprompta, quam cum sele-  
 ctis quibusdam rariorum Numismatum cætypis suo lo-  
 co inferendis lubenter indulsit magnum illud non E-  
 truriæ solum suæ, sed litterarum omnium ac discipli-  
 narum sidus LEOPOLDUS Cardinalis; curavit au-  
 tem feliciter arcta mihi, ut nosti, officiorum necessi-  
 tudine conjunctus, idemque summo ingenio, nec mi-  
 nori prudentiæ, fidei, ac industriæ laude florentissimus

Ludovicus Strozza, cui commissâ maximi Regis apud Etruscos suos negotia. Prior vero è Nummo Cl. Segui-  
ni expressa, juxta epigraphen tertio loco à nobis mo-  
do descriptam.



Præclaras has certe priscæ memoriæ reliquias, nonne quibusvis gemmis potiores fateberis, mi OCTAVI; solatium utique præstare amissæ illius gemmæ, quam alterius quoque Arfacidæ, Pacori nempe *habentem imaginem & insignia, quibus ornatus fuisset*, sedulo se requisivisse testatur Plinius junior, quam nempe insignis muneris loco ad Trajanum mitteret, ut jam in superioribus, producto alio nummo Parthico, monuimus. Insignium certe & Titulorum insuper, quibus iidem Reges ornabantur, nonne & relictam hic vides memoriam? Ita tamen ut hanc veniam ante omnia à Lectore petamus, si in superioribus iconibus exprimendis rudior videatur aut defecisse in quibusdam ars sculptoris; quando Nummi ipsi vetustate haud parum attriti occurrant, & ex plumbeis cætypis ad me curatis sint expressi, quorum archetypos ipse videram, & inscriptiones accurate, quantum licuit, notaveram. Diadema-  
te quidem revinctum vides caput ARSACIS in priori Nummo, Comam vero quam minus diligenter sculptor expressit, regio Persarum & Parthorum more cincinnis variis tortam, ut facile se capillatum Parthorum Regem probet; unde notus ille Vespasiani apud Suetonium jocus; *Cum inter prodigia stella in calo crinita*

*apparuisse, ad PARTHORUM REGEM, qui CAPILLATUS esset, pertinere dicebat. Elegantiorem vero alterius Arfacis Comam apud Tristanum videas, à quo plura erudite de capillorum cultu Parthorum aut Persarum Regibus consueto, jam occupata non repetam hoc loco, & apud eum reperiet lector. Quibus addere liceat, quod à Procopio refertur, insigne apud Persas eximium & à Rege proximum Comam fuisse cum redimiculo auro & unionibus contexto. A Medis nempe, & eorum exemplo ab antiquioribus Persis hunc capillorum cultum, sicut alia insignia vel ornamenta, mutuati sunt Parthorum Reges; quorum gens alias, utpote origine Scythica, hirsuto capillo horrida agebat adhuc M. Crassi ætate. Utrumque certe clare nos docet Plutarchus, agens de Surena Parthorum tum à Rege proximo; Μηδικὸν περὶ ἐσχαδιασμένον ἐν ἑλίμμασι περὶ σάπην, καὶ κόμης διακελίσσας, ἢ ἄλλων Πάρθων ἐπὶ Σκυθικῶς ὅτι τὸ φοβερόν τῃ ἀνατίλλων κομῶν; *Erat ad MEDORUM morem fucata facie, & COMA redimitus DISCRIMINATA, quum ceteri Parthi etiam tum Scythico modo horrerent capillo incompto.* Prius vero è Xenophonte haussisse mihi videtur Plutarchus, ubi similem Astyagis Medorum Regis habitum describit, καὶ ἑρῶν δὴ αὐτὸν κακοσημένον καὶ ὀφθαλμῶν ὑπογροφῇ καὶ χρώματι ἐν ἑλίψι, καὶ ΚΟΜΑΙΣ περὶ δέπης; à δὴ νέμιμα ἐν ΜΗΔΟΙΣ. *Quumque videret eum pigmentis oculorum, coloribus illitis, & ADSCITITIA COMA ornatum: hæc enim omnia apud MEDOS RECEPTA.* Unde etiam alibi docet idem auctor, cur hæc omnia è Medorum cultu ad Persas transfulerit Cyrus. Alterius vero ARSACIS caput, alio rursus capitis ornamento decorum occurrit, quod Mitram potius quam Tiaram dixeris. Notum quidem Tiaram, camque rectam, consuetum olim*

Tom. II.  
Comment.  
pag. 83.

Bell. Pers.  
lib. II. cap.  
17.

In M. Crasso.

Instit. Cyr.  
lib. I.

Instit. Cyr.  
lib. VII.

Lib. xv.

fuisse Regum cum Persarum tum Parthorum insigne. Sed alia vulgo ejus figura, quadrangularis nempe, ac pilei instar turrity, ut Straboni vocatur, *πίλημα* nempe *περγωπέν*. Neque his dissimilis, quæ in Augusti nummis occurrit cum Arcu & Jaculo, tanquam totidem Parthorum insignibus.



Talis itidem Tiara species, quamvis haud perinde acuminata, neque tot ornamentis conspicua, qua decoratus est sagittarius Parthus in Nummo, quem supra illustravimus, item Rex Parthus genuflexus in nummo Trajani supra etiam indicato, **REX PARTHIS DATVS**. Haud absimile alias capitis ornamentum gestare videas Cappadocem in sequenti numismate.



Ejusdem vero generis cum superiori Tiara insignis illa qua Tigranem Armeniorum Regem conspicuum exhibet præclarus quidam Nummus Mediceus, quem paullo infra producemus. Ex his autem liquet, non  
Tiaram

Tiaram vel Cidarim, (quæ fere promiscue sumpta ut infra dicetur) sed aliud capitis decus, nempe Mitræ instar præferre posteriorem hunc Arfacem; cui etiam haud absimile videas in nummis Abgari, de quo paulo ante egimus. Haud unum nempe capitis insigne usurpatum olim his Barbaris Regibus; modo Diadema, ut in nummo prioris Arfacis & altero quem expressit Tristanus; modo duplex etiam Diadema, quo usus dicitur Artabanus Parthorum Rex apud Herodianum; Lib. 1. modo Cidaris aut Tiara cum Diademate, ut infra in nummo Tigranis; modo aureum capitis arietini figmentum lapillis interstinctum, ut supra de Sapore Persarum Rege tradentem vidimus Ammianum, modo vero quoddam regie Mitræ genus, seu in orbem sinuatum capitis tegmen, quale in posteriori Nummo expressum; & ad quæ sinuata Parthorum insignia respexit Tacitus; *Nuntiavere accola Euphratem, nulla imbrium vi sponte in immensum attolli, simul albetibus spumis* Annal. vii. 37. *in modum Diadematis sinuare orbes.* Ut mittam non sinuatum quidem in orbes, sed quadratum, haud minus ac Tiara, quamvis cætera diversum capitis tegmen, quod videas in sequenti Panormitanorum nummo.



Parthorum autem vulgus pileatum fuisse, ut non immerito eos *pileatos Parthos* vocarit Poëta, sicut de Persis observarat olim Herodorus, pileis tamen haud in-



- star Phrygum acuminatis, obvium ex duobus his Nummis, qui formam pileati in priori nummo Parthi, in posteriori Phrygis nobis ante oculos ponunt.



*De appellatione REGIS REGUM.* Præter Insignia vero, Titulos hic etiam videmus & Nomina, quibus se vulgo jactabant iidem Parthorum Reges. Inde certe liquet ARSACIS nomen, quamquam iisdem familiare, eosdem non semper in titulis gestasse, ut Justinus tamen videbatur innuere, omnes Reges suos hoc nomine, sicuti Romani Cæsares Augustosque cognominavere: utique à VOLOGESIS cognominibus vides abesse in adlegato ejus Nummo. At eisdem hic cernis Arsacidas, EVERGETIS ac EPIPHANIS cognominibus simul quandoque ornatos, ac iisdem inter se nonnunquam distinctos, non aliter ac Lagidas & Seleucidas, à quibus eadem videntur mutuati. Id vero quod præsidium adferat eruditæ Historiæ & Chronologiæ veteris elucidationem, & Arsacidarum vel imprimis, quorum seriem ut confusam, aut vulgo ignotam tradere refugit Scaliger, judices fero omnes serium antiquitatis ac litterarum amorem professos. REGIS quidem REGUM Græcam appellationem in iisdem obviam, à Persis ad Parthorum Reges, & ab his rursus ad Persas rediisse, tralatitium nimis quam ut probatione indigeat. Neque minus obvium, solo REGIS nomine eosdem Persarum Reges Demostheni aliisque scri-

Vid. Ifag.  
Can. l. 111.  
p. 323.

scriptoribus Græcis frequenter designari. Illud vero sua ætate insuetum, iis utique qui in Romano imperio degebant, observo apud Chrysostomum; ὡς αὖτε γὰρ ὅταν λέγομεν τὴν ΠΕΡΣΩΝ ΒΑΣΙΛΕΙΑΝ, ἔχ' ἀπλῶς ΒΑΣΙΛΕΙΑΝ καλῶμεν, ἀλλὰ πρὸς τὴν ΠΕΡΣΩΝ προστίθεμεν, καὶ τὴν τῆς Ἀρμενίων ὁμοίως; *sicuti enim quando mentio incidit PERSARUM REGIS, non simpliciter REGEM dicimus, sed PERSARUM addimus, & similiter de Armeniorum Rege.* Quamquam Græci non solum aut Barbari, qui vulgo stupent in titulis, sed Romani etiam scriptores ipsum REGIS REGUM titulum non veriti sint Arfacidis tribuere, ut ex Suetonio in Caligula, aliisque liquet, nempe

Tom. I. in  
Psal. XLIV.  
p. 632. edit.  
Savil.

— *Arfacio postquam se Regia fastu*

*sustulit.*

Ita ut eundem, præter Auctores & Nummos, Marmora quoque iis largiantur in præclara Inscriptione, quam vidit jam olim illustris Scaliger, in qua duo Phraatis liberi obsides Romam missi PHRAATIS REGIS REGUM FILII, Romano etiam sermone citra ambages vocantur. Immo nec abstinuisse invidiosa quamquam appellatione Parthorum Reges in litteris ad Romanorum Duces aut Cæsaris etiam scriptis satis constat; ut ex Epistola Phraatis ad Pompeium, alterius Phraatis ad Augustum, Vologesis ad Vespasianum, Saporis ad Constantium, & Hormisdæ denique ad Justinianum, apud<sup>a</sup> Dionem, <sup>b</sup> Ammianum, ac <sup>c</sup> Menan-

Isag. Can.  
l. III.

<sup>a</sup> Lib.

XXXV I I,

LV. & LXVI.

<sup>b</sup> Lib. XVII.

<sup>c</sup> Pag. 137.

edit. Reg.

teris

teris compellatum hoc modo, REX REGUM *Ar-  
saces Flavio Vespasiano salutem*, eidem totidem verbis re-  
spondisse, nullo ex imperatoriis nominibus adsumpto,

Lib. L. xvi. auctor est iterum Dio; moderatior nempe Alexandro,  
qui Dario succensuit, quod sibi Regis titulum, nec eun-  
dem Alexandri nomini adscripserat. Equidem in fra-  
gmentis Sallustii eundem titulum Regis Regum Arsa-  
ci abnegat Mithridates, pari jure cum eo agens, *Rex Mi-  
thridates Regi Arsaci*. Illustre quidem exemplum Chos-  
roæ Perfarum Regis, sed profugi, ut supra innuimus, &

Theophyl. opus indigi apud Simocattam observo; qui litteris ad  
Simoc. edit. Mauritium Imperatorem scriptis, non solum ab ea R E-  
Reg. p. 185. G I S R E G U M appellatione abstinet; sed filium etiam

se illius Augusti & supplicem vocat, ac omnia supremæ  
Majestatis elogia plena manu in eum congerit. Idem  
Idem lib. v. tamen Chosroës, ad Sergium Martyrem scribens, soli-  
cap. 4. tam Regis Regum appellationem retinet, quæ Persa-  
rum lingua S A A N S A A N dicebatur. Id enim nos do-

Lib. xix. cuit Ammianus, *Persæ Saporem S A A N S A A N appella-  
bant, & Pyrosem, quod REX REGIBUS imperans, &  
bellorum victor. Saa* nempe Regem aut Dominum apud  
Persas notat, quod observarunt jam eruditi; unde non  
solum Varoranus Persarum Rex Σερανοῦν dictus, hoc

Lib. iv. c. est *Segestanorum Rex*, teste Agathia. Sed & eodem au-  
dit. Reg. ctore Saporeς Κερμασῶν appellatus, ob gentem Cermaà  
pag. 135. patre devictam. Cæterum Persis Rex Βίσαξ appellatus  
juxta Hesychium, Βίσαξ ὁ βασιλεὺς τῶν Πέρσων. Nec  
tamen eadem *Saansaan* ceu Regis Regum appellatio,  
ita Parthorum aut Persarum Regibus adhæsit, ut supra  
innuentem audivimus Dionem Prusæum, ut ad eorum  
exemplum alii nonnulli Barbarorum Reges eandem si-  
bi aliquando non vindicarent. Immo ut mittam anti-  
quiorem iisdem Nabuchodonosorem eodem titulo

com-

compellatum à Daniele, jam ante vetustissimi Ægyptiorum Reges eodem etiam ornati, ut viderunt jam eruditi, & constat ex aliquot eorum elogiis apud Dio- Lib. 2.  
 dorum, ac isto inter alia de Sefostri, ΒΑΣΙΛΕΥΣ ΒΑΣΙΛΕΩΝ ΚΑΙ ΔΕΣΠΟΤΗΣ ΔΕΣΠΟΤΩΝ ΣΕΣΟΣΩΣΙΣ, *Rex Regum & Dominus Dominorum Sefostris*.  
 Quod postremum docet, non novam in eo tractu *Domini Dominorum* aut *Dominantium* appellationem, quam sibi vindicat pari fastu hodiernus Ægypti & Thraciæ Tyrannus. Alias & Priamus ac antiqui Troiæ Domini Straboni, & Agamemnon Livio ac Senecæ, & Ti- Lib. 1.  
 granes <sup>a</sup> Plutarcho ac <sup>b</sup> Appiano, REGES REGUM <sup>a</sup> In Lucul-  
 dicti: ut mittam, quod legebam novissime apud Pho- lo.  
 tium, Mithridatem eundem quoque titulum ambivisse, <sup>b</sup> In Syria-  
 quem narrat Memnon, Lucullo, omisso Imperatoris nomine respondisse, quod ab eodem REGIS REGUM titulo prior non fuisset compellatus, quibus  
 consentanea de Tigraue & eodem Lucullo Plutarchus In Lucullo.  
 tradit. Exemplo autem & more antiquissimorum Ægypti Regum paullo ante indicato, Antonii CLEOPATRA superbo quoque REGINÆ REGUM. nomine decorata apud Dionem legitur, & ejusdem filius Cæsario, è Jul. Cæsare scilicet genitus, REX REGUM etiam renuntiatus, ἐκείνῳ π (scil. M. Antonius) ΒΑΣΙΛΙΔΑ ΒΑΣΙΛΕΩΝ, καὶ τὴν Πτολεμαῖον, ὃν καὶ αὐτὴν ἐκείνῳ ἐπωνόμαζον, ΒΑΣΙΛΕΑ ΒΑΣΙΛΕΩΝ καλεῖσθαι ἐκέλευσε; *Illam vero REGINAM REGUM, Ptolemaum autem Casarionem cognominatum, REGEM REGUM vocari jussit*. Prioris vero illustre exemplum Nummi etiamnum exhibent cum inscr. REGINÆ REGUM FILIORUM REGUM CLEOPATRÆ: unde satis liquet errasse eruditos, qui apud Dionem βασιλῖδα βασιλίδων pro βασιλείῳ, seu *Reginam Reginarum*, potius quam

In Julian.  
Orat. 1.  
p. 64. edit.  
Parif. Gr.  
Lat.

quam *Regum* legendum contendebant. At quod non perinde obvium, eandem etiam REGIS REGUM appellationem sequiori ævo vel ambivisse Romanorum Cæsares, vel ultro iis delatam, liquet mihi ex Gregorio Nazianzeno, ubi de Constantio verba facit, & πὲρ ΒΑΣΙΛΕΩΝ ΒΑΣΙΛΕΩΝ καὶ εἶναι καὶ νομίζεσθαι, *Nec quod REX REGUM & esset & appellaretur.* Potiori certe jure, quam Hannibalianus frater Delmatii, qui Rex Ponticarum gentium à Constantino renuntiatus, REX REGUM in ejusdem Constantini Excerptis vocatur. Nata autem hæc REGIS REGUM appellatio, aut quod Regibus imperarent, juxta Ammianum; quo sensu *Princeps Principum* Domitianus dicitur apud Martialem, & apud Ovidium Agamemnon *Dux Ducum*, hoc est juxta Tragicum, *duxor Agamemnon ducum*; sicut in Novellis lego Provinciarum Præsides *Judices Judicum* dictos, & *Provincia Præses videbitur quidam Judex Judicum*; respectu nempe Defensorum Civitatum, aliorumque inferiorum Judicum ac pedaneorum, quos habebant sibi obnoxios. Quo sensu certe Rex Regum optimo jure dici potuit Rex ille Indorum, qui auctoribus Strabone ac Nicolao Damasceno, in Syriam ad Augustum profectus, sexcentorum Regum Dominum sese vocare non dubitabat; & quo alias titulo prudenter Alexandrum abstinuisse docet alicubi Plutarchus. Aut vero frequenter ita dicti, ut non tam imperium sibi in alios Reges, quam primatum inter eosdem tribuerent: quo sensu etiam Rex Regum dicitur Atreus apud Senecam, *O me calitum excelssimum*, REGUMQUE REGEM, & apud Horatium,

Novell. xv.  
l. 11.

Lib. x v.

In Demetrius.

In Thycste.

*Liber, honoratus, pulcher*, REX denique REGUM.  
Sicut *Consul Consulum* in veteri Elogio, & *Pater Patrum*, ac *Episcopus Episcoporum* Tricassinus Præsul apud Sidonium;

nium; hoc est, primi & maxime conspicui inter Reges, Consules, Patres, Episcopos. De hoc certe postremo non finit nos dubitare ipse Sidonius, qui de eodem loquens Antistite, *egone*, inquit, *cum sis procul dubio* PRIMUS *omnium toto quæ patet orbe Pontificum*. Unde & illustrandus venit vexatus ille apud Tertullianum *Episcopi Episcoporum* locus, seu vere seu ironice usurpati. Primus nempe juxta Sidonium, non Dominus; sicut Athenæ jam olim Εἰς ἁδὲ Εἰς ἁδὲ dictæ, & Calaris Sardinie Metropolis *Urbs Urbium* apud Florum, hoc est πρώτη Εἰς ἁδὲ, ac πρώτη πόλεων, *prima* nempe *Gracia*, aut *prima urbium*; quemadmodum Provinciarum Metropoles crebro vocantur apud Græcos & Romanos scriptores; quo sensu etiam Narbo & Tholosa *principatum Urbium tenere* dicuntur Ammiano, & quæ frequens notio eo sensu in Codice Theodosiano ac Novellis. Sic, quod nec prætereundum hoc loco, apud Macrobius, Janum Patrem dictum videas quasi *Deorum Deum*, hoc est quasi Deorum primum & antiquissimum, sicut Herodiano vocatur, Saturno certe coævum; aut forte, quod primus auctor fuerit Deorum cultus, ut de eodem paullo ante ex Xenone tradiderat Macrobius, *Janum in Italia* PRIMUM *Diis Tempia secisse, & ritus instituisse sacrorum*, non autem quod in alios Deos imperium haberet, sicut rursus intelligendus videtur Hierocles in aurea carmina, ubi de summo Deo agit; τὸν δημιουργὸν μόνον θεόν, ὃν θεὸν θεῶν ἀνείποι τις, καὶ θεὸν ὑπέρειον ἑξ ἅλων, *Creatorem solum Deum, quem DEUM DEORUM dixerit aliquis, & Deum summum & optimum*. Quo nomine nempe dictus <sup>a</sup> Horatio *Rex Deorum Jupiter*, quod <sup>b</sup> Pindaro ut alia expressisse video, qui Jovem alicubi Βασιλέα θεῶν itidem vocat. Cæterum Persarum, ut hoc addam, exemplo, quibus fuit quodammodo peculiaris

Lib. vi.  
Epist. 2.

Lib. xv.

Lib. i.

Lib. i. Sat.  
turn. c. 9.

<sup>a</sup> Lib. i. i.  
<sup>b</sup> Ol. iv.  
<sup>c</sup> J. vii.  
Nem.



illa *SaanSaan* seu REGIS REGUM appellatio, Turcæ quoque Sultanum suum eodem Consilio peculiari voce nuncuparunt, ut de postremis observat Bryennius Lib. I. c. 9. Cæsar haud ita pridem ab eruditissimo Poslino vulgatus, ΕΟΥΤΑΝΟΝ ἢ ΣΤΡΑΓΓΟΛΙΠΙΔΑ ὀνομασάντες, ὅπερ σημαίνει καὶ αὐτοῖς ΒΑΣΙΛΕΥΣ ΒΑΣΙΛΕΩΝ καὶ πρὶν ὀνομασθῆναι, SULTANUM STRANGOLIPIDEM vocantes, quod apud ipsos notat REX REGUM & Omnipotens.

De Cognomine PHILELLENIS, &c.

Demosth.  
Orat. de  
Class.

PHILELLENIS etiam titulum usurpasse videmus ARSACIDAS, quod iterum aliunde, quam ex Nummorum illorum fide vix constare existimem. Mira vero in Darii, Xerxis, aliorumque id genus Hæredibus appellatio, quos utique Græcorum magis odio quam amicitia claros existitisse nemo nescit. Unde etiam non Philellena, sed communem Græcorum hostem vocat alicubi Persarum Regem Græcus Orator. Desumpta vero mihi videtur ab Arsacidis blanda & amica hæc nomenclatio, ad exemplum successorum Alexandri, qui à privata in Parentes aut Fratres pietate, PHILOPATORAS, PHILOMETORAS, aut PHILADELPHOS se passim inscribebant, & quidem usurpasse prius illud nomen Arsaces illos & Vologeses, ad demerendos sibi Græcos Asiaticos Syriæ, Mesopotamiæ ac reliquos illius tractus Parthici viciniore, qui Græcorum Coloniae & lingua passim florebant, ita ut à quibusdam ex iis nummos id genus percussos statuere liceat. Græcæ enim dictæ illæ civitates, haud minus ac ipsæ Urbes Græcæ, sicut apud Livium Rhodiorum Legati Romæ in Senatu contestantur: *Non qua in solo modo antiquo sunt, Græca magis urbes sunt, quam Colonia earum, illinc quondam profecta in Asiam.* Linguam nempe, mores, habitum, leges, sacra, nomen quoque suarum, Me-

Lib. XXXVII.  
cap. 34.



Metropoleon vulgo retinebant Colonia; unde Roma  
 divino Vati nascens Troia, Carthago urbs Tyria, Syra-  
 cusa Isthmiaca tecta aut Ephyræa mania Silio, Massilia  
 Phocis Lucano & Sidonio, Silio Phocæis, ipsi Massilien-  
 ses, in Gallia positi, Graia juventus, Graii remiges, Graia  
 classis, sæpe apud Lucanum aliosque nuncupantur.  
 Qua ratione etiam Græci non Iones solum dicti aut  
 Insulares à Græcis profecti, sed remotiores etiam in  
 Syria aut Mesopotamia constituti. Hinc apud Jose-  
 phum, Mesopotamiam κατικῆντις Ἑλλῶνες καὶ Μακεδό-  
 νες, incolentes Græci & Macedones, Demetrio Syriæ Regi  
 auxilia contra Parthos offerunt. Immo Tacitus oppor-  
 tune de Parthorum Rege, & Græcis id genus in eo  
 tractu Coloniis, At Tiridates volentibus Parthis Nicepho-  
 rium & Anthimusada, ceterasque urbes, qua Macedonibus  
 sita, Græca vocabula usurpant, Italumque & Artemitam  
 Parthica oppida recepit. Inde itaque ΦΙΛΕΛΛΗΝΩΝ  
 desumpta à Parthorum Regibus appellatio, quam-  
 quam de iisdem Nicephoriis Macedonum in Meso-  
 potamia colonis, observet Dio, eos Romanis ut ΦΙ-  
 ΛΕΛΛΗΝΕΙ libenter & magna inde spe concepta sese  
 tradidisse; καὶ εἰς τὸν Ῥωμαῖον, ὡς καὶ ΦΙΛΕΛΛΗΝΑΣ  
 πλὴν ἐπὶ ζῶντι. Eodem enim cum Parthis instituto,  
 Majores vestros illam quoque appellationem ambivis-  
 se, cum hic locus satis arguit, tum bella pro Græcis  
 Asiaticis contra Antiochum suscepta, aliaque benevo-  
 lentia illorum in Græcos argumenta ambitiose etiam  
 non semel contestata abunde docent. Ita Cassius Cæ-  
 saris interfecto ΦΙΛΕΛΛΗΝ ἀνὴρ ab Archelao Rho-  
 dio dictus apud Appianum; & Tullius alicubi ad At-  
 ticum suum; Nunc quoniam & laudis avidissimi semper  
 fuimus, & præter ceteros ΦΙΛΕΛΛΗΝΕΣ & sumus &  
 habemur. Quamquam præter Arfacidas ita dictos in

Lib. XIII.

antiq. c. 9.

Annal. VI.

41.

Lib. I.

Bell. Civil.

lib. IV.

eorum Nummis, aliis quoque barbaris Regibus familiare fuisse idem cognomentum, vel unus Strabo videatur comprobare, qui in genere Regum ΦΙΛΕΛΛΗΝΩΝ alicubi mentionem facit. Sic Amasis Ægyptius apud Herodotum; Indorum & Thracum quidam Reges apud <sup>a</sup> Diodorum & <sup>b</sup> Ælium; Hiero Syracusanus apud <sup>c</sup> postremum, quo & <sup>d</sup> Polybius alicubi respexit; Aristobulus Hircani filius Rex Judæorum apud <sup>e</sup> Josephum; Julianus desertor apud <sup>f</sup> Gregorium Nazianzenum, ΦΙΛΕΛΛΗΝΕΣ totidem nuncupati leguntur. Eundem titulum quoque Salaminiiis Cypriis tribuit in Epistolis Isocrates. Parcimus vero congerendis ipsis Auctorum locis, quæ cum superioribus hinc petant Lexicorum confarcinatores: neque enim in eo mustaceo laureolam quærimus. Nec tamen hic insignem Aristidis locum de eadem appellatione possumus præterire, quam Marco Aurelio tribuit, ac simul ita commendat, ut facile se Græcum Sophistam prodatur; *εἰ δὲ αὖτὴ ΦΙΛΕΛΛΗΝΑ εἶναι καλὸν καὶ πέφυκται βασιλεῖ, τῷ παροῦτι οὐκ ἐπαίνειται· ἔγωγε γὰρ σφίδερα ΦΙΛΕΛΛΗΝ ἐστὶν ὁ βασιλεὺς.* Jam si decet Imperatorem esse PHILELLENA, nemini certe laus hac magis convenit. Ita enim PHILELLEN est noster Imperator, & quæ ibi plura hanc in rem leguntur. Ut vero *Philelennum*, sic nata etiam ΦΙΛΑΘΗΝΑΙΩΝ appellatio, quam Alexandro tribuit idem Isocrates; immo etiam ΦΙΛΑΘΗΝΑΙΟΤΑΤΟΤ, qua patrem ejus Philippum prosequutus Æschines, si fides habenda ejus adversario, qui id reliquis illius criminibus adnumerat. Neque eo tamen sensu dictus apud Plutarchum M. Antonius ΦΙΛΑΘΗΝΑΙΟΣ; quippe non tam caritate erga Athenienses, quam ob desponsatam, sibi ab iisdem Minervam. Cæteroque sicut *Philelennes* aut *Εὐλωίβοις* quandoque

Lib. xiv.

Lib. ii.

<sup>a</sup> Lib. ii.<sup>b</sup> Lib. i.<sup>c</sup> Lib. i.<sup>d</sup> Lib. ix.<sup>e</sup> Lib. i.<sup>f</sup> Lib. xiii.

antiq. c. 19.

<sup>f</sup> Orat. i. in

Julian.

Tom. i. in

Imp. p. 110.

Epistol. ad

Alex. Mag.

Demosth.

de fals. le-

gat.

que

que dicti in Græcos bene adfecti, sic Thebani Herodo-  
 to Μηδίζοντες, seu propensi in Medos; unde passim Μη-  
 δισμὸν de defectione ad Médos seu Persas apud Aga-  
 thiam legas. Et præterea ut ΦΙΛΕΛΛΗΝΕΣ quidam,  
 sic alii contra ΜΙΣΕΛΛΗΝΕΣ: quod postremum An-  
 nibali tribuit Diodorus ὡς μὲν καὶ Φύσος ΜΙΣΕΛΛΗΝ, Lib. xiii.  
*quum natura etiam odio in Græcos ferretur*; sicut viceversa  
 apud Platonem, Atheniensium gentem dictam videas  
 ΜΙΣΟΒΑΡΒΑΡΟΝ, non vero Μιζοβάρβαρον, instar  
 aliorum Græcorum. In Mene-  
xeno pag.  
245. edit.  
H. Steph.

Huc accedit formata eadem exemplo ΦΙΛΟΡΟ-  
 ΜΑΙΟΥ nomenclatio, quæ non tam sponte sumpta,  
 quam à Senatu olim sociis & amicis Regibus benevo-  
 lentix ergo tributa legitur. Hinc occurrit eadem ad-  
 huc hodie in aureis & argenteis nummis ΑΡΙΟΒΑΡ-  
 ΖΑΝΙΣ Cappadocum Regis, quales plures vidisse  
 memini, & viderunt quoque Goltzius ac Ursinus, in-  
 scriptos ΒΑΣΙΛΕΥΣ ΑΡΙΟΒΑΡΖΑΝΟΥ ΦΙΛΟΡΟ-  
 ΜΑΙΟΥ; cujus clypeum etiam hic habes.



Ante omnia hic explicanda venit figura sedens in aver-  
 sa Nummi parte. Vir doctus Goltzii interpret, existi-  
 mat Romam signari, quamquam Galeam ejus minus  
 accurate expressam fateatur. Sed toto cœlo etrat. Ne-  
 que alius enim, quam ipse Ariobarzanes sella Curuli  
 insidens, & cum solito Cappadocibus capitis tegumen-  
 ta. Sella autem Curulis in nummo Regis barbari ideo  
 in-

insculpta, quod eam insignis muneris loco cum donis aliis à Senatu accepisset. Notum enim inter dona, quæ vulgo ad amicos & socios Reges mittebantur, juxta scipionem eburneum, Togam pictam, palmatam Tunnicam, aliaque id genus, sellam etiam Curulem vel præcipuum locum sibi vindicasse. Crebra ejus rei apud Livium exempla, ubi missa recenset munera, vel ad Ptolemæum & Cleopatram in Ægyptum, vel ad Syphacem, vel ad Masinissam, vel ad Eumenem, *donaque*

Lib. XLII.  
cap. 14.

*quam amplissima data cum SELLA CURULI, atque eburneo scipione. Qualia etiam missa ad Ariarathem, Cappadocum itidem Regem, & ex Ariobarzanis hujus Decessoribus, apud Polybium legas, & quidem signanter de utroque munere tanquam præcipuæ dignationis,*

Exc. Leg.  
CXXI. pag.  
253.

*τὰ μέγιστα τὴν πρὸς αὐτοῖς νομιζομένων δῶραν ἀνταπιδέσει, τὴν π. Σκηπτῶνα, καὶ τὴν ΕΛΕΦΑΝΤΙΝΟΝ ΔΙΦΡΟΝ. Remisit autem dona, quæ inter ipsos (Romanos) pro maximis habentur, scipionem & SELLAM CURULEM. Verum ante omnes audiendus hic Valerius Maximus, optimus superioris nummi interpretes, & cujus*

Lib. v. c. 7.

*locus eximiam eidem lucem commodat; Pompeius filium ARIOBARZANEM & REGEM appellavit, & Diadema sumere jussit, & in CURULI SELLA SEDERE coëgit. Hinc itaque iste sedentis ejusdem in Sella Curuli habitus, quem hic nummus nobis ante oculos ponit. Immo etiam ut se magnitudinem hujus doni intelligere contestarentur Reges illi Barbari, soliti iisdem Sellis Curulibus insidentes jus dicere. Id certe de*

Lib. x l i.  
cap. 20.

*Antiocho Epiphane observat Livius, Romano more Sella Eburnea jus dicebat, disceptabatque controversias maximarum rerum, quæ totidem pene verbis cum à Polybio apud Athenæum, tum à Diodoro referuntur, ut viderunt jam ad eum locum Viri docti. Hæc autem*


omnia

omnia quum minime essent recondita, non latere debuerant eruditos ac diligentes antiquarios. Alias vero iste Nummus cum Philoromæi epigraphæ, mirifice illustrat Tullii in Epistolis locum; *ut ego Regem ARIOBARZANEM Eusebem & PHILOROMÆUM tuerer;* Lib. xv. Epist. 2. & paullo post de eodem; *casu incredibili & pene divino, Regem, quem Vos HONORIFICENTISSIME APPELLASTIS, nullo postulante, &c.* Agnoscis utique PHILOROMÆUM, ut honorificæ inprimis appellationis vocabulum, cum Ariobarzani tributum, teste Tullio; tum ab eodem juxta superiorem nummum inter præcipua dignitatis insignia vice cognominis continuo receptum. Ratio autem illius facti & moris obvia; quod nempe in eo nomine præsidium omne suum ac dignitatem reponerent Reges illi obnoxii, ut reipsa expertus est hic Ariobarzanes, Romanorum opera conservatus, & cujus etiam rei testis luculentus Rex Afer apud Sallustium; *qui vestram AMICITIAM diligenter, colerent, eos multum laborem suscipere, caterum ex omnibus MAXIME TOTOS esse.* Magni itaque nomen constituisse Barbaris Regibus liquet ex Dione, qui unum è Lib. xxxix. Ptolemæis immani pretio hunc AMICI ROMANORUM titulum refert à Romanis redemisse. Hinc illud plenum auctoritatis amplissimi Ordinis decretum de Boccho Mauritanorum Rege; *Fædus & AMICITIA* Sallust. Bell. Jugurt. *dabuntur, cum merueris;* ut satis liqueat non promiscue quibusvis indultum. Aperte etiam Livius de Syphacis filio; *Itaque pacem illi prius petendam à Populo Romano esse,* Lib. xxxi. cap. 15. *quam ut Rex sociusque & AMICUS appelletur. Nominis ejus honorem pro magnis erga se Regum meritis dare Pop. Romanum consueisse.* Eiusdem vero appellationis exemplum suppeditant adhuc alii duo Nummi reconditi in illustribus Cimeliarchiis; Unus ARIARATHIS Cap-

- padocum itidem Regis, eodem modo quo superior Ariobarzanis inscriptus, ΒΑΣΙΛΕΥΣ ΑΡΙΑΡΑΘΟΥ ΦΙΛΟΡΩΜΑΙΟΥ, hoc est interprete Livio, *Et Ariarathes Rex &c. in amicitiam est acceptus*: alter MANNI cujusdam Regis Arabum, quem cum addita epigraphe, ΒΑΚΙΛΕΥΣ ΜΑΝΝΟΥ ΦΙΛΟΡΩΜΑΙΟΥ, Cl. Seguinus cum selectis aliis haud ita pridem vulgavit. Meminit etiam ejusdem nomenclationis Agathias, *πιστάτοι βασιλεῖ καὶ ΦΙΛΟΡΩΜΑΙΟΙ, fidissimi Imperatori, & PHILOROMÆI*, ubi male Φιλορῳμαῖοι legitur. Ut mittam aut Eumenem Pergamenorum Regem, aut Arabum Præfectum Aramnem, quos pro *Philoromais* habitos auctor est Plutarchus, ita tamen ut de priori aliter sentiret Cato Major, à posteriori autem proditus sit unà cum Romanis Legionibus Crassus. Conjunxit vero utrumque Græcorum & Romanorum Amici titulum Strabo, qui Rhodios scribit Amicos fuisse non Romanorum solum sed Regum Philellenum & Philoromæorum; καὶ Ῥωμαίοις ἐγγύετο Φιλελλησιν. Elegans autem de utraque hac appellatione & geminis id genus aliis apud Themistium locus; κύρον φιλοπέριον καλῶ, ἀλλ' ἔ φιλόανθρωπον, φιλομακέδονα ἢ ἀλέξανδρον, ἀλλ' ἔ φιλελληνά, τὸν δὲ Σεβαστὸν ΦΙΛΟΡΩΜΑΙΟΝ. *Cyrum voco Amicum Persarum, non autem generis humani, Alexandrum vero amicum Macedonum, non autem Græcorum, (PHILELLENA) Augustum autem Amicum Romanorum (PHILOROMÆUM)*. Nihil forte adhuc verius Φιλοπύλεμαι vel Φιλαρχοῖσι dici debuerint, quibus appellationibus Pompeium alicubi Dio prosequitur, quam totidem Φιλοπαρίδες, ut ibi Themistio designantur. Alias ut à tota Romanorum gente florente adhuc Republica,



fic à Cæsaribus etiam sub eorum imperio, petita nonnunquam ab amicis aut obnoxiiis Regibus vel populis similis appellatio. Ita Agrippa Judæos in genere ΦΙΛΟΚΑΙΣΑΡΑΣ vocat apud Philonem, οἱ μὴ λέγοντες <sup>Legat. ad</sup> ὅτι ΦΙΛΟΚΑΙΣΑΡΕΣ εἰσὶν, ἀλλ' ὅπως ὄντως, <sup>Caicum.</sup> dicentes quidem quod sint AMICI CÆSARUM, sed qui revera tales sunt: haud aliter nempe ac ΦΙΛΑΡΣΑΚΟΥΣ vocat Parthos alicubi Strabo. Ut proinde haud mirum <sup>Lib. xv i.</sup> sit, hunc ipsum HERODEM AGRIPPAM, non solum in genere ΦΙΛΟΚΑΙΣΑΡΟΣ, sed proprium quoque ΦΙΛΟΚΛΑΥΔΙΟΥ seu *Amici Claudii* Imperatoris nomen sibi vindicasse; sicut liquet adhuc hodie ex præclaro ejus nummo, quem jam citavit in Eusebianis Scaliger, & novissime è divite sua Gaza protulit elegans Petri Seguini industria. Eundem vero in Gaza Palatina itidem occurrentem hic cælandum etiam duximus.



Capitis nempe inscriptio, ΒΑΣΙΛΕΥΣ ΗΡΩΔΗΣ ΦΙΛΟΚΛΑΥΔΙΟΥ, seu *Rex Herodes Claudii Amicus*; aversæ autem partis, ΚΛΑΥΔΙΟΥ ΚΑΙΣΑΡΙ ΣΕΒΑΣΤΩ ΕΤ. Γ. seu *Claudio Cæsari Augusto Anno Tertio*. Quo facto scilicet Herodes Agrippa studium suum & fidem singularem erga Claudium, quam & illi sublato è vivis Caio luculenter probaverat, voluit publicis ac duraturis monumentis consignari. De hoc enim Herode, cuius mentio in Actis, malumus hunc Nummum interpretari, quam cum viris doctis de fratre ejusdem Chalcid



Anim. in  
Euseb. pag.  
189.

Act. xiii.

Lib. xi.

Antiq. c. 7.

& Bell. Jud.

l. ii. c. 10.

cidis Dynasta, quibus etiam suffragari videtur Scaliger. Obiit enim prior ille Agrippa, HERODES vocatus D. Lucæ, anno Claudii quarto, juxta Chronicum Eusebianum, qui & tertius erat completus, juxta Josephum, Agrippæ restituti in regno Judæorum, cum nova & ampla illius regni accessione, quam à Claudio fuerat consequutus. Signatus autem superior Nummus anno Claudii tertio, ut ejusdem inscriptio arguit. Unde nihil obstat, quin eidem Herodi continuo adscribatur, cui pro insigni quodam suo erga Claudium studio, hoc PHILOCLAUDII cognomen omnium optime videtur convenire. Percussus autem videtur hic Nummus in aliqua urbe Gentili beneficiis hujus Herodis ornata, qualis Berytus, aut in ea quæ sæpe illi sedes, & in qua Deus paullo ante obitum proclamatus, ut Cæsarea. Antequam vero ad alia progrediamur, eadem occasione successoris ejus AGRIPPÆ Junioris Nummum itidem singularem proferemus è Cimeliarchio Christinae Augustæ.



Equidem haud diffiteor, hæsisse me aliquamdiu quo referenda sint illa symbola utraque nummi parte insculpta. Neque enim ulla ibi more consueto vel Regis Agrippæ, vel Cæsaris tum rerum potentis effigies, aut cæteroquin loci, in quo idem percussus, nota, sola addita epigraphe, ΒΑΣΙΛΕΥΣ ΑΓΡΙΠΠ, seu *Regis Agrippæ*. Tandem illud hærenti occurrit, videri omnino

utro-

utroque symbolo duo celeberrima Judæorum Festa designari, Tabernaculorum nempe & Pentecostes. Et *Σκωποσηχίας* quidem satis aperte innuit mea sententia insigne Tabernaculi instar seu Tentorii priori nummi parte expressum: Pentecosten vero apposite Spicarum Manipulus, quem signat nummi pars altera. Neque enim hoc solemne, ut notum ex sacris libris, dictum solummodo Festum *שבועות* *septimanarum* sed etiam קציר *Exod. xxiii. 16. Id. xxxiv. 22.* *Messis* seu *Θερισμῦ*, juxta LXX Interpretes, & quidem *Messis Triticæ*. Unde etiam totum illud septem septimanarum intervallum, quod Græci & Latini Pentecosten dixere, vocarunt Judæi, ut observat illustris Scaliger, ספירת העומר seu *Numerum Manipuli*; ideo nempe quod à secunda Azymorum ad festum ipsum Pentecostes primitiæ frugum Deo offerrentur, ac, ut loquitur Chaldaus paraphrastes, inciperet קציר עמר *Deut. xvi. 9.* *Messis manipulorum*. Immo liceret inde colligere haud minus festum Azymorum eodem symbolo spicarum manipuli in prædicto numismate denotari; & quo nomine non pigebit integrum quendam Josephi locum adscribere, qui multa videtur habere ad hanc rem opportuna. *Τῇ δὲ δέκατῃ τῆς ἑβδόμης ἡμέρας, ἡμέρα ἣ ἐστὶν αὐτῇ καὶ δεκάτῃ τῶν καρπῶν ἕς ἐθέραιον, ὃ γὰρ ἡ ψαῖον πρῶτον αὐτῶν, μεταλαμβάνουσι. καὶ τὸ θεὸν ἡγνίσαντες πρῶτον δίκαιον ἵνα πρῶτον, πρὸς δὲ τὸ ὅτι τῶν τέτων ἐτοχον, πρὸς ἀπαρχὰς αὐτῶν τῆς κερῆς ὑπὸ τῶν πρῶτον τῶν. Φρύξαντες τὸν ΣΤΑΧΥΤΟΝ ΤΟ ΔΡΑΓΜΑ καὶ πρῶτον, καὶ καθαρὰς πρὸς αἰετῶν πρὸς κερῆς ποιήσαντες, τῷ βωμῷ ἀσάρωνα προσάγουσι τῷ θεῷ, καὶ μίαν ἐξ αὐτῶν δεκάτην ὑπὸ τῶν πρῶτον ἀφιδῶσιν εἰς χορὴν τῶν ἱερῶν, καὶ τῶν λοιπῶν δημοσίᾳ ἐξέσι πᾶσι καὶ ἰδίᾳ ΘΕΡΙΖΕΙΝ. *Secunda AZYMORUM dies, quæ est mensis hujus decima sexta, FRUGIBUS DEMES- 3 IS & hæcenus intactis incipiunt frui; aquumque rati Deum**

*hujus ubertatis auctorem per gratitudinem honorari, hordei primitias offerunt in hunc modum. SPICARUM MANIPULUM igni torrent, hordeum deinde pinsunt, atque ita in alicæ modum fracti assaronem ad aram offerunt, inde pugillo uno in eam injecto, reliquum sacerdotum usui cedit, & ex eo licitum fit publicas ac privatas MESSES METERE.* Adeo ut vel duo vel tria etiam nobilissima Judæorum festa, quæ Judæis proinde non solum *חן* seu *Festum κατ' ἐξοχῶν*, sed etiam *גלגל* & *גלגל* seu *Festum majus*, Hellenistis autem *μεγάλαι ἡμέραι*, seu *dies magni*, nuncupata leguntur, designet superior Nummus; sicut alias beneficium Mannæ cœlitus demissæ signant vulgares Hebræorum sicli. Neque mirum proinde in Judæi Regis Nummo à Judæis Hellenistis, ut videtur, percusso, expressam eorum solemniū memoriam, quibus nihil apud illos celebrius; maxime quum per patrias leges non liceret iis vel Regis AGRIPPÆ, vel regnantis tum Cæsaris effigie Nummos id genus percutere. Excepto vero homine, non quadrupedum solum ac reliquorum animantium imagines, ut observo apud juris Hebræorum consultissimum Maimonis filium, *sed ad hæc FIGURAS ARBORUM, HERBARUM, RERUMQUE SIMILIMUM, formare licent etiam figura gibba.* Quamquam & fasciculus ille spicarum juxta usurpata id genus apud Gentiles symbola, aut fertilitatem earum regionum, quibus præerat Agrippa, aut concordiæ vinculum posset adumbrare, qui factionibus inter se dissidentes Judæos haud semel tentavit, ut ex Josepho liquet, ad saniora consilia revocare. Ita eodem symbolo signarunt nummum Apamenses, qualem vidi in ejusdem Reginæ Gaza, cum fasciculo itidem spicarum ac inscr. ΑΠΑΜΕΩΝ. Alios hic mitto hujus Agrippæ nummos, qui hinc Vespasia-

num

De Idol.  
c. III. §. 4.

num aut Titum effingunt, illinc vel Triremem, vel Victori-  
 am cum Corona & Palma, ac annos regni ipsius  
 Agrippæ, ET. κθ. ΒΑ. ΑΓΡΙΠΠΑ, *Anno XXV Regis* In Gaza  
 Agrippæ, aut ET. κς. seu *Anno XXVI.* Annos enim Medicea &  
 LVI regnasse legitur hic junior Agrippa, anno nem- alibi.  
 pe Trajani tertio demum extinctus, ut auctor est Ju-  
 stus Tiberiensis apud Photium. Neque vero præter- Bibl. Cod.  
 eundus hoc loco alius quidam Nummus, quem vidi xxxi i i i.  
 apud illustrem Harlæum, qui hinc Botrum exhibet  
 cum inscr. ΗΡΩΔΟΥ, illinc Galeam quandam singu-  
 larem, cum epigraphæ ΕΘΝΑΡ.... seu *Ethnarcha.* E-  
 quidem haud ita liquidum videri posset, quisnam He-  
 rodes illo Ethnarchæ nomine designetur. Prior enim  
 seu Herodes Magnus, Tetrarcha quidem à M. Anto- Joseph.  
 nio, dein Judææ Rex ab eodem & Augusto renuntia- Antiq. lib.  
 tus apud Josephum legitur, nullibi autem Ethnarcha: xiv. c. 23.  
 quod nomen alias cum Hyrcano, tum Herodis filio  
 Archelao tributum à Romanis constat, qui proinde  
 Ethnarchæ aliquotiens eidem Originum Judaicarum Antiq. Jud.  
 scriptori nuncupantur. Neque etiam Ethnarchæ dicti l. xiv. c. 14.  
 occurrunt alii Herodes ex Magni progenie, quorum & lib. xvii.  
 alter filius Galilæorum Tetrarcha; alter nepos & A- c. 13. 15.  
 grippæ majoris frater, Chalcidis Dynasta & Rex tan-  
 dem leguntur appellati. Quamquam haud dubium eo  
 nomine Magnum Herodem designari, qui hanc appel-  
 lationem medio illo tempore videtur sibi vindicasse,  
 quo Hyrcano Ethnarchæ à Parthis victo & in capti-  
 vitate abducto, solus rerum in Judæa potiebatur, nec Joseph.  
 dum tamen Regis titulo à M. Antonio & Octavio Ro- Antiq. Jud.  
 mæ, quod illi postea contigit, decoratus. Retenta ve- l. xiv. c. 25.  
 ro etiam recentiori ævo sub Constantinopolitanis Im-  
 peratoribus illa Εἰσπράχου dignitas & appellatio, ut ob-  
 servo apud Nicephorum Bryennium de Botoniata.

Lib. I v.  
cap. 16.

Imperatore verba facientem, ἐν πρώτοισι πρὸς τὸν πρῶτον  
ΕΘΝΑΡΧΗΝ ἐκτίμησεν, ὡς ἀληθινὸν τὸν Βρυέννιον, quem  
primi confessus honore decoratum ΕΤΗΝΑΡΧΑΜ mis-  
sit, adsumpto Bryennio. Verum ut ad alterum HER-  
ODEM PHILOCLAUDIUM redeamus, superiori num-  
mo expressum, sciendum rationem hujus postremæ  
appellationis petitam ex more, quo nonnulli dicti jam  
olim ΦΙΛΑΔΕΞΑΝΔΡΟΙ; sicut Apollinem Tyrium

Lib. xvii.

In Pom-  
peio.

vocari jussit ipse Alexander apud Diodorum, πρὸς γὰρ  
λεῖν ὀνομάζειν τὸ θεὸν τῆτον ΦΙΛΑΔΕΞΑΝΔΡΟΝ; aut  
quo adludens Philippus Consul apud Plutarchum, se  
ΦΙΛΑΔΕΞΑΝΔΡΟΝ vocabat, ob suum erga Pom-  
peium studium, qui à similitudine cum Heroë Pellæo  
Alexander quibusdam vocabatur. Quo nomine indig-  
num alias Æschinem pronuntiat alicubi Demosthe-  
nes; ut vice versa ΜΙΣΑΔΕΞΑΝΔΡΟΤ & ΜΙΣΟ-  
ΦΙΛΙΠΠΟΤ nomenclationem à Demosthene desum-  
ptam sugillat aliquoties adversarius, ὁ γὰρ Μισαλέξαν-  
δρῳ & Μισοφίλιππῳ ὑμῖν ἔτι φήτωρ. Noti nempe  
olim cum ipsius Alexandri, tum alias Regum & Cæsa-  
rum ΑΜΙCΙ; quorum postremorum frequens men-  
tio in historia Augusta, & qui vulgo Principum gratia  
florentes, non otii solum, sed negotiorum etiam arbi-  
tri ac dispensatores leguntur: ita ut, quod de Alexan-  
dro Severo-observat Lampridius, res bellicas juxta ac  
civiles per Amicos & ex eorum consilio tractarent.  
Unde etiam liquet, cum Adseffores & Consiliarios  
Principum, ΑΜΙCΟS id genus olim dictos, quod  
jam ad Spartianum notavit ὁ πένυ Salmasius, tum haud  
frustra eos Comitibus Augustorum conjungi in lapi-

Thef. Grut.  
MC. 5.

Lib. ix. cod.  
Th. t. x. l. 4.

dibus antiquis, ΑΜΙCΟ ET COMIT. AUG. N. ac  
præterea in constitutione quadam Constantini, quæ  
exstat adhuc hodie in Codice Theodosiano, In quem-  
cunque

cunque *Judicum, Comitum, AMICORUM & Palatinorum meorum*. Ut nec mirum sit quod legas in dissertationibus Epicteti apud Arrianum, quanti nempe faciendum sit inter amicos Cæsaris reputari, *ΚΑΙΣΑΡΟΣ ΦΙΛΟΝ εἶναι*, de qua appellatione pluribus ibi agit. Neque vero privati solum, sed ut à Claudio Herodes, ita ab aliis Cæsaribus Reges quoque in Amicorum id genus classẽ relati leguntur. Tales Amici Alexandri Severi apud Lampridium, *idcirco quod per REGES AMICOS ambierat admissus*, de quodam ad militiam adspirante, licet vitæ sordidæ ac variorum furtorum reo. Immo & hoc notandum, inter adscriptos olim Regum & Cæsarium id genus Amicos, ordinem quendam servatum, & inductas varias Amicorum Classẽs, ut certẽ licet colligere ex Alexandro Syriæ Rege apud Josephum, ita adfecto adversus Jonatham, Pontificem Judæorum, *ὥςτε αὐτὸν καὶ πρῶτον ἀναγεῖλαι φίλων*, ut etiam ipsum PRIMUM AMICORUM inscriberet. Sic Antiochus apud eundem concedit Jonathæ, *καὶ τῶ πρώτων αὐτὸ καλεῖσθαι φίλων*, & vocari unum ex PRIMIS ejus AMICIS; nempe sicut Cocceius Nerva à Tiberio proximus Amicorum indigitatur. Ordines itaque Amicorum, ut quidam primi, alii secundi, & infra adhuc enumerarentur; quod à Romanis etiam Cæsaribus observatum, liquet rursus ex Lampridio in vita ejusdem Alexandri, qui ex locis modo adductis haud parum illustratur, ut AMICOS non solum PRIMIS ac SECUNDIS loci, sed & inferiores agrotantes viseret. Ut jam illud præteream, quod juxta morem eorum temporum superioribus Nummis illustratum, non *Philoclaudium* quidem, immo nec *Philoromaum* aut *Philellena*, vel *Philojudaum* forte, sed vere *ΦΙΛΑΝΘΡΩΠΟΝ* dixerint humani generis Servatorem sacri illius scribæ: potiori certe jure,

Lib. III.

c. 26. vers.

407.

Lib. Antiq.

xiii. c. 7.

Id. cap. 9.

Tacit. An-

nal. vi. 26.



Orat. xlv.

quam vel Cyrum Græci scriptores, aut Nervam Dio Prusæus: sicut rursus ΦΙΛΟΧΡΙΣΤΟΥ, seu eidem Servatori devotos passim vocant prisca Ecclesiæ Doctores, Ignatius, (seu quisquis auctor Epistolarum, quæ vulgo illi tribuuntur) Chrysostomus, Nazianzenus, quorum iste etiam Constantium alicubi, quamquam,

Orat. lli.

in Julian.

pag. 63.

ut aliunde scimus, Arrianorum patronum, ΦΙΛΟΧΡΙΣΤΟΤΑΤΟΝ appellat, ὡς Θεωτάτη βασιλέων καὶ φιλοχρόστῳ, ὁ Imperatorum diviniissime, Christique amanti-  
me, Julianum autem meliori jure ΜΙΣΟΧΡΙΣΤΟΝ, sicut alibi Valentem, Arrianæ hærescos labe infectum,

Orat. x x.

in fin. Basi-

lii p. 337.

ὁ φιλοχρόστῳ καὶ μισοχρόστῳ. Immo si magni præmii loco, & probatæ demum fidei Regibus ΠΗΛΟΡΟΜΑΙ seu *Amici Romanorum* titulus olim, ut vidimus, concessus, quanto melius merces illius hominis qui fuerit mundus, in eo posita, juxta Magistros Hebræorum, ut vocetur AMICUS DEI; sicuti nempe scriptum in <sup>1</sup> Proverbiorum libro, *Qui amat munditiem cordis, pro gratia labiorum ejus* REX AMICUS EJUS *futurus est.*

Vid. אִמְכָּךְ

הַדָּבָר seu

lib. Pulve-

ris Aro-

mat.

<sup>1</sup> Prov.

x x i i. 11.

De appella-

tione ΒΑ-

ΣΙΛΕΩΣ

ΑΥΤΟ-

ΚΡΑΤΟ-

ΡΟΣ.

Sed minus forte obvia in monumentis veterum ΒΑΣΙΛΕΩΣ ΑΥΤΟΚΡΑΤΟΡΟΣ conjuncta appellatio, ut in Eusebianis agnoscit Scaliger. Utrumque tamen suppeditant citati eidem duo Nummi Barbarorum Regum, ne postremam hanc Romanorum Cæsaribus propriam statuamus. Prior est TRYPHONIS ΔΙΟΔΟΤΙ, qui se in Seleucidarum seriem & regnum vi & fraude cæso pupillo intrusit, & cujus Nummum supra jam indicatum, hic exhibemus è laudato toties Cimeliarchio inclytæ Reginae.





Nota abunde hujus Tryphonis historia cum ex Mac-  
cabæorum libris, tum ex Diodoro, Livio, Strabone,  
Justino, aliisque, quem una cum exercitu undis absor-  
ptum tradentem video ex Posidonio Athenæum, il-  
linc vero Josephum, cum Apamææ, in quam profuge-  
rat, captum ac interfectum. De Cornu & Galea in a-  
versa Nummi parte, quæ huc quadrare poterant, su-  
pra jam à nobis explicata. Ipsa vero inscriptio arguit  
hunc Tryphonem ornatum utroque titulo ΒΑΣΙΛΕΥΣ  
ΑΥΤΟΚΡΑΤΟΡΟΣ. Eandem quoque inscriptionem  
præfert Nummus TIGRANIS apud Goltzium, ΤΙ-  
ΓΡΑΝΟΥΣ ΑΥΤΟΚΡΑΤΟΡΟΣ ΕΠΙΦΑΝΟΥΣ ΒΑ-  
ΣΙΛΕΥΣ. Conjuncta nempe utraque illa appellatio  
ΒΑΣΙΛΕΥΣ ΑΥΤΟΚΡΑΤΟΡΟΣ, ut Tryphonis  
hujus aut Tigranis summum pace juxta ac bello impe-  
rium notaretur. Inde etiam Alexander Amyntæ filius  
apud Diodorum, Ἀλέξανδρος ὁ Ἀμύντης ΣΤΡΑΤΗ-  
ΓΟΣ πῶν, καὶ ΒΑΣΙΛΕΥΣ Μακεδόνων, Alexander  
Amyntæ filius PRÆTOR cum esset & REX MACEDO-  
NUM; ubi eadem ratione conjuncta occurrunt ΣΤΡΑ-  
ΤΗΓΟΣ seu Prætoris aut Belli Ducis, ac ΒΑΣΙΛΕΥΣ  
adtributa. Immo unde Livius non parum illustratur,  
agens de Ætolis & Antiocho Magno; hac vicit senten-  
tia, IMPERATOREMQUE REGEM appellandum  
censuerunt, & triginta Principes, cum quibus si qua vellet,  
consultaret, delegerunt. Vides hic iisdem titulis juxta Ti-

Lib. viii.

Lib. xiii.

Antiq. c. 12.

Lib. xxxv.

cap. 45.

granem aut Tryphonem ornatum quoque Antiochum, ΒΑΣΙΛΕΑ nempe ΑΥΤΟΚΡΑΤΟΡΑ, seu Regem summum Belli Ducem ab Ætolis declaratum. Conjuncta itaque hæc appellatio exemplo eorum vel Regum vel Prætorum, qui ΣΤΡΑΤΗΓΟΙ ΑΥΤΟΚΡΑΤΟΡΕΣ passim vocantur in Græcorum monumentis, nonnunquam & ΑΥΤΟΚΡΑΤΟΡΕΣ ΠΟ-

Lib. III. ΛΕΜΟΤ, sicut Belisarium vocat ipse Justinianus apud  
Goth. c. 11. Procopium; quibus nempe summa totius belli à sociis aut civibus, vel aliunde deferrebat, & qui *summam belli tenere* passim Cæsari dicuntur; hoc est juxta Comicum,

*Sed ubi summus IMPERATOR non adest ad exercitum.*  
Sic Eumenes more consueti non solum Asiæ Στρατηγός.

Lib. XIX. Αὐτοκράτωρ dictus apud Diodorum, sed alibi de eodem, ἡ βασιλείας Αὐτοκράτορ Στρατηγῶ, *Regni summo Imperatori*. Cujus appellationis vim in eo positam fuisse docet alicubi Thucydides, ut Prætores in Siciliam missi & ΑΥΤΟΚΡΑΤΟΡΕΣ etiam declarati, ea facerent quæ ipsi judicarent Atheniensibus maxime conducibilia. Tales vero negat fuisse vel Persarum Duces

Lib. VI. se docet alicubi Thucydides, ut Prætores in Siciliam missi & ΑΥΤΟΚΡΑΤΟΡΕΣ etiam declarati, ea facerent quæ ipsi judicarent Atheniensibus maxime conducibilia. Tales vero negat fuisse vel Persarum Duces

Lib. X V. Diodorus, ἢ ὅλων σὺν ὄντις Αὐτοκράτορες, sed de omnibus ad Regem deferentes; vel ipsos Lacedæmoniorum Reges Dionysius Halicarnassensis, εἰδὲ γὰρ οἱ Λακεδαιμονίων ΒΑΣΙΛΕΙΣ ΑΥΤΟΚΡΑΤΟΡΕΣ ἦσαν ἐπὶ βέλοισι πορεύειν, neque enim Lacedæmoniorum REGES PLE-

Lib. II. nam habebant POTESTATEM ea qua vellent faciendi. Unde desumpta videtur hæc appellatio ΒΑΣΙΛΕΩΣ ΑΥΤΟΚΡΑΤΟΡΟΣ, puta à Tigraue viribus ac potentia adhuc florente, ut merum & absolutum imperium, non precarium autem Regnum argueret, more aliorum Regum vel Spartanorum quondam, vel ἢ ὡς

ὡς Ρωμαίοις, ut vocantur alicubi Josepho: quibus nempe

Bell. Jud.  
lib. VI. c. 12.

aut

aut à Romanis titulus ille concessus vel restitutus, ut postea ipsi quoque Tigrani contigit; aut qui alias comiter majestatem Imperii Romani conservare cogebantur, & *inservientes Reges* Tacito alicubi vocantur. Hist. 11. *Ἀυτοκράτορες* enim & *αὐτοκρατοῖς* Græci vocarunt, ut vel<sup>81.</sup> ex ante dictis liquet, pleno utentes imperio & *ἀντιδύναμις*. Hinc Philo, *ἀντιδύναμις εἶναι δεχλὼ πλὴν αὐτοκράτορα*; quo nempe loquendi genere τὸ *αὐτοκράτορας* δεχλὼς utuntur sæpe Græci scriptores, & qualem Prytanis apud Rhodios fuisse docet Appianus, sicut alias Dionysius *ἡγεμονίας αὐτοκράτορα* Romulo delatam tradit. Hinc Lib. 111. ut *Βασιλεῖς* vel *Στρατηγοὶ*, sic eadem ratione dicti *ΕΠΙΜΕΛΗΤΑΙ ΑΥΤΟΚΡΑΤΟΡΕΣ*, qui in procuratione regni erant summo cum imperio; qualis aut à Macedonibus Antipater, aut postea ab ipso Antipatro Polyperchon constituitur apud Diodorum. Ita etiam Lib. xviii. *ΠΡΕΣΒΕΥΤΑΙ & ΠΡΕΣΒΕΙΣ ΑΥΤΟΚΡΑΤΟΡΕΣ*, Legati missi plena cum potestate, quemadmodum Oratores de Pace ad Philippum destinatos vocat Æschines, *Πρέσβεις Αὐτοκράτορας ὑπὲρ τῆς εἰρήνης*, hoc est, ut Orat. hodie loquuntur, *Legatos pro Pace Plenipotentiariorum*. Eos<sup>contr. Ctesiph.</sup> *αὐτοκράτορας τῆς εἰρήνης & πᾶσι τῆς εἰρήνης* *Plenipotentiariorum Pacis* & *de Pace* vocat Dionysius, & quales à Carthaginiensibus ad Gelonem missos, & ab Atheniensibus ad Persas cum Æschine *Πρέσβεις & Πρεσβυτάς Αὐτοκράτορας* vocat Diodorus. Eiusdem etiam generis<sup>xi 1.</sup> apud Sallustium à Boccho Maurorum Rege Romam ablegati, qui *quocunque modo belli componendi licentiam illis permittit*. Sic rursus *ΘΕΟΙ ΑΥΤΟΚΡΑΤΟΡΕΣ* de supremis Diis, quales Solem & Lunam habitos docet Philo; quæ eximie illustrant nummum Caii Cæsaris supra adlatum cum inscr. *ΓΑΙΟΣ ΚΑΙΣΑΡ ΘΕΟΣ ΑΥΤΟΚΡΑΤΩΡ*. Quod verum & unius quidem ad-

Hist. 11.

81.

Legat. ad Caium.

Bell. Civil. lib. iv.

Lib. 111.

Lib. xviii.

Orat.

contr. Ctesiph.

Lib. 111.

Lib. xi. &amp;

xi 1.

De Monarch. lib. 11.

p. 812.

tributum, qui *θεὸς ὁ Παυλοκράτωρ* vocatur in divino Revelationum libro ac in symbolo Nicæno. Hinc alias apud eosdem veteres JUPPITER IMPERATOR, cu-

In Verrem  
v.  
Lib. v. 1.  
Comment.

jus tria tantum signa in orbe Terrarum exstitisse tradit in Verrinis Tullius; quem nempe *imperium celestium*

*tenere* credebant Galli apud Cæsarem. Unde & inter Severi nummos unus occurrit inscriptus JOVI IMPERATORI. Sicut denique supra dicti duo Reges Barbari REGES IMPERATORES vocati in Græcis eorum Nummis, ita obvii ΑΥΤΟΚΡΑΤΟΡΕΣ ΚΑΙΣΑΡΕΣ vel ΣΕΒΑΣΤΟΙ, seu IMPERATORES CÆSARES vel AUGUSTI cum alibi, tum nullibi frequentius, quam in hac ipsa supellectile nummaria.

Unde jam, ut opinor, satis adsequimur, qua ratione aut quibus exemplis utraque hæc appellatio ΒΑΣΙΛΕΥΣ ΑΥΤΟΚΡΑΤΟΡΟΣ Tryphoni huic aut Tigrani etiam tribuatur in selectis eorum Nummis: quæ duo in iisdem conjuncta, ut singulare aliquid, ac raro

Anim. in  
Euseb. pag.  
146.

alibi à se lectum profitebatur magnus Scaliger. ΤΡΥΦΟΝΙΣ alias nomen in Syria ac vicinis locis familiare videtur exstitisse, unde nummus Augusti Mediceus, in cujus averfa parte Aquila cum inscr. ΤΡΙΠΟΛΕΙΤΩΝ ΤΡΥΦΩΝΟΣ. Hinc & Ptolemæum Philopatora Tryphonem etiam cognominatum supra diximus; quo cæteroquin nomine quendam Philadelpho ob fac-

Lib. x i v.  
Antiq. c. 4.  
Bell. Jud.  
lib. i. c. 7.  
Lib. x i v.

etias acceptum appellatum legimus apud Josephum, alibi vero apud eundem regium Herodis tonforem, eundemque Alexandri Regis filii accusatorem; apud Athenæum autem quendam delitiis perditum, unde nempe illi nomen.

De Nummo  
TIGRANIS  
ac TIARA.

TIGRANEM quod spectat, præclarum quendam & insignem ejus Nummum cum sola inscriptione ΤΙΓΡΑΝΟΥ ΒΑΣΙΛΕΥΣ, haud mihi hactenus alibi,

quam

quam in Cimeliarchio Mediceo inspectum, inde etiam ectypum nacti beneficio omni laudum ac ornamento-  
rum genere cumulatiflimi LEOPOLDI Cardinalis ab  
Etruria, grati & lubentes hic vulgamus.



Exhibet nempe anterior Nummi facies TIGRANIS  
ipsius caput insigni Tiara ornatum, cui stella ac duæ  
insuper volucres, quamvis minus adfabre in hoc ecty-  
po insculptæ visuntur. Aversa autem facies sedentem,  
turritam ac velatam Mulierem præfert, quæ dextra  
Palmæ ramum gestat, pede autem figuram calcat me-  
dio corpore undis immersam cum inscr. ΒΑΣΙΛΕΥΣ  
ΤΙΓΡΑΝΟΥ. Videtur autem mihi omnino eadem  
Mulier, juxta consuetæ in Nummis symbola, Syriam  
aut Mesopotamiam arguere; quas per plures annos  
Tigranem obtinuisse legimus, & quidem in Syriæ re-  
gnum accitum per octodecim annos, auctore Justino, Lib. x l.  
tranquillissime regno potitum, quo temporis lapsu cap. i.  
hunc aut similes Nummos hujus Armenii Regis in co-  
tractu percussos facile licet augurari. Cujus etiam rei  
indubiam fidem facere videtur Palmæ ramus, oppor-  
tunum Syriæ, ut supra vidimus, symbolum. Figura  
autem virilis medio corpore aquis immersa, Euphra-  
tem aut Tigrim forte sub jura Tigranis reductum, so-  
lito Fluviorum in Nummis antiquis typo, repræsen-  
tat. Tiara autem Tigranis cum Diademate, eadem cu-  
jus Dio meminit, τὸ δὲ ΤΙΑΡΑΝ ὡς ΠΑΝΑΔΗΜΑ <sup>2</sup> Lib. xxxv l.  
χε, TIARAM autem cum FASCIA gestabat; & quam  
Fasciam

De fort.  
Alexand.

Fasciam seu Diadema capite avulsum supplicem hunc Regem ad Pompeii pedes tradit abjecisse cum idem Dio, tum alibi etiam Plutarchus, qui cæteroquin in vita Pompeii, à Tigrane ipsam Tiaram seu Cidarim capite detractam docet; ἀφελόμενον τὴν κίτριν, ὥρμησε πρὸ τῶν ποδῶν θέναι, *detractam capiti Cidarim institit ad pedes ejus apponere*. Simile vero Diadema, & idem, ut licet augurari, quod hic ante oculos habemus, à fugiente Tigrane capiti jam olim detractum, ac in victoris Luculli manus delapsum, ab eodem in triumpho prælatum, auctor itidem in ejus vita Plutarchus. Ad Tiaram enim Regum Orientis Diadema vulgo accessisse, liquet præterea ex Xenophonte, Plutarcho, Luciano, aliisque, quod jam vidit illustris Brissonus libro de Regio Persarum Principatu, & præclarus iste Nummus, venerandum utique antiquitatis Cimelium, luculentius ante oculos ponit. Unde Curtio lux non mediocris accedit; C I D A R I M Persæ Regum capitis vocabant in signe. Hoc cerulea F A S C I A albo distincta circuibat. Notum enim promiscue Cidarim & Tiaram dici de hoc Regio capitis insigni; unde quam Dio T I A R A M T I G R A N I S vocat in superiori nummo conspicuam, eandem C I D A R I M dixit Plutarchus loco supra adlegato. Hinc autem liquet incautius loquutum Philo-

Lib. 111.

Lib. 111.  
de vit. Mos.

nem, scriptorem alias quantivis pretii, qui *Reges Orientis Cidari loco Diadematis usos* tradit, κιδάρη γὰρ οἱ τῶν βασιλεῶν ἀντὶ διαδήματι εἰσῆκσι χρῆσθαι. Utrumque enim in signe, ut tradunt antiqui & probatissimi auctores, ac vel superior Nummus luculenter arguit, iis una usurpatum. Neque tamen Brissonio assentior, qui Diadematis nomine Cidarim putat etiam designari; ideo nempe quod è Persico luxu mutuatum Alexandrum Persicum Diadema Diodorus ac Justinus tradant, Arrianus,

rianus autem Cidarim Persicam, quæ nempe idem sonent. Utrumque enim hoc capitis ornamentum à Persis mutuatus est Alexander, ut non opus sit proinde illa inter se confundere. De Cidari aut Tiara præter Arrianum, fidem facit Lucianus, apud quem Philippus pater inter alia Filio objicit, quod Tiaram rectam adsumpsisset, καὶ Τιάρην ὀρθρὴν ἐνέθξ. De Diademate Dial. Mort. vero, præter Diodorum, Justinum, aliosque diserte Curtius iis verbis, quæ de Cidari aut Tiara sumi non possunt; *Itaque purpureum Diadema distinctum albo, quale* Lib. vi. *Darius habuerat, capiti circumdedit.* Idem nempe quod cerulea illa fascia albo distincta, quæ Cidarim circuibat, ut paulo ante cum tradentem audivimus. Coniuncta itaque in regio Persarum aut Armeniorum etiam cultu illa capitis ornamenta, Tiara ac Diadema, non tamen ut eadem sed diversa. Unde postremum etiam solum retentum ab Alexandri successoribus, & eorum exemplo ab aliis Asiæ aut Europæ Regibus. Ex quibus etiam liquet, cur Diadema illud quod *Persicum* vocatur Diodoro, Herodiano *Macedonicum* dicatur ferme sub initium operis, ubi agit obiter de cultu Regis Antigoni, Annæo autem nostro *Pellaum*,

*Cingere Pellaopressos Diademate crines.*

Lib. v.

Alias quot Regna, tot quoque Diademata olim capiti nonnunquam imposita. De Ptolemæo Philometore illud notat utique Josephus, cum duo gestasse Diade- Antiq. Jud. mata, Asiæ nempe aut Ægypti; lib. xxi. cap. 8. cuius duplicis Diadematis usum haud absimilem in Artabano Parthorum Rege tradentem supra innuimus Herodianum; cuius cæteroquin moris vestigium necdum fateor mihi in priscis nummis observatum. Cidarim autem seu Tiaram quod attinet, eandem quoque Regum Orientis more, sacerdotes Gentilium nonnunquam usurpasse,

M m m

vel



De Dea Sy-  
ria.

vel ex Luciano liquet; qui auctor est urbis sacrae in Syria Pontifici ac soli quidem concessum purpuram & auream Tiaram gestare. Scilicet postquam jam viles evaserant sacerdotales illae Coronae, quibus infensos vetustissimos Christianorum scriptores ac inprimis Tertullianum adhuc hodie legimus. Quamquam sequutis temporibus, & Ecclesia novo cultu sub Christianis Principibus ornata, Cidaribus quoque usus ad Ecclesiarum Antistites translatus, ac eadem inter Episcopi Orientis insignia vulgo recepta, ut vel liquet ex sequenti loco Salimorum Episcopi; *Χρῆσις τῆς Ἀρχιερέα, καὶ ἐπίσκοποι καὶ ποιμένων, καὶ ἐπίσκοποι καὶ ΚΙΔΑΡΙΝ*. Idcirco me Pontificem unguis ac podere cingis, capitique Cidarim imponis. Sed hoc obiter. Ejusdem autem Tiaræ superiori nummo cælatae ad spectus satis arguit, quo jure, ut supra innuimus, *πίλημα πυργατὸν*, *Turritus pileus* Straboni dicatur. Aves autem eidem Tiaræ insculptæ, quas minus accurate cælator expressit, Falcones videbantur Cimeliarchæ Mediceo: Id vero jam supra de veterum Galeis, cum ex Herodoto, Diodoro, tum ex frequentibus veterum Nummis observabam, crebro iis insertas vel Avium vel Quadrupedum effigies, quibus eis aut terrorem aut dignitatem conciliarent. Neque etiam Tiaræ eodem ornamenti genere caruere; unde Persicas Tiaras Pavonis alas habuisse docet Græcus Aristophanis Interpres, quod jam viderunt viri docti. Immo nec alienum Falcones ejusmodi Tiaræ insculptos; quum Pallas seu Regias Persarum aut Medorum vestes distinctas id genus Avium figuris diserte tradat Curtius; *Pallam auro distinctam AUREI ACCIPITRES velut rostris inter se corruerent adornabant*. Stella autem in eadem Tiara conspicua, qualis & in superiori Parthorum Tiara occurrebat, quam è nummo Augusti

Greg. Nazianz. Orat.  
v. pag. 136.

Ad Achar-  
nens.

Lib. 111.

gusti expressimus; ut vel inde opportunum Regum Orientis insigne facile adsequamur. Accedit denique, velare eandem Tiaram Tigranis tempora; quod Tiaris nempe solemne, juxta Nasonem,

*Tempora purpureis tentant velare Tiaris.*

Lib. xi.  
Metam.

Aliud vero Tiaræ genus Armenium supplicem gestare videas in sequenti nummo; quod nempe magis adhuc ad *πίλημα* istud *περγων* accedit, sicut Tiaram à Strabone vocari diximus.



Eandem etiam liquet magis in acutum desinere, sicut *κρωβύλης* & *κρωβασίας* describunt nobis veteres; qui & inde eadem promiscue pro Tiaris sumunt, aut vicina iisdem statuunt; quales Xenophon, Hefychius, alii-  
que. Aliæ nempe apud illos Orientales, Persas, Medos, Armenios, quod aliunde etiam constat, Regum Tiaræ, aliæ Procerum seu privatorum. Ita Cidarim Mithridatis *mirifici operis*, seu *θωμιασῆς ἐργασίας* exstitisse liquet ex Plutarcho; qui vel ita cavisse videtur, ne ge-  
nero suo Tigra- In Pom-  
ne dignitate aut cultu inferior videre-  
tur. Persarum vero promiscuum jam olim fuisse Tiaræ gestamen, cum Herodotus diferte observat, tum secu-  
tis ætatibus Heliodorus; qui Persas docet Tiaram de  
capite deponere, ad reddendam gratiam ei qui prior  
salutavit. Adeo ut nec solum discrimen in eo consti-  
tuen-

Lib. v. c.  
186.

In Pom-  
Peio.

Lib. vii.

Lib. vii.

pag. 339.

tuendum videatur, quod recta esset Regum apud Persas Tiara, ut jam viderant eruditi, reliquorum autem obliqua. Immo Tiaras etiam cum circumcunte easdem Diademate, qualis Tigranis in superiori nummo, gestasse Regum Persarum consanguineos sua ætate auctor nobis Xenophon, qui de Cyro agens, ἔχει δὲ καὶ Διάδημα ὡς τῇ Τίαρᾳ, καὶ οἱ συγγενεῖς αὐτοῦ τὸ αὐτὸ τῶν σημείων ἔχον, καὶ νῦν καὶ τὸ αὐτὸ ἔχουσιν. Habebat & circum Tiaram Diadema, idemque insigne cognatis ipsius erat, sicut & hoc tempore illud retinent. Cujus moris vestigium retentum adhuc videtur sequiori ævo in renovato Persarum dominatu. Certe Diadematis usum Persarum satrapis concessum liquet mihi ex Procopio, qui refert duos Persarum Optimates Isdigacæ Legati Chosroïs comites extitisse, οἱ δὲ καὶ Διάδηματα τῶν κεφαλῶν χρυσοῦ ἐφόρουν, qui aurea etiam Diademata in capite gestabant.

Inst. Cyr.  
lib. viii.

Bell. Getth.  
lib. iv. c. 11.

De variis  
Nummi  
Regum &  
Reginarum  
PONTIC  
BOSTO-  
RÆ

Lib. x.

Si vero ex Oriente jam in PONTUM ac vicina loca trajiciamus, neque hic Regum illius tractus inutili aut injucunda pascemur contemplatione. MITHRIDATEM mitto, terrorem illum Asiæ, & Regum, auctore Tullio, post Alexandrum maximum, quem obvii adhuc apud antiquarios Nummi, & expressæ inde à Fulvio & Goltzio icones representant, eundemque cum Eupatoris cognomine ΒΑΣΙΛΕΥΣ ΜΙΘΡΑΔΑΤΟΥ ΕΥΠΑΤΟΡΟΣ. Ita alii rursus ejusdem parentem MITHRIDATEM EUERGETEM signant; ΒΑΣΙΛΕΥΣ ΜΙΘΡΑΔΑΤΟΥ ΕΥΕΡΓΕΤΟΥ; quemadmodum illis cognominibus distinctos eosdem Reges, præter Appianum docet Strabo. Filium vero Eupatoris PHARNACEM rarior quidam Nummus, neque alibi mihi, quam in Cimeliarchio Mæcenatis Etrusci LEOPOLDI inspectus, etiamnum ad posteritatis memoriam prodit. Exhibet vero hinc Regis illius caput, cum

cum inscr. ΦΑΡΝΑΚΟΥΣ ΒΑΣΙΛΕΥΣ; illinc figuram  
stantem, Fulmen, Cornucopiam, Caduceum, Stellam,  
consueta omnia in nummis Regum id genus symbola.  
ASANDRUM autem Bosporo ab eodem Pharnace præ-  
fectum, & à quo idem Pharnaces expulsus & acie cæsus  
traditur, narrant antiqui auctores. Ad quem Asandrum Dio lib.  
refero autem nummum rarissimum viri amplissimæ in xl. i. Ap-  
Urbe dignitatis, sed majoris adhuc elegantiae Camilli pian, in  
Maximi, qui hinc vultum Regis illius signat cum aplu- Mithrid.  
stri à tergo, ab altera autem parte Victoriæ prorse insi-  
stentem, cum inscr. ΑΣΑΝΔΡΟΥ ΒΑΣΙΛΕΥΣ.



Ex quo statim colligas oræ & victoriæ maritimæ com-  
potem, adsumto quin etiam regio nomine, in seriem  
proinde Ponti aut Bosporanorum Regum inferendum.  
Unde eximie illustratur Lucianus, apud quem hæc de  
eodem Rege reperio; ΑΣΑΝΔΡΟΣ ὃς ὑπὸ τοῦ Σεβασ- In Macro-  
τῆ ἀντὶ ἐξουσίᾳ ΒΑΣΙΛΕΥΣ ἀναγορεύθεις Βοσπόρου; biis.  
ASANDER autem ab Augusto pro Ethnarcha Rex Bos-  
pori renunciatur; & quem nonagenarium obiisse corpo-  
re validum & quidem ex inedia, quod rem militarem  
Scribonio creditam videret. Quæ Dioni rursus facem Lib. l. v.  
accendunt, qui Asandro mortuo, Regnum ejus Scri-  
bonium quendam occupasse docet. Ex his autem li-  
quet corrigenda apud Strabonem loca, ubi Asandri hu-  
jus minus noti vicem Lysander aut Cassander hætenus  
perperam occupant. Refert enim præclarus auctor,  
Mithridatem Pergamenum eversum ὑπὸ Λυσάνδρου &  
καὶ Φαρνάκῳ ἀνελόντι, à Lysandro Pharnacis interfecto-

re; *Asander* enim de quo hic sermo, non *Lyfander*, cui nullus ibi locus, auctor illius facinoris, ut jam vidit ὁ πένυ Casaubonus, & Dio ac Appianus tradunt. Eluendum rursus simile mendum alio loco ejusdem auctoris, ubi Bosphoranos Regulos omnia ad Tanaïm dicit obtinuisse, maxime postremos, Φαρνάκης καὶ Κασάνδρος καὶ Πολέμων; *Pharnaces & Cassander & Polemo*; ubi *Cassandri* loco *Asander* iterum substituendus. At vice versa expungendus *Asander* apud Photium, qui pro *Cassandro* aliquoties ibi obtrusus legitur, sub nomine modo Ἀσάνδρος modo Κασάνδρος; cui nempe inter *Alexandri* successores *Cariam* contigisse, eundemque cum *Eumene* pugnasse auctor *Dexippus*. Hæc enim omnia ad *Cassandrum* referenda, ex *Diodoro*, *Justino*, aliisque notius, quam ut probare adgrediar; quamquam alias *Asandri* cujusdam inter *Alexandri* duces aliquoties norim *Arrianum* meminisse. Unum præterea hic nece tralatitium observo, A S A N D R I nomen familiare dein *Bospori* *Regulis*, posteriori etiam ævo existitisse. Alterius certe *Asandri* *Bosporanorum* itidem *Regis* & ejusdem *Filii* historiam narrat *Augustus* scriptor *Constantinus Porphyrogenneta*. Quin & alium ejusdem tractus Regem S A U R O M A T E M eruere mihi liceat ex insigni rursus nummo aureo, quem videre contigit haud ita pridem in illustri Museo humanissimi rei-que antiquariæ peritissimi *Seguini*. Nummus est qui hinc *Severi Augusti* caput exhibet cum stella ac barbaris quibusdam litteris; illinc autem caput barbatus cum diademate ac inscr. ΒΑΣΙΛΕΥΣ ΚΑΥΡΟΜΑΤΟΡ. De hoc *Sauromate* magnum apud auctores in rebus *Severi* silentium. At *Bosporanum* Regem fuisse, aut certe adjacentium locorum, videor mihi haud indubie colligere ex *Plinio* juniore, qui in *Epistolis* ad

Tra-

Lib. x i.

Pag. 424.  
& alibi ult.  
edit.Lib. i. & ii.  
cap. α' & β'.De Admin.  
Imp. cap.  
lii.

Trajanum, Regis ejusdem nominis aliquoties meminit, ac ut narratio ejus satis arguit, Bosporani; **R E X** Lib. x. Ep. **SAUROMATES**, inquit, *scripsit mihi esse quadam, quæ* <sup>xiii.</sup> *deberes quam maturissime scire. Alibi, Legato SAUROMA-* Epist. xv. **TÆ REGIS**, *quum sua sponte Nicea, ubi me invenit, triduo substitisset.* Item quæ mox subdit, & Bosporani aut vicini tractus Regis legatum satis innuunt; *Hæc in notitiam tuam perferenda existimavi, quia proxime scripseram petiisse Lycormam, ut legationem, si qua venisset à BOSPORO, usque in adventum suum retinerem.* Agebat tum nempe in Bithynia Plinius, ad cujus simul & Ponti statum ordinandum Consulari potestate à Trajano erat missus; ut præter ejus Epistolas, fidem facit antiqua inscriptio. Thef. Grut. Hinc illi cum vicino Rege Bosporano, vel Sarmatarum <sup>xxxviii. 5.</sup> seu Sauromatarum si quis malit, commercia, & per eum quæsitus ad Trajanum aditus. Bosporanos autem Reges omnia sua ætate ad Tanaïm usque obtinuisse docet Strabo, ut paullo ante vidimus. Gens Lib. xi. Sauromatarum vero vulgo ad Tanaïm, juxta Melam aliosque sita; quæ Sauromatis etiam nomen videtur Regibus suis frequenter indidisse, nisi ab antiquiori aliquo Rege Sauromate gens ipsa appellationem traxerit. Quidquid sit, inde satis liquere mihi videtur, ejusdem tractus Regem fuisse hunc **SAUROMATEM**, qui in nummo Severi signatur. Et hæc scripseram, quum occurrit mihi opportune, apud Ammianum mentionem fieri cujusdam Sauromacis Iberiæ regno à Sapore pulsi; *Deinde ne quid intemeratum perfidia præter-* Lib. xxvii. *iret, SAUROMACE pulso, quem auctoritas Romana præfecit Hiberia, Aspacura cuidam potestatem ejusdem detulit gentis, & inter quem Sauromacem & Aspacuram docet in sequentibus, divisum postea Iberiæ regnum. Quibus locis Sauromatem loco Sauromacis reponendum omnino existi-*



existimarem, cum ex superioris nummi, tum ex Plinii testimonio, ex quibus utique discimus, familiare fuisse Regum nomen in toto illo tractu, qui à Bosphoro Thracico ad Tanaïm & Caucasum porrigitur. Iberia enim Sauromatis, seu Sarmatis Asiaticis, haud procul dissita. Unde etiam suspicari quispiam posset, forte de aliquo Rege Iberiæ intelligendum hunc SAUROMATEM superiori nummo expressum. At longe antiquiorem his omnibus PONTI Reginam, eandemque gente Persicam & Regis Regum Neptem, juvabit haud minus post tot sæcula quasi redivivam lectorum oculis subjicere. Id vero nobis beneficium præstat singularis & eximiæ raritatis Nummus, quem recondit Cimeliarchium Augustæ Christianæ, & unde sequentem ejus Iconem pro incomparabili ejus beneficentia sumus naëti.



Caput nempe muliebre, in anteriori parte cum singulari tegmine, in averfa vero figura itidem muliebris sedens turrata, vel cum calathò, dextra Victoriolam tenens, cum inscr. ΑΜΑΣΤΡΙΟΣ ΒΑΣΙΛΙΣΣΗΣ. Ea scilicet AMASTRIS, quæ Oxiathræ Darii fratris filia, Dionysii Heracleæ Tyranni primum uxor, post Cratèro ab Alexandro desponsata, tandem Lysimachi conjunx, ut narrat ejus historiam Memnon apud Photium, & cujus insuper Diodorus, Strabo, Arrianus, aliique è veteribus meminere. Et apud Arrianum quidem corruptum vulgo ejus nomen videas; *κεκρίρω* ἡ



ΑΜΑΣΤΡΙΝ (non ut ibi legitur, Ἀμαστρινῶ) ἢ Ὁξυά-  
 τρις ἔξ Δαρείου ἀδελφῆ παῖδα; Cratero *Amastrin*, *Oxyatris* *Da-*  
*rii fratris filiam*. Unde male ὁ πῖνυ Salmasius eandem ali-  
 cubi Darii sororem vocat, sicuti etiam Tristanus in ex-  
 plicatione cujusdam Nummi Amastrianorum; quæ di-  
 scerte ejus Neptis seu è Fratre filia apud prædictos au-  
 ctores commemoratur, quemadmodum etiam apud  
 Græcum Apollinis Rhodii interpretem, sed ubi corru-  
 pte scribitur nomen ejus Δάμαρις pro Ἀμαστρις, ut jam  
 vidit Cl. Holstenius in pauculis illis, sed cruditis ad  
 Apollonium adnotatis; πῇ ἡ Σήσιμον μελιωνομάδη ΑΜΑ-  
 ΣΤΡΙΣ (non Δάμαρις) ὑπὸ Δαρείου ἀδελφῆ θυγατρὸς.  
 Digna autem observatione in superiori nummo for-  
 matio ejusdem nominis Ἀμάστρις, pro qua Ἀμάστρις  
 & Ἀμάστρις vulgo hodie apud auctores legitur. Ste-  
 phanus certe Byzantius hæc habet de varia formatio-  
 ne hujus vocis, ubi & eandem Reginam Darii ex fra-  
 tre filiam perhibet; Ἀμαστρις &c. ὑπὸ γυναικὸς Περσίδος.  
 ΑΜΑΣΤΡΙΔΟΣ θυγατρὸς Ὁξυάτρις ἔξ ἀδελφῆ Δαρείου, ἡ  
 σωμάκησε Διονυσίῳ τῷ Ἡρακλείας τυραννῶ. μοχ; ΑΜΑ-  
 ΣΤΡΙΩΣ διὲ κλίνῃ Στραβῶν ἄλλοι ΑΜΑΣΤΡΙΔΟΣ.  
 Mirum equidem, quod dum varias recenset termina-  
 tiones hujus nominis in generandi casu, antiquam ac  
 indubiam omittat, quam superior Nummus præfert,  
 nisi corruptum hic locum statuamus, & pro ultima  
 voce Ἀμάστρις, legendum Ἀμάστρις. Certe juxta  
 Nummum antiquissimus auctor Herodotus, de alia  
 Amastri Persica, Xerxis nempe conjugæ, ΑΜΗΣΤΡΙΟΣ  
 πατέρα τῆς Ξέρξεως γυναικὸς. Accedit similis formatio Ur-  
 bis σωνωνύμης & ab eadem Regina conditæ Amastris,  
 juxta Marcianum, ὑπὸ Ἀμάστρις εἰς Κράμναν χωρίον σά-  
 δια ργ'; ab *Amastri* in *Cromnam vicum* *stadia* ciii. Un-  
 de etiam Gentile inde formatum ab Ἀμάστρις nem-

Ad Solin.  
pag. 88y.Tom. I.  
Com. pag.  
688.Ad lib. II.  
Argon.  
v. 943.

Lib. VII.

ρα'μασελιανός; sicut à Σάρδεις Σάρδι⊕ Σαρδιανός; Τράλλις  
 Τράλλι⊕ Τραλλιανός; Φάσις Φάσι⊕ Φασιανός, ut ipse  
 Stephanus pluribus docet in voce Ἀγκύρα, ubi ratio-  
 nem & exempla ejusmodi terminationum tradit. Ut  
 liqueat etiam minus accurate ab Eustathio alicubi ob-  
 servatum, flecti hanc vocem Ἀμάσειως, non Ἀμάσει-  
 δ⊕ apud Geographum; Σήσιμ⊕ ἢ κτ' τ Γεώγραφον,  
 ἀκρόπολις Ἀμάσειως καὶ ὅρα τ' Ἀμάσειως, ἔ γάρ κλινῆς Ἀμά-  
 σειδ⊕ quod ut verum de Strabone, sicut ejus Codices  
 hodie præferunt, ita non omittere debuit indubi-  
 tatam & consentaneam adlegatis exemplis flexionem  
 hujus Ἀμάσει⊕. Neque negarem tamen ab Ἀμάσειως  
 fieri etiam potuisse Ἀμάσειδ⊕, & bifariam flecti; sicut  
 à Μέμφις Μέμφιδ⊕ & Μέμφι⊕ apud eundem Step-  
 hanum; à Πάρις Πάριδ⊕ & Πάρι⊕ apud Pindarum; à  
 Καλασίρις Καλασίριδ⊕ & Καλασίρι⊕, ut habent alii  
 Codices apud Heliodorum. Corruptum vero ejusdem  
 Reginae nomen restituendum in antiquo auctore Po-  
 lyæno, & filius illi simul ex Lysimacho natus adseren-  
 dus; Ἀλέξανδρ⊕ Λυσιμάχῃ καὶ Μηκελίδῃς ἡς. Ita nempe  
 penultimam vocem legendam credidit magnus Casau-  
 bonus, pro qua in codice ejus legebatur Μησελιδ' ἡς.  
 At codex ille digitum omnino intendebat in veram le-  
 ctionem hujus vocis, quod novissime etiam erudite  
 animadvertit præclare de Græcis auctoribus meritis  
 nobilis senex Palmerius à Grentemesnil, qui Ἀμάσει-  
 δ⊕ eodem loco legendum monuit, pro quo nos Ἀμή-  
 σει⊕, vel quod idem Ἀμάσει⊕, juxta Herodotum  
 nempe ac indubiam antiqui & insignis Nummi scri-  
 pturam. Ab ea autem Regina condita, ut diximus,  
 urbs σιωνύμ⊕ & celebris per ea loca Amastris Ponti-  
 ca, cujus plurimi etiamnum Nummi supersunt, in-  
 scripti Α Μ Α Σ Τ Ρ Ι Α Ν Ω Ν. Haud aliter nempe ac Ἀρα-  
 μεα,

Ad Iliad. B.

p<sup>2</sup>g. 361.

Lib. vi.

p<sup>2</sup>g. 443.

*mea, Laodicea, Berenice, Arsinoë, Stratonica*, totidem Urbes dictæ à cognominibus per eadem tempora Reginis. Quandoque nempe eadem Urbium & Conditorum nomina, juxta *Amastria*, aliaque exempla modo adlegata; quandoque autem eadem Gentilitia cum Conditoribus, ut *Auson, Arcas, Ion, Cilix, Achaus*, & similia; nonnunquam vero idem Conditoris, Urbis & Gentis nomen, ut *Dardanus*: quæ discrimina docuit me Grammaticus Byzantius in voce *Αἰμωνία*.

Mitto jam Ponto finitimos THRACUM Reges, De variis Nummis Regum THRACIÆ, SICILIÆ, PERGAMI, &c. quorum Nummos prodixerunt jam & explicarunt illustres antiquarii, LYSIMACHUM puta Amastria hujus Conjugem, SEUTHEM præterea, RHOEMETALCEM, COTYM, KHECYPORIM; quos quatuor postremos inter selecta illustrium Numismata Cl. Seguini expressos videas. RHOEMETALCIS quidem nummum jam ante vulgaverat Trifanum; cujus Regis & plures alios vidisse memini, cum in Museo Lomeniano jam Regio, tum in Gaza Medicea; ubi in anteriori parte caput Augusti, in altera tria capita; duo nempe conjuncta, unum Regis Rhœmetalcis cum diademate, alterum Reginae uxoris, (nisi eadem Augusti & Liviae cum Cl. Seguino censeas) tertium vero prioribus minus, quod laureatum J. Cæsaris caput referre videtur, cum inscr. ΒΑΣΙΛΕΩΣ ΡΟΙΜΗΤΑΛΑΚΟΥ. Quæ alias ad Regum istorum historiam spectant, excusserunt jam eruditi antiquarii; quæ autem ad corrupta auctorum loca inde restituenda, in quibus male leguntur expressa, jam in superioribus delibavimus, ubi Nummorum opem ac subsidium, ad scripturæ veteris rationem & vestigia revocanda haud parum conferre docuimus. Unde si ex Europa jam in vicinam Asiam trajiciamus, occurrent continuo PER-

Lib. xii.

Lib. iiii.

Can. Ifag.

GAMENORUM Reges, quorum nobilitatem nosti, quamquam non diuturnum adeo in Asia imperium. Fundamentum vero illiusjecit PHILETÆRUS, Eunuchus & custos Regiæ Gazæ à Lysimacho constitutus; ita tamen ut arrepta vi dominationis, insigni & nomine Regio eundem abstinuisset doceat Strabo Hoc ipsum vero egregie firmant PHILETÆRI ejusdem Nummi mihi non semel inspecti, cum corona laurea vice diadematis, ac nuda inscriptione ΦΙΛΕΤΑΙΡΟΥ qualem etiam è penu Farnesiana in Imaginibus suis adtulit Ursinus. Strabonem tamen arguere videtur alter ejusdem Philetæri Nummus cum inscr. ΦΙΛΕΤΑΙΡΟΥ ΒΑΣΙΛΕΩΣ, à Goltzio in Thesauro descriptus, & qualem se vidisset aliquando testatur illustris Scaliger. Ut vero haud in animum induxi oculatis testibus temere fidem detrahare, sic adferentes egregie Strabonis locum Nummos etiamnum in præclaris Cimeliar- chiis obvios præterire non debui. An vero Nummus ejusdem Mediceus, caput laureato Diademate vin- ctum præferat, sicut videbatur erudito nuper illius Gazæ custodi, nummi ipsius adspectus docere poterit, cujus equidem haud satis nunc recordor, ut quid certi ea de re velim aut possim statuere. Neque tamen diffi- teor existimare me verisimilius, aliud quid potius quam diadema, quo abstinuisset Philetærum dicit Stra- bo, Nummum illum præ se ferre. Eo certe carent, quos alibi hætenus me vidisset memini. Quibus etiam accedere videtur Appianus, qui Philetærum Pergami Dynastam, omisso Regis nomine ac proinde insigni commemorat; περιέρχεται, inquit, δυνασίδος. Neque aliter Lucianus in Macrobiis hunc Philetærum docet primum Pergamenorum imperium fundasse ac reti- nuisset licet Eunuchum; eundemque octogenarium

vita

vita functum, nulla ibi, consueto alias more, Regii tituli facta mentione. Corrupti vero ibidem Luciani codices saltem in Salmuriensi editione, neque alia jam ad manus, ubi  $\phi\iota\lambda\alpha\iota\pi\rho\varsigma$  pro  $\phi\iota\lambda\acute{\epsilon}\tau\alpha\rho\varsigma$  legitur. De vi nempe ac potestate securus, titulos facile & insignia omisit,  $\eta\ \pi\acute{\iota}\nu\tau\alpha\ \beta\alpha\sigma\iota\lambda\acute{\epsilon}\omega\varsigma\ \epsilon\acute{\iota}\chi\epsilon\ \tau\acute{\omega}\nu\ \tau\acute{\omega}\ \pi\alpha\tau\epsilon\rho\eta\sigma\tau\epsilon\acute{\iota}\alpha\varsigma\ ,\ \&\ \sigma\mu\nu\nu\alpha$  *Regis habuit, excepto nomine*, ut de Bagoa Persarum Satrapa Diodorus loquitur; ac de Sosthene Justinus, eum ab exercitu Regem appellatum, compulisse milites jurare non in Regis, sed in Ducis nomen. Immo quod de Philetæro innuit Strabo, id de Attalo etiam inter ejus successores notat Polybius; illi præter nomen Regis & Diadema, nihil ad regnum defuisse. Scilicet vivente adhuc fratre Eumene: eo enim mortuo Regio nomine & insigni ornatus, ut aliunde constat; quem & Philadelphum cognominatum ex Luciano observo, sicut successorem ejus Philometorem dictum aliunde constat. Alias adsumptum quidem nonnunquam Regis nomen, omisso tamen Regio vinculo; ut de AGATHOCLE Syracusanorum Tyranno refert Diodorus, cum admissio Regis titulo diademate tamen abstinuisset. Id vero Nummi adhuc ejus arguunt, inscripti ΑΓΑΘΟΚΛΕΟΥΣ ΒΑΣΙΛΕΩΣ (licet eum auctore Plutarcho non Regem, sed  $\nu\eta\sigma\acute{\iota}\alpha\rho\chi\omicron\nu$  vocaret Demetrius) sed sine illo vinculo, frequentius etiam sine illius effigie. Quamquam etiam ne quid dissimulem, unum aut alterum nummum videas hujus Agathoclis in Sicilia Parutæ, cum illo Regio insigni. Verum crederem facile non omnes id genus Nummos, qui Regum Siciliæ capita præferunt, florentibus iis percussos; sed nonnunquam etiam diu post eorum mortem renovatos quasi ad memoriam superiorum temporum, & quidem in urbe elegantiarum omnium studiosissima. Ut ita

In Macrob.

Pg. 637.

Lib. XVI.

Lib. XXI.

cap. 5.

Exc. Legat.

XLIII. pag.

919.

In Macrob.

Pg. 617.

Lib. XIX.

In Deme-

trio.

certe statuam, me impellunt potissimum varia Hieron-  
nis & Gelonis Numismata, quorum capita Diadema-  
te itidem ornata conspiciuntur; quum tamen eos illo  
abstinuisse aperte doceat Livius, ac in Hieronymo ejus

Lib. XLIV.  
cap. 5.

*usum ut antea insolitum notet; Nam quum per tot annos*  
*HIERONEM filiumque ejus GELONEM nec vestis*  
*habitu, NEC ALIO ULLO INSIGNI differentes à*  
*ceteris civibus vidissent, conspexere purpuram ac DIADE-*  
*MA, ac satellites armatos.* Ita NUMAM videas in de-  
nariis Gentis Calpurniæ vinctum Diademate, quum  
tamen neque illum neque alios Romanorum Reges eo  
ufos satis constet. Quod si non aliunde liqueretur, certe  
fidem faceret Justinus, de ætate quâ vixit Romulus,

Lib. XLIII.  
cap. 3.

*per ea adhuc tempora Reges Hastas pro DIADEMATE ha-*  
*bebant, quas Græci Sceptra dixerunt.* Neque etiam inter ea  
imperii insignia, quæ ab Etruscis Romam leguntur  
delata, ulla Diadematis apud auctores mentio. Adeo  
ut satis mirari non possim supinam eruditi alias, neque  
leviter ab his litteris instructi Jurisconsulti, Andreæ

In Annot.  
ad Alex. ab  
Alex. lib. I.  
cap. 28.

Tiraquelli incuriam; qui ex Dionysio scilicet obser-  
vat, Diademata Regum Persarum & Lydorum fuisse  
quadrata, Etruscorum vero & Romanorum figura se-  
micirculari; quum tamen id diserte non de Diadema-  
te, sed de Toga observet Dionysius, neque eo loco ul-  
la apud eum Diadematis mentio aut vestigium. Ut  
mittam absurdum illud de quadrato scilicet Persarum  
Regum Diademate, quod sinuatum in orbem supra è  
Nummis & Tacito vidimus, ac vinculi illius ratio sa-  
tis superque arguebat. Ad sua itaque tempora & fami-  
liarem Regibus morem respiciebant id genus artifices,  
monetarii, pictores, sculptores (quod vulgo illis so-  
lemne) in exprimendis superioris memoriæ Heroibus  
aut illustribus viris. Unde & vulgo ab iis revincta si-

Lib. III.

mili



mili Diademate Dearum etiam capita, ut præter statuas antiquas, Nummi passim Junonem, Venerem, Dianam, eo ornamenti genere conspicuas nobis ante oculos ponunt. Immo id Poëtis etiam, quibus æqua semper ac pictoribus fingendi potestas, solemne observo, ut quum vel à Juvenali Quirino Diadema tribuitur,

*Ancilla natus Trabeam & Diadema Quirini.*

Satyr. viii.

vel à Seneca Atreo Argivorum Regi, *falso comam Vincolo* In Thyesti.

*decentem*, aut Thyesti ab Atreo apud eundem, *imposita capiti vincla venerando gere*: more tamen per ea tempora apud Græcos ignoto nec nisi post plures ætates ex Oriente à Macedonibus deducto. Justinus, *Post hæc*

Lib. xi. l. cap. 3.

*Alexander habitum Regum Persarum, & DIADEMA IN-*

*SOLITUM antea Regibus Macedonicis, velut in leges eorum, quos vicerat, adsumit.* Unde Diadema prius *Persicum*,

postea *Macedonicum* ac *Pelleum* dictum in superioribus notavimus. Quo respexit etiam Auctor Macca-

Maccab. l. i.

bæorum, qui ut novum quid ac insolitum observat, omnes scilicet Alexandri successores, eorumque filios

Diademata sibi vindicasse. Immo ut de prædictis Agathoclis Nummis id in specie statuam, ex cælatorum

nempe ingenio profectum, quod in uno vel altero occurrit Diadema, suadent præterea cum Diodorus, qui

Lib. xx.

loco Diadematis Coronam eum gestasse, tanquam in perpetuo sacerdotio, observat; tum Ælianus, indicata

Var. Hist.

etiam ejus rei causa, myrtea scilicet corona texisse deformis capitis calvitium: quo nempe consilio nosti Jul.

lib. xi. c. 4.

Cæsarem lauream fronti adaptasse, ut ex Suetonio & Nummis ejusdem obvium. Ratio autem hujus instituti, cur licet adsumptio Regio nomine, id præcipuum

eius insigne Agathocles aliique ex humili & privata fortuna vel Conditores imperiorum facti, vel libere

quon-



quondam patriæ Tyranni, omitterent, ex eo videtur profecta, quod Diadema illud tanquam recenter ab Alexandri successoribus è Regio Persarum dominatu depromptum, tum in omnium oculos incurrens, novitate sua vel fastu majori cum invidia conjunctum videretur. Prius illud aperte satis innuit Diodorus, cum tradit loco supra indicato, Agathoclem Regis titulum adsumsisse exemplo successorum Alexandri, sed sine Diademate quod ipsi usurparunt; & quidem primi Antigonus ac Demetrius, ut id observat ac sugillat simul gravis auctor Plutarchus. Posterioris vero, minuendæ nempe invidiæ, fidem etiam facit Nicolaus Damascenus, qui refert postremum Regem Syriæ Demetrium, Myrinam Samiam meretricem Regii fastigii consortem habuisse, excepto Diademate. De Philippo autem ultimo Macedonum Rege aperte Livius;

*quod populariter dempto CAPITIS INSIGNI purpura atque alio Regio habitu aquaverat, ceteris se in speciem: quo nihil gratius est civitatibus liberis. Ut facile liqueat, cur tam diu ab eo insigni abstinuerint Romanorum Cæsares; aut cur idem oblatum Julio, causam illi exitii acceleraverit. Alias non sponte semper, sed nonnunquam à majore potestate compulsi, gentis alicujus principes regiam illam frontis notam omiserunt; sicut de Hircano observat Josephus, cum in Pontificatu, tum in Principatu gentis à Pompeio restitutum, sed ita, ut usus Diadematis illi prohiberetur, Διάδημα δὲ φορεῖν ἐκάλυπτον. Non solum autem Diademate, sed & nomine Regio unum ferme inter successores Alexandri CASSANDRUM abstinuisset, observat alicubi Plutarchus: ubi commemoratis Antigono, Demetrio, Ptolemæo, Seleuco, Lyfimacho, qui Diademate usi, Regis insuper titulum adsumferant, addit; ΚΑΣΣΑΝ-*

In Demetrio.

In Excerptis p. 506.

Lib. xxvii. cap. 31.

Lib. x. Antiq. cap. 28.

ΑΡΟΣ ᾧ (non Κάσσανδρος) τ' αἰδῶν αὐτῶν ΒΑΣΙΛΕΑ In Demetrio.  
 καὶ γραφόντων καὶ καλάντων, αὐτὸς ὡς περὶ πρὸν εἰώθη, πρὸς  
 ὁπισθοῖς ἔγραψε; At CASSANDER aliis REGEM  
 eum scribentibus & vocantibus, ipse pristino suo more scripsit  
 Epistolas. Quod certe eximie illustant superstites Num-  
 mi ejusdem Cassandri, in quibus caput ejus loco Dia-  
 dematis leonino spolio ornatum, & in averfa parte E-  
 quitis figura, cum solo nomine ΚΑΣΣΑΝΔΡΟΣ vi-  
 situr, citra ullum ΒΑΣΙΛΕΩΣ seu Regis mentionem,  
 sicut vel sequens Icon fidem abunde faciet.



Unde utique liqueret, minus accurate Justinum vel  
 Trogum, Regis titulum eidem Cassandro aliquoties  
 non solum tribuere, quod forte aliorum exemplo, qui  
 juxta Plutarchum eundem illi deferebant, defendi pos-  
 set, sed insuper notare, eum Antigoni, Demetrii ac  
 Ptolemæi exemplo, qui Reges se jusserant appellari,  
 idem quoque factitasse, quibus auditis, CASSAN- Lib. x v.  
 DER & Lyfimachus & ipsi REGIAM sibi majestatem vin- cap. 2.  
 dicarunt. De Lyfimacho liquidum cum ex auctoribus,  
 tum ex Nummis inscriptis passim, ΑΤΣΙΜΑΧΟΣ  
 ΒΑΣΙΛΕΩΣ. De Cassandro negat id aperte Plutar-  
 chus, tale quid eum sibi adrogasse, & superior etiam  
 nummus eidem suffragari videtur. Verum his rursus  
 intercedunt alii Nummi ejusdem Cassandri, cum apud  
 Goltzium, tum in Thesauro Mediceo, qui Regis ei-  
 dem titulum deferunt, ΚΑΣΣΑΝΔΡΟΣ ΒΑΣΙΛΕΩΣ.  
 Quæ diversitas ea de re vel Auctorum vel Numisma-  
 tum ita debet conciliari, ut cum Plutarcho eo Regis

titulo vulgo abstinuiffe in litterarum inscriptionibus Cassandrum statuamus, eundem tamen ei passim ab aliis tributum, quod ille etiam innuit, & ab obnoxiiis civitatibus cum ejus effigie publico ære percussum. Liceat etiam in hanc classẽ adscribere antiquiorem adhuc Carix Dynastam **HIDRIEUM**, quem ante Cassandrum, cui Caria obtigit, & florente adhuc Persarum imperio, Caribus præfuisse tradunt scriptores antiqui, Diodorus, Plutarchus, Arrianus. Eum vero Regio etiam nomine abstinuiffe, quod vulgo illi Græcorum auctorum interpretes male largiuntur, liquet ex antiquo & insigni ejus Nummo, quem è Musco suo novissime protulit decus horum studiorum Seguinus, in quo hinc solis effigies, illinc senex barbatus Bipenni & hasta instructus, cum inscr. **ΙΑΡΙΕΩΣ**.



In Agesi-  
lao.

Quæ firmat iterum Plutarchus, apud quem occurrit alicubi brevis Epistola ab Agesilao scripta **αὐτῷ ΙΑΡΙΕΑ** ἢ **Κάρεα** ad **HIDRIEUM** *Carem*, citra ullam Regis mentionem. Reliqua quæ ad Nummum spectant, è laudato modo Seguino petat lector. Cæterum ut ad **PERGAMENORUM** Reges, quorum occasione instituta hæc notatio, ac in specie ad **ΑΤΤΑΛΟΣ** redeamus, occurrit fateor quidam Nummus, quem hic habes depictum, hinc cum capite galeato, illinc cum Aquila supra Labyrinthum, duobus Pileis utrinque ac duabus stellis, inscr. **ΑΤΤΑΛΟC ΒΙΑΝΟΡΟC**.

In Musco  
Christinz  
Reginz.



At vero nihil ad Reges Attalos adtinere hunc Nummum (ut quibusdam tamen placuisse memini, sola nominis conjectura ductis) facile equidem mihi persuadeo; qui & Regium nomen, quod hic abest, dicuntur gestasse, & alios, quam ejusmodi BIANOREM parentem habuisse, cujus filium Græcorum more innuit se iste Attalus nummo inscriptus. Accedit similis plane Nummus cum eisdem in utraque parte symbolis, quem notavi itidem in Gaza Christinæ Augustæ, unde superiorem iconem expressimus; qui jam non Attalum Bianoris, sed aliud nomen præfert vetustate ferme exesum, ΦΑΙΝΙΠ. ΠΟC. signati nempe illi & similes Nummi mea sententia in Insula Creta, & quidem in Metropoli quondam ejus Cnossò; ut colligo cum ex Labyrintho, qui vulgo in Cnossiorum nummis occurrit, quales plures habet Gaza Medicea, unum etiam cum stella præter Labyrinthum, tum præterea ex Aquila, quæ ut Jovis ΚΡΗΤΑΓΕΝΟΥΣ (sicut vocatur in rarissimo nummo, quem vulgavit Tristanus, & videbam nuper archetypum in Cimeliarchio Collegii Claromontani) ales, frequens in Numismatibus Cretensium; qualem supra in Nummis Hierapytniorum ejusdem Insulæ insculptam etiam vidimus. Gemini autem illi Pilei & Stellæ, juxta nota & familiaria in Nummis antiquis symbola, Dioscuros innuunt. No-

mina vero illa cum ATTALI BIANORIS, tum alterius PHÆNIPPI, aut similis appellationis, totidem significant loci Præsides, sub quibus Nummi id genus apud Cnossios percussi: juxta morem nempe in Græcorum Numismatibus obvium, ac Cretenfis Hierapytnæ exemplo supra etiam adsertum, quorum Nummi cum eodem symbolo, solo Magistratus nomine distincti occurrebant. Præsidium cæteroquin id genus apud

Differt. lib. Cnossios meminit alicubi Arrianus, *περὶ τῆς χειρὸς-  
111. cap. 9. ὑψηλῶν Κνωσίων* (non ut ibi legitur *Κνωσίων*) *ut declare-*

*ris Præses Cnossiorum.* Plures certe BIANORES, cujus filius superior Attalus, apud Græcos olim appellati, iique alicujus dignationis homines; qualis aut ille

Ad Eclog. Conditor Mantuæ juxta Servium, divino vati com-  
1 x. memoratus,

— namque sepulcrum

*Incipit apparere BIANORIS;*

Lib. xxxiii. aut alter è primoribus Acarnanum apud Livium; *Ar-  
cap. 16. chelaus & BIANOR, principes gentis Acarnanum ambo.*


Et in eo versabar, quum opportune incidit, adnotatum mihi alium Nummum in eadem Gaza inclytæ Regiæ cum iisdem symbolis, capitis galeati nempe in anteriori parte, Aquilæ autem in averfa, cum duobus itidem Pileis, & inscript. ΑΠΑΜΕΩΝ ΜΕΝΕΚΛΕΟΥΣ. Unde jam optio datur lectori, superiorem, de quo agimus, Nummum, aut Cnossii ob priores conjecturas easque non contemnendas, aut vero Apamensibus adscribendi.

Conclusio. Mitto jam alia sexcenta, quæ ad illustrationem HI-  
Dissertatio- STORIÆ veteris GRÆCORUM aut BARBARO-  
nus, cum ex- RUM antiqui Nummi nobis insuper ob oculos ponunt.  
plicatione Quot REGUM aut ILLUSTRIMUM Capita in iis ad-  
aliquot huc expressa; quæ partim nominis aut loci adpositio-  
Nummo-

ne nota, aut de quibus aliunde licet conjecturam facere, partim iisdem notis destituta, & ignota proinde etiamnum, in illustribus Cimeliarchiis occurrunt? Cujus postremi generis en tibi ectypum præclari Nummi aurei Gazæ Palatinæ, cum imberbis & diademate re-  
vincti effigie, illinc cum capite turrito.



An forte Cappadocum, an Cypriorum, an Creten-  
sium, an vero Commagenorum Rex, quod initialis il-  
la littera K in averſa parte signaret, ſicut alias A. Ar-  
givos, & Achaïos, E. Epidaurios, & ſimilia designant  
in antiquis Nummis? Quam venuſtus itidem Num-  
mus argenteus ejuſdem Gazæ Palatinæ, qui hinc Mar-  
tis caput galeatum, illinc dimidium Equum, ſolitus  
Carthaginenſium ſymbolum exhibet.



Cui haud diſſimilem inter DIONYSII Siciliæ Ty-  
ranni Nummos relatum à Goltzio & Paruta videas.  
Quot præterea Gentium vel Urbium CONDITO-  
RES aut HEROES ex eadem ſupelleſtile Nummaria  
eruantur ac illuſtrantur? Quam præclarum in eo ge-  
nere Numiſma Mediceum, in quo hinc caput laurea-  
tum cum inſcr. ΤΕΡΜΗCΕΩΝ; illinc figura ſemi-  
nuda

nuda sedens cum parazonio, vel clava, & epigraphe  
 COΛΥΜΟΣ? Antiquus nempe Termessensium He-  
 ros SOLYMUS, à quo & promontorium supra Ter-  
 messum, dictum Solymus, & ipsi Termessenses Soly-  
 mi, ut Strabo jam olim vidit, & quem consulere ea de  
 re poterit eruditus lector. Ad quem Heroëm referri  
 debet proinde illud, quod legebam nuper in veteri  
 epigrammate inedito codicis quondam Palatini, jam  
 Vaticani,

Δῶρον ΤΕΡΜΗΣΣΟΙΟ διδασκαλῆς χάριν ἀγνῆς  
 Εὐστῆις Τερμάπων θῆκε ΘΕΩ τὸ γέγραμ.

*Donum TERMESSI putæ institutionis ergo Pietatis cultor  
 hoc DEO premium dedicavit.* Haud alius nempe ille  
 Termessi Deus, quam hic Solymus Heros ejus loci. Ex  
 superioris Nummi fide præterea, aliorumque ejusdem  
 loci, quales plures vidisse memini, inscriptos itidem  
 omnes ΤΕΡΜΗΣΣΕΩΝ, emendare licet corruptum  
 vulgo TERMESSI Lyciæ, seu juxta alios Cariæ Ur-  
 bis apud varios auctores nomen: quemadmodum a-

Lib. xii. in  
 Atticis.

<sup>a</sup> Exc. leg.

xxxv i.

<sup>b</sup> Lib. i.

off. ἀνασ.

<sup>c</sup> Sac. Serm.

i.

<sup>d</sup> Orat. i. in

Jul. p. 100.

i. de Divi-

nit.

Lib. xxxvii.

cap. 56.

pud hunc ipsum Strabonem, cui indicato loco recte  
 Τερμησός, alibi male Τερμησόν; tum insuper apud Pau-  
 saniam, Τερμιοσῆς; Stephanum Τερμιοσός<sup>a</sup>; Polybium  
 vero Τελμιοσῆ; <sup>b</sup> Arrianum Τελμιοσός & Τελμιοσῆς;  
<sup>c</sup> Aristidem Τελμιοσῆς; <sup>d</sup> Gregorium Theologum, Τελ-  
 μιοσῆων. Ex qua posteriori lectione passim à librariis re-  
 cepta, has voces nempe Τερμησόν & Gentile Τερμησός,  
 in Τελμιοσός & Τελμιοσῆς mutantibus, profectus iti-  
 dem error, qui Ciceronem & Livium adhuc obsidet:  
 Cicero quidem, *Tum Caria tota præcipueque Telmessus,*  
 paullo ante, *Telmessus in Caria est;* Livius autem, *Tel-*  
*missium item nominatim & castra Telmissium, præter agrum*  
*qui Ptolomæi Telmissii fuisse;* Item Rhodiis *Lycia data extra*  
*eundem Telmissium & castra Telmissium.* Vera enim hujus  
 loci



loci scriptura *Termessus*, non vero *Telmessus* aut *Telmis-  
sus*, minus autem *Telmiscus*, ut existimabat doctissimus  
Bochartus. Quid memorem rursus alium Nummum  
raritate & elegantia singularem, quem Thomæ Chif-  
fletio, avitæ & fraternæ laudis æmulo, acceptum feret  
Lector, qui eundem è Cimeliarchio Christinæ Augu-  
stæ depromptum ad me transmisit?



Quam pulcre vero ille Commentarii vicem præstat di-  
vino Vati,

Αἴψ' οἶον τ' Τηλεφίδην καπνῆρατο χαλκῷ  
 ΗΡΩ' ΕΥΡΥΠΥΛΟΝ, πολλοὶ δ' ἀμφ' αὐτὸν ἑταῖροι  
 ΚΗΤΕΙΟΙ κλείνοντο, γυναικῶν ἕνεκα δώρων.  
 Κεῖνον δὲ κάλλιπον ἴδον μὲν Μήμονα διῖον.

Homer.  
 Odyss. Λ.

Sed qualem Telephidem prostravit ferro HEROÆ EURY-  
 PYLUM, multi vero circa illum socii CETEII interfecti  
 sunt muliebria propter dona. Illum vero pulcherrimum vidi  
 post Memnona divinum. Scilicet non idem solum oris  
 decor, eademque HEROIS appellatio in superiori  
 Nummo; sed præterea (quod crudite etiam notave-  
 rat amicissimus Chiffletius, litteris una cum transmis-  
 so Nummi ectypo ad me datis) solutio inde eruenda  
 illius ænigmatis, quæ Strabonem fugit, dum ejusdem  
 Poëtæ versus recitans, addit; Αἰνιγμά τι πθεῖς ἡμῖν μάλ-  
 λον, ἢ λέγων τι σαφές. Οὐπὲ γὰρ οὗτ' ΚΗΤΕΙΟΤΣ ἴσμεν  
 ἔς. π-

Lib. xiii.

ἢ πινὰς δεξαμένης δαί, ἢ τὴ γυναικῶν εἰνεκα δαίρων. ἀλλὰ καὶ οἱ  
Γραμματικοὶ μυθία εἰς τὴν ἑλλάδα ὁρῶντες ὁρεσιλογεῖσιν μᾶλλον ἢ  
λύεισιν τὰ ζήνεια. Quibus quidem verbis enigma potius nobis  
proponit, quam ut diserte aliquid exponat; Nam non constat  
QUOS CETEIUS intelligere debeamus, neque quid sibi  
velint muliebria illa dona. Grammatici etiam dum fabellas  
adducunt, non tam solvunt quæstiones, quam rationes com-  
miscendo indulgent. Grammaticorum id genus de hoc  
loco expositiones videre adhuc hodie licet apud Eusta-  
thium, sed qui inter alia notat opportune, Ceteios  
hujus Eurypyli comites, dici quibusdam Pergamenos,

Pag. 1697. ἄλλοι δὲ Κηλείας Περγαμῶνας ἐνέησαν. Id vero egregie firmat  
simul ac illustrat superior Nummus, qui à Pergamenis  
tamquam Eurypyli quondam sociis vel adseclis, signa-  
tum eundem Heroa repræsentat. Neque vero obscura  
erat ratio hujus appellationis, ex eo nempe profectæ,  
quod fluvius Cetius aut Ceteius præterflueret hanc

Lib. v. cap. 30. Urbem, ut Plinius diserte observat; *longeque clarissimum  
Asia PERGAMUM, quod intermeat Selinus, præfluit  
CETIUS, profusus Pindaso monte.* Hinc ergo Pergame-  
ni, haud minus ac vicini alii accolæ, Ceteii: sicut no-  
tum varia jam olim exstitisse cognomina fluviiis loca,  
& ab iisdem denominata, ac apud Siculos quidem fre-  
quenter, quod Duris apud Stephanum de Urbibus  
docet, & firmat exemplis *Syracusarum, Gela, Himera,  
Selinuntis, Phanicuntis, Eriscis, Acragantis*, & plurium  
id genus. At vero ne quid dissimulem, occurrit etiam  
similis plane Nummus in Gaza Medicea, cum iisdem  
symbolis & nominibus, nisi quod loco ΠΕΡΓΑΜΗ-  
ΝΩΝ, legat in eodem eruditus ejus Cimeliarcha, ΗΣΑ-  
ΛΑΜΙΝΙΩΝ. Ita etiam ejusdem Reginæ nummum,  
cujus Iconem, qualis ab amicissimo Chiffletio trans-  
missa, modo expressimus, legisse antea videbantur eru-  
diti

diti Urbis antiquarii; ex ea nempe, quæ ad eos dimanaverat, Medicei Nummi scriptura. At quum jam Nummi ipsius archetypi inspiciendi accuratius non detur nobis facultas, lubricum videtur ac periculosa plenum alex, his aut illis temere fidem abrogare. Suffragari quidem prima fronte videtur doctis Antiquariis Templum illud Veneris Paphiæ, cum ejusdem nomine ΠΑΦΙΑ, in averfa Nummi parte signatum, cum meta veluti pyramidali in medio; quo habitu Venerem apud Paphios cultam, Tacitus, ut notum, aliique describunt; *Tacit. Hist. lib. 11. c. 2. 3.* *Haud fuerit longum initia religionis, Templi situm, formam Dea, neque enim alibi sic habetur, paucis differere, mox: simulacrum Dea non effigie humana, continuus orbis latiore initio tenuem in ambitum METÆ MODO exsurgens. & ratio in obscuro.* Quæ in superiori Nummo conspicua, eundem proinde à Salaminis Cyprii potius, quam à Pergamenis Ionibus percussum viderentur arguere. At nihilominus plura sunt longe & certiora, quæ mihi suadent omnino, ut juxta expressam in superiori Nummo scripturam, Pergamenis eundem cum Chiffletio ascribam. Primum quidem, quod in Græcis Numismatibus vetustate sæpe exesæ inscriptiones accuratissimos etiam nonnunquam fugiant, minus proinde in his exercitatis, maxime ob vicinos variarum litterarum ductus crebro imponent, atque ita ad alia trahantur, cujus sexcenta exempla obvia in antiquariorum libris, & quorum etiam haud pauca suis locis in hoc opere notamus. Alterum, quod huic Eurypylo Heroï nihil commune legatur cum Cypriis exstitisse. Plures quidem Eurypylos in ea Trojana expeditione legimus apud divinum Vatem, & quidem alterum ex Co Insula *Ilia. 2.* Herculis filium, alterum vero Euæmonis ex Ormenio Thessaliæ oppido, eosque à partibus Græcorum stan-

tes. Quibus alium insuper Eurypylum addere mihi liceat, cujus mentionem apud Apollonium Rhodium reperio,

Lib. IV.

v. 1561.

Εὐρύπυλον Λιβύῃ θηροτρόφῳ ἐγγαῖον,

*Eurypylum Africa ferarum altricis indigenam,*

Lib. XIII.

& quem Neptuni ac Celæ filium, & Cyrenarum in Africa Regem observat ibi Græcus interpres, adducto etiam eam in rem Callimachi testimonio. Iste vero de quo agimus **H**EROS **E**URYPYLUS, Priami è sorore & Telephi filius, ac *Telephides* proinde Poëtæ in priori versu paullo ante adlegato dictus, pro Trojanis dimicans interfectus. Si vero Strabonem consulamus, auctor ille Telephum Eurypyli hujus patrem, regnasse in ea regione, quæ circa Teuthraniam est & Caicum. Paullo ante vero Teuthraniam dixerat sitam inter Ekeam, Pitanen, Atancum, & Pergamum. Hinc itaque Pergameni in parentis Telephi, & postea filii hujus Eurypyli ditione, ac inde, ut jam intelligimus, & Strabonem tamen fugit, illius ad Trojanam expeditionem comites, sub *Ceteiorum* nomine, quod innuit inter alia Eustathius, à Poëta designati. At quod non vidit, saltem non observavit co loco Eustathius, & mire tamen ad hujus rei & Nummi illustrationem facit, id apud Aristidem reperio, qui Telephum antiquissimum Pergami conditorem docet: duas nempe deductas in eam Urbem Colonias, primam & antiquissimam ex Arcadia à Telepho, secundam, sed dignitate præcipuam ab Æsculapio; καὶ γίνεται τοῖς μὲν χρόνοις αὐτῇ δότις τις δότις κία δότις ἐκ τῆς Ἑλλάδος μὲν τινὲς ἐξ Ἀρκადίας τῆς αἶμα **T H Λ Ε Φ Ω**, τῇ δὲ ἀξία καὶ τῇ δυναμὶ πολλὴν περισυμπέτη πασῶν δότις καὶ. Et quamquam temporis ratione secunda hac est Colonia, (de Pergamo loquitur) ἐκ *Græcia* **P O S T I L L A M** deducta, quam ex Arcadia **T E L E P H U S** cum suis deduxit, dignitate

Tom. II.

Orat. de

Concord.

p. 304.

gnitate tamen ac potentia omnium est antiquissima. Haud mirum itaque in hujus originis memoriam, primi Conditoris sui filium EURYPYLUM nempe Telephidem, ut vocat illum Poëta, publico ære à Pergamenis signatum. Tertium nec minus palmarium aut invictum argumentum, ΠΟΛΛΙΩΝΟC seu *Pollionis* nomen eidem Nummo adscriptum suppeditat, nempe ΕΠΙΣΤΡΑΤ. ΠΟΛΛΙΩΝΟC, *sub Præatore Caio Pollione*. Inde vero sicut ex aliis scripturæ indiciis, & Nummi ipsius intuitu ac elegantia, colligo eundem circa Hadriani vel Antoninorum tempora percussum. Ea vero ætate Pollionem quendam Asiæ minori, in qua Pergamus, præfuisse, liquet mihi rursus ex Aristide, qui in sermonibus sacris factum suum quoddam narrat, *ὁ ΠΟΛΛΙΩΝΟC ἀρχὸν τῆς Ἀσίας*; *sub POL-* Sacr. Serm. IV. p. 611.

LIONE *Præsede Asia*. Id etiam pulchre firmat Nummus quidam Sabinæ, Hadriani Conjugis, ab eisdem Pergamenis percussus, cum nomine ejusdem Pollionis, ΕΠΙΣΤΡΑ. ΠΟΛΛΙΩΝΟC ΠΕΡΓΑ. *sub Præ-* In Gava Christinae Reginae.

tore *Pollione Pergamenorum*. Quamquam ille Pollio, cuius Aristides meminit, sub M. Aurelio demum Asiæ Proconsulatum gessisse videatur. Accedit postremo, extra Cyprum viguisse quoque cultum Veneris Paphiæ, & in ejus rei fidem & memoriam, nomen ac simulacrum ejusdem ΠΑΦΙΑC, ac etiam Templum sæpe in aliarum Gentium ac Urbium Nummis expressum. Ejus rei exemplum illustre præbet Nummus in urbe Asiæ itidem minoris, nec ita procul à Pergamo dissita, Sardibus nempe, & quod hic notandum, circiter circa eadem tempora sub Hadriano nempe percussus, cum eodem illo Templo & simulacro Veneris Paphiæ, ac simili inscriptione ΠΑΦΙΗ, nomine autem gentili ΚΑΡΔΙΑΝΩΝ. Exstat ille inter collectos à Sir-

mondo nummos in Collegio Claromontano Parisiensi, quem ibi cum reliquis anno superiore inspectis opportune adnotasse memini. Nihil itaque mirum aut insolitum, si à vicinis etiam Pergamenis publico ære signatum idem Templum, & adposite quidem Paphiæ Dæ simulacrum in eodem Nummo, quo vel Adoni formosior juvenis, & eo nomine insigniter, ut audivimus, à divino Vate commendatus, depingebatur. Mitto jam quæ illustrandæ illi rei in super facerent, similia nempe exempla vel Serapidis Alexandrini, vel Dianæ Ephesinæ, quæ sæpe in aliis nummis occurrunt quam vel Alexandrinis vel Ephesinis, quod de postrema erudite jam à te observatum, in eleganti illa tua de Nummo Apamensi dissertatione. Quibus exemplis à te ex hac penu Nummaria congestis liceat hic insuper addere, ut alios mittam, Nummum Gortyniorum Cretensium cum ejusdem Dianæ Ephesinæ seu *Πολυμάτης* effigie, ac inscr. ΓΟΡΤΥΝ. seu *Gortyniorum*. Atque ita vides invictis, ut opinor, argumentis, quam vere & jure optimo insignis iste Nummus hujus *HEROIS EURYPYLI*, Pergamenis sit adscribendus; nihil autem causæ vel rei subesse, cur ad Salaminios Cyprios, quo induxit cruditos Antiquarios Paphiæ Veneris in eodem mentio ac Templum, sit confugiendum. Et hæc quidem scripseram, quum succurrit opportune, inter quorundam rariorum Nummorum icones, quas olim mihi seposueram, unam esse Pergamenorum cum aliqua Ceteii aut Ceteiorum mentione. Neque fecellit expectatio. Talis enim mihi nummus occurrit sub M. Aurelio à Pergamenis signatus, in cujus aversa parte Æsculapii Pergameni statua cippo innixa, utrinque duo Fluvii recumbentes, cum ramis Apii, ut videtur, aquatilis, infra Coronæ; talis autem inscriptio *ΕΠΙ*

In Museo  
Christinæ  
Reginæ.

СТРА. ΚΑΛΔΙΣΤΕΟΥΣ ΣΕΛΕΙΝΟ. ΚΗΤΕΙΟΥ In Museo  
 ΠΕΡΓΑΜΗΝΩΝ Β. ΝΕΩΚΟΡΩΝ, Sub Pratore Calli- Regiæ  
 ſeo, Selinus, Ceteius, Pergamenis Bis Neocoris. Chriſtiæ.



De Æsculapio cippo innixο ac Pergamenis singulari religione culto res obvia; quem secundæ & nobilissimæ quidem Colonix Pergamum deductæ ducem supra ex Aristide vidimus; unde etiam præcipuus Dei illius cultus in ea Urbe videtur originem habuisse. Duas vero illas figuras recumbentes cum Apii fluviatilil ramis, duos Fluvios nobis repræsentare, non solum consuetus ille eorum in Nummis habitus arguebat, sed evincebant continuo adposita singulis nomina ΣΕΛΕΙΝΟΣ, ΚΗΤΕΙΟΣ; quorum utrumque Fluvium ad Pergamum spectare liquebat ex adlato supra Plinii loco, optimo & clarissimo hujus Nummi interprete, *Pergamum, quod intermeat SELINUS, præfluit CETIUS.* Ut vero peculiare quoddam fatum agnoscas in his Pergamenorum Nummis, eundem etiam viderat & expresserat Tristanus, sed ita, ut veram ejus scripturam non sit adsequutus, & palmarium hic *Ceteii* nomen interverterit. Ita enim tradit ille hujus Nummi epigraphen, ΕΠΙ Β. ΚΑΛΔΙΣΤΕΟΥΣ ΣΕΛΕΙ. ΝΟΤΙΩΝ Tom. I.  
 ΠΕΡΓΑΜΗΝΩΝ ΔΤΣ ΝΕΩΚΟΡΩΝ; ut mittam Com. pag.  
 aliquod in ipsa icone discrimen, cum in Ramis, tum 641.  
 ob omiſſas geminas Coronas. Immo ut dux erroris,



facile socium aut invenit, aut facit, similis etiam occurrit Nummus in Museo Mediceo, quem dum Tristano nimium tribuit diligens alias ac egregie versatus in antiquaria hac suppellectile Cimeliarcha, ad ejus fidem etiam eundem describit. At certa & indubia, quam tradimus præclari illius Nummi scriptura, quem consulere poteris in Cimeliarchio Christinæ Augustæ; unde etiam ejus Iconem sumus nacti, qualem vulgavimus, cum iisdem omnino litteris ac symbolis inde expressam. Ut mittam jam Tristani, præclare alias de his studiis meriti, quæ inde fingit somnia, & quæ scilicet Geographos hæcenus latuerint: duos nempe fluvios tractum Pergamenum irrigasse, utrumque *Selinuntis* nomine, unde *Selinuncii* dicti eorum accolæ: quæ omnia fide hujus Nummi & inscriptionis, quam præferre eidem videbatur, constare existimat. Eum nempe in hunc errorem induxit alius Plinii locus, ubi duos fluvios *Selinuntis* dictos, Ephesi Templum Dianæ docet præterlabi; *Templum Dianæ complexi è diversis regionibus duo Selinuntis*. At alius Ephesi, alius Pergami situs; neque nummus iste Ephesinus, sed Pergamenus; neque in eo Templum Dianæ Ephesinæ, sed statua Æsculapii Pergameni. Ut mittam insuper, quod Tristantum hic fugit, diversam satis utriusque nominis rationem. Fluvius ille, qui Pergamum intermeabat, *Σελαινός* vocabatur, ut docet nummi epigraphe, Plinio *Selinus*. At ille seu unus, seu geminus, qui propter ædem Dianæ Ephesinæ præterfluebat, Græcis dictus *Σελλῶν* seu *Sellenus*, qui flectitur *Sellenuntis*. Id me docuit Xenophon, unde superior etiam Plinii locus lucem & emendationem fœneratur; *ἡ ἐν Ἐφέσῳ τῷ ὅτι τὸν δ' Ἐφεσίας Ἀρτέμιδος νεῶν Σελλῶν ποταμὸς ἀναρρεῖ. Ibidem apud Ephesum propter ædem Dianæ Ephesia Sellenus fluvius*

Lib. v.  
cap. 29.

ωδ. α. v. α. γ.  
lib. v.

*fluvius præterfluit.* Unde liquet apud Plinium legendum *Sellenuntes* pro *Selinuntes*. Cæterum vides quam pulchre cum altero Plinii loco de situ Pergami, & duplici fluviorum imagine in Nummo expressa consentanea sit producta à nobis vera ejusdem Nummi epigraphæ; ac præterea cum iis conveniant, quæ de Ceteis Pergamenis paullo ante sunt à nobis adnotata; unde etiam Homerici ænigmatis, quale Straboni videbatur, certior adhuc & evidentior solutio elucescit. Quid vero præteream ipsos Heroum præcones, aut prima Urbium id genus decora, SAPIENTIÆ nempe ac LITTERARUM studiis inclytos vultus; ac præ reliquis ipsum illum parentem ingeniorum HOMERUM, quem præ viri vetustate vel ad artificum ingenium, quod tradit Plinius, effectum (ut alibi jam inuimus) juvat tamen contemplari. Et certe, quo studio olim in tanto cive adoptando nobiles urbes certasse accepimus, eodem in illo effigendo, cum potiores ex iis, tum alia præclara quoque oppida contendisse, lubenter adhuc intuemur. Mitto Chiorum Nummum, abunde jam à Cl. Allatio in magni contrerranci gratiam illustratum, & de quo nonnulla etiam supra monuimus; qui nempe hinc Sphingem, illinc Homeri caput exhibet, cum inscr. ΟΜΗΡΟC. En tibi vero eundem Melesigenam in duobus rarissimis Nummis expressum, priorem Smyrnæorum, alterum vero Amastrianorum.



Et



Et prioris quidem Eclypum similiter indulgit mihi peritus hujus memoriae cultor, Thomas Chiffletius; quod æreum illud apud Smyrnæos monetæ genus *Homericum* dictum, cujus meminit Strabo, sicut etiam viderat amicus noster, nobis ante oculos ponit; καὶ δὴ καὶ τὸ ΝΟΜΙΣΜΑ τὸ χαλκὲν πρὸς αὐτοῖς ΟΜΗΡΕΙΟΝ λέγεται. *quin etiam NUMMUS quidam æreus apud eos HOMERIUS vocatur.* Scilicet, si Statium audis,

Lib. III. *Smyrna tibi gentile solum, potusque verendo*  
Sylv. *Fonte Meles.*

Non nostrum equidem tantam inter nobiles has urbes Chium & Smyrnam litem componere. Illud ferme liquidum, eas esse, quæ præ cæteris contendentibus, hujus civis natales potiori quodam jure sibi videntur adrogasse. Hinc apud Smyrnæos, non signatus solum ære ejus vultus, sed & erecta Porticus cum Templo ac Simulacro ejusdem: quod præter Strabonem confirmat etiam Tullius; *Smyrnæi vero suum esse confirmant.*

Lib. x i i. *Itaque etiam delubrum ejus in oppido dedicaverunt.* Unde  
pro Archia. iterum huc opportune referas illud Papiniani,

Lib. i v. *Nec lat adoratas & Smyrna & Mantua lauros.*

Epig. 2. Ut jam non mirum sit, Sacerdotes ejusdem Poëtæ  
Orat. xiii. ac Aedituos à Themistio adnotari; πολλὰς μὲν οἰκίας  
ἱεροφάνειας καὶ νεωκόρους. Quæ equidem egregie illustrare videtur insigne illud & quantivis pretii Marmor, ante paucos annos in Urbis vicinia ac ditione Colonnensium Procerum feliciter effossum, & quod, ut præcipuum

puum hodie inclyti eorum Palatii decus, singulari cum gaudio & voluptate aliquoties una spectavimus. Exhibet vero illud nobis, cum Templum ac sedentem Poëtam scepro armatum, & cujus capiti figura muliebris à tergo coronam lauream imponit, & circumstantes Poëtam aliquot figuras, quibus omnibus adscripta hac serie nomina, ΕΤΜΕΛΙΑ, ΚΗΡΟΝΟΣ, ΙΛΙΑΣ, ΟΔΥΣΣΕΙΑ, ΟΜΗΡΟΣ, ΜΥΘΟΣ; tum adpositam ei aram & victimam, plurimasque dein Virtutum, Artium & Musarum figuras, quarum nonnullis in primo ordine positis addita etiam nomina, ΙΣΤΟΡΙΑ, ΤΡΑΓΩΔΙΑ, ΚΩΜΩΔΙΑ, ΦΥΣΙΣ, ΑΡΕΤΗ, ΜΝΗΜΗ, ΠΙΣΤΙΣ, ΣΟΦΙΑ; denique eundem Poëtam quasi consecratum ac in Deorum numerum adscriptum, ac montis Olympi, ut videtur, fastigio impositum, addito, more consueto in præclaris Græcorum statuis & marmoribus, artificis nomine, ΑΡΧΕΛΑΟΣ ΑΠΟΛΛΩΝΙΟΤΕΠΟΙΗΣΕ ΠΡΙΗΝΕΤΣ, *Archelaus Apollonis filius fecit Prienensis*. Sed de præclaro & insigni Marmore forte alibi accuratius: meretur enim publice exstare, & peculiari commentario illustrari, quod à te etiam præstitum iri aliquando significabas, idem vero vel obiter hic in Lectoris gratiam indicasse, haud illi ingratum, certe ab hoc loco haud alienum existimavi. Magnam equidem illius Marmoris vetustatem, cum alia arguere mihi videntur, tum in primis antiquissimæ in eodem scripturæ vestigia, ut in voce ΚΗΡΟΝΟΣ, ubi duas litteras ΚΗ videas litteræ Χ locum occupare, juxta morem apud Veteres illos Græcos receptum, antequam primævis sexdecim litteris, ut norunt eruditi, posteriores illæ adspiratæ adderentur. Sed hæc aliaque eo spectantia melius ad ipsum Marmor excurtuntur. Alter vero Nummus cum ΗΟΜΕΡΙ itidem

dem ac fluvii Meletis effigie in averſa parte, & inſcr. MEΛHC, haud minus Smyrnæis patrocinari videtur, quorum urbem fluvius ille, ut notum, circumfluit. Falluntur enim eruditi antiquarii, qui ob adſcriptum AMACTPIANON ſeu *Amactrianorum* nomen, Smyrnæorum coloniam fuiſſe Ponticam Amaſtrin, ac ideo Nummo illo Meletem inſculptum. Altum certe apud veteres de ea deductione ſilentium. Condita ab Amaſtri Heracleæ, ut paullo ante vidimus, Regina hæc

Lib. xii. urbs *αυαύριον*, & ſi Strabonem audimus, ex quatuor pagis, Seſamo, Cromna, Cytoro & Tio. Manſit illa inde in ditione Heracleenſium, donec ab iis avulſa fuit à vicinis Bithyniæ Regibus, ut liquet ex Memnone apud Photium. Celebre vero nomen progreſſu temporis inter nobiles Ponti urbes naſta, maxime ſub imperio

Cap. xvii. Cæſarum; unde Plinio juniore laudatur, *Amactrianorum civitas & elegans & ornata, habet inter præcipua opera pulcherrimam eandemque longiſſimam plateam*. Hinc eandem ſapientiæ quoque & litterarum ſtudiis floruiſſe, vel ex

Lib. x. Epiſt. 99. Luciano colligas, qui in eam ſe proſectum docet, ut ulciſceretur Alexandri illius impoſtoris, cujus hiſtrioniam deſcribit, impietatem, haud paucos ibi ad eam rem adjuutores naſtus, & maxime Philoſophos è Timocratis ſchola. Ut non immerito eandem Urbem ob Philoſophorum in ea copiam odio proſequeretur hic Pſeudomantis. Unde etiam factum videas, ut in Urbe florente eruditorum copia & litterarum cultu eruditorum ac ſapientum apud Græcos Deus & parens HOMERUS ære quoque ſignaretur. Quia vero vulgo ille MELESI-GENES dictus, quaſi fluvii MELETIS filius, qui Smyrnam, ut notum, circumfluit; hinc MEΛHC quoque in averſa nummi parte expreſſus, nomine etiam ejus addito. Fruſtra vero ſunt, qui inde aliquam Smyrnæorum

vel.

vel Amastrianorum cognationem quærun; aut indu-  
 bium Coloniae deductæ argumentum. Ita alium adhuc  
 notavi nummum, cum in Museo Regio Pariensi, tum  
 in Cimeliarchio Reginae Christinae, qui hinc Home-  
 rum iterum signat, cum inscr. ΟΜΗΡΟΣ; illinc vero caput  
 turritum ac epigraphen ΑΜΑΣΤΡΙC, ut vel inde sin-  
 gulare quoddam hujus urbis in hunc Poëtam studiū  
 clucescat. Id enim pridem receptum apud Græcos, aut  
 à Græcis profectas urbes, ut etiam extra contententes  
 de ejus natalibus, Templis ac simulacris *H'pws ille καὶ Julian. O.  
 Δαίμων, juxta Pythium Apollinem declaratus, colere- rat. 111.*  
 tur. Hinc & à Ptolemæo Philopatore exstructum huic *Ælian. Var.  
 Heroi Templum, ipse vero decore sedens collocatus; Hist. lib.  
 quo habitu superior Smyrnæorum Nummus, ac Mar- XII.1. c. 22.*  
 mor paullo ante indicatum eundem repræsentant.  
 Duos certe adhuc Nummos possidet Gaza Christinae  
 Augustæ, hunc ipsum Melesigenem effingentes; unum  
 sub M. Aurelio percussum cum Poëtæ capite & inscr.  
 ΟΜΗΡΟΣ sine alia loci nota, saltem quæ hodie possit  
 in eodem legi; alterum ab Ægiensibus cūsum Severi  
 temporibus, cum effigie Homerum itidem referente,  
 ut videbatur principi Urbis Antiquariorum, ac Num-  
 mi ejusdem quondam possessori Fr. Gottifredi. Neque  
 aliter PYTHAGORAS occurrit non solum in num-  
 mis Samiorum sub Commodō & Gallieno signatis,  
 cum inscr. ΠΥΘΑΓΟΡΗΣ ΣΑΜΙΩΝ; sed præterea,  
 ut existimabat idem Gottifredus, in nummo quodam  
 Nicænsium, quem inclytæ Reginae, una cum reliqua  
 sua penu Nummaria addixit. Quid jam referam Ur-  
 bium ipsarum prærogativas & privilegia iisdem Num-  
 mis, tanquam totidem Columnis aut æreis Tabulis,  
 ad posteritatis memoriam prodita? *Ius nempe sacri &  
 inviolati soli; suarum legum; Libertatis; Metropoleos aut*

*Primatus; Colonia; Æditua* denique & *Coronigera*; quæ singula tot Nummi Græcarum & Asiaticarum Urbium iisdem largiuntur: ut vel eo nomine fecunda prove-  
 niat haud vulgarium observationum seges, quas alio  
 & peculiari loco trademus? Quid dicam erecta in iis-  
 dem Urbibus Opera; Templâ; indictos solemnes ea-  
 rundem *Ludos* & publicos *Conventus*; *Societates*; *Concor-*  
*diam*; *Fraternitates* denique, quæ in iisdem commemo-  
 rantur? Quid singularum jam Urbium aut Provin-  
 ciarum *Præsides*, *Proconsules*, *Sacerdotes*, *Asiarchas*, *Scri-*  
*bas*, aliosque Magistratus vulgo etiam non obvios; cu-  
 jus generis unum hic exemplum & illustre quidem ju-  
 vabit in medium adferre, elegantem nempe Smyr-  
 næorum Nummum, in nupera collectione Cl. Galliæ  
 antiquarii, ejusdemque viri usque nostrum amicissimi  
 Seguini occurrentem, cum inscript. Σ Μ Υ Ρ Ν Α Ι Ω Ν.  
 Π Ρ Υ Τ Α Ν Ε Ι Σ.



Vides in anteriori parte caput turritum, consuetum  
 Urbium symbolum, in averſa vero figuram muliebrem  
 at velatam ſtantem cum calathò in capite, & Victoriâ  
 in ſiniſtra. Hanc vero Veſtæ ſeu Εΐςας figuram facile cre-  
 derem, quæ in Græcarum urbium Prytaneis colebatur,  
 & cujus ſimulacrum in iisdem erigi ſolebat, juxta Pin-  
 dari Scholiaſtem; Π Ρ Υ Τ Α Ν Ε Ι Α Φαςὶ λαχέειν τὴν Ε-  
 ΣΤΙΑΝ, παρ' ὅσων αἱ τὴ πόλει ΕΣΤΙΑΙ ἐν πῆς Π Ρ Υ Τ Α -  
 ΝΕΙΟΙΣ ἐφιδρωται. PRYTANEA dicunt ſortitam VE-  
 STAM, unde Urbium Veſta in PRYTANEIS ſtatueban-  
 tur. Hinc primus etiam Veſtæ in urbibus illis Græcis  
 aut

16 Od. xi.  
 Nem.



aut Asiaticis cultus; unde Cyrus Sardes victor ingressus, primum Vestæ, dein Jovi, aliisque Diis rem sacram fecisse apud Xenophontem legitur; *ἐπεὶ ὁ εἰσῆλθεν*

Instit. Cyr.  
lib. VII.

*ὁ κύριος πρῶτον μὲν ἑστία ἔθυεν, ἔπειτα Διὶ βασιλεῖ, καὶ*

*ἄλλοις θεοῖς οἱ μάγοι ἐξηγῶντο. Quum ingressus esset, PRIMUM VESTÆ rem sacram fecit, deinde Jovi Regi, & si*

*cui alteri Deo Magi sacrificandum indicarent. Neque vero*

*negotium facessent adscripti nummo Smyræorum ΠΡΥΤΑΝΕΙΣ;*

*quales passim in Græcis Urbibus præter*

*Athenas existisse, ut Rhodi, Mileti, Tenedi, Argis, Thasi, Mytilenis, Ephesi, erudite ad Athenæum*

*notat ὁ πένυ Casaubonus. Apud Rhodios certe summum*

*fuisse eo nomine magistratum, & pleno cum imperio observe*

*ex insigne eam in rem Appiani loco, οἱ μὲν δὴ τὸ Ἀλέξανδρον ἐκ τῶν εἰλοντο σφίσι πρυτάνειαν,*

Bell. Civil.  
lib. IV.

*ἄλλοι ἐστὶν ἀρχὴ παρ' αὐτοῖς μάλιστα αὐτοκράτωρ. illi vero ea*

*de causa Alexandrum elegerunt sibi PRYTANEM, quæ*

*apud eos dignitas omnium maximam habet auctoritatem. Inde*

*vox illa πρυτάνειαν, qua Appianus utitur, ab Ecclesiasticis*

*scriptoribus, & à Gregorio Theologo non semel de Deo omnia moderante dicta, ut in funere*

*fororis Gorgoniæ, & θεῷ πρυτάνειᾳ. Cæterum prædictis modo*

Tom. I.  
Orat. XI.  
pag. 287.

*urbibus addendi jam Smyrnæi, ut arguit hic Nummus; & firmat insuper tum decretum Smyræorum*

*de renovando Fœdere cum Magnesiis, ubi horum Legati dicuntur à Senatu invitandi*

In Marm.  
Arundell.  
pag. 24.

*πρὶ ξενισ-*

*μὸν εἰς τὸ ΠΡΥΤΑΝΕΙΟΝ, ad hospitales epulas in PRYTANEUM: tum ipse Smyrnæus Aristides, qui alicubi*

*(quod ad Smyrnæorum Marmor præterit notare Cl. Seldenus)*

*se inter eosdem Patriæ suæ Prytanes nominatum docet; εἶπαι ὃ δὲ χαίρειαι κατ' ἐκείνον τὸ χρόνον*

Serm. Sacr.  
v. P. 608.

*ΠΡΥΤΑΝΕΙΑΙ περβάλλετό με ἡ βαλὴ δύσιν καὶ τελὸν*

*ὑπερίων. cum haberentur hoc tempore Comitibus PRYTAN-*

NEA, *nominavit me Senatus, duobus vel tribus subscribentibus.* Et hæc ferme præter institutum hoc loco, quæ cum præclaris Nummorum id genus argumentis, ad alias sedes, & Geographicas imprimis locorum observationes ablegamus. Ad alia enim jam hic nobis transfundendum, juxta institutæ hujus commentationis legem. Quamquam, aut me animus fallit, aut quæ vel hac Dissertatione sumus hætenus complexi, ad sanandam eorum cœcitatē abunde sufficient, qui in priscis Græcorum Nummis nullam aut exiguam lucem ad Historiam antiqui ævi illustrandam vident.

